

The Ohio State University



3 2435 07638553 3

THE OHIO STATE UNIVERSITY BOOK DEPOSITORY



D	aisle	SECT	SHLF	SIDE	POS	ITEM	C
8	02	18	17	8	07	002	6

[illegible]

DEMCO 38-297

الحمد لمن شرف نوع الانسان بالعقل وحسن البيان * واعطى لكل
قوم لغة ينظم بها شوارداحوالهم في كل زمان * والصلاة والسلام
على من علا على فصحاء الانام * وعلى آله واصحابه الذين اجر وا
في مشاعب السنتهم مياهاالسن على الدوام * وبعد فهذا شرح لطيف
بتحقيق واثقان * لنظم سبعة الصبيان * لما امرت عيني فيها مرة
بعد اخرى بلافطور * وحق لها ان يقال * فارجع البصر هل ترى
من فطور * لانها عين نضاجة تجري على رياض اللغات * ثبت
فيها انواع السن الفرس والعريسات والتركيات * فلهذا الشارح
الاريب الاديب النجيب * حيث اتى بالاثر العجيب من غلام حضرت
الصدر الاعظم محمد خسرو پاشا * يفعل الله ما يريد وما يشاء * حررته
داعيا المولانا وسيدنا السلطان الاعظم والخاقان المعظم حفظه الله
زجة على العباد والعباد * وحرس وجوده الشريف
ووقاه وازاح بسطوته اهل الكفر والفساد * وازاح
برياح معدته كافة العباد *
بمنه تعالى وكرمه

وانا الفقير الضعيف خادم طلبة
العلوم الحاج عمر
الاقشهرى

المجد لله الذي خلق الانسان علمه البيان * وفضل بعض اللغات على
بعض باختصاصه باهل الجنان * والصلاة والسلام على سيدنا محمد
المختار بصحاح جواهر كلماته * والفائق بجوامع كلمه ولوامع آياته * وعلى
آله واصحابه ترجان القرآن بفصيح لهجتهم دائمة البيان ببلاغة السنتهم
* وبعد فهذا شرح يشرح صدر من تصدى من الخلان لمنظومة
موسومة بسجدة الصبيان رتب في سلكتهم الفرائد الالامعة * فصارت
عقدا جامعا للفوائد النافعة * للوزعي النجيب والالمعي الاديب عمره
الله تعالى في حماية مولاه الوزير الافخم والصدر الاعظم محمد
خسرو پاشا * وفقه الله تعالى فيما يشاء * وهل هذا الا من يمن السلطان
الاعظم والحقان الاكرم * السلطان ابن السلطان السلطان
عبد المجيد خان * عامله الله تعالى بلطفه المديد
واكرم خلص خدامه
واعان

الداغى للدولة العلية العثمانية امام زاده

محمد اسعد المشرف

برتبة صدارة

اناطولى

هدية الاخوان
في شرح سبعة
الصبيان
كرك رسوماتين مستنادر



بِسْمِ اللَّهِ الرَّحْمَنِ الرَّحِيمِ

الحمد لله الذي انزل الفرقان بلسان العربية * والصاوة والسلام
 على من تكلم بافصح اللغات محمد خير البرية * وعلى آله واصحابه
 المهملين بالعلوم الادبية * اما بعد * معلوم اوله كه بو منظومه شريفه
 بر در لطيف وعروس ظريف در كه مفر دات قرآن عظيم وجواهر
 كلمات فرقان كريمي جامع وفوائد جهمي حاوي بر كتاب نافع وتحقيق
 لغت عربيه ده بر ستم ساطع وبرهان قاطع در * بتوفيقه تعالى بوفيق
 حقير محمد نجيب بر تفصيله چند دفعه مذاكره سي ميسر اولغله حسن
 ظن ابدن بعض اخوان و ياران وجوه دلا را سندن رفع بحساب
 ومحسنات بديعه سنك ابضا حنى التماسه شتاب ايتلمز يله اولبا بده
 ظنلريني تحسينا شرحنه آغاز وچندان قواعد اعلال وادغام وحشو
 وعروضنه عارض اولان زحاف وعلاني بيان و ابراز برله جدا ثم جدا
 ثم جدا ذات معالي عنوان وقطب داره جهان وشهنشاه زمان
 السلطان ابن سلطان السلطان عبد المجيد خان خلد الله خلافته وادام
 دولته بالشوكة والاقبال وايده بالنصر الى يوم القيام ولي نعمت عالم ولي
 نعمت زباد شاهمن افتد من حضر تلبينك ايام معدات نشان ومسعدت
 افترا نلرنده و چراغ افروخته ودرم خريده سي اولديغم شيخ الوزراء محمد

خسرو پاشا طول الله عمره ونال مراده وزاد قدره في الدارين حضر تلويك
 صدارت عظمای فیض آسارنده قرین حسن ختام (وهديۃ الاخوان)
 اسمیله بنام اولشدر مطالعه سنه میل و رغبت ایدن اهل بصیرتدن تضرع
 و نیاز اولدر که درو تنده واقع اولان خطا و خلل و عیب و قصوری
 سهو و قلمه نسبت و اصلاحنه همت و بو بنده بی تقداری خیر ایله یاد و تذکار
 بیورملری مسترجای چا کرانه مدر و بالله التوفیق و هو نعم الرفیق * ناظم
 مرحوم حضر تلری عهدہ بلیغانه لرندن فریضه ذمت بسمله بی ادا
 واسقاط ایچون شاهی علیه رجة الهادی تحفه سنی (بیت) * بنام
 خالق وحی و توانا * قدیم وقادر و بینا و دانا * عنوان بیله آغاز ایلدیکی کبی
 و جنت مکان فردوس آشیان غوث الزمان المرعشی علیه الرجة مامر
 العشی نظم الالانی (بیت) * الهی نامک ایتدم تاج نامه * که نامه م شایع
 اوله خاص و عامه * اوسلو بیله افتتاح ایلدیکی کبی * و سلطان الشعرا
 و فحول العیادان اولان استاذ مزعینی افتدی مرحوم نظم الجواهرنی
 (بیت) بنام ناظم دیوان هستی * بعشق منشئ حکمی السی * کلامیله
 ابتدا ایلدیکی کبی و قرآن عظیم الشانه اقتدا و حدیث قجیم العوانه
 اکتفا و اجماع سلفه انما و تألیف خلفه اعتنا ایچون مفتوح منظومه سنده
 عنوان فرقانی و اقنوم سبحانی اولان بسمله معروفه بدل اولور کندو
 عباره سی جنسندن بر ترتیب ایله اداء بسمله ایایوب بیورر ❁ نام خدا
 ذکر ایدلم ابتدا * منزل مقصوده اودرر همنام ❁ نام کام و زنده فارسیدر
 عربیده اسم و ترکیده آد دیرلر (خدا ضم خاء معجه ایله جدا و زنده یا ایله
 و یاسز ایکی معنا یلنده مشتر کدر بریسی ذات باری به اسمدر عربیده
 الله کبی غیره اطلاق اولمز و بو بعضیسنک عندند خدا بنده دن مرکب
 و بعضیسنک عندند خدای دن مرکبدر لکن استاذ من مشارالیه برأسه
 کله اولدیغنه ذاهب اولشدر وصف ترکیبی دکدر عربیده لفظه جلاله
 فاضل سیبویه اعلان و ادغام ایلدیکی کبی و بریسی صاحب ورب مقنانه در
 اگر بر شیئله مقید اوورسه که خدا و خانه خدا کی که صاحب خانه دیمکدر
 (معلوم اوله که هر کله نك آخری الف و و او اولسه انده بونلرد نصکره

بر یا مقرر در نهایت حالت اضافه اشباتی لازم در کر کسه اول کلمه صفت
 مضاف اولسون بوی دلاویز کی کر کسه غیریه مضاف اولسون بوی
 نافه کی و بوقاعده انشالده دخی جاریدر قاحفظ (ذکر ذال معجه نك
 کسری ایله بکرو زنده نصر بایندن مصدر در آ کق و یاد ایلک معناسنه در
 کاه لسانله اولور و بو معنا مقامه انسددر و بر شیئی او نو تمیوب خاطر ده
 طو تمق معناسنه در که قلب ایله اولور حفظ کی (ابتدا اقتدا وزنده
 بدأ یبدأ دن یعنی فتح یا بک افتعالدن مصدر در بر نسنه به
 باشلق آغاز معناسنه در و بر نسنه بی سائر نسنه ل دن مقدم
 ایشلمک معناسنه دخی اولور (منزل مجلس وزنده نزل یترل دن یعنی
 ضرب بایندن اسم مکان در صحرا رده مسافر ایچون اولان قوناق برینه
 دینور و خانه و داره اطلاق اولنور (مقصود مقصور وزنده باب اولدن
 اسم مفعول در که معناسی معلوم در (ره نما فتح راه مهمله و س کون ها
 و ضم نون ایله ره ایله نمادن مر کبدر که وصف ترکیب در ره بول و نما
 نمایندن فعل امر مخاطبدر کوستر معناسنه که امرک مفعولی او زرینه
 تقدیم اولمشدر بحسب التركیب بول کوستر یچی اولور معلوم اوله که
 بر کله نك آخری یا اولسه ماقبلیده حرف علتدن و او یا خود الف اولسه
 یائی اثباتیده جائز و حذفیده جائز در بوی و بوسرای و سرا کی ❦ نام
 خدا اولسه اساس کلام * اکا بناء نوله اولسه تمام ❦ بویتنده دخی
 براعت استهلال وارد در (نام و خدا معلوم) اساس فتح همزه ایله انار
 وزنده بنانک نملنه دینور جمعی اسس کلور ضمتینه و هر شیئک اصلنه
 و معناسنه اطلاق اولنور (کلام سلام وزنده سوزه دینور قول معناسنه
 مفید اولسون غیر مفید اولسون علی قول بنفسه مکنتی اولان سوزه
 دینور که اسنادی متضمن تام و مفید اولان سوزدن عبارتدر و اصطلاح
 نحائده ما تضمن کلتین بالاسناد و لایثانی ذلک الا فی اسمین او اسم و فعل
 تعریفیه معرفدر (تمام تانک حرکات ثلاثه سیله باب ثانیدن مصدر در
 بر نسنه کامل اولق معناسنه در که جمیع اجزاسی کمال بولمقدن عبارتدر
 و مفردات راغبده مرسوم اولدیخی اوزره تمام الشیء اول نسنه نك

بر حده بلوغ و انتهای شدن عبارتند که من بعد خارج نشد انضمامه محتاج
اولیه پس ناقص مقابلیدر که البته خارج انضمامه محتاج در و کمالی حصول
ما فيه الغرض ایله تفسیر ایلدی انتهى وتم و تمام ماده سی باء و علی
حر فایله صله اند قدّه متعدی اولور ❁ نام خدا جان ودی شاد ایدر *
جمله لغات اهلی انی یاد ایدر ❁ بویته دخی برای براءت اسنهلال
وارد (جان نان وزنده روح حیوانیدر که ترکیده دخی جان دینور
و بوروح حیوانی نفس ناطقه نك غیری بر جسم لطیف در که منبجی
تجویف قلب جسمانیدر عروق واسطه سیله سائر اجزاء بدنه ساری
و منتشر اولور و اندن دم القلب ایله ده تعبیر ایدر (دل کسر دال
مهمله ایله ذل وزنده یورک و کوکل معناسند در عربیده قلب دینور
(شاد باد وزنده مسرور و فرحناک معناسند در (جمله مقله وزنده
فی الاصل عربیده اجمال معناسند ایکن بالنقل محض فارسیده و ترکیده
جمع معناسند شایع در بومقامده اولدیخی کی (لغات ضم لام و فتح
و مد غین معجه ایله لغتک جهیدر لغتده لغو ماده سندن در که ناقص
و ایدر اصول اصواتن عبارتند که انلر ایله هر قوم و طائفه یعنی
هر صنف انسانی غرض و مراملندن تعبیر ایدر عربی و فارسی و ترکی
کی و جمعی لغات کلدیکی کی لغون دخی کاور و لغاتی اصوات یعربها
کل قوم عن اغراضهم تعریفیه له تعریف ایلدیله لغت تکلم و تلفظ
معناسندن مأخوذ در (اهل فتح همزه ایله برآمدک عشیرت و اقرباسنه
دینور اولاد و عیال و اخوان و سائر قوم و تبار معناسند لکن بومقامده
اهل الامر کی صاحب معناسند در که لغات صاحبی دیمکدر یعنی
هر براسانده حق جل و علی حضرت تلی نك بحسب البشرية الوهیتی
و وحدانیتی و رد زبان ایدر (یاد باد وزنده معلومدر که برنسنه بی اکفی
و خاطر ده طوتمق معناسند در عربیده ذکر کی وقتا که ناظم مرحوم
حضرت تلی اداء بسمله دن فارغ اولدیه و اجبه ذمت جدله بی عهده
بایغانه لردن ادا اسقاط ایچون انواع تعظیم و تکریم برله یورر ❁ حد
و شامت و شکر و سپاس * لایق آن خالق و جن و اناس ❁ حد فتح حاء

مهمله ايله و ميک سکونيله علم بيلم بايندن مصدر در لغته هواوصف
بالجمل تعظيما على الجميل الاختياري مطلقا اصطلاحده هو فعل يشعر
بتعظيم المنعم قصدا لانعامه مطلقا شو تعريفيله معرف اولان شيدر
(ثنا و زننده لغته بر شئي مدح ايتکه ديرلر اصطلاحده فعل يشعر
بالتعظيم شو تعريفيله معرف اولان شيدر) منت تا ايله و تاسر مصدر در
من بمن دن يعنى نصر بابتك مضاعفتدن تو بخله تنبيهده مستعملدر
من تو بخي اولدر که بر کيسه يه بر نسته اعطا ايله سن صکره اذا و جفا
ايچون باشنه ققه سين پس بومنت عقلا و شرعا مذمومدر تکيم قرآنده
بومنت نهينده آيت کریمه وارد اولمشدر قوله تعالى * لا تبطلوا
صدقاتکم بالمن والاذی * و من تنبيهی اولدر که سودیککه بعض نسته
انعام ايله سن صکره تحنن طريقيله يعنى محبت و مودت جهتدن
ايلديکک عطايایي تعداد ايله سن اکامچتک اولديغنه متنبه اولغیچون
و بومنت عقلا و شرعا مقبولدر نته کیم آيت کریمه بو که دلالت ايدر
قوله تعالى * بل الله بمن علیکم * پس ذات باری به ایکی طریقيله بله
منت اثبات ايلک اعتراف و اقرار طریقيله در يعنى بونجه نعم جليله که
بزه اعطا ايلمشدر و هر دم و هر ساعت اعطا ايدر اگر بزه منت ايلسه
لابق و سزاوار ديمکدر اخبار طریقيله دکلدر يعنى بواثبات اعتراف
طریقيله در اخبار طریقيله دکلدر بزه منت ايلدی و بايلر ديمک دکلدر
پس بواعتراف محض شکر و ثنادر فاضل سودی کستان شرحنده
شرح و بیان ايلمشدر (شکر ضم شين معجه ايله لغته فعل يني
عن تعظيم المنعم قصدا لانعامه على الشاكر اصطلاحده صرف العبد
جميع ما انعم عليه الى ما خلق له تعريفيله معرفدر) سپاس قياس و زننده
فارسیدر حمد و شکر و ثنا معناسنده در و منت و قبول معناسنده کلور
واطف و احسان و شفقت و مرحمت معناسنده اولور (لابق خالق
وزننده لاق يليق دن يعنى ضرب يضرب بايندن اجوف یايندن
اسم فاعلدر مناسب و پراشقاو معناسنده در) خاق لابق و زننده خلق
يخلق دن يعنى نصر بايندن اسم فاعلدر اورنکسز و مثالسز اشيایي

یکیدن ابداع و ایجاد ابدیچی آفریننده جهان جل شانه حضرت تباریک
اسما سندن بر اسم شریف قدر هو الله الخالق نظمی ای المبدع لاشی الخترع علی
غیر مثال ایله مفسر در (جن کسر جیم و نشیدنون ایله ملائکه یه و جنه
اطلاق اولنور قاموس مؤلفی رحمه الله بصائرده بیاننه کوره جن حقنده
ایکی مقاله وارد در بریسی بودر که جن مطلقا حواسک مجموعندن مستر اولان
روحانیونه اطلاق اولنور که انس مقابلیدر بوضورتده ملائکه و شیاطین
داخل اولور پس ملائکه ایله جن بیتمده عموم و خصوص مطلق وارهر
ملائکه چند روهر جن ملائکه دکلدر ثانی روحانیونک بعضنه اطلاق اولنور
زیرا روحانیون اوج قسمدر اختیاردر که ملائکه در و اشرا در در که شیاطین
در و اوسطدر که اختیار و اشرا ری مشتمل جن طائفه سیدر (اناس ضم
همزه ایله بصائرک بیاننه کوره انسانک جمیدر که آدم اوغلاننه دینور
اولیکه بنی آدمه و بردی لسان * تالیده لر شکر فی ورد زبان * بنی اصلی
بنوندر که انک جمیدر (لسان کسر لام ایله دله دینور مقول معناسنه
فارسیده زبان دیرلر که مصرع ثابیده واقع اولمشدر مذکر و مؤنث
اولور تأنیثی جارحه یا خود آلت قول اولدیخی تصویر یله در جمعی السنه
کلور (ورد کسر واو و سکون راه مهمله ایله قرآن کریمدن بر جزئه
اطلاق اولنور یعنی بهر کون قراءت ایچون وظیفه اتخاذاولنان بر مقدار
دینور بعده جمیع قراءت اولنان شبیه اطلاق اولندی جمعی اوراد کلور
افعال و زننده * علمه حکمت و یروب ایتدی کرم * علم عالم بهلم بالقلم *
(حکمت کسر حاء مهمله ایله عدل و علم و حلم و نبوت و قرآن و انجیل
اطلاق اولنور بصائرک بیاننه کوره منع عن الفساد و منع لقصد الاصلاح
معناسندن مأخوذ در علما تعریف متعددده ایله تعریف ایلدی لر اکثری
صفات الهیه دن اولان حکمتی معرفه الاشیاء و ایجادها علی غایه الاحکام
و الاتقان عنوانیله و حکمت انسانییه بی معرفه الموجودات و فعل الخیرات
عبارتیه تعریف ایلدی لر (کرم فتح تینله نفاست و عزت و شرفی معناسنه در
اوم و حساست مقابلیدر بصائرک بیاننه کوره حضرت باری عز شانه
صفتلند قدح احسان و انعام و لطفی مراد اولور و انسان و صفاتنه اندن

ظاهر اولان اخلاق حیده و افعال پسندیده مراد اولور (علم علم
 يعلم باینک تفهیلندن فعل ماضی مفرد مذکر غائبدر بیلدردی معناسنه در
) ماتاوزنده موصول ایچوندر و اعرابی سکون اوزره مبنی محلا منصوب
 مفعول به صریحیدر علم نك (لم يعلم لم جواز مدن داخل اولدیغی فعل
 مضارعك معناسنی ماضی به قلب ونفی ایدر) (يعلم فعل مضارع مفرد
 مذکر غائبدر بیلدی معناسنه لم داخل اولغله بیلدی معناسنه اولوز که
 بحد مطلقدر) (بالقلم باحرفدن جاره دن متعلق علم فعلنه استعانت
 ایچوندر قلم معلومدر که یازو یازدیغیز شیدر فارسیده كلك وخامه دیرلر
 * اقرأ وربك الاكرم الذي علم بالقلم علم الانسان ما لم يعلم * آیت کریمه سنه
 تلمیح و اشارت واردر فله دره ✽ نعمتك سفره سی بر بسیط * حکمتك
 قطره سی بحر محیط ✽ نعمت حکمت وزنده معناسی معلوم جغی نعم
 کلور وانعم کلور افلاس وزنده هو ما قصد به الاحسان والنفع تعریفیه
 معرف اولان شیدر) (سفره ضم سین مهمله وسکون فالیه مسافرك استصحاب
 ایلدیکی بول طهائنه دینور سفره الجلد بوندن مأخوذدر یعنی طعام
 صار دقلری معهود دکر می دری به سفره اطلاق حالت و محلیت
 علاقه سیله بوندن مأخوذدر مسافرك طعام صاروب کوتور دگری
 وطعامك التمه یایدقلری مشیندن اولغله کیدرك انده استعمال اولنوب
 بعده علی الاطلاق استعمال اولندی لسانمزده صادایله صفره تعبیر اولنور
) (برقح با وتشدید را ایله صحرا معناسنده در که بحر مقابلیدر لسانمزده
 قره دیرلر) (بسیط حصیر وزنده ارض واسعه به دینور و لساننده
 طلاق و انبساط اولان کشی به دینور که آب روان کی تکلمی انسجام
 اوزره اولور) (حکمت آنفا شرح اولندی) (قطره معلوم) (بحر محیط
 بحر عظیمك اسمیدر ✽ قولار بنه رحمتی چوق پادشاه * جنتی
 کو سترمك ایچون شاهراه ✽ پادشاهدن مراد باری تعالی درواکا
 پادشاه دیمك بحسب العرفدر زیرا عرفده سلطان معناسنه در
 حق تعالی ایسه سلطان السلاطین در که غالب وقاهر مطلقدر
 وبو پادایله شاهدن مر کبدر پاد حافظ و مراعی و دوام و ثبات و مال

و مثال و تخت معناسند در و شاه اصل و صاحب و خداوند و د ا م ا د
 معنای نه در و صورت و سیرته و ظاهر و باطنده امثال و اقراندن
 فائق و ممتاز معناسند در بومعناله کوره پادشاه لفظنده درت کونا
 اعتبار جاری اولور بری حافظ و راعی عظیم دیمک اولور و سلاطینه
 بومعنایی اسناد صحیحدر زیرا انلر عباد اللهک حفظ و حیایت
 و رعایتلرینه مأورلردر ثانی د ا م ا د معناسنک دخی حلی مناسبدر زیرا
 ملک عروس و پادشاه د ا م ا د منزله در ثالث اصل و صاحب
 و ثابت و خداوند معنای نیک ملائمتی ظاهر در رابع تخت و سریر معناسی
 جمله دن اقر بدر (جنت معلوم) شاهراه معنای ترکیبیسی یولک
 پادشاهی بمعنی آستانه علیه ده سلطان بازیده واقع دیوان یولی کبی ابشاک
 و جاده یوله دینور زیرا شاه ایله راهدن مر کبدر شاه معلوم راه یول
 عربیده مر صاد دیرلر ❖ عالمه کوندردی رسول امین ❖ هم اکا ایندردی
 کتاب مبین ❖ بوبینده ❖ تیسارک الذی نزل الفرقان علی عبده لیكون
 للعالمین نذیرا ❖ آیت کریمه سنه تلمیح و اشارت اولدیغی روشندر (رسول
 فاعول و زننده لغته الحی یت دینور اصطلاحده انسان بعثه الله الی
 الخلق لتبلغ ما وحا الیه مع الکتاب تعریفیله معرف اولان ذات شریفه
 دیرلر) امین کریم و زننده قلبنده خوف و اندیشه اولیوب آسوده دل
 اولان آدمه و غدر و خیانت نقیصه سندن مأمون اولان موثوق
 و معتمد و قوی و زورمند اولان آدمه دینور و امین اسماء صفات الهیه دن
 بر اسم شریفدر (کتاب خطاب و زننده بوندن قرآن عظیم الشان
 مر ادر سائر کتب مر اددکلدر) مبین معین و زننده بیانک افعالندن اسم
 فاعلدر ظاهر و واضح و آشکار معناسند در ❖ خلق بری قیلدی ضلالتدن
 اول ❖ حق عیان ایلدی کوستردی یول ❖ خلق فتح خاء معجه و سکون
 لامله مخلوق معناسند در فعل بمعنی مفعولدر (ضلالت جلالت و زننده
 یول از غولغنه و بواسر لغه و کرا هلقه دینور و تعریفانده هی فقدان
 ما یوصل الی المطلوب و قیل هی سلوک طریق لایوصل الی المطلوب
 تعریفلرله معرف اولان شیدر و باب ثانیدن مصدر اولور لکن اسم طریقله

استعمال اولمشدر (حق دق وزنده شول شیئه دیرلر که باطلاک مقابلیدر
 ولغنده الثابت الذی لا یسوغ انکاره واصطلاحده هو الحکم المطابق للواقع
 تعریفیه معرف اولان شیدر (عیان معلومدر که ظاهر و آشکار معناسنه
 موضوع بر اسمدر ❖ راه هدایتده سراج منیر ❖ یوم قیامتده شفیع
 ونصیر ❖ راه معلوم (هدایت درایت وزنده اهل سنت عندنده
 مطلوبه ایصال ایلم شانندن اولان طریقه دلالت وارشاد ایلم
 معناسنده در که محمولنده مذکوردر (سراج کسر سین مهمله ایله
 معروفدر که فتیلی ینار چراغه دینور قنبدیل واکاشیه موم وچراکی
 جمعی سرج کلور ضمتیلله (منیر مبین وزنده نورک افعالندن اسم فاعلدر
 نورلندر یحیی وروشن ایدیجی معناسنده در (یوم معلوم (قیامت هدایت
 وزنده یوم معروفک اسمیدر و بو فی الاصل قیام ماده سندن مأخوذ در
 (شفیع سریع وزنده وصفدر صاحب شفاعت اولان ذات بزرگواره
 دینور و بواسمائه نبویه دندر (نصیر بصیر وزنده وصفدر ناصر ومعینه
 دینور ❖ امتی حقنده دعاسی مقبول ❖ احمد و محمود محمد رسول ❖
 (امت حرمت وزنده کنبدیلره پیغمبر کوندر یلان جماعته دینور کرک
 ایمان ایلسونلر انلره امت اجابت اطلاق اولنور کرک ایمان ایلسونلر
 انلره امت دعوت اطلاق اولنور و هر قبیله دن بر طائفه و جماعته
 دینور و امت لفظی صورتا مفرد و معناده جمعدر قوم لفظی کی (احمد
 اسعد وزنده حمد یحمددن یعنی علم باندن افعال تفضیلدر زیاده حمد
 ایدن آدمه دینور اول اسمیله سماءه وارضده افضل التحیات افندیمن
 حضرتلری احمد اسمیله تسمیه اولندی زیرا اندن زیاده رک حمد ایلمکه
 کیمسه مقتدر دکلدر (محمود مسعود وزنده حمددن اسم مفعولدر که
 فخر کائنات و مفخر موجودات علیه افضل التحیات افندیمن
 اسم شریفلریدر (محمد حمدک تفعیلندن اسم مفعولدر فی الاصل خصال
 حمیده سی کثیر اولان آدمه دیرلردی بعده صلی الله تعالی علیه وسلم
 حضرتلرینه وصف و علم اولمشدر خصال حمیده سی و اخلاق جمیله سی
 کثیر اولدیغندن ناشی تکیم حقنده ❖ و انک لیلی خلق عظیم ❖ دخی

وما ارسلناك الا رحمة للعالمين وارد اولمشدر (رسول آتفا شرح
اولندی وقتا که ناظم می حوم حضرت تری اداء بسمله دن وجدله دن
فارغ اولدیسسه مفخر موجودات و رحمت کائنات و فرموده قم فاندز
و مخاطب و ربك فکبر ايله مشرف اولان علیه افضل الصلوات
حضرت تری نه واجبه ذمت اولان صلوات و تسلیاتی عهده بلیغانه لرندن
انواع تعظیم و تکریم برله بیورر ❁ صل علیه هو خیر الانام ❁ رب و سلم
باتم السلام ❁ صل تفعیلدن فعل امر مخاطبدر فاعلی تحتنده انتدر
علی الانفراد هر کسه عائد اولور یارب سن صلوات ايله دیمکدر (علیه
علی حرف جر فارسیده بر و ترکیده اوزره معنا سنه در متعلق صل فعلنه
هو ضمیر بارز مجرور متصل لفظا کسر اوزره مبنی محل قریب مجرور
علی ايله محل بعید منصوب مفعول به غیر صریحیدر فعل مذکورک راجع
بیت سابقده کچن محمده (هو ضمیر بارز می فوع منفصل لفظا
ضم اوزره مبنی یا خود فتح اوزره مبنی محلامی فوع مبتدا محمده راجع
(خبر خار بخیردن یعنی ضرب بانک اجوف یا یئسنه دن اسم تفضیلدر
پک خبر لو اولان آدمه دینور لفظا می فوع خبریدر مبتدا نک مبتدا
مع خبره جمله سی جمله اسمیه اعرابدن محلی یوق ابتدائه (انام زمان
وزتنده جمیع مخلوقه دینور علی قول انس و جن و یا خود پر یوزننده
مجموع مخلوقه دینور که سماویه به اطلاق اولمز مضاف الیه بدر خیرک
معلوم اوله که اسم تفضیل استعمال اولندیغی وقتده اوچ شئیک برله
استعمال اولنور یا الف و لام یا من یا اضافت فا حفظ (رب یارب دیمک
تقدیرنده در یعنی حرف ندا محذوفدر ورب اسم فاعل مخففدر یا خود
صفت مشبهه در و معرف باللام اوله رق جمله مخلوقات بسلیوب تری به
ایدن حضرت پروردگارک اسماء حسنا سننددر لام تعریفسنز غیر یبه ده
اطلاقی جائزدر ورب لفظنده بش وجه جائزدر (سلم تفعیلدن فعل امر
مخاطبدر سن سلام ايله دیمکدر بودخی اعم طریقله ذکر اولمشدر (باتم
با حرف جر متعلقدر سلم فعلنه (اتم تم یتم دن اسم تفضیل معلومدر که
بیت ثانیده اشتقاقندن ذکر اولندی لفظا مجرور بالله محلا منصوب

مفعول به غیر صریحیدر سلك (السلام لام حرف تعریف سلام کلام
 وزنده معلومدر مضاف الیهیدر اتمك ❖ ثم علی الآل واصحابه *
 المتحلیین باآدابہ ❖ بویتنده اذا صلیتم علی فعمموا حدیث شریفنه
 تلمیح و اشارت واردر (ثم ضم الثا وتشدید میم مفتوحه ایله حرفدر
 حروف عاطفه دن ترتیب و تراخی یه دلالت ایدر) (علی آنفا ذکر اولندی
 (آل حال وزنده کشینک اهل و عیال و اتباع و احبائه و اصدقاسندن
 عبارتدر و بونک اصلی بعضیسنک عندنده اهل ماده سندن و بعضیسنک
 عندنده اول ماده سندن مأخوذدر دیدیلر خذما شئت اعرابی لفظا
 مجرور علی ایله محلا منصوب معطوف یاقرینه یا بعدینه (واصحابه
 و او حرفدر حروف عاطفه دن مطلق جمع ایچون یعنی من غیر
 ملاحظه الترتیب و التراخی و المهلة اوده یا ثبوته یا ذاته یا صفاته جمع ایدر
 اعراب دن محلی اولیان بر جله بی جله آخری اوزرینه عطف اولورسه
 ثبوته جمع ایدر مسند الیهلری تعدد ایدر سه صفاته جمع ایدر اگر
 مسندلری تعدد ایدر سه ذاته جمع ایدر فاحفظ (اصحاب افعال
 وزنده صاحبك جمعیدر و اصحاب سلطان انبیا علیه افضل النبیات
 حضرت لرینی کوروب رؤیتی حالنده مؤمن اولوب و ایماننده ثابت اوله
 ولو بر لحظه اولور سه ده اعرابی لفظا مجرور معطوف آل اوزرینه
 عطف العام علی الخاصدر * یوم یقوم الروح و الملائكة * کی اگر آلی
 تعمیم ایدر سلك عطف الخاص علی العام اولور * تنزل الملائكة
 و الروح * آیت کریمه سنده اولد بخی کی (هو ضمیر بارز مجرور متصل
 لفظا کسر اوزره مبنی محلا مجرور مضاف الیهیدر اصحابك راجع محده
 (المتحلیین زینت و برك معناسنه اولان تحلی یتحلی یعنی علم بابنک نافص
 یا ئیسی تفعلندن اسم فاعل جمع مذکر سالمدر اصلی متحلیون ایدی
 یا اوزره ضمه ثقیل یانک ضمه سندن اول لامك حرکه سنی ثقیل کوروب حذف
 ابتدک اجتماع ساکنین اولدی حرف علت یاسندن جمع و اوندن اجتماع
 ساکنینی دفع ایچون حرف علت یاسنی حذف ابتدک متحلیون اولدی
 جمع مذکر سالمدرک حالت رفعی و او ایله حالت نصبی حالت جری یا ایله

لفظاً مجرور صفت واقع اولدی آل واصحابدن (با دابه باحرف جر
متعلق متحلینه) (آداب داماد وزنده ادبک جمیدر ادب ظرافت
واوصلولق که ناسله قولاً وفعلاً اطف معامله و حسن مناوله ایلمکدن
عبارتدر فارسیده فرهنگ دینور یقال به ادب ای ظرافت و حسن و تناول
واعرا به لفظاً مجرور با الیه محلاً منصوب مفعول به غیر صریحیدر
متحلینک ❁ نجم هدایتد رانک هربری * مذهب حق اوزره ایدر
رهبری ❁ بوبیتده دخی برای براءت استهلال اصحابی کالنجوم بایهم
اقتدیتهم اهتدیتهم حدیثه تلخیص و اشارت وارددر (نجم فتح نون و سکون
جیم الیه یلدرزه دینور فارسیده اختدیرلر (هدایت معلوم) (مذهب مسلاک
وزنده فتح بابندن اسم مکاندر کیده جک بوله دینور طریق و مسلاک
معناسنه یقال ذهب فلان مذہباً حسناً ای طریقاً و مسلاً بوعلاقه
الیہ معتقد اولان طریق مجتهدینه اطلاق اولنور که اسلامده اولان
مجتهدلرک مقتدا اتخاذا اولنان اماملریکه مسلاک مختار لریدر شرعده
حنفی و شافعی کبی و عقائدده ماتریدی و اشعری کبی رضی الله
تعالی عنهم) (حق آنفا شرح اولندی (رهبر منبر وزنده قلاغوزه
ودایله دینور ❁ جمله سنک روحنه هر صبح و شام * واصل اوله حضرت
حقندن سلام ❁ روح حور وزنده مایه حیاة الانفس یعنی ماده حیاة
اولان و دیعة الهیه به دینور که جان تعبیر اولنور و حکماً اکانفس اطلاق
ایدرلر و روح لفظی مذکر در نفس اعتبار یله مؤنث اولور و تعریفاته
جسم لطیف منبیه تجویف القلب الجسمانی وینشیر بواسطه
العروق الضواری الی سایر اجزاء البدن تعریفله معرفدر (هر بر وزنده
فارسیده ادات سوردر عربیده کل کبی) (صبح صلح وزنده فجر
وقتنه دینور که طاک بری آغاروب شفق سو کدبکی وقتندن عبارتدر
که مراد فجر صادقدر فی الاصل طاک بری آغار مسیله حاصل اولان
آیدنلقدن عبارت اولوب اتساعاً اول وقته اطلاق اولنشددر (شام بام
وزنده و مقابلیدر که اخشام و قتنه دینور عربیده مغرب دیرلر
(واصل وارد وزنده وصل دن یعنی ضرب بابندن مثال و اویدن اسم

فاعلمدراولاشیخی وارشیحی معناسنه در (حضرت فی الاصل عربدر
قرب و نزدیک معناسنه بعد النقل فارسیده و ترکیده ذات بزرگوار و نفس
شرافتشعار معناسنده حقیقت عرفیه اولشدر نتکیم حضرت الله جل
شانه و حضرت محمد صلی الله تعالی علیه وسلم دیدیکمز کبی و قس علی
هذا وقتا که ناظم می حوم حضرتتری فرایضه ذمت اولان ماوجب
علیه دن فارغ اولدیسنه منظومه نک سبب نظمنه شروع ایلدی فلله دره

❁ سبب نظم کتاب ❁

❁ نام خدا چونکه سوزه و پردی تاب ❁ دکاهندرباعث نظم کتاب ❁
(تاب ناب وزننده طاقت و قدرت و توان معناسنده در (باعث سبب
وبادی معناسنده در (نظم نجم وزننده معلوم (کتاب آنفا شرح
الندی ❁ علم لغات امر مهم اولغین ❁ حفظنی تسهیل ایچون اهل
یقین ❁ (علم باب رابعدن مصدر در بیک معناسنه اصطلاحده الاعتقاد
الجازم المطابق للواقع وعند الحكماء هو حصول صورة الشئ فی العقل
تعریفلیله معرف اولان شیدر (لغت دیباجه ده بیان اولندی (امر ایش
معناسنه مستعملدر جمعی امور کلور که حدث معناسنه ونهی مقابلی
اولان امر ک جمعی اوامر کلور (مهم مهم بهم دن یعنی نصیر نصیر بانبک
مضاعفتک افعالنندن اسم فاعلدرد شروعی مهم وعز می لازم اولان
امورده مستعملدر و بواکثرا امر ایله مستعملدر نتکیم انشالده شایعدر
(حفظ علم وزننده مصدر در صافلق و ازبر ایلک معناسنده در (تسهیل
سهل دن یعنی حسن بانبک تفعیلندن مصدر در قولای و قولایاق
معناسنده در (اهل معلومدر که دیباجه ده شرح اولندی (یقین برنسنه بی
شک و شبهه سزا اعتقاد صحیحله بتلیه دینور که علمک صفاتنددر فی الاصل
مصدر در یا خود اسم فاعل مبالغه وصف اطلاق اولمشدر اهل
یقین دن می ادا اهل علم و صاحب هنر معناسنده در ❁ نظم ایله بر نیجه لغت
یازدیلمر ❁ سلاک معاینده درر دیزدیلمر ❁ سلاک کسر سین مهمله و سکون
لامله ایلکه دینور خیط معناسنه (معانی معناسنه جمعیدر معناده
ما بقصد به الشئ معناسنده در (درر ضم دال مهمله ایله درک جمعیدر

اینجور معناسنه در دره نك جمع جنسیدر ❖ قنق صبی کیم اوقبوب
حفظ ایده ❖ عائد اولور اکانجه فائده ❖ صبی غنی وزنده چوجق
درت یاشندن باوغه قریب اولنجیه دك صبی اطلاق اولنور (عائد
عوددن اسم فاعلدر واصل معناسنه) (فائده زائده وزنده برآدمك
علمندن یاخود مالندن استفاده یعنی کسب و تحصیل ایلدیکی نسنه به
دینور جی فوائد کاور ❖ ضبط لغاتيله اولور بهره دار ❖ وزنه نظم
ایچره بولور اقتدار ❖ ضبط ربط وزنده برنسنه بی حزم و بصیرت
و حسن تدبیر ايله حفظ ايلك معناسنه در یقال ضبط الشیء من الباب
الاول اذا حفظه بالحزم (بهره دار قهرمان وزنده بهره ايله داردن
مر کبدر که وصف ترکیب تعبیر اولنور بهره نصیب و حصه و پای
و قسمت معناسلینه در دار داریدن فعل امر مخاطبدر طوت معناسنه
بحسب التركيب نصیبلو معناسنه اولمش اولور (وزن طارتمق و برنسنه بی
طارتمق معناسنده کاور) (اقتدار قدرتدن یعنی نصر و ضرب و علم
بابلر نك افتعالندن مصدر در برنسنه به صاحب قدرت و قوت اولق
معناسنه در که اسانمزده کوجی یتك ايله تعبیر اولنور ❖ لکن آنك
اکثر نك معنسی ❖ اولغله ترجمه فارسی ❖ لکن فتح و مد لام
و کسر کاف و تخفیف نون ايله لکن دن مخففدر که حروف مشبّهه
بالفعل اقسامندن استدراك معناسنی متضمندر یعنی مابعدینه بر حکم اثبات
ایدر که ماقبلنه مخالف اولور (اکثر اکرم وزنده اقلك مقابلیدر که
چوق معناسنه در و بوباب خامسندن اسم تفضیلدر) (ترجمه د حرجه
وزنده بر کلامی اسان آخر ايله تفسیر ایلکه دیرلر) (فارسی پارسی وزنده
و معریدر که شیراز ولایتنه دینور یا نسبت ایچوندر که مملکت فارسیه نك
لغتيله یاخود لغاتيله دیمکدر یعنی اکا منسوب اولان الفاظ ايله دیمکدر
❖ فهم ایدمزانى بواهل دیار ❖ اوله خصوصاً اوقیانلر صغار ❖ فهم
وهم وزنده الکلی و ادراك ايتك معناسنه در که فارسیده شناختن
مر ادفیدر (دیار خیار وزنده دارك جمعیدر دارده بناء و عرصه بی
جامع محله دینور یعنی برقاج خانه بی و حولوبی دائر امدار جامع اولان

دائرة دیر که استائزده قوناق و سمرای تعبیر اولور و اول خانه له
 بیت دینور جمع اولجه مملکت معنا سنه استعمال ایلدیلر (خصوص
 باخصوص معناسنه در) (صغار دیار وزنده صغیرک جمعیدر کوچک
 شیئه دینور انسان وغیری اواسون ❖ حفظه خلادر بودخی واقعا *
 ترجمه لفظ اوزره مقدم اول ❖ خلل قحینه له برنسنده ده یاخود
 برخصوصده اولان وهن وضعف حالتیه دینور که مضبوط و مستحکم
 اولماز یقال فی امره خلل ای وهن (واقع رافع وزنده ضرب بابنک
 مثال واویسندن اسم فاعلدر یقال شیء واقع ای حاصل) (ترجمه معلوم
) لفظ لغته برنسنه بی آنمی که رمی معناسنه در نیکم اکت التمره
 ولفظت النواة قوللرنده اولدیغی کبی و بوباب ثانیدن ورابعدن
 مصدر در و سوزسویک معناسنه مستعیدر کویا که سوزی اغزدن آثار
 اولق هوما یلفظ به الانسان حقیقه کان او حکما مهلا کان او موضوعا
 مفردا کان او مرکبا تعریفیه معرفدر و بعض علماء هوصوت من شانه
 ان ینخرج من الفهم معتمدا علی المخرج تعریفیه تعریف ایلدیلر (مقدم
 قدم نک تفعیلندن اسم مفعولدر تقدیم اولنش معناسنه در ❖ یاخود
 آرا برده اوله فاصله * وزن ایچون ایراد اولنان لفظله ❖ فاصله فائده
 وزنده ایکی نسنه نک بدنی آیران شیئه دینور جمعی فواصل کلور مثلا
 ایکی آنک ارایرینی آیران نقطه حراکی و فاصله اصطلاح عروضیونده
 ایکی قسمدر بری فاصله صغری در که اوچ متحرک بعدها ساکنندن
 عبارتدر که ضربت کبی و بری فاصله کبری در که درت متحرک بعدها
 ساکنندن عبارتدر (ایراد وردنک افعالندن مصدر در معناسی معلومدر
 ❖ کرچه سلاسنده کلور بی نظیر * لکن اولور ضبط لغته عسیر ❖
 (سلاست سلامت وزنده ملایمت و سهولت و آسانلق معناسنه در) (بی نظیر بی
 فارسیده اداة سلبدر نظیر امیر وزنده مثل مانند معناسنه در بحسب
 ترکیب مثالسن و نظیرسن معناسنه اولش اولور) (لکن وضبط و لغت
 شرح و بیان اولندی) (عسیر بصیر وزنده باب خامسندن صفتدر کوچ
 و دشوار اولان شیئه دینور ❖ امدی بو منظومی بو عبد ضعیف *

لطف الهی ایله یازدم لطیف ❖ عبد مطلقا انسانه اطلاق اولنور
 كرك حر و كرك بنده اولسون قاموس شارحك بیاننه كوره هر بوب
 اولدیغنه مبنی در و عبوددن مراد ناظم مر حومك كندیلر بدر كه
 اسم شریفلری محمد و كنيه سی ابو الفضل محمد بن احمد الرومی اولدیغی
 بعض منظومه لرده مر سومدر و هو فی الاصل بوسنه ویدر (ضعیف
 عریف وزنده باب خامسدن صفتدر زبون و بی بحاله دینور) (لطف
 رفق و نوازش و ملائمت اوزره معاملة ایلک معناسنده در) (اله كسر
 همزه ایله صفات الهیه دن براسمدر كه مستحق و سزا و را عبادات
 معناسنده در) (لطیف ظریف وزنده لطفدن یعنی باب اولدن صفتدر
 ملائم و نازك معناسنده در ❖ نظمی خصوصنده ایدوب اشتهام * احسن
 ترتیله و یردم نظام ❖ اشتهام اشتهام وزنده برایشه قیام و اقدام
 و دقت ایلک معناسنده در) (احسن حسندن اسم تفضیلدر كو بكك
 معناسنده در) (ترتیب رتوبدن یعنی نصر بانبك تفعیلندن مصدر در
 لغته برنسنده بی بریده ثابت و پایدار ایلک معناسنده در اصطلاحده
 هر نسیه بی یرا و یرینه اثبات ایلمكن عبارتدر و تعریفده جعل الاشیاء
 الكثیرة بحیث یطلق علیه اسم الواحد و یكون لبعض اجزائه نسبة
 الى البعض بالتقدم والتأخر ❖ لفظی مقدم عقبنجه همان * ترجمه سی
 بولدی اكا اقتران ❖ اقتران افتعالدن مصدر در مقارن معناسنده ❖ لفظله
 معناسی ایدوب ازدواج ❖ قالدی سرخ رقه احتیاج ❖ ازدواج زوجك
 افتعالندن مصدر در كه اش ایتك معناسنده در اعلالی هر بار افتعالك
 ثلاثیسنك فاء الفعلنده حروف مهموسه دن دال ذال زاء واقع اولسه
 قاعده در كه افتعالك تاسنی داله قلب ایدرلر لاسرخ شوخ وزنده
 الواندن قرمز یه دینور (رقم معلومدر كه علم حسابده استعمال ایدرلر
) (احتیاج حووجدن یعنی نصر بانبك اجوف واوینك افعالندن
 مصدر كه معناسی معلوم ❖ تاكه اوله فهمی و حفظی یسیر * حجمی
 صغیر اوله لغاتی كثیر ❖ یسیر اسیر وزنده یسردن یعنی ضرب بانبك
 مثال بایسنندن صفتدر قولای و آسان شیئه دینور (حجم نجم وزنده

برنسنه نك ال سورب يوقلنه جق يومر بجه جشه ومقدار ينه دينور كه
 جليم تعبير اولنور جعي هجوم كلور (صغير خير وزننده كوچك معناسنه در كه
 كيرك مقابلدر) كثير قليل وزننده ومقابلدر * وان فرشته لغتي كبي كنيج *
 اولدي وقرآن لغتن ابتداي درج * ابن فرشته برناظم سلفك وشاعرك
 كنيه سيدر عربي لغتي اوزره منظومه سي اولديغي جمله به روشندر
 ومنظومه سنك جمله اياتندن * خبر اتمك قبل اوپك زرع اتمك قول
 غلام * خلق يراقمي خرق يرتقي اولوكشيدر * مام * (كيج كنز وزننده
 ومراد فيدر كه خزينه ودفينه معناسنه در وكنز كنجدن معربدر
 (قرآن فرقان وزننده ومراد فيدر وتعر يفايده هو المنزل علي
 الرسول المكتوب في المصاحف المنقول عنه نقلا متواترا بلاشبهة وعند
 الصوفية هو العلم الذاتي الاجالي الجامع للحقايق كلها تعريفيله معرف
 اولان شيدر) درج فرج وزننده برنسنه يي طي ايدوب بريره ادخال
 اينك معناسنه در * برنيجه بحر اوزره اچوب پروبال * قطعه لري
 اولدي سفينه مثال * بحر فخر وزننده دكره ديرلر فارسيدة دريا ديرلر
 واصطلاح عروضيه ده شرك وزني اولان لفظلره ديرلر كه علم عروضيه
 بيان اولنان اصولي اوزن طقوزدر وشعره بحر ديرلر كه شعب وفروعلري
 چوق اولديغي اچوندر وبومقامده درياه وبهرشعره ايكيسنه بيله
 دلالت وتاميم واردر (پرفروزننده بال حال وزننده ايكيسيدة فارسيدة
 قناده ديرلر كه عريده جناح معناسنه (قطعه خرقة وزننده عريده
 تركيده بر باو كه وبرپارهيه ديرلر جمع قطع كسر قاف وفتح طاء مهمله
 ايله واصطلاح عروضيه ده برنظمه ديرلر كه مطالعي اوليه وبعضيسنك
 عندنده ايكي بيتدن طقوز بيته قدردر) سفينه دفينه وزننده كمي به
 دينور فارسيدة كشتي ديرلر جعي سفين وسفان كلور * قطعه تمامنده
 دخی آشكار * هم لقب بحري وهم وزني وار * لقب قحچينه برآدمك
 اسم اصله سندن غيري مسما اولديغي اسمدر كرك مدحي وكرك ذمي
 مشعر اولسون تكيم مايسمي به الانسان بعد اسمه العلم من لفظ يدل
 على المدح او الذم لمعني فيه عبارتيه معرفدر * خير ايله شايدس يي

یاد اوله * سبحة صبیان اکامه آدوله ✽ خیر سیر و زننده معروفند که
 شر مقابل در جی خور کلور و به مضار مطلقا خیری خلقت میل و رغبت
 و محبت ایلدیکی نسته ایله تعریف ایلدیله عقل و علم و مال و عدل و احسان
 کبی (شاید باید و زننده شاید ندن مضار عدد و لایق معنا سنه در) (یاد باد
 و زننده آکنی و خاطره طوتمق معنا سنه در) (سبحة صبیان سبحة خفیه
 و زننده حالا تسبیح تعریف ایلدی کمز دیزی پونجقلره دینور که مجموع و عنده
 علم اولشد در مدار تسبیح اولدیغی باعث تسمیه در و دعا معنا سنه در کلور
 (صبیان بیان و زننده صبیانک جمع در بحسب ترکیب بو منظومه به
 تسمیه ایلدیله که چو جقلرک تسبیحی دیک او اور و بونی الاصل محمودیه ایله
 تسمیه اولدیغی بعض منظومه ده هر سومدر لکن فی زماننا سبحة
 صبیان ایله مشتهره در ✽ نظم سلیس اوزره بوروشن کلام * عون
 خدا ایله چون اولدی تمام ✽ عون لون و زننده یاردم و مدد معنا سنه در
 (سلیس سلاستدن صفتدر که شرح اولاندی و بوییت دیبا جه نک
 ختامه تلمیح اولدیغی واضح و آشکار در ✽ کلامی بو مرآت دله
 منجلی * تا کاتارنخ اوله نظم جلی ✽ مرآت کسریم ایله آینه دینور
 قاموس شارحی دیر که اصل مرآه ایدی مفعله و زننده اسم آلت
 و اسم مکان دخی اولور جی مرآئی کلور جواری و غواشی کبی و بورای
 ماده سندن مأخوذ در) (منجلی جلیدن یعنی ضرب بابنک نافص بایندی
 انفعالنندن اسم فاعلدر ظاهر و روشن و عیان معنا سنه در) (نظم جلی
 و لفظ اجد حسابیه منظومه شریفه مر غوبه نک ختامه تارنخدر که
 مجموعی بیک اوتوز اوچدر وقتا که ناظم هر سوم سبب نالیفدن فارغ
 اولد یسه منظومه نک شریف و مر غرب و عندالله مقبول و اوقیانلر
 کسب فیض و معرفت ایلسونلر ایچون حق جل و علا حاضر تلرینک
 در کاه بار کاهنه تضرع و نیاز ایله منا جاته شروع ایلر فله دره
 ✽ ای کریمی شامل و احسانی بول ✽ لطفکله ایله دعای قبول ✽
 کرم شرح اولاندی (شامل عامل و زننده شمولدن یعنی علم بایندن
 اسم فاعلدر احاطه معنا سنه ناخود شمولنددر که باب اولدن اولور

(دعا رغبت الی الله تعالی مناسبه در که نیاز و ابتهاال الیه حق تعالی در گاه نندن خیر و رحمت رجا سندن عبارتندن ❦ قیل بو کجایی سبب معرفت بن قواکله واسطه مغفرت ❦ سبب مدد و زنده بر نسنه به توصل ایلمکه وسیله و آت اولان شیئه اطلاق و انور و اصطلاح عرو ضیه ده ایکی قسمدر ری سبب خفیفدر که بر محرك ایله برسا کنند عبارتدر و بری ثقیلدر که ایکی محرك ایله برسا کنند عبارتدر (معرفت معد ات و زنده باب ثابیدن مصدر در محمدت کبی بیلک که علم معنا سنه در (واسطه واسعه و زنده بونده سبب مناسبه در (مغفرت معرفت و زنده مصدر در باری تعالی عبادک جرم و گناه لرینی ستر و عفو ایلمک مناسبه در که بار لغمق تعبیر انور ❦ کیمکه بکا خیر ایله ایده دعا * آخری و عاقبتی خیر اوله ❦ الفاظ معلومه در ❦ اهل نظر دن دخی بود رجا * ایلمه اصلاح کور یجک خطا ❦ بود دخی معلومدر ❦ مفعلان مفعلان فاعلان * زورق و زیله بو بحره صالان ❦ معلوم اوله که دیباجه و سبب تألیف و مناجات جمله سی بحر منسر حندر و بحر منسر ح فی الاصل مستفعلان مستفعلان مفعولات در ایکی دفعه لیکن جمیع اجزاسنه طی و عروض و ضربتک اکثر بسی مکشوف و بعضیسی موقوفدر طی دیولفتده دورمکه دیرلر اصطلا حارنده در دنجی سا کنی حذف ایتمکه دیرلر مثلا مستفعلان فاعلان و مفعولات دن واو حذف اولوب مستفعلان مستفعلان و مفعولات مفعولات قالوب مستعانی مفعلان و مفعلات بی فاعلاتیه نقل ایدرلر طی هلیده بوناره مخصوص صدر و فاعلاتیه تکرار کشف کلمکه فاعلان باقی قالدی و کشف لغتده آچق ایلمکه دیرلر اصطلا حارنده مفعولات تنک تاسنی حذف ایتمکه دیرلر مثال مذ کورده اولدیغی کبی

❦ البحر الرجز المرفل ❦

یعنی بوشطربیت بحر رجز مربع که جمله اجزاسی مر فلدر چونکه تر فیل لغتده دامن اوزا تمغه دیرلر اصطلا حده مستفعلان یا خود متفاعلان و یا فاعلانک آخرینه بر سبب خفیف زیاده ایتمکه دیرلر مثلا فاعلان فاعلاتن و متفاعلان متفاعلاتن و مستفعلان مستفعلاتن اولوب

مر فل دیو تسمیه اولنور ❖ الله تکرری بر اسمی رحان ❖ الله اسماء
 حسنادندر اسم للذات الواجب الوجود المستجمع لجميع صفات الكمال
 التي من جلالها الكرم والجلود فارسیده خدا دیرلر (رحان عطشان
 وزنده رحمن یعنی علم بایندن صفت مشبهه در که رقت و شفقت
 معنایینک غایتی اولان احسان و انعام معناسنه در زیر الله تعالی رقت
 قلبدن منزله و مبرادر و اسماء حسنادندر که انجق باری تعالی به مخصوص
 بر اسم شریفدر مخلوقه اطلاقی جاز دکادر ❖ قدوس آری بر نعتی
 سبحان ❖ قدوس سبوح وزنده شایسته نقایصدن پاک و منزله اولان
 حق جل و علا حضرتلرینک اسماء حسناسندندر عیوب و نقصایصدن
 پاک و مبرا یا مبارک معناسنی مفید صیغه مبالغه در فعول وزنده معلوم
 اوله که کلام عربیده وزن من بورده اولان کلماتک مجموعی فالتک قحیله در
 الاقدوس و سبوح و زروح و فروج کله لری ضمیمه در و بعضا مفتوح
 اولورلر (سبحان غفران وزنده و غفران کی مصدر در معرفه اولمله
 غیر منوندر زیر اتسبیحک علیدر مصدر بت اوزره منصوبدر کویا که ابری
 من السوء برأه سبکنده در که حق تعالی بی بالنا کید و المبالغه صفات
 نقایصدن و شان الوهیه منافی اضافندن کماله تنزیه و تقدیس
 و بویجاء اعتقاد و اقرار ایدرم دیمکدر و عربلر برنسنده در تعجب مقامنده
 سبحان من کذا دیرلر عجباله معناسنه اگر مقام استحسان ایسه بونک
 خالقنی بو خالق بدیع ایچون مخصوص تسبیح ایدرم دیمک اولور اگر
 مقام استهجان ایسه بوندن حضرت باری بی تنزیه ایدرم دیمک اولور
 یا خود تهکما تسبیح اکا مسند اولور ❖ باری و فاطر براد بچیدر ❖
 (باری بادی وزنده بره بیردن یعنی ضرب بایندن اسم فاعلدر خالق
 معناسنه و باری یا ایله و همزه ایله استنساخ اولنورز محشری * و توبوا الی
 بارئکم * آیت کریمه سنک تفسیرنده دیمشدر که باری اسماء صفات
 الهیهدندر جنس مخلوقی تفاوتدن بری اوله رقی خلق ایدن خلاق
 بیچونک اسم شریفیدر (فاطر قادر وزنده فطرندن یعنی ضرب و نصر
 بابلرندن اسم فاعلدر باری معناسنه ❖ و اق و عاصم حافظ نکهبان ❖ و اق

باقی وزنده و قی یقی دن یعنی ضرب و علم بابلرینک لفیف مفرو قندن
اسم فاعلدر صاقنوب و صیانت ایدیجی معناسنه در (عاصم عالم
وزنده عصم دن یعنی ضرب باندن اسم فاعلدر حفظ و صیانت ایدیجی
معناسنه در (حافظ فاعل وزنده یعنی علم باندن اسم فاعلدر مثقال
ذره ارض و سما ده اولان اشیا دن برنسنه حفظندن بعید و غائب
اولیان حضرت حق اسماء حسناسنندر تعالی شانہ فارسیده نکهبان
دبرل بونده تفسیردر ❖ انشا یراتقی ایمان ایناتقی ❖ انشا کسرهمزه ایله
فتح و حسن بابلرینک افعالندن مصدردر یراتقی که خلق معناسنه در
یقال انشاءالله ای خلقه همزه سی اکتفاء حذف اولمشدر که آنفا بیان
اولندی (ایمان کسرهمزه ایله امن یا امن دن یعنی علم بابلرینک مهموز
الفاسنهک افعالندن مصدردر لغتده تصدیق بالقلب و شریعه هو
الاعتقاد بالقلب و الاقرار باللسان تعریفیه معرفدر ❖ جنتدر اوچقی
فردوس بستان ❖ جنت فتح جیم و تشدیدنون مفتوحه ایله معاومدر که
لغته خرما و سایر اشجاری مشتمل اولان باغچه دینور وجه تسمیه سی
اشجار ظلالیه ارضی سترایلدیکچوندرجهی جناندر کتاب وزنده نظم
الجواهر (بیت) ❖ تماشا ایلرز دیدار بنی اللهک اوچقده ❖ اقاء الرب
مولیناری فی الجنة المأوی ❖ (فردوس کسرفاوسکون راهمهله ایله شول
بستانه و باغچه دینور که بستانلرده نابت اولان اشجار و سبزواتک
مجموعه یعنی جامع اولوب و انده اوزم اصمه لری دخی اوله بو خصوصده
جنت و فردوس میساننده عموم و خصوص مطلق وارددر هر فردوس
جنت اولور و هر جنت فردوس اولماز ❖ شمس و ذکا کون بدر و قرآی ❖
(شمس امس وزنده کونشیه دینور که جله به روشندر و بومؤنث
سماعیندر جعی شمس کلور کویا که هر جزئی برشمس یا خود بهر کون
طالع اولانی برشمس اعتبار اولور و هی کوکب مضی نهاری تعریفیه
معرفدر (ذکا زال معجه ایله کونشیک اسماسنندر و بومعرفه
ولاینصرفدر حرف تعریف داخل اولماز یقال طلعت ذکا ای الشمس
معلوم اوله که شاعران و منشأن اکتفاء همزه بی حذف ایدرلر (بدر بآء

موحده نك فتحی و سکون دال ايله عقل وزنده نور ايله ممثلی اولمش
 آیه دینور که اون درت کجه لک آیدر و آیه بدر تسمیه سی شمس طالع
 جهتیه مبارکتمدن ناشیدر یا خود امتلاء جهتیه بدریه تشبیه اولمشدر
 علی کلا التقیرین فی الاصل مصدر در فاعل معناسنه (قر قحینه آیه
 دینور ماه معناسنه اوچنجی کجه دن محافه قدر اطلاق اولنور اوچنه
 قدر هلال دینور وجه تسمیه نهایت بیاض اولدیغندن اوتری * کوکب
 ستاره دری در رخشان * کوکب مرکب وزنده و کوکبه ها ايله
 یعنی تذکیری و تأنیثی مساویدر آخرینه هاتا کید ایچون کلور بلدزه
 دینور نجم کی بیاض و بیاضه و مجوز و مجوزه کی کوکب و کوکبه دخی
 دیرلر فارسیده ستاره و اختر دیرلر (دری اصل قاعده سکین وزنده
 اولمشدر که زیاده سیله تابان و رخشان اولان بلدزه دینور زهره و مشتری کی
 و اشبودری کله سنده دالک ضمیمه ده جائزدر لکن نوادر دندر زیر اکلام
 عربده ضم و تشدید ايله فعل وزنده دری و مریق کله لاندن غیری
 یوقدر و یاء نسبتله دره یعنی انجوبه منسوب دیگدر * مثل نوره کسکوة فیها
 مصباح المصباح فی زجاجة الزجاجه کانه کوکب دری * آیت کریمه سنده
 قاضی بیضاوی بیان یور دقلری کی و همزه ايله ده استعمال اولنور
 رخشان فارسیدر که بونده تفسیر واقع اولمشدر * جلی دریک صوهم
 لجه دریا * جلی ضم لام و تشدید جیم ايله بحرك و نهرک معظمنه یعنی انکین
 یرینه دینور لجه ضم لام و تشدید جیم آخرنده ها ايله بودخی بحرونهرک
 انکین یرینه دینور که دریا و غیری یه اطلاق اولنور * نار و جیم اودهیم
 جمعی نیران * نارعار وزنده معروفدر که آتسه دینور و بومؤ نشدر
 و بعضا مذکر اولور جمعی نیران کلور که ناظم ذکر ایلدی (جیم فعل
 وزنده صفتدر علوی بغایت شدید اولان آتسه دینور و بری برینک
 اوز رنده قات قات ینان آتسه دینور و چقور یرده ینان عظیم آتسه
 دینور و پک اسی یره دینور * سربال کوملک مکمال اوچلک * سربال
 قرطاس وزنده کوملک قیص معناسنه و زرعه دخی دینور یا خود
 مطلق ملبوس اولان لباسه دینور جمعی سربال کلور قال الله تعالی

استعین بالله * سر ایمل تقیکم الحر * الآیه (مکیال محراب وزنده کال یکیل دن
یعنی ضرب بایندن اسم آتدر اولجکه دینور * قرطاس کاغد قسطاس
میزان * قرطاس قسطاس وزنده کاغده دیرل که اوز رینه یازویازلر
قسطاس قرطاس وزنده میزان و ترازویه دینور قافک ضمی و کسری
جائزدر * عائل کدادر سائل دانجی * عائل مائل وزنده عولدن
یعنی ضرب بایندن اسم فاعلدر فقیر معنا سنه در که فارسیده کدا دیرل
(سائل عائل وزنده سئل دن یعنی فتح بابنک مهموز العینندن اسم فاعلدر
دانجی معناسنه ومنه قوله تعالی * واما السائل فلا تنهر * آیت کریمه سنه
اولد یخی کی * راجل پیاده عاجل شت بان * راجل عاجل وزنده راجل
یرجل دن یعنی علم بایندن اسم فاعلدر بیان آدمه دینور که فارسیده پیاده
دینور جمعی رجال کلور قائم و قیام کی (عاجل راجل وزنده عجله
یعجل دن یعنی علم بایندن اسم فاعلدر ابوه کن یعنی عجله اید یخی
معناسنه در فارسیده شتابان در که بونده تفسیر در * صعب وعسیرک
معنایی کوجدر * صعب فتح صاد و سکون عینله کوج و چنک شیئه
دینور عسیر معناسنه که قولای و آسان مقابیلدر و بوصفت مشبهه در
(عسیر حسیر وزنده حسن بایندن صفت مشبهه در صعب معناسنه
فارسیده دشوار دیرل * سهل و سیرک مفهومی آسان * سهل اهل
وزنده حسن بایندن صفتدر قولای شیئه دینور فارسیده آسان دیرل
(سیر بشیر وزنده سهل معناسنه در و بویتهده صنعت بدیعدن تضاد
صنعتی وارد در فله دره * ذنبی کثیر چوقدر کناهم * ذنبی کثیر
ذنب فتح ذال معجه ابله گاه اثم معناسنه اعرابی تقدیر امر فوع عامل
معنوی ابله مبتداً یاء متکلمه مضاف الیهیدر ذنبک (کثیر کیر
وزنده بودخی حسن بایندن صفت مشبهه در چوق معناسنه بحسب
الترکیب کناهم چوق دیمک اولور * قلبی شتیت کوکل پریشان *
قلبی شتیت کوکل که فؤاد معناسنه و اعرابی تقدیر امر فوع مبتداً یاء
متکلمه مضاف الیهیدر قلبک شتیت ضرب بابنک مضاف عفتدن صفت
مشبهه در طاغینق که متفرق معناسنه و اعرابه لفظ امر فوع خبر بدر

مبتدأك * مستفلا تن بحر جزد در * بحر جز بوقطعه نك اولد یغی
بحر در و بو بحر رجز تسمیه سی حروفی آواز جزی سی متقا رب
اولد یغیچوندر * بیتك کر کدر نظمیله اوزان * نظم نونك فتحیه
باب ثانیدن مصدر در اینجوی ایلیکه دیزمك معناسنه در و منظوم
معناسنه ده کلور که فعل بمعنی مفعولدر ذکر شرط و ارا ده المشروط
یا خود ذکر متعلق و اراده المتعلق مجاز مرسل طریقیه یا خود ذکر
جزء و اراده الكل بونده اولد یغی کبی (اوزان ارکان وزنده وزنك
جمعیدر وزن برنسنه بی طارته جق نسنه به دینور و عروضیون افاعل
و تفاعل وزنی اعتبار ایلدیلر که انکله کلام منظوم وزن اولد یغیدن

البحر الهزج السالم *

یعنی بوقطعه بحر هزج سالم مثنی الاجزا دندر که هر بیاتی سکر
کره مفا عیان در هزج اسمدر خوش آواز ایله ترنم و ترانه لی شهیق
و بسته مقوله سی سرود و غنایه دینور که سامعی طربناک ایدوب
خاطرینی کول کبی کشا ده و خندان ایلیه سالم اصطلاحلرنده
اونوز ازا حیفیدن بری عارض اولیه * رسول اچلی و پیغمبر *
اواستبحاق علم بیراق * (رسول قبول وزنده لغتده اچلی به دیرلر
اصطلاحده انسان بعثه الله الی الخلق لتبلغ ما اوحاه الیه مع الکتاب
الجدید تعریفیه معرفدر فار سیده پیغمبر دیرلر) لوا کسر لام ایله
لقا وزنده سنجاق معناسنه در ولوا دخی لغتدر جمعی الویه کلور
شیخ سعدی (بیت) لقد سعد الدنيا به دام سعده * وایده المولی
بالویه النصر) و جمع الجمعی الویات کلور ولواء سرعسه کره مخصوص
اولان بیرا قدر فار سیده رایه دیرلر و رایه عربیده دخی مستعملدر
رایت و رأیت ماده سندن مأخوذ در (علم قلم وزنده بیراق معناسنه در
و سنجاق معناسنه ده کلور که میانه ارنده عموم و خصوص مطلق وار
و نشان و علامت معناسنه ده کلور * دلیل و هادیدر رهبر و راه خلف
افتدا او یبق * (دلیل ذلیل وزنده بمعنی فاعلدر که مر شده دیرلر
و کندوسیه ارشاد اولنه جق نسنه به دینور که اسانمزده قولاغوز

دینور اصطلاحده هو الذی یلزم من العلم به العلم بشیء آخر کذا
 فی تعریفات السید قدس سره (هادی هدی یهدی یعنی ضرب
 باینک ناقص باینستند اسم فاعل در طوغری یول کوستریجی دلیل
 و می شد معناسنه فارسیده رهبر دیرلر (ورا اکسه جانبته دینور معرفه
 اوله رق ظروفتندر و منه قوله تعالی * وکان وراءهم ملک یأخذ کل
 سفینه غصبا) واولک جانبته ده اطلاق اولنور که اضداد دندر خلف
 دخی عربدر شهر تنه بناء تفسیر قلندی (اقتدا اکتفاوز ننده قدو
 یقدو و یقدی یعنی نصر و ضرب باینک ناقص و او یسی افتعالندن
 مصدر در بر آمده او یقی معناسنه در * سوی طوغری سور غیري سوا
 اورته دخی یکسان * سوی عصاوز ننده اسمدر طوغری و قصد
 معناسنه در (سوی کسر سین مهمله ایله غیر معناسنه در فمن اراد
 تفصیله فلیرجع الی کتب النحو) سوا سینک و واک فتحی و مدیله اسمدر
 اورته و وسط معناسنه و عدل و داد معناسنه ده کلور و هر طرفی برابر دوز
 و مستوی شیئه دینور * ندانمدر سدی مهمله سری ایرقی ثری طوپراق *
 (نداعصاوز ننده باشغه دینور که بال معناسنه لسانمزده نم ایله تعبیر اولنور
 (سدی سینک ضمیمه و فتحی دخی جائزدر و دالک فتحیله مهمله یعنی کنندو
 قولاینه قومق معناسنه در (سری فتح سین مهمله ایله جری و زننده
 خر مالغه جاری اولان کوچک ایرمغه دینور جمعی اسریه و سریان
 کلور) ثری ورا و زننده نمناک اولان طوپراغه دینور جمعی ثریان کلور
 * منکس سر نکون ایدن مکب یوز اوستته دوشن * منکس
 محدث و زننده نکس بنکس دن یعنی نصر باینک تفعلندن اسم فاعلدر
 باشنی و بوینی یوقاری قالدرمیوب اشاغی ایدیجی آمده دینور فارسیده
 سر نکون ایله تعبیر ایدرلر (مکب کب یکب دن یعنی نصر باینک افعالندن
 اسم فاعلدر یوزی اوستته دوشن آمده دینور * خنی کیرلی جلی
 روشن سنی یوجه دنی الحق * خنی غنی و زننده خفاء ماده سندن
 صفت مشبهه در کیرلی و نهان شیئه دینور (جلی ولی و زننده صفت
 مشبهه در واضح و روشن معناسنه (سنی جلی و زننده بودخی صفت

مشبهه در بوجه که رفیع معناسنه در (دنی سنی وزننده دنایدن یعنی
 فتح بانك هموز اللاندن صفت مشبهه در خیسس والحق و ذلیل
 اولان آدمه دینور * هم استبرق قالك دیبا و سندس اینجه دیبادر *
 (استبرق همزه نك کسری و سینك سکونله قالین دیبایه دینور دیباج
 غلیظ معناسنه و بواسطه معرفه علی قول استبرق التونله یعنی صرمه
 و قلابدانه معمول زربفت دیبایه دینور یا خود دیبا کی صیق و تغه لی
 حریره شد دینور یا خود دلیم دلیم اوزنلغه دیلمش قرمزی قاشدر که
 هر دلیمی کریش قطعه سی کی اینجه اوله مصغرند استبرق دینور (سندس
 ضمتیله برنوع اینجه و نازك اطلسه دینور تکیم * ثباب سندس خضر
 و استبرق * آیت کریمه سنده واقعدر * دقیق اوفق رقیق اینجه
 عریض انلو ورق پیراق * دقیق رفیق وزننده اونه دینور طحین
 معناسنه و اینجه نسبه دینور که نصر بانك مضاعفندن صفت
 مشبهه در (رقیق دقیق وزننده رق رقیق وزننده اونه دینور طحین
 نسبه دینور که غلیظ مقابلیدر و ملو که دینور قول و جاریه کی
 (عریض فیل وزننده عرض عرض یعنی حسن باندن صفت
 مشبهه در انلو نسبه دینور (ورق عرق وزننده کاغده و پیراغه دینور
 * ندر خنصر کچی پرمق بنی بنصر بنی وسطی * خنصر کسرتیله
 کوچک پرمق اصابع صغری معناسنه (بنصر خنصر وزننده سرچه
 پرمق یاننده کی پرمغه دیرلر که اسانمزده آدسز پرمق تعبیر اولنور
 (وسطی نصری وزننده اورته پرمغه دیرلر * شهادت پرمغی سبابه
 ابهام اولدی باش پرمق * سبابه کذابه وزننده شهادت پرمغه دینور
 حات سبده آنکه اشارت اولند یعنی چون (ابهام اکرام وزننده باش
 پرمغه دینور الك كرك اباغك اولسون و بومؤ نشدر بعضا مذکر اولور
 جمعی اباهم کلور و بواسطه افعال وزننده کلندر دندر * اصابع جمله
 پرمقلر انامل او جلری اولدی * اصابع انامل وزننده اصبعك جمیدر
 پرمقلر معناسنه در اصبعده حرکات ثلاثه ایله و هر حرکه سنده بانك دخی
 حرکات ثلاثه سبده در (انامل اصابع وزننده جمیع پرمقلرک او جلری رأس

اصابع معناسنه ❖ دخی ساعد بلك يدال عقب ارجك ظفر طرناق ❖
 ساعد عادل وزنده انسانك ييلكنه دينور كه دير سكدن كفه قدر
 اولان مقدار دن عبارتدر ثنيه سي سعدان كلور (يد ياك فتحيله قد
 وزنده اله دينور فارسیده دست ديرل ويونك اصلي يدي در كه
 ناقصدر وقوت وقدرت معناسنه ده كلور ❖ والسماء بنيناها بايد ❖
 اي بقوة آيت كريمه سنده اولديغي كي ومنه ❖ يدالله فوق ايديهم ❖
 الآية (عقب كتف وزنده اياغك اوچه سنده دينور فارسیده باشنه
 ديرل جي اعقاب كلور وكشينك ولدنه وولدي ولدنه اطلاق اولنور
 (ظفر طانك فتحی وضمتيله وكسر ظايله ده شاذ اله رق طرنقه
 دينور انسانك وسائر طرنق وپنجه صاحبي حيوانك اولسون فارسيد د
 ناح دينور وظفر كجي اظفار واطافير كلور ❖ مفا عيلان مفا عيلان
 بودر بحر هزج سالم ❖ تعلم او كرن ابصر كور تكلم سويله انظر
 باق ❖ تعلم تكلم وزنده علم يعلم يانك تفعليدن فعل امر مخاطبدر
 او كرن معناسنه (ابصر اضرب وزنده بصر يبصر دن يعنى ضرب
 باندن فعل امر مخاطبدر كور و بيل معنا سنده در) تكلم تعلم وزنده
 كلم يكلم يعنى ضرب يانك تفعليدن فعل امر مخاطبدر سويله معنا سنده
 ناظم مر حوم حضر تلي بو مصراعده حواس خمسة ظاهره نك
 اكثر يني جمع ايلدي فله دره (انظر انصر وزنده نظر دن يعنى نصر
 باندن فعل امر مخاطبدر باق معنا سنده معلوم اوله كه نظر في ايله
 استعمال اولنور ايسه فكر معنا سنده در والي ايله و بنفسه اولور ايسه
 رؤيت معنا سنده در ولام ايله اولور ايسه رحمت وعلى ايله اولور ايسه
 غضب و بين ايله اولور ايسه حكم معناسنه در فاحفظ ❖ ايضا ❖
 يعنى بوقطعة شريفة قطعة سابقة كي بحر هزج سالمندر ❖ هدي
 طوغري يوله كتمك سيد و مستوي طوغري ❖ هدي سدي
 وزنده طوغري يوله كتمكه دينور رشاد معناسنه در (سيد فاعيل
 وزنده بمعني فاعلدر طوغري معنا سنده در كه فارسیده راست ديرل
 (مستوي مكنتي وزنده سوي يسوي دن يعنى ضرب يانك لفيف

مفرونتك افتعا لن اسم فاعلدر طوغر يكه صواب معناسنه ❖ جثو
 ديز اوستنه چوكك صدر دونك قبل قارشو ❖ (جثو ضمتينه باب
 ثايدن مصدر در ديز اوستنه چوكك معناسنه) صدر فتحينه رجوع
 معناسنه اولان صدر دن اسمدر دوش و دونك حالت دینور (قبل
 كسر قاف و باء موحدہ نك فتحيله قارشوده عيان و آشكاره اولان
 شينه دينور و طاقت معناسنه در كه بوندن قارسولق ايله تعبير اولانور
 ❖ حقب سكسان ييله ديرلر شهر آيلر امور ايشلر ❖ حقب
 ضمتينه سكسان ييله ديرلر يا خود سكسان ييلدن زياده يه دينور جمعي
 احقاب و احقب كلور (شهر ضمتينه شهر ك جميدر آيلر معناسنه
 فارسيدہ ماهها ديرلر) امور شهر و زننده امر ك جميدر ايشلر
 معناسنه كه ديباجه ده ذكر اولندي ❖ سنا آيدن غسق ظلت سير
 آتش سقر طامو ❖ سنا عصا و زننده شمشك آيدن لغنه و پارلسنه دينور
 (غسق علق و زننده كچه نك ابتدا قران لغنه دينور) س - سير جيم
 و زننده آتش نار معناسنه در (سقر فتحينه جهنم اسماسنددر اعاذنا لله
 تعالى منها و اشبو سقر كله سي معرفه در علميت و وزن فعل علتريله
 غير منصرفدر ❖ عشا اخشام طاميدر غذا قوشلق طعامي هم ❖ عشا
 عصا و زننده اخشام ايله ياتسو بينده يبن طعامك اسميدر (غذا عشا
 و زننده صبا حده يبن طعامك اسميدر فارسيدہ چاشته ديرلر ❖ عشي
 كوندز صوكي اولدي مس - كچه عشا ياتسو ❖ عشي عينك فتحيله كوندز
 صوكي كه آخرنها ر معناسنه جمعي عشان و عشيات كلور فارسيدہ شام
 ديرلر (مس اسم و زننده اخشام كه صباح مقابليدر ناظم مر حوم كچه ايله
 تفسير ايلدي اما يا نمزده كي موجود بوائان اغترده كچه معناسنه يو قدر
 و انشالده اخشام معناسنه مستعملدر (عشا عينك كسريله ياتسو
 نمازينك يا خود اول زمانك اسميدر ❖ فرات و عذب طتلوصو اجاج
 و ملح آجي صودر ❖ فرات فانك ضمي و رانك مديله بغايت طتلوصويه
 دينور و نهر كوفه نك اسميدر (عذب فتح عين مهمله و سكون ذال معجه
 ايله مطلقا طيب و خوشكوار اولان صويه دينور و منه الحديث * من عذب

لسانه کثر اخوانه * (اجاج همزه نك ضمیله طعمنده آجیلقله و طوز لیلای
اولان صویه دینور دکز صوی کی ش-ور آب و تلخاب معناسنه لسانی
یاقدیغیچون اطلاق اولمش-در) ملح کسر میله طوزلی صویه دینور
اجاج معناسنه در که عذب و فرات مقابلیدر * سغب اچلق شعب
طوقلق دسم باغ اولدی سم آغو * سغب فتحینه له باب رابعدن
مصدر در آچقمق معناسنه (شعب کسر شین معجه و فتح بالیله باب رابعدن
مصدر در طویمقلق و طوقلق معناسنه در که سغب مقابلیدر شارح قاموس
دیر که بمصادر طبايعدندر یعنی افعال جوار حندن دگلدر انکیچون فتحینه له
وارد اولدی (دسم فتحینه له چروش یاغنه دینور فارسیده رغن دیرلر
(سم سینک حرکات ثلاثه سی و تشدید میم ایله آغودر زهر معناسنه
فارسیده نیش دیرلر و منه (بیت) کم حسنت لذه للبرء قاتله * من حیث امیدران
السم فی الدسم * * ذنب قویرق فخذ او یلقی رکب قاسق ابط قولتی *
(ذنب فتحینه له قویروغنه دینور جمعی اذئاب کلور فارسیده دنبه دیرلر
و عربلر ضرب فلان بدنبه دیرلر اقام و ثبت معناسنه یعنی کتمکدن فارغ
اولوب اقامت و آرام ایلمدی دیه جک یرده (فخذ بفتح الفاء و کسر ها
و کسر الحاء معجه و فتحها انسانک و حیوانک او بکه ایله بالدرك بینی اولان
عضوه دینور که او یلق تعبیر اولنور و بو مؤنث در (رکب فتح راء
مهمله ایله قاسقکه قیل بتدیکی یر جمعی ارکاب کلور (ابط کسر همزه ایله
قولتغه دینور جمعی اباط کلور و بو مذکر در بعضا مؤنث اولور
* ذراع اندازه و قولدر قفا اکسه عضد بازو * ذراع کتاب و زننده
معروفدر که ارشونه دینور فارسیده کز ایله تعبیر ایسرلر و قوله دینور
جمعی اذرع و ذرعان کلور ذالک ضمیله ایکی معنایه کوره مؤنث در
بعضا مذکر اولور (قفا عصا و زننده بیونک اردینه دینور که اکسه
تعبیر اولنور فارسیده خیره دیرلر و بو مذکر و مؤنث اولوب و بعضا
ممدود اولور جمعی اقفی واقفی و واقفاء کلور (عضد عدو و زننده
دیر سکدن آموز باشندن کوره که وار نجه اولان عضوه دینور که
قول تعبیر اولور فارسیده بازو دیرلر بونده تفسیرده واقعه در

❖ البحر الهزج المسدس المحذوف ❖

یعنی بوقطعه بحر هزج مسدس المحذوف در یعنی هر بیتی ایکی کره مفاعیلین
مفاعیلین فعوان در حذف لغتده اتمغه دیرلر اصطلاحا لرنده آخری سبب
خفیف اولان افاعل وتفاعلك سببنی حذف ایتمکه دیرلر سبب خفیفده
برساکن ایله برهنر کردن عبارت در کل کی مثلا مفاعیلین دن سبب خفیف اولان
لن حذف اولانور مفاعی قالوب فعولانه نقل ایدرلر ❖ اصل اخشام ایدکندی
آره سیدر ❖ اصل امیر وزننده اخشام ایله ایدکندی اراغنه دینور
جعی اصل کلور ضمتیلله واصل واصل کلور ❖ غلس ظلمت قبس
اود پاره سیدر ❖ غلس فحمتیلله جرس وزننده کیجه آخرنده اولان
قرا کولغه دینور که صباح قرا کولغی اوله جقدر (قبس غلس وزننده
عظیم آتشدن اخذ اولنان شعله ومنه الاية ❖ نقبس من نور کم یعنی
پارلاق کوزینه دینور حافظ شیرازی (بیت) لمع البرق من الطور
وانست به ❖ فاعلی لك آت بشهاب قبسی ❖ دلوك الشمس کون طوانم سیدر ❖
دلوك الشمس مضاف ومضاف الیه ترکیبی کونشك باتمنه دینور زیرا
دلوك سالوك وزننده کونش باتمق علی قول صرارمق باخود زواله
وارمق باخود وسط سمان زائل اولمق معناسنه در یقال دلکت الشمس
داوگا اذا غربت اواصفرت اومات اوزالت عن کبد السماء لف نشر
مرتب طریقله ❖ غشور وتعس ایاق طیانم سیدر ❖ غشور ضمتیلله باب
اولدن مصدر در قایمق و سرجمک معناسنه در فارسیده لغزش دیرلر
(تعس فتح تاء مشات فوقانیه وسکون عینله اصل بوماده ایاق قایوب
یوز اوزرینه یقیلق معناسنه در که باب اولدن و رابعدن مصدر در
وهلاک اولمق معناسنه ده کلور ❖ حسن کویکت تنافس رغبت ایتمک ❖
(حسن فحمتیلله باب خامسدن صفتدر کوزل نسنده دینور جعی حسان
کلور عطاش وزننده (تنافس تناقض وزننده نفس یتفس دن یعنی
علم بابتک تفاعلمدن مصدر در برنفس نسنده مقدم ظفر باب اولمق
جهتیه کسب هنر و افراد ایتمک ایچون بطریق المعارضه اکا رغبت
ایدشک معناسنه در ❖ فرق قور قو خشوع اوکن کوزتمک ❖ فرق

فختینله اسم و مصدر اولور که قورقو و قورقاق و اودک و قورق
 معناسنه در فارسیده پاک ویم دیرل (خشوع ضمتینله خضوع وزنده
 اوکن کوزتمک معناسنه یعنی بصر ایله تواضع واستکانت ایتکدن
 عبارتدر ❖ غلام اوغلان و قولدر جعی غلمان ❖ غلام غراب وزنده
 بیخی ترلش چار ابروحدینه و ارق اوزره اولان اوغلانه دینور علی
 قول تولدی کونشدن جوان اولنجیه قدر غلام اطلاق اولنور و قول
 معناسنه کلور که معروفدر جعی غلمان کلور که ناظم مر حوم بیان ایلدی
 ❖ ولید اوغلان و قول جعی ولدان ❖ ولید جلید وزنده اوغلان که
 صبی معناسنه و قول که عبد معناسنه حره و غیری به شاملدر جعی
 ولداندر صبیان وزنده که ناظم مر حوم بیان بیوردیخی کبی ❖ کواعب
 جمع کاعب شول قیر اوغلان * هنوز انده بلورمش اوله ثدیان ❖
 (کواعب نواصر وزنده کاعبه تک جمعیدر که هنوزمه لری آخر شغلنش
 قیره دینور مصراع ثانی مصراع اولک تفسیریدر ❖ حلل اردر
 حایله عورتیدر ❖ حلل حاء مهمله ایله علیل وزنده زوج معناسنه
 فاعل تصور یله زوجده به ده حلل اطلاق جا زدر زیرا هر بری
 آخرک محله حلل ایدر بیکانه قسمی حلل ایده من و رازینی حل
 ایدوب یا خود بر برینه حلال اولدقلرینه منیدر (حلیله عللیله وزنده
 زوج به دینور ❖ مخاض اوغلان طو غرق زجیدر ❖ مخاض
 فتح یم و خاء معجه ایله عمت وزنده اوغلان بورسی چکسک و جمع
 ولادت معناسنه ❖ اولو الالباب عقل اسیلیدر ❖ اولو الالباب اولو
 ضمتینله بر جعدر که لفظندن مفردی یوقدر علی قول اسم جعدر
 مفردی دو کله سیدر که صاحب معناسنه الباب لبک جمعیدر عقل
 معناسنه بحسب التركیب عقل صاحبیری دیمک اولور و منه قوله تعالی
 * فاتقون یا اولی الالباب * ❖ زکی و طیب و طاهر آریدر ❖ زکی
 غنی وزنده طاهر پاک کیمسه به دینور (طیب سید وزنده بغایت
 پاکیزه و کوکب اولان نسنه به دینور که خبیث مقابلیدر) طاهر
 باهر وزنده نصر و حسن بابلزندن اسم فاعلدر پاک نسنه به صفاتدر

جعی اظهار در * غلو حددن تجاوز ایملکدر * غلو ضمتینله
 حددن تجاوز ایملک معناسنه در که اسامزده حدنی آشردی ایله تعبیر
 اولنور * خذوا غلوا طوتک بغلک دیمکدر * خذوا ضمتینله اخذ
 یاخذ دن یعنی نصر باینک مهموز الفاسندن فعل امر مخاطب جمع
 مذ کردر سزلر طوتک معناسنه (غلوا ضمتینله ولامک تشدیدله غلدن
 یعنی نصر باینک مضاعفندن فعل امر مخاطب جمع مذ کردر سزلر
 بغلک معناسنه * خذوه فغلوه * آیت کریمه سنی تفسیر مقامنده نظم
 اولمشدر * صورر لسه سنه معناسی ندر * دیک او یقوا اولی
 معناسنه در * سنه کسر سین مهمله ایله عده وزنده او یقولک اولنه
 دینور که همان بین النوم والیقظه حالتدر وعند البعض امر غفقه
 دینور که قلبه واندن بر مقدارجه کوزه عارض اولور و او یقوا آغراغنه
 دینور که دماغه عارض اولور و هنوز قلبه و کوزه عروض ایلمز لکن
 کوز آغراغلوب سوزلکه باشلر فارسیده پینکی وتر کیده او یوقله
 و پینکلمه و اهل کیف اصطلاحنده شکرله تعبیر اولنور و منه قوله
 نعمالی * لاتأخذنه سنه ولانوم * پس او یقولک درت مرتبه سی اولور
 واضح اولان قول ثانیدر و قول ثالث نوم حدندن خارجدر و بو
 و او یدر و سن ماده سندن مصراع ثانی مصراع اولک تفسیرند ندر
 * تلی اویدی دیمکدر ران بکدی * (تلی رمی وزنده یعنی ضرب
 باینک ناقص و او یسندن فعل ماضی مفرد مذکر غائبدر اویدی یعنی تابع
 اولدی معناسنه در) ران قال وزنده رون دن یعنی نصر باینک
 اجوف و او یسندن فعل ماضی مفرد مذکر غائبدر غالب معناسنه که
 اسامزده یکدی تعبیر اولنور * لبوس طون ذیل اتکدر که یکدر *
 لبوس صبور وزنده طونه دینور و مطلقا اثوابه دینور جامه معناسنه
 (ذیل لیل وزنده اتکه دینور که فارسیده دامن دیرلر جعی اذیال
 کلور و بو معنا دندر که اواخر ناسه اذیال اطلاق اولندی) که قبیه
 وزنده یکله دینور انتاری یکی وغیری به اطلاق اولنور بندش وجبه
 یکی کبی فارسیده آستین دیرلر جعی اکام کلور * تجلی روشن اولدی

حاق ایندی ﴿ تجلی تلقی و زننده جلی یجلیدن یعنی ضرب بابنک ناقص
 واو یسنک تفعلندن فعل ماضی مفرد مذکر غائبدر روشن که
 ظاهر اولدی معنا سنه در ومنه قوله تعالی ﴿ فلما تجلی ربه للجبل جعله دکا
 وخرمونه ی صغیرا ﴾ (حاق قال و زننده حیقندن یعنی ضرب بابنک اجوف
 یأیسندن فعل ماضی مفرد مذکر غائبدر ایندی دیمک نزل معنا سنه
 ﴿ تعالی یوجه اولدی فاء دوندی ﴾ (تعالی ترمی و زننده علی یعلی یعنی
 ضرب بابنک ناقص واویسنک تفعلندن ماضی مفرد مذکر غائبدر
 یوجه اولدی معنا سنه در (فاء باع و زننده ضرب بابنک اجوف و مهموز
 اللامندن فعل ماضی مفرد مذکر غائبدر دوندیکه رجع معنا سنه ﴿ طوی
 دوردی لواوردی دیمکدر ﴿ طوی قوی و زننده ضرب بابنک لفیف
 مقروندن ماضی مفرد مذکر غائبدر دور دیکه لف معنا سنه در (لوی
 طوی و زننده ضرب بابنک لفیف مقروندن فعل ماضی مفرد مذکر
 غائبدر بوردی معنا سنه در ﴿ غوی آزدی رأی کور دی دیمکدر ﴿
 غوی طوی کبی ماضی مفرد مذکر غائبدر آزدی معنا سنه (رأی وری
 و زننده ضرب بابنک مهموز العین و ناقص یأیسندن ماضی مفرد
 مذکر غائبدر کوردی معنا سنه در رؤیته ایکیدر یارویت بصیر اولور
 یارویت بصیرت اولور ﴿ ترائب سینه نک سو ککلریدر ﴿ ترائب نواصر
 و زننده تربیه نک جمیدر کوکس ککلرینه دینور که کوکس تحتہ سی
 تعبیر اولور علی قول کوکسدن ایکی بیون حلقه سنک ککلری طرفنه
 دینور یا خود ایکی مماله بیون حلقه سی ککلرینک ار لغنه دینور و علی
 رأی کوکسک صماغ طرفندن درت وصول طرفندن درت دانه
 قبور غارہ اطلاق اولور یا خود ایکی ال و ایکی اباق و ایکی که وزدن
 عبارتدر یا خود کوکسک دقلاده کچه جک موضعه دینور کذافی القاموس
 ﴿ خصی بی خایه سوأت اودیریدر ﴿ (خصی فتح خاء معجمه و کسر
 صاد مهمله ایلہ خایه لری چبقار لمسه دینور که انسانده خادم و آتده
 اکدیج و حروس شده اعلیق تعبیر اولور جمعی خصیان و خصیه کلور

خارك كسريله (سوات فتحينه اود يرينه تعبير اولنور كه نظر اولنسى
حرام اولان عضودر عورت غليظه معناسنه * مفاعيلن هزج بحرى
فعولن * كه محذوف مسدس كلدى موزون * بويتك مفهومي
سر قطعه ده مستفاد اولدى

البحر المجتث الخيون *

يعنى بوقطعه بحر مجتث مخبون المقصور مثنى الاجزا دندر يعنى
هر ينده ابكى كره مفاعيلن فعلاتن مفاعيلن فعلاتن در وبو بحر مجتث
فى الاصل ابكى كره مستفعلن فاعلاتن مستفعلن فاعلاتن در لكن جميع
اجزاسنه خين كلشدر خين لغتده اوزون ابس مقوله سنى قاصد
معناسنه در واصطلاح عروضيه ده اولى سبب خفيف اولان جزرك
سبب خفيفك ساكننى حذف ايمكه ديرلر مثلا مستفعلن دن سين حذف
اولوب مفعولن قالوب كلا ملرنده مفعولن وزنى اولديغندن مفاعله نقل
ايدرلر وفاعلاتن دن فاك الفنى حذف ايدوب فعلاتن باقى قالور
وعروضك بعض مقصور و بعض محذوفدر قصر لغتده قصه
ايمكه درلر اصطلاحده آخرى سبب خفيف اولان جزرك سبب خفيفك
ساكننى حذف و متحركى اسكان ايمكه درلر مثلا فعلاتن دن نون حذف
وتاساكن اولوب فعلات باقى قالور وضربك كلسى محذوفلر در حذفده
قطعه سابقه ده بيان اولدى * صلوٰة رحمت حقدر دخی نماز ودعا *
صلوٰة زکوة وزننده حق جل وعلا حضر تلرندن قوللرينه رحمت
وانساندن دعا ثنا و ملائكة دن استغفار واشجار واحجار دن تسبيح
معناسنه در وركوع وسجودى مشتمل اولان عبادات مخصوصه ده
دينور كه نماز تعبير اولنور دعائى مشتمل اولديغيون تسبيح اولدى
وبواسمدر مصدر موضعنده استعمال اولنور * ثنا ومدحه ستايش دى
جده شكر ورضا * ثنا ونا وزننده لغت واصطلاح معناسى ديپاجده ده
بيان اولدى (مدح قبح ميم وسكون دال مهمله ايله باب ثايندن مصدر در
بر آدمى خلقيه يا خود اختياريه اولان صفات جيله سى سبيله حسن ثنا
ايلك معناسنه در كه لسانمزدده اوكلك ايله تعبير اولنور و بوحمدن اعمدر
فارسيده ستايش ديرلر كه تفسير واقع اولمشدر (حمد مدح وزننده شكر

سپاس مراد ثناء جیلدر وجد ثناء بالفضیله دن عبارتدر مدح دن
 اخص و شکر دن اعمدر زیرا مدح بالاختیار و مسخره یعنی خلقه جیل
 مقابلنده واقع اولور مثلا جود و سخا مقابلنده وقامت و حسن صاحبی
 کی جدهمان جود و سخا مقابلنده اولور حسن مقابلنده اولور و شکر
 همان نعمت و احسان مقابلنده مخصوصدر پس هر شکر جده اولوب و هر
 جده شکر دکلدر و هر جده مدحدر و هر مدح جده دکلدر و لغوی و عرفی
 متعلق و مد اول و مورد جهت لریله فرق وارددر وجد جزاء و مکافات
 و عوض معناسنه استعمال اولور رضا و خوشنوداق کی و اوزرینه
 لازم کان حق و منت نعمتی ادا ایتک معناسنه استعمال اولور ﴿غفور
 یار لغیجی رحیم اسر کیجی﴾ غفور صبور و زننده ذنوب عبادی ستر
 ایدوب عیوب و خطا یاسنی یار لغیجی حضرت مولای متعالم اسماء
 حسنا سندندر ﴿رحیم کریم و زننده اسر کیجی معناسنه باری تعالی
 حضرت تلرینک اسماء حسنا سندندر که علم یابندن صفت مشبهه در
 ﴿سمیع در ایشدیجی بصیردر بینا﴾ سمیع سریع و زننده سمع یسمع دن
 یعنی علم یابندن صفت مشبهه در ایشدیجی معناسنه در که حق جل
 و علا حضرت تلرینک صفات ثبوتیه سندندر ﴿بصیر خیر و زننده بصیردن
 یعنی ضرب یابندن صفت مشبهه در کوریجی معناسنه که فارسیده بینا
 دیرلر بونده تفسیرده واقعدر ﴿بشیر مشتولیجی نذیر قورقود یجی﴾
 بشیر خیر و زننده بشیردن یعنی نصر یابندن صفت مشبهه در مردیجی به
 دینور و کولر یوزلو و جیل آدمه دینور و سید کائنات و مقدر موجودات
 افندیمرک اسماء سندندر ﴿نذیر بشیر و زننده نذر دن یعنی ضرب یابندن
 صفتدر بر آدمه بر ماده بی اعلام و ابلاغله تحذیر و تخویف ایتک یعنی
 اول ماده قورقوج اولدیغنی اخبار و اعلامله اکا قورقو و یروب آگاه
 ایتک معناسنه در که تبشیر مقابلیدر و منه قوله تعالی ﴿انا ارسلناک شاهدا
 و مبشرا و نذیرا لتؤمنوا بالله و رسوله﴾ و منه قوله تعالی ﴿کتاب فصلت
 آیاته قرأنا عریبا لقوم یعلمون بشیرا و نذیرا﴾ و منه قوله تعالی ﴿انا ارسلناک
 بالحق بشیرا و نذیرا ولا تسئل عن اصحاب الجیم﴾ مصیر واریلجی قیر

ضریر نابینا * مصیر امیر و زنده صار یصیردن یعنی ضرب باینک ناقص
 یا یئسندن اسم مکان در وار یلیجق یر که رجوع ایده جک مکانه دینور
 (ضریر قدیر و زنده صفت مشبهه در کوز سزه دینور که مراد اعمی
 اوله رق متولد اولاندر ناقص العضو و معناسندن مأخوذ در جمعی اضراء
 کلور فارسیده نابینا دیر لر که تفسیرده واقعدر و یک زبون و مهزول
 خسته به اطلاق اولنور مؤثی ضریره در * حیم یار قریب و سریع تیز
 و حیث * حیم عیم و زنده یقین خصمه دینور جمعی احاء کلور خلیل
 و اخلاء کبی و کاه اولور که حیم جمعه و مؤثیده اطلاق اولنور (سریع
 سمیع و زنده حسن یابندن صفت در تیز و جست و چالاک آدمه دینور قوله
 تعالی * واللہ سریع الحساب * بوایت کریمه پی صاحب قاموس اوچ کونا
 توجیه ایلشدر اولالزوم علاقہ سبیلہ سریععدن واقع اراده اولنوب
 قیامتک وقوع و قربنه تنبیه اولمشدر ثانیاً حق تعالینک جله افعالی
 کافی و نون ضمنده اولمغله کافه خلاقی آن غیر منقسمده حسابہ کشیده
 ایدوب احد همانک حسابی آخرک حسابندن مشغول وارانغہ شی
 آخر تخیل ایلکله محاسبه پی وقت دیگره عوق و مرهون ایلز ثالثاً
 سرعتدن قلت زمان حساب مراد در زیرا مراد الهی اراده
 علیه سندن متخلف اولما مغله جله خلاقی بعث و محشره جمع
 ایلدیکند نصکره قلم و کاتب و دفتر وعد و عقد مقوله سی آلات و ادواته
 محتاج اولما مغله بالذات مجموعنک حسابی لحظه سیره و لمحہ واحده
 رؤیت ایدوب مشیت سنیه سی مقتضاسنجه عدل و فضل الیه معامله
 ایلید جکدر حتی بر قبون صاعیمی مدته جله محاسبه تکمیل
 اوله جغی می ویدر * حکیم هر نه که ایشلر ایشی برنده اولا *
 (حکیم علیم و زنده باب خامسندن صفتدر اموری محکم ایدن عالم
 آدمه دینور که جمیع امور و افعالی صحیح و معتبر اوله * اعزه جمع
 عزیز و اذله جمع ذلیل * اعزه عزیزک جمیدر و عزیز صفتدر شریف
 و قدری یوجه اولان آدمه دینور که مصراع ثانیده مفسردر و جمعی
 اعزه کلدیکی کبی عزازدخی کلور عینک کسر یله واعزاء کلور

اجلاء و زننده (اذله ذلیک جمعیدر و ذلیل صفتدر حقیر اولان آدمه
 دینور جمعی اذله کلدیکی کی ذلال ده کلور کسر ذال ایله و اذلاء
 کلور اجلاء و زننده ❁ عزیز او و قوی و قلیل بی همتا ❁ قلیل
 خلیل و زننده و صفدر ازجه نسته یه دینور و جثه سی نحیف و زبون
 بوده اطلاق اولنور مؤنثی قلیله در ناظم مر حومک بی همتا ایله
 تفسیری مسامحه یه جل اولنور ❁ کنود منکر نعمت هلو ع قاتی
 حریص ❁ کنود و دود و زننده کفران نعمت اولان شخصه دینور
 فارسیده ناسپاس دینور و کافره اطلاق اولنور و حاشا طرف ربانی یه
 اوم و اعتراض ایدن تبه کاره دینور که مصائب و بیایاتی تعداد ایدوب
 مظهر اولد یغی نعم و فیوضاتی انکار و نسیان ایدر بخیه اطلاق
 اولنور (هاوع صبور و زننده صفتدر حریص و بخیل اولان آدمه
 دینور ❁ وجیه مرتبه اسی فقیه در دانا ❁ وجیه امیر و زننده
 مطلقا جاه و قدر و منزلت صا حی آدمه دینور ورنو نجق آیدر
 بین العرب معروفدر حضور سلاطینه دخول ایدن کیسه لاری
 یوزلرینه سورر لر بعده نزد شاهی یه کیدر لر و جاها و اولق
 ایچون (فقیه علیم و زننده علم و حسن بابلر ندن صفتدر که علم
 شریعتده عالم اولان آدمه دینور فارسیده دانادیر لر بودخی تفسیرده
 واقعدر ❁ عرض و متاع قاشدر کفاف و زاد آزق ❁ عرض فتحینه
 قاش و التیوندن غیری اولان ماله دینور از اولسون چوق اولسونکه
 خانه یه متعلق اولان متاعدن عبارتدر (کفاف فتح کافله حساب
 و زننده ناسه احتیاجی کف و منع ایله جک قدر رزق و معاشه دینور
 (زاد فتح و مد زاء و جمع ایله آزیغه دینور ❁ مشابه مجمع و مر جمع مثوبه
 مر دوجزا ❁ مشابه مقامه و زننده ثاب بثوب یعنی نصر بابتک اجوف
 و او یسندن اسم مکندر ناسک بعد التفرق مره بعد اخری مر اجعت
 ایده جنگری جمیع کاهلرینه دینور امور یری و مشور تگاه کی و کعبه
 مکرمه یه مشابه اطلاق هر سال اکایاب و رجوع اولند یغنه مینیدر
 ❁ واذجعلنا البیت مثابة للناس ❁ آیت کریمه سنده اولد یغی کی (مثوبه

(جنان قبح جیمله یورکه وقلبه علی قول محل سراولان کوکله
 دینور وجانه اطلاق اولنور روح معناسنه در جمعی اجنان کلور
 (روح ضم را ایله حور وزنده قلب وفؤاد معناسنه در علی قول یور کده
 قور قو عارض اوله جق محله دینور یاخود یور کده اولان نقطه به
 دینور که سواد القلب تعبیر اولنور) ضمیر امیروزنده معلومدر که کوکله
 دینور (خلد قحینه لاله کوکله دینور قلب معناسنه) (فؤاد ضم فایله
 غراب وزنده یور که دینور قلب معناسنه و بومذکر در جمعی افنده
 کلور وفؤاد تحرق و توقد معناسنه اولان تفؤددن مأخوذ در ❖ جیل
 کروه جبل طاغ جمله خلقتدر ❖ جیل فیل وزنده جماعت انسانی به
 دینور یقال جاء جیل من الناس ای جماعة) (جبل قحینه لاله مطلقا وتد
 ارضه دینور که طاغ تعبیر اولنور فارسیده کوه دیرلر جمعی جبال
 کلور ومنه قوله تعالی * الم نجعل الارض مهادا والجبال اوتادا * جمله
 جیمک حرکات ثلاثه ایله وتشدید لامله یرا دلش خلقت وطبیعت
 معناسنه در فارسیده نهضاد دیرلر ❖ مداد و خبر می کب زبور وسفر
 کتاب ❖ مداد کسر میم وقبح ومدال مهمله ایله یازویازه جق می که
 دینور (خبر کسر حاء مهمله وسکون باء موحده ایله یازویازه جق
 می که دینور) (زبور صبور وزنده بمعنی مفعولدر کتاب ومکتوبه
 دینور جمعی زبر کلور ضمیمه لاله ومنه قوله تعالی * وکل شیء فعلموه
 فی الزبر * وزبور خاصه داود پیغمبر صلوات الله علی نبینا وعلیه السلام
 حضرت تارینه نازل اولان کتاب اسمیدر که کتب اربعه نک جمله سندندر
 (سفر کسر سین مهمله وسکون فایله کتاب کبیره دینور علی قول تورات
 شریف اجز اسندن برجزه دینور جمعی اسفار کلور وتورات جزئه
 اطلاق ایدنلر اشبو * مثل الذین حملوا التوریه ثم لم یحموها کمثل
 الحمار یحمل اسفارا * آیت کریمه سنه بناء اطلاق ایلد یلر ❖ قنوت
 یعنی دعا وسکوت وطاعتدر ❖ قنوت قعود وزنده دعا ایلک معناسنه در
 وسکوت ایتک معناسنه در وطاعت وعبادت ایلک معناسنه در ❖ مفازه
 قور تلجی برتبار وویل هلاک ❖ مفازه مقاله وزنده نصر بابنک اجوف

واویسندن اسم مکندر قور تلجاق محله دینور (تبار سحاب وزنده
هلاک معناسنه اسمدر ومنه قوله تعالى ❁ ولا تزد الظالمین الا تبارا*
ای هلاکا (ویل لیل وزنده هلاک وخسارت معناسنه يقال ویل له ای
هلاک وعذاب له دیمکدر ❁ کبد جگر ریه اویکن کبد مشقندر ❁ کبد
فتح کاف وکسر با ایله معروفدر که جگره دینور و بومؤ نشدر قلیلا
مذکر اولور جمعی اکباد و کبود کلور (ریه عله وزنده جانلو قسمتک
نفس و ریح وهواء موضعنه دینور که آفی جگردر فارسیده شش و ترکیده
اویکن دیرلر جمعی رأث ورتون کلور و بومهموز العین و ناقص واویدر
اصلی ریدر (کبد قحینه شدت و مشقت معناسنه در ❁ ویل قاتی
شدید و ثقیل و کل آغر ❁ ویل سبیل وزنده قاتی و یک معناسنه در (شدید
ویل وزنده و مراد فیدر که قاتی و سرد و برک معناسنه صفتلر در
(ثقیل قلیل وزنده باب رابعدن صفتدر آغر نسنه به دینور جمعی
ثقال کلور کسر ثا ایله و ثقل کلور ضمتیله (کل فتح کاف و تشدید
لام ایله آغر نسنه به دینور و بر آدمک و کیلنه اطلاق اولور ثقلنی
متحمل اولد یغیچون ❁ خیال رنج و فساد و و بان ثقلندر ❁ خیال
سحاب وزنده رنج و زحمت و کل و عیال معنا سنه در یقال فلان خیال
علیه ای کل و عیال و فساد معناسنه در فساد ده برزنه آزوب تباہ
اولق معناسنه در که حد اعتدال دن خارج اولق مدن عبارتدر صلاح
مقابلیدر (وبال ملال وزنده شدت و ثقلت معناسنه در و بومعنا و خامتدن
ما خوددر ❁ عرب ارینه محبت ایدیچی عورتلر ❁ عرب ضمتیله
عروبه نک جمیدر عروبه ارینه یک محبت ایدن عورته دینور و عند البعض
عروب زوجنه عشق و علاقه سی اولان یا خود زوجنه محبت ادعاسنده
اوایوب و محبتنی اظهار ایدن عورته دینور ❁ فصیله قوم قبیله وسیله
قربتدر ❁ فصیله وسیله وزنده فصیلاک مؤئیدر که بر آدمک یک
قریب اولان عشیرت و اقرباسنه دینور علی قول آباء واجدادی طرفندن
اقرب اولان اقرباسنه دینور ومنه کان العباس رضی الله تعالی عنه
فصیلة النبی علیه الصلاة والسلام (وسیله فصیله وزنده قربت و پایه

و رتبه به دینور که مالوک یاننده اعتبار اولور ✽ ز نیم یاتلو کشیدر
 لئیم اکا بکرز ✽ ز نیم قتح زاء هجه ايله لئیم وزنده شول فرومایه
 ولئیم آدمه دینور که لوئم ودنا تله یا خود شروشنا عتله معروف اوله
 (لئیم جیم وزنده وصفلردرد فی الاصل وفرومایه وخیل النفس اولان
 کیمسه به دینور جعی لئام کلور کسر لامله ولؤما کلور کرما وزنده
 ولؤمان کلور ضمه ✽ ملا اولو کشیلرهم ملا جماعتدر ✽ ملا قتح
 میم ولام آخرنده همره ايله بر قومک عالیه و اشرا فته یعنی کبارنه واجله
 واعیاننه ووجوهنه اطلاق اولور که مسئول و مأمول اولان احسان
 و معروف ورأی و تدبیر مقوله سی حالاته مملو اولدقلری مناسبتله یا خود
 عظمت و شان شوکت و خدم و حشم ايله عیون و صدور ناسی طوادر دقلری
 علاقه سیله اطلاق اولندی (ملا وزن مذکور اوزره جماعته اطلاق
 اولور و منه قوله تعالی * الی فرعون و ملائکة فاستکبروا و کانوا قوما عالین

✽ البحر الرجز السالم ✽

یعنی بوقطعه بحر رجز سالم مثنی الاجزا دندر که هر یکنده سکز کره
 مستعملن در ✽ کافور جنت چشمه سی نهر و نهر ارماق و چای ✽
 کافور قتح و مد کاف و ضم فایله جسته بر پیکار آیدر تقول اللهم
 اسقنا من الکافور و هو عین فی الجنة و منه قوله تعالی * ان الا برار یشر بون
 من کأس کان من اجها کافورا * و کافور اسمیله معروف طیب اسمیدر
 بحر هند و چین جبالنده نابت بر شجر دن حاصل اولور یعنی انک ضمه فیدر
 شجر من بور بغایت کبیر اولغله سایه سنده خلق کثیر متمکن اولور اول
 مکانک حرارتی سببیه قاپلا نلر شجر من بور اطرافنده ایوا ایدر
 و کافورک قلیته سبب بودر و اخشابی آق و ملایم اولور انلرک جو فنده
 بولور و کافورک انواعی واردر ولونی ابتدا قرمزی اولغله تصعید ایله
 بیاض اولور جعی کوافیر و کوافر کلور (نهر بحر وزنده صو
 بحر اسنه دینور که چای و ارماق معنا سنه در جعی انهار کلور و نهر کلور
 ضم نون و سکون ها ايله و انهر کلور افلس وزنده (نهر فتحینه
 نهر معنا سنه در عین الفعلی حروف خلق اولد یغیچون حر که

اندی فارسیده جوی دیرلر ✱ ناطور باغک بکجیسی زاجر سور یجی
 زجرها ✱ ناطور کافور وزنده باغ و باغچه و خرماق بکجسته دینور
 فارسیده باغبان و باغچوان دیرلر لسانمزده باغچوان ایله متعا رفدر و حام
 ناظوری بوشعبه دندر جمعی نوا طیر کلور (زاجر ناظر وزنده زجر
 یزجردن یعنی نصر یابندن اسم فاعلدر مانع و طارد و سائق معنای نه
 و منه قوله تعالی (فالزا جرات زجرا ای الملائکة تزجر السحاب ای
 تسوقه سوا) زجر فجر وزنده زاجر دن مصدر در منع و نهی ایلمک
 معناسنده در بصائرک بیاتنه کوره زجر صوت و آواز ایله طرد ایلمکه
 موضعدر وگاه اولور که بالکزجه طرد معناسنده و بعضا آواز و صیحه ده
 استعمال اولور لسانمزده بار کیره داه و او کوزه های دید بکمز کی و ناظم
 مر حوهک دخی مر ادلی بودر ✱ فتاح و کشاف آچجی فرار و آبق
 قاچجی ✱ فتاح کشاف وزنده فتح یفتحدن مبالغه ایله اسم فاعلدر
 مبالغه ایله آچجی معناسنده در و باری تعالی حضر تیرینک اسماء
 حسنا سنددر ✱ کشاف فتاح وزنده کشف یکشفدن یعنی ضرب
 یابندن مبالغه ایله اسم فاعلدر مبالغه ایله کشف و اظهار اید یجی معناسنده
 (فرار کرار وزنده فرر یفرر دن یعنی ضرب یابنک مضاعفدن
 مبالغه ایله اسم فاعلدر قاچجی معناسنده در) آبق فتح همزه ممدوده
 ایله ابق دن یعنی علم و ضرب و فتح بابلرینک مهموز الفاسندن اسم
 فاعلدر قاچجی معناسنده ✱ در اینجونا ثر صاچجی موسر غنی
 معسر کدای ✱ در دالک ضمیمه و زانک تشدید یله اینجویه دینور
 اسم جنسدر قلیل و کثیره اطلاق اولور جمع صیغه سی در در فک
 ادغامه و درات کلور جمع مؤنث سالم بنیه سبله (ناثر ناظر وزنده نثر
 یثردن یعنی نصر یابنک اسم فاعلدر صاچجی معناسنده در) موسر
 مکرم وزنده بسر یسردن یعنی ضرب یابنک مثال یائسنک افعالندن
 اسم فاعلدر زنکین و ما لدار آدمه دینور جمعی میا سر کلور (معسر
 موسر وزنده عسر یسردن یعنی علم یابنک افعالندن اسم فاعلدر
 فقیر و احتیاجی اولان آدمه دینور فارسیده کدا دیرلر بونده تفسیر در

* فوج و فریق و فرقه هم امت جماعت زمره در * فوج فتح
 فایله موج و زننده گروه و جماعت معناسنه در جمعی فوج فانك
 ضمیله وافواج کلور و صیفه متهی الجموع افواج و افواج کلور
 (فریق حریق و زننده فرقه دن اکثر اولان طائفه انسانی به دینور
 جمعی افرقاء و افرق و فروق کلور قاموس شارحی دیر که فریق اسم
 جماعت واحد و کثیره اطلاق اولنور) فرقه کسر فایله خرقة
 و زننده ناسدن بر بلو که دینور جمعی فرق کلور فانك کسری و رانك
 فتحیله و منه الحدیث * ستفترق امتی ثلث و سبعین فرقه * الحدیث
 امت الفک ضمیله معلومدر که دیباجه ده شرح اولندی جمعی ام
 و آم کلور عام و زننده (جماعت معلوم جمله نك تفسیری زمره اوله جقدر
 * ثله عصابه شرذمه حزب و فئه معشر آلائی * ثله ناك ضمیله فله
 و زننده جماعت انسانی به دینور و چوق اقچه به دینور (عصابه
 کسرعین مهمله ایله مناره و زننده انساندن و آت و قوش مقوله سندن
 اون فردن قرقه و ارنجیه قدر اولان جماعته دینور (شرذمه معجینك
 کسری و میك فتحیله ازجه جماعت انسانی به دینور جمعی شرادیم
 و شرادیم کلور (حزباء مهمله نك کسریله خاصه جماعت انسانی به
 اطلاق اولنور) فئه فانك کسریله و همزه نك فتحیله طائفه و گروه
 معناسنه در و بونك اصلی فی ایدی کسر و مد فایله ها حرفی وسط کله
 اولان یاء ساقطه دن عوضدر جمعی فئون کلور (معشر فتحیله مقعد
 و زننده جماعته دینور و بر آدمك اهل و عیال و اولادینه دینور و جن
 و انس گروهنه اطلاق اولنور قاموس شارحی دیر که متحد الشان اولان
 جماعته دینور (آلائی مصراع ثانینك تفسیریدر * عتی رضا
 خوشنودلق عقی جزا هم عاقبت * عتی ضم عین مهمله ایله عقی
 و زننده اسمدر رضامعناسنه در و خوشنودلق معناسنه در که بوضورته
 مصدر اولوز (عقی عتی و زننده برایش ضممنده ترتب ایدن جزا
 و پاداشه دینور که اسمدر امر مزبوری معاقب اولد یغیچون و عاقبت
 معناسی اولدیغی ظاهر اولدی جزا و عاقبت هر نقدر عربی ایسه ده

شهرتیه بناءتفسیه قیلندی ﴿ بین مبین مستبین روشن آچق هین قولای ﴾
 بین سید وزنده بین بین دن یعنی ضرب باینک اجوف یا بپسندن
 وصفدر واضح و آشکار نسنهیه دینور جمعی ابیناء هین واهیناء کبی
 وایان و بیناء ده کلور کرما، وزنده (مبین معین وزنده بینک افعالندن
 اسم فاعلدر آچق و روشن معناسنه در) (مستبین استفعالندن اسم فاعلدر
 مبین معناسنه و بونلر لازم و متعدی اولور بونده لازمدر) (هین بین
 وزنده قولای و آسان اولان نسنهیه دینور که اصلی هوین در که
 اعلالی کلمه ده و او با جمع اولدی قدسبقت احدیهما بالاسکون علی
 الاخر قاعده سنه کوره و او یابه قلب و ادغام ایلدک که اربا بنه
 معلومدر و منه * الموه من هین این کابل * الحدیث جمعی هیناء کلور
 ﴿ باغ معارفده صالان جمعی مناقبده بولون ﴾ معنای مصراع
 معرفت باغ ایلرنده خرامان اول و جمع مناقبده بولونکه هر برنده
 حصه یاب و فائده مند اولور سن ﴿ مستفعلمن مستفعلمن بحر رجزدر
 جان فزای ﴾ جان فزای جان ارتر یجی معناسنه وصف ترکیبدر
 ﴿ ایضا ﴾ معلوم ﴿ کالح یوزین پور تران طالح باوز صالح ابو ﴾ کالح
 طالح وزنده کلح یکلح دن یعنی فتح بابندن اسم فاعلدر یوزینی
 پور تروب تعیس ایدن آدمه دینور فارسیده ترش رودیرلر (طالح
 کالح وزنده باب نالندن اسم فاعلدر یورغون فروما به آدمه دینور
 (صالح طالح وزنده نصر و ضرب و حسن بابلندن اسم فاعلدر
 فاسد و تباه اولیوب ابو اولان شیئه دینور ﴿ کادح طور یشوب
 کسب ایدن شامخ بلند و قرم او او ﴾ کادح طالح وزنده کدح یکدح دن
 یعنی فتح بابندن اسم فاعلدر سعی و غیرتله کسب و کار ایلجی آدمه
 دینور (شامخ کادح وزنده فتح بابندن اسم فاعلدر بو کسک و عالی
 نسنهیه دینور و عز و تعظیمیه بورنتی یوقاری توطان یاد کاره اطلاق
 اولنور فارسیده بلند دیرلر بونده تفسیردر) (قرم فتح قاف و سکون
 را ایلله خلقت او اوسی معزز و مکرم اولان کیمسهیه دینور ﴿ ازهر اغراق
 یوزلیدر زهرا و غرام لیدر ﴿ ازهر اجر وزنده فتح بابندن صفت

شبهه در بغایت چهره سی سراج منیر کی برق و اشراق
 ایدن آدمه دینور و بغایت حسن و صفوت اوزره آق و براق
 اولان شیئه دینور (اغر غره دن و صفدر مطلقا آق اولان
 شیئه دینور معلوم اوله که الوان و عبودن اسم تفضیل صیغه لری
 صفت مشبهه معناسنه در (زهرا ازهرک مؤثیدر) (غرا اغرک مؤثیدر
 * اخضریشل ازرق کبود اجر قزل اصفر صارو * اخضر
 اصفر وزنده خضر دن صفدریشل رنگو نسنه به دینور (ازرق
 اخضر وزنده زرقدن صفدر کوک و مائی رنگو نسنه به دینور
 جمعی زرقدر زانک ضمیمه فارسیده کبود دیرل (اجر ازرق وزنده
 حرتدن و صفدر قرمزی رنگو شیئه دینور جمعی حرکاور زرق
 وزنده (اصفر اجر وزنده صفرتدن و صفدر صاری رنگو نسنه به
 دینور * ابرص الاتلو کشتی اشهل الا کوزلو درر * ابرص اجر
 وزنده برصدن صفدر برص علتیه اوغرامش کشتی به دینور که ابرص
 تعبیر اولور و برص مذکور بر علت آدیدر که انسانک فساد من اجندن
 ناشی ظاهر بدنده جابجا بیاضاق حادث او اور عضو غدا اولان نسنه لرده
 لزوجتلاو بلغم اولسه و دائماً عضو آنی غدا انوب دفع ایلمسه علت
 من بوره حدوث ایدر ترکیده ابرشاق علتی تعبیر اولور (اشهل ابرص
 وزنده شهلتن صفدر الا کوزلو آدمه دینور مؤثی شهل در و شهل
 کوزک سیاهی کوکندن آزجه و اندن احسن اولق علی قول کوزک سیاهی
 قزلغنه مائل اولغنه دینور * اجر د نه قیل من تلودر امر د صفا سنز
 سادرو * اجر د امر دوزنده جر ددن صفدر تو یسن آدمه دینور
 و بو صوبونق معناسندن مأخوذ در و او تسز قبر به دینور
 (امر د اجر دوزنده صفدر هنوز بیخی تلمکه بشلیوب لیکن چهره سی
 آینه کی خطدن صاف اولان جوانه دینور فارسیده ساده رودیرل
 ناظم مر حوم من دخل دخل بئرینه دوشمشدر زیرا اکثرینک معناسی
 اولغنه ترجمه فارسی بیتله دخل ایدوب مع هذا کندوسی فارسیتله
 نفسیره قائل اولمیوب سه زبان اوزره نظم ایلمشد * اکمه ندر کوزسنز

طوغان طیهوج چیل بازی طوغان ✽ اکمه احمد وزنده صفتدر
انادن کوزسز طوغان آدمه دینور وشول چارافه واوتلاغه اطلاق
اولنور که پک فراوان اولمغله نه طرفه توجه اولنه جعی معلوم اولیه
(طیهوج طاء مهمله نک فتحیه له طیفور وزنده تیهو معربدر که
ترکیده چیل قوشی دیرلر (بازی بادی وزنده طیور جنسند قوش
معرونک اسمیدر که ترکیده طوغان دیرلر ایچی قوشدر جعی بوازی
وبازات کلمور حاجات وزنده ✽ عقابه طوشنجل دیکل ارنب
نه طوشان دب آبو ✽ عقاب غراب وزنده طوشنجل قوشنه دینور
قره قوش نوعندن ورنوعنه ییلانجل تعبیر اولنور که ییلانلری قاپوب
هلاک واکل ایدر جعی اعقب کاور اکب وزنده وعقبان کاور غلمان
وزنده شارح فقیردر که وزن مستقیم اولق ایچون قافی مشدد
اولمالیدر (ارنب انب وزنده طوشانه دینور که وبواسم جنسدر
مذکر و مؤنثه شاملدر فارسیده خرکوش دیرلر (دب دلاک ضمیمه
وبانک تشدیدله آبو تعبیر اولان جانوره دینور مؤنثی دبه در هایلله
جعی ادباب کاور و دبه کاور عنبه وزنده ملایمتله یوریمک معناسنه
اولان دیب معناسندن مأخوذدر زیرا آبو قسمی یایچه یایچه یوریوب
وانسان کی اغاجله طرمانوب چیقدیخی اجلدن ✽ تمهید هموار
ایلمک تحریر آزاد ایلمک ✽ (تمهید تمجید وزنده مهد بمهددن یعنی
فتح بابنک تفعیلندن مصدردر برنسنه بی یایوب ودوشه ملک معناسنه در
فارسیده هموار کردن مرادفیدر (تحریر تقریر وزنده حرز بحرردن
یعنی ضرب بابنک مضاعفت تفعیلندن مصدردر قول وجاریه آزاد
ایلمک معناسنه در و کتاب وسائر نسنه بی طوغری ویراویرنده درست
وپاکیزه یاغنی معناسنه در ✽ ابتر صوکنده خیر واولادی قالمیان
اولو ✽ ابتر اخر وزنده بتر بتردن یعنی نصر بابندن صفتدر قطعا
نسل وذریتی قالمیان کیمسه یه اطلاق اولنور وخیر و حسناتی قالمیان
آدمه دینور وقوی روغی کسلس ارکاک حیوانه دینور مؤنثی بترآوجعی
بترکاور حر وزنده ✽ ایضا ✽ معلوم ✽ ابکم اصم دلسز صاغر

اسمع ایشت اقعده اوتور ✽ ابکم اجر وزنده بکم بکم دن یعنی علم
 یعلم بایندن صفتدر دلسز آدمه دینور فارسیده لال دیرلر جعی بکمان
 وبکم کلور حرورزنده (اصم فحینهله وتشدید میله صم بصم دن
 یعنی علم باینک مضاعفندن صفتدر صاغر اولان آدمه دینور جعی
 صم کلور حرورزنده و صمان کلور کمان وزنده وزمان جاهلیته ماه
 رجبی اصم الیه توصیف ایدلرایدی زیرا اشهر حرمدن اولغله انده اوازه
 قتال وهنگامه جنک وجدال اولیوب زمزمه صیاح وقعقه سلاح
 ایشید یلد یکنه بناء تسمیه ایلد یلر تفسیرلری لف ونشر مرتب
 طریقله در (اسمع اعلم وزنده سمع یسمع دن یعنی علم یعلم بایندن فعل امر
 مخاطبدر ایشت سن معناسنه) اقعده انصرورزنده قعدیقعد یعنی نصر
 بایندن فعل امر مخاطبدر اوتور معناسنه معلوم اوله که مضارعك
 عين الفعلی مضموم اولان باین امرک همزه سی مضموم اولور عین
 الفعلیه تبعیت بولسون ایچون مضارعك عين الفعلی مکسور
 ومفتوح اولان باین امرک همزه سی قطعامکسوردر فاحفظ ✽ بآنس
 قتی حاجتلاو در صاغر ذلیل مدحور خور ✽ بآنس باء موحدہ نک
 فتحی ومدیلہ بآنس بآنس دن یعنی حسن باینک مهموز العینندن اسم
 فاعلدر قتی حاجتلاو آدمه دینور (صاغر طاهر وزنده صغر یصغردن
 یعنی علم بایندن اسم فاعلدر ذل وحفارتہ راضی و متحمل آدمه
 دینور جعی صغره کلور کتبہ وزنده) ذلیل ذلیل وزنده ذل یذل دن
 یعنی ضرب بایندن وصفدر که باب رابع مجراستنده در خور وحقیر
 آدمه دینور (مدحور مفتوح وزنده فتح وعلم بابلرندن اسم مفعولدر
 بمعنی فعلیدر که ذلیل معناسنه در فارسیده خور دیرلر بونده تفسیردر
 ✽ سارب ندر طشره چیقان هم نکص دونک عطف یان ✽ سارب
 شارب وزنده شول مواشی یه دینور که کز ندوز چوبآنسز کندی
 باشنه اوتلامغه مرعایه کیده دخی بریوزنده کندی قولاینه بردوزویه
 کیدن انسان و حیوانه دینور معنای آخره کوره دخل
 باینندن اسم فاعلدر (نکص فتح نون وسکون کافله عکس

وزننده برخیرایشده ایکن ایزاوزره کیرو دونک معناسنه در
 یقال نکص علی عقبیه اذارجمع عماکان علیه من خبروبوخیره
 مخصوصصدر (عطف فتح وکسر عینله یانه دینور جنب معناسنه
 ویرشیک جانبته دینور ایکی جانبته عطفاً دینور ✽ طائف عسس
 کیجه کزن یزجی سورر یمشی بورر ✽ طائف طالب وزننده شهرک
 صوباشیسنه اطلاق اوانور وبوطوف ماده سندن مأخوذدر که
 برنسنه نک اطرافنه طولنق معناسنه بعده صوباشی به تسمیه اولندی
 مملکتک اطرافنی کزدیکی ایچون ناظم هر حوم کیجه به تخصیص
 ایلمسی اغلبه میندر (عسس فتحینله نصر یابندن مصدردر که کیجه
 کزوب طولاشقی معناسنه در وخاصة کیجه وقتنده مکاردن واهل
 فساددن برمحلی محافظه ایچون هرطرفنی کزوب طولاشقی معناسنه در که
 صوباشی وضابط کاریدر (یزجی زجی بزجیدن یعنی ضرب بضرب
 بابنک ناقص واویسندن فعل مضارع مفرد مذکر غائبدر برشئی
 اوته دفع ایدرک سورر معناسنه در ومنه قوله تعالی * ألم تر ان الله
 یزجی سحاباً ثم یؤلف بینہ * الا یة یمشی یمشی یمشیدن یعنی ضرب
 بابنک ناقص یا یئسندن فعل مضارع مفرد مذکر غائبدر بورر معناسنه
 ✽ اعین بیوک کوزلی کشی عینا مؤنث جعسی عین ✽ اعین اجر
 وزننده عینک وصفیدر که آهو کوزلی آدمه دینور مؤنث عیناء در
 حراء وزننده جعسری عیندر عینک کسرله ناظم هر حومک بیان
 ایلمدیکی کی ✽ حوار کوزلی قاره تنی غایتده اقدر جعی حور ✽
 حورا حرا وزننده سیاه کوزلی محبوب و محبوبه یه دینور وغایت کوزک
 اقی اق وقاره سی قاره علی قول بدنی سیم صافی کی پک بیاض اوله
 وکوزبنک بیاض وسوادی پک قیواولق معنارینه در جعی حور حرا
 وزننده ✽ فهم وتفقه اکلامق عجب وتفکه طاکلق ✽ فهم فتح فالله
 سهم وزننده فهم يفهمدن یعنی علم یابندن مصدردر اکلق معناسنه
 فارسیده شناختن مرادفیدر (تفقه فقه يفقهدن یعنی علم بابنک
 تفعلندن مصدردر فهم معناسنه در یقال تفقه کلامی اذا فهمه شارح

قاموس دیر که تفقه تحصیل فقه ایلک معناسنه ده کلور (عجب قتل
و شغل و زننده یعنی مصدر در طاکلی معناسنه در که برنسنده یه الفت
و اعتیاد اولدیغندن ناشی طبعه نکره و غریب کورندیکندن یا خود
فی ذاته یک خوش و الطیف و نادر الوجود اولدیغندن بویله شی
اولور می دیو انکار واسه تغراب ایلک معناسنه در (تفکه تفقه و زننده
فکه یفکه دن یعنی علم باینک تفعیلندن مصدر در برنسنده دن یک
خوشنوب پسندیده کلکله تعجب ایلک معناسنه در ❦ صبح آت یلر کن
خشتاق اصطبل و معلف در آخور ❦ صبح قحضه ضاده معجه و سکون
بالله آت قسمی سکر در کن کشمکن و او قره مقدر بشقه اغزندن هارلی
ایله یا خود اح دهرک سسلنک معناسنه در که اول سسه هارلی
تعبیر اولور انک صبیق نفسندن پیدا اولور و منه قوله تعالی * والاعادیات
صبحا ❦ الآية اصطبل همزه نک کسر یله و صادک سکون یله و طاء
مهمله نک قحیه اخوره دینور موقف دابه معناسنه و اولانده اولان
الف نفس کله دندر زائد کدر زیر ذوات اربع اولان اسمانک اولانه
حرف زائد داخل اولن مکر افعال و زنی اوزرینه جاری اولان اسم اوله
پس ذوات خسه اوله نک اولی حرف زائد اولق ابعد در جمعی
اصاطب کلور (معلف مقعد و زننده علف یعلف دن یعنی ضرب
یضرب دن اسم مکاندر که طوارک یم یه جک یرینه دینور که آخور
و یمک تعبیر اولور ❦ عابر کچن غابر قلان بازغ طوغان آفل بتان ❦
(عابر صابر و زننده عبر یعنی نصر بابتدن اسم فاعلدر کچن
معناسنه یعنی کو پریدن صودن یواندن کچن کی (عابر عابر و زننده غیر
غیر غبوردن یعنی نصر بابتدن اسم فاعلدر قلان ماکث و باقی معناسنه
و ذاهب و ماضی معناسنه اولمغله اضداددن اولور جمعی غبدر
رکم کی (بازغ بالغ و زننده بزغ بیرغ دن یعنی نصر بابتدن اسم فاعلدر
طوغان که طالع معناسنه در (آفل غافل و زننده افل یا فل دن یعنی
نصر و ضرب و علم بابلرینک مهموز الفاسندن اسم فاعلدر بتان
معناسنه در که بازغ مقابیلدر و منه قوله تعالی * فلما جن علیه اللیل

رأى كوكبا قال هذاربي فلما افل قال لا احب الا فلين * ❀ ناظر كورن
 طائر عمل مر قد جدت هم قبر كور * ❀ ناظر غافر وزنده نظرينظر دن
 یعنی نصر بابندن اسم فاعل در كورن و كور بجی مناسبه فارسيده
 بينده مر ادفيدر (طائر طاهر وزنده طير يطير دن یعنی ضرب بابنك
 اجوف يايدسندن اسم فاعل در كه حكم وقضا و قدر اليه انسانك
 همده سنه الزام وتقليد اولنان خير وشر عمله اطلاق اولنور ومنه قوله
 تعالى * وكل انسان الزمناه طائره في عنقه * اي عمله الذي طار عنه
 من خير وشر (مر قدمقد وزنده رقد يرقد دن یعنی نصر بابندن
 اسم مكان در ياتوب او بوياجق يره دينور مضجع مناسبه من اراه اطلاق
 بومناسبه در ومنه قوله تعالى * ياويلنا من بعثنا من مرقدنا *
 (جدت فتح جيم اليه حدث وزنده قبر ومن اراه دينور جمعي اجدت
 واجداث كلور ومنه قوله تعالى * من الاجداث الي ربهم ينسلون *
 (قبر فافك فتحى وبانك سكونيله من اراه دينور جمعي قبور كلور
 فارسيده كور ديرلر بونده تفسير در

❀ البحر المتقارب ❀

يعنى بوقطعه بحر متقارب مثنى الاجزادندر كه هر بيتى سكره فعولندر
 لكن عروضى محذوف وضربى مقصود در حذف معلوم قصر قصه
 ايتكه ديرلر اصطلاح عروضيه ده آخرى سبب خفيف اولان جزئك
 سبب خفيفك ساكننى اسقاط و متحر كنى اسكان ايتكه ديرلر مثلا
 فعولنده كى نونى حذف ايدوب فعول باقى قالور * ❀ ممد مؤكدا كيد
 استوار * ❀ ممد تمهيد دن اسم مفعولدر تسويه وتنظيم واصلاح
 ومحكم اولان نسنهيه دينور (مؤكدا كدك تفعلىدن اسم مفعولدر
 قوى ومحكم نسنهيه دينور ومثال واويدن دخی لغندر) (اكيد فاعل
 وزنده بمعنى مفعولدر محكم ومتين شئيه ديرلر فارسيده استوار ديرلر
 بونده تفسير در * ❀ تربص رقب ندر انتظار * ❀ تربص تعلم وزنده
 ربص يربص دن یعنی نصر بابنك تفعلىدن مصدر در كه برآمده نازل
 وحادث اوله جق حالت ووقعهيه منتظر اولق مناسبه در كه كرك خير

و كرك شر اولسون (ترقب تر بص وزننده رقب یرقب دن یعنی نصر
 باینك تفعلندن مصدر در برنسنه یی كوزتمك ومنتظر اولق معناسنه در
 * رواكد ثوابت طوران نسنهل * رواكد نواصر وزننده ركد یركد
 ركودا یعنی دخل بابندن اسم فاعلاك جمع مؤنث مكسر یدر طوران
 نسنهل (ثوابت رواكد وزننده بمعناها * هم ارسا وهرسا ثبات
 وقرار * ارسا اجرا وزننده رسا یرسیدن یعنی ضرب باینك ناقص بایسنك
 افعالندن مصدر در برنسنه ثابت وپایدار اولق معناسنه در وقرار معناسنه ده
 كلور كه برنسنه یی طور درمق و طو تمق بو معنایه كوره متعدی اولور
 (هرسا مجرا وزننده ارسادن مصدر مییدر كه معناری بیان اولندی
 * كظیم اولكه خشم و غضب یو تقنور * كظیم حكیم وزننده كظم
 بكظم دن یعنی ضرب بابندن صفتدر خشم و غضبی عفو اید یچی
 معناسنه در یعنی بر آدمی ضرب و قتل ایلكه قادر ایكن انك گاهندن
 كچوب و عفو و كرم اید یچی ذات بهی الصفات آدمه دینور و منه
 قوله تعالى * والكاظمین الغیظ والعافین عن الناس * الآية * هضموم
 وهنی * وهری خشكوار * هضموم صبور وزننده هضم بهضم دن
 یعنی ضرب بابندن صفتدر سریع الهضم اولان طعامه دینور
 وهاضم الطعام اولان دوايه دینور (هنی * امیر وزننده هنی * بهنا یعنی
 علم باینك مهموز اللامندن صفتدر سهولته معديه واصل اولوب
 علی الفور هضم اولان طعامه دینور (هری * هنی * مثلاً و هضمی آسان
 اولان طعامه دینور و منه قوله تعالى * فكلوه هنیثا مریثا * فارسیده
 خوشكوار دیرر كه بونده تفسیردر مری * فی الاصل فعیل وزننده
 مهموز اللامدن صفتدر وزن مستقیم اولق ایچون همزه سی حذف
 اولمشدر * هشیم اوت قروسی و حصرم قروق * هشیم بسیم
 وزننده هشیم بهشیم دن یعنی ضرب بابندن صفتدر شول قوری
 اولتغه دینور كه پاره لنوب ریزه ریزه اوله علی قول مطلقاً قوری اولتغه
 دینور وهرشیئت قور یسنه دینور (حصرم كسر یتله خام و نابخته
 خرمایه دینور كه قروق تعبیر اولنور واوزمك ابتداسنه كه هنوز یشل

اولد قده اکادخی قروق دیرل * ضربیع آغولو اوت قندشین خیار *
 ضربیع سربیع وزنده کعبه شریفه یوانده برنبات آدیدر که تازه سنه
 شبرق و قروسنه ضربیع دیرل و بوخیث و بدبوی اولغله حیوانلرا کا
 یا قلمزلر و دیکنلری کدی طرناغی کی اولور وانلرده آغولو اوور
 (قند قحینهله معروف میوه در که لسانمزده خیار ایله متعارفدر فارسیده
 شین دیرل که ناظم مر حومک ذکر ایلدیکی کی لکن باصمه نسخنه لده
 شین ایله خیاری براملاده طبع ایلمش لدر لایق اولان باشقه باشقه
 رقیم اولمایدر که سه زباند * مهین نکهبان امین ایدیچی *
 (مهین مسیطر وزنده هین بهین دن یعنی رباعی مجرده ملحق اولان
 بیطر باندن اسم فاعلدر هر برشی اوزرینه حافظ و رقیب اولان
 الله ذوالجلالک اسماء حسنا سندندر فارسیده نکهبان دیرل قاضی
 حاشیه سی شیخزاده ده مهین مفعول وزنده امن یا من دن یعنی علم
 بابتک افعالندن اسم فاعلدر مؤمن معناسنه اصلی مأمن همزه ثانیه نک
 اثباتیه و همزه مزبوره یایه قلب اولغله مؤمن اولدی افعاله نک
 همزه سی هایه قلب اولدی عربلرک ارقه هرقت قوللرنده اولدیخی
 کی وقتاکه افعاله نک همزه سی هایه قلب اولدی ایسه همزه ثانیه
 باقی قالوب حذف اولدی مع هذا افعالك همزه سی مضارعنده
 واسم فاعلنده حذف اولور یکرم و مکرم ده اولدیخی کبی زیرا
 مضارعدن واسم فاعلدن همزه نک حذفی مضارعک متکلمنده ایکی
 همزه جمع اولدیغندن ایچوندن باقی سیده بونک اوزرینه حل اولدی
 و همزه هایه قلب اولدی ایسه اوزرینه حل اولنیوب همزه ثابت اولدی
 عرب بلغانک قوللری مثلی هراق یهریق هانک قحیهله مضارعنده
 اصلی اراق یریق در وقتاکه افعالك همزه سی هایه قلب اولدی ایسه
 مضارعنده حالی اوزره باقی قالدی ناظم مر حوم بوایکی معنایه ده
 اشارت ایلمشدر که نکهبان و امین ایدیچی ایله تفسیر ایلمشدر * مسلط
 مسیطر ملک شهریار * (مسلط مختلط وزنده سلط یسلطدن یعنی
 علم بابتک تفعیلندن اسم فاعلدر قاهر و غالب معناسنه بواسطه ایه

پادشاهه اطلاق ایدر لر هر کسه غالب وقاهر اولدیغی اجلدن
 (مسیطر مهمین وزنده سیطر یسیطر دن یعنی رباعی مجرده ملحق
 بیطر بایندن اسم فاعلدر بر شیک اوزرنده قائم اولوب احوالی کورب
 کوزه در اولان آدمه دینور بو علاقه ایله پادشاهه اطلاق اولنور که
 کمال شفقت و مروت چندن ناشی کافه رعیه یه حافظ و نگهباندر (ملک
 کبد وزنده ملک ملک دن یعنی ضرب بایندن صفت مشبهه در که ملک
 صاحبنه دینور مراد پادشاهدر جمعی ملوک کلور فارسیده شهریار
 دیر لر بونده تفسیردر ❀ ریدیه اوکی قزاقه جاریه ❀ ریدیه حبیبه وزنده
 اوکی قزه دینور که زوجه سنک زوج اولندن قالوب و تحت تربیه سنده
 اوله بمعنی مفعولدر (امه فتحینه رقیق ملوک که دینور که فارسیده
 کنیزک و اسانمزده جاریه و اصل ترکیده قرنق تعبیر اولنور و امه
 لفظنک اصلی اموه ایدی قحطاله یا خود اموه ایدی قمره وزنده جمعی
 اموات کلور قحطاله و اماء کلور دماء وزنده ❀ عشیره نه قوم و قبيله
 تبار ❀ عشیره شعیره وزنده بر آدمک اقرب اولان قوم قبيله سنه
 دینور (قوم نوم وزنده اسم جمعدر بالعیه رجال و نسا جماعته اطلاق
 اولنور علی قول رجال جماعته مخصوصدر یا خود نسوان بالتبعیه
 داخل اولور و بومؤنث و مذکر اولور جمعی اقوام کلور (قبيله
 سفینه وزنده معلومدر فارسیده تبار دیر لر بونده تفسیردر ❀ خلیل
 و حبیب و صدیق اولدی دوست ❀ خلیل حبیب وزنده خل یخل دن
 یعنی ضرب بایندن صفت مشبهه در صادق اولان یار و دوسته دینور
 (حبیب صدیق وزنده حب یحب دن یعنی باب مذکور دن صفت
 مشبهه در خلیل معناسنه (صدیق حبیب وزنده صدق یصدق دن
 یعنی باب مر قومدن صفت مشبهه در حبیب معناسنه ❀ انیس و قرین
 و رفیق اولدی یار ❀ انیس سلیس وزنده انس یا انس دن یعنی
 ضرب باینک مهموز الفاسندن صفت مشبهه در یولداش و الفت
 اولسان شیئه دینور (قرین رفیق وزنده قرن یقر دن یعنی باب
 مذکور دن صفت مشبهه در بر آدمک همیشه یار و مصاحبنه دینور

جعی قرناء کلور (رفیق قرین وزنده رفیق یرفق دن یه-نی باب
مرقومدن صفت مشبهه در انیس معناسنه در ج-خی رفقاء
کلور ضمرا ایله * جسور و جریدر کو کلاو کشی * جسور صبور
وزنده جسور یجسر دن یه-نی نصر یابندن صفتدر یورکلو ودلیر
وبالا بلند آدمه دینور (جری مری وزنده جرؤ یجرؤ دن یه-نی
حسن یابنک مهموز اللامندن صفتدر یورکلو ودلیر آدمه دینور که
عدو اوزرینه اقدامی چوق او اور جعی جرأ کلور یونک اصلی
جریدر فعیل وزنده همزه سی وزن ایچ-ون حذف اولمشدر
* شجاع و مبارز بهادر برار * شجاع غراب وزنده بأس و شدت
هنکامنده شدید القلب اولان آدمه دینور که بهادر تعبیر اولنور
وش-ینک حرکات ثلاثه سه-بله ده جائزدر جعی شجعه کلور شینک
حرکات ثلاثه سیله (مبارز مقاتل وزنده برزیبرزدن یعنی نصر یابنک
مفاعلتدن اسم فاعلدر جنک و قتال ایچون ایکی خصم بری برینه
قرشو میدان چیقوب جنک ایلکه دیرلر * مآثر مناقب هنزلردر *
(مآثر مناقب وزنده مآثر دنک جمیدر اسلاف اعزه کرامدن باقی قلان
علم و علم انشاء و بوکاشیه هنر و معرفت لری (مناقب مناقبه دنک جمیدر
مفاخر معناسنه در که باعث افتخار اوله جق فضل و هنرله دینور که
مخابر و مآثر مفاخرتدن عبارتدر * امانی یلانلر اکاذیب وار * امانی
امالی وزنده امینک جمیدر یلانلر معناسنه (اکاذیب مصایح وزنده
مکذابک جمیدر مصایح مصباحک جعی اولدیغی کی * سچی
ساکن اولدی وقی صاقلدی * سچی غزی وزنده سچا یسجودن
یعنی نصر یابنک ناقص و او یسندن ماضی غائب مفرددر سکن و دام
معناسنه در (وقی قحینه له ضرب یابنک لفیف المفروقندن ماضی مفرد
غائبدر صاقلدی که حفظ معناسنه در * بدا ظاهر اولدی علان
آشکار * بدی لدی وزنده بدا یبدودن یعنی نصر یابنک ناقص
و او یسندن ماضی مفرد غائبدر ظهر معناسنه شاعر * بیت * الصبح
بدا من طلعه * واللیل دحامن و فرته (علان قحینه له نصر و ضرب

و حسن بابلرندن ماضی مفرد غائب در آشکار که ظاهر معناسنه سر
 و اسرار مقابلیدر ❁ فاعولن فاعولن فاعول ❁ بوبحره تقارب دی ای
 کامکار ❁ تقارب تباعد و زننده قرب یقرب دن یعنی حسن بابنک
 تفاعیلندن مصدر در و بوبحره اسمیدر و بوبحره تقارب ایله وجه
 تسمیه به سبب بودر که ایکی کره ویدری سبیلر یله تقارب ایلدکاری
 ایلدندر ❁ ایضا ❁ معلوم ❁ رفیع و علایو وجه سید اولو ❁ رفیع
 شفیع و زننده رفع یرفع دن یعنی فتح بابندن صفتدر عالی و شریف
 اولان شیئه دینور که ترکیده یوجه دینور (ملازم عین و فتح لامله
 علودن صفتدر یوجه و یوکسک و رفیع معناسنه در شیخ سعدی
 ❁ بیت ❁ باغ العلابکماله ❁ کشف الدجایجماله (سید جید و زننده سود
 ماده سندن صفتدر که اصلی سویدر اعلال کلمه ده و او یاجمع اولدی
 قد سبقت احد یهما بالاسکون قاعده سنه کوره و او ی یا به قلب
 ایلدک و یاء مقلوبه بی یاء ثانیه نیک ایچروسنه ادغام ایلدک سید اولدی
 اولو و مهتر و سر کرده آدمه دینور جمعی ساده در که اصلی سیده ایدی
 و سیانده کلور تبعه و تبایع کی ❁ صنی و نقی پاک جید ابو ❁ صنی
 فاعیل و زننده صفایصفودن یعنی نصر بابنک ناقص و او یسندن صفت
 مشبهه در هر شیئک پاک و خالصنه دینور اعلالی اربانه معلومدر (نقی
 صنی و زننده نقوینقودن یعنی علم بابنک ناقص و او یسندن صفتدر پاک
 و پاکیزه شیئه دینور جمعی نقاء کلور کسرنونله و نقواء کلور نقباء و زننده
 (جید سید و زننده جاد یجود دن یعنی نصر بابنک اجوف و او یسندن
 صفتدر اصلی جویدر اعلالی سیدک اعلالی کبیدر ابو و بهتر شیئه
 دینور جمعی جیاد کلور و جیادات کلور که صیغه منتهی الجموعدر
 ❁ صمیم و سواد یورک اورتنه سی ❁ صمیم حیم و زننده یورک
 اورتنه سنه دینور که فارسیده میان دل دیرل عرییده حبه القلب ایله
 تعبیر اولنور (سواد عوید اوزننده یورکده اولان سیاه نقطه به دینور که
 سواد القلب و اسواد القلب و حبه القلب ایله معبردر که فارسیده
 دانه قلب دیرل ❁ مزیت فضیلت خلق یخشی خوی ❁ (مزیت حیثیت

وزننده محبت کبی مصدر در فضیلت معناسنه در که سائر اوزرینه
تحقق ایدن مایه الریحاندر خلاصه بهض آدمک متخصص و ممتاز
اولاد بی نعمت غیر متعدیه در علم و سماحت و شجاعت کبی (خلق
صحف وزننده خوی و طبع و سنجیه معناسنه در و منه قوله تعالی
وانک اعلی خلق عظیم *ندر ضحک کولک بکا اغلق* *ضحک کسر
و فتح ضاد معجه و سکون حاء مایه ایله ضحک بضحک دن یعنی علم بایندن
مصدر در کولک معناسنه در فارسیده خندن دیرلر (بکان کاوزنده بیکی
بیکی دن یعنی ضرب بابنک ناقص یا یسندن مصدر در اغلق معناسنه در
که فارسیده کر به دیرلر *انین ایکلمک اسف تاسه لو* *انین طنین وزننده
آن یان دن یعنی ضرب بابنک مهموز الفاسندن و مضاعفندن مصدر در
درد و المدن ناشی ایکلمک و ناله قلیق معناسنه در (اسف زمن وزننده
سف یا سفدن یعنی علم بابنک مهموز الفاسندن صفت مشبهه در الملو
و تاسه لو معناسنه در *قطوف جنی میوه دانی یقین* *قطوف
قنوت وزننده قافک کسر یله اولان قطفک جمع در بربره جمع اولمش
یشلر معناسنه در کذا فی اختری و منه قوله تعالی *قطوفها دانیة*
جنی عصا وزننده دوشوریلان میوه به دینور (دانی فانی وزننده دنی
بدنی دن یعنی ضرب بابنک ناقص یا یسندن اسم فاعل در یقین
معناسنه در *رطب یاش خرما و یابس قنور* *رطب ضم را
و فتح ط ایله اولمش یاش خرما به دینور واحدی رطبة و جعی
ارطاب و رطاب کلور (یابس حابس وزننده یبس یبس دن یعنی علم
و حسب بابلندن صفت در یاش اولوب صکره دن قنور یش نسنه به
دینور *عدس می جک اولدی و حص نخود* *عدس قس
وزننده حبوباتن معروفدر که می جکه دینور مفردی عدسه در
(حص قنب وزننده حب معروف اسمیدر نخود تعبیر اولانا غله در
شعیر ارپه هم دخن وارزن طرو *شعیر امیر وزننده حبوبات
جنسندن ارپه به دینور مفردی شعیر در فارسیده جو دیرلر (دخن
ضم دال و سکون خاء معجه ایله جاررس اسمیدر که قره جه طاری
و صورت طاریسی دید کاری خرده طاری به دینور (ارزن اجر

وزننده آق و آری طاریدر که شام طاروسی و صورت طاروسی دیرل
 وفارسیده دخی مستعملدر ✽ هجیر وظهیره کونک اورتیسی ✽
 هجیر کریم وزننده زوال شمس وقتنده ظهر ایله بیله نصف نههار
 زمانه علی قول شمسك زوالندن عصره قدر زمانه اطلاق اولنور
 زیراناس اول وقتنده شدت حرارتدن خانه لرنده آرام ایلمکله کویا که
 بری برندن هجرت ایلرل (ظهیره کیره وزننده نصف نههاره دینور که
 کونک اور تاسی دیک اولور جمعی ظهار کلور ✽ سموم اسی بلدر
 حیم اسی صو ✽ سموم صبور وزننده اسی یله دینور که سام بلی تعبیر اولنور
 اکثری کوندز هبوب ایذر سمیتلوا اولغله طوقند یعنی بر باد ایذر جمعی
 سمایم کلور (حیم ریم وزننده صفتدر اسی صویه دینور جمعی
 حاتم کلور و صوغوق صویه دینور که اضدادنددر ✽ سکینت وقار ایله
 آرامدر ✽ سکینت طبیعت وزننده سکن یسکن دن یعنی ضرب
 بایندن صفتدر وقار و طمانینت و تمکین اوزره آرام ایلمه در
 ✽ معاد آخرتدر هوا ارزو ✽ معاد مقال وزننده عاد یعود دن یعنی
 نصر باینک اجوف و او یسندن اسم مکندر کبر و طرا جق
 یر مصیرو مرجع معناسنه بو علاقه ایله آخرته دیرل که معاد خلقدیر
 یعنی خلائقک و راجق بری اولدیغیچون (هوانوا وزننده نفسک اراده
 و ارزوسنه دینور که مراد شهوات ارزو سیدر ✽ فرس آت جرس چاک
 جرس بکجیلر ✽ فرس عدس و وزننده آت دینور ارکینه و قسر اغنه
 شاملدر علی قول قسر اغنه فرسه دینور ها ایله جمعی افراس
 و فرس کلور (جرس فرس وزننده چاک تعبیر اولان شینه دینور که
 حیوانلرک بو یئونه و نصارا کلیسه لرنده اصارلر (جرس جرس وزننده
 حافظ و نکهبان معناسنه اولان حارسک جمیدر ✽ تحسس تحسس کی
 جست و جو ✽ تحسس تحسس وزننده حس یحس دن یعنی علم باینک
 مضاعفک تفعیلندن مصدر در ناسک حوادث و اخبارینی ارشد رفق
 معناسنه در لکن خیره منعلق اخباره مخصوصدر (تحسس تحسس وزننده
 جس یحس دز یعنی نصر باینک مضاعفک تفعیلندن مصدر در تحسس

معناست لکن بعضیست که عنده بوشه متعلق اخباره مخصوص صدر
حق سبحانه و تعالی حضرت تلرینک کلام قد یننده و فرقان مبینده
* و لا تجسسوا و لا یفتب بعضکم بعضا * قول شریفنده اولد یغی کی
و فارسیده جست جودیرلر که بونده تفسیردر * بحار معارفده غواص
اولان * اولور حقه طبعی در دن طلو * بحار بحرك جمیدر (معارف
معرفتک جمیدر) غواص شداد وزننده غاص یغوص دن یعنی
نصر بانک اجوف و او یسندن مبالغه ایله اسم فاعلدر مبالغه ایله دریایه
طالوب انجو و سائر شی چیقارن آدمه دینور (حقه طبعی حقه
معروفدر که ایچنه می کب و سائر شی فورلر) طبع خوی معناست در و بونک
اضافتی مشبهک مشبه بهه اضافتی قیلنددر (محصول بیت) معارف
دربارینه غواص اولانک حقه طبعی اولو و جواهر ایله مال مال اولور

* البحر الرمل المقصور *

یعنی بوقطعه بحر رمل مثنی الاجزاد ندر که هر بیت سکز کره
فاعلاتندر لکن عروضک اکثریسی محذوف و بعضیسی مقصوردر حذف
معلوم قصر شرح اولندی و ضربک کلیسی مقصورلردر * زنجبیل
اوچق شیرابی سلسبیل انده پیکار * زنجبیل سلسبیل وزننده جتنده
برار ماغک آیدر (سلسبیل زنجبیل وزننده جتنده بر چشمه نک یا خود
بر پیکارک اسمیدر بوجه تله معرفه و غیر منصرفدر منع صرفه سبب علم
و معرفه در لکن آخر آیتده واقع اولوب سائر فواصل آیات منون
اولمغله تناسب و ازدواج ایچون آخرینه الف زیاده سیله منون
اولدی سلاسل و اغلا لا قیلنددر * کوثر اوچاق ایرماغی
ایرماقلری اندن آقار * کوثر کوهر وزننده جتنده مخصوص
برنهرک آیدر که جتنده اولان جمیع انهار اندن منفجر و منشعب اولور
الله ذوالجلال حضرت تلری جمله مزی اول کوثر دن ریان و سیراب
ایلیه آمین * ائل ایلغون اغاجیدر خط مسواک اغاجی * ائل
فتح همزه و سکون ثانیله اجی ایلغین اغاجنه دینور که مفردی ائله
وجعی ائلان و ائول کلور و ایلغین اغاجی ایکی نوع اولور بری

طرفاء بری ائلدرد که کبیر اولور بو کا آجی ایلمین دیرلر اغاجی متین
 اولور قصعه و قدح یپارلر (خط حد و زننده اراک اغاجنه دیرلر که
 بو بر اغاجدر که دیار عربده چوق اولور واندن مسـواک ایدرلر
 واول سبیدن مسواک اغاجی دیرلر ❖ هم سفر جل ایوه تفاح المه در
 رمان انار ❖ سفر جل فتح سین وفا ایله ایوه تعبیر اولنان معروف
 میوه به دینور جچی سفارج و مفردنده سفر جله دینور ها ایله واشبو
 سفر جلاک طبیعتی قابض و مقوی و بولی مدر و طعامی مشـهی
 و صو سز اغی مسکن در و بعد الطعام تناولی مسهلدر و دیلوب
 جکر دکنی اخراج و جوفنی خالی ایدوب یرینه غسل وضع
 ایلد کد نصره چامور لیوب فرونده قورودلش اولانی بغایت نافعدر
 (تفاح رمان و زننده المه به دینور و بورا یحه طیه مناسبه اولان
 تفحه دن مأخوذدر فارسیده سبب دیرلر) رمان زنار و زننده
 فوا کهدن ناره دینور معروفدر مفردینه رمانه دینور و بواوج نوع
 اولور طاتاو واکشی و یخوشدر و هر برینک خاصه کثیره سی
 واردر ❖ ایتلا اکسکک ایتک امتلا طولمقدر ❖ ایتلا امتلا و زننده
 الی یالودن یعنی نصر بابنک مهموز الفاسندن و ناقص و اوینک
 افتعالندن مصدر در که اعلاالی اربانه معلومدر بر خصوصده
 اکسکک ایتک مناسبه در (امتلا ایتلا و زننده ملائمتلا دن یعنی
 فتح بابنک مهموز اللامندن مصدر در برنسنه کرکی کی طولوق
 مناسبه در ❖ مستخیف و مستغفر قورقو دوب ایدن بی قرار ❖
 مستخیف مستخیر و زننده خاف یخوف دن یعنی نصر بابنک اجوف
 و اوینک استفعالندن اسم فاعلدر قورقو دیجی مناسبه در
 (مستغفر مستخرج و زننده فریزدن یعنی نصر بابنک مضاعفک
 استفعالندن اسم فاعلدر بر آدمک تمکین و مناننی ازاله ایله مضطرب
 و بیقرار ایدیجی آدمه دینور ❖ محسن ایلاک ایدیجی محبت تواضع
 ایدیجی ❖ محسن مکرم و زننده حسن یحسن نک افعالندن اسم
 فاعلدر دائما ناسه ایلاک ایدیجی آدمه دینور (محبت خاء معجه ایله

مکرم وزنده خبت یخبت دن یعنی علم یعلم بابنک افعالنیدن اسم
 فاعل در صورتی و معنوی تذل و تواضع ایدیجی معناسنه در
 ❖ ابتلا در صینامق هم امتحان و اختیار ❖ ابتلا امتلا وزنده
 بلی یبلودن یعنی نصر بابنک ناقص و او یسنک افعالنیدن مصدر در
 برنسنه نک حالی بیلک ایچون صنایوب امتحان و اختیار ایلمک
 معناسنه در (امتحان اختیار وزنده محن یمحن دن یعنی فتح بابنک
 افعالنیدن مصدر در ابتلا معناسنه) اختیار امتحان وزنده خبر
 یخبر دن خاء معجمه و یاء موحده ابله که علم و نصر بابلرینک
 افعالنیدن مصدر در امتحان معناسنه در فارسیده آز مودن دیرل
 ❖ فاعلاتن فاعلاتن فاعلان بحر رمل * وزنی بودر بولغاتی از بر
 ایت قبل یادکار ❖ الفاظ معلوم ❖ ایضا ❖ معلوم ❖ وسع طاقت
 مره قوت از ررقه جنب یان ❖ (وسع واولک حرکات ثلاثه سیله
 طاقت معناسنه در فارسیده تاب دیرار) مره هره وزنده زور و قوت
 معناسنه جمعی مرر کلور غنب وزنده و امر کلور و جبر یل امین
 حضر تلرینه ذومره اطلاق اولتور کافی قوله تعالی * ذومره فاستوی *
 (از بر زر وزنده ارقه به دینور فارسیده پشت دیرار و زور و قوت
 و ضعف معناسه اولغاله اضداد دن اولور) جنب ذنب وزنده یانه
 دینور شق معناسنه انسا نک و سائر نسنه نک اولسون جمعی جنوب
 و جوانب کلور و جنائب دخی کلور ❖ نحب حاجت عدن اقامت
 مرکز و جبر مکان ❖ نحب جنب وزنده حاجت معناسه به دینور
 (عدن نحب وزنده عدن یعدن عدنادن یعنی ضرب و نصر
 بابلرندن مصدر در بر یرده اقامت و تمکن ایلمک معناسنه و منه قوله
 تعالی * جنات عدن * ای جنات اقامت لمکان الخلود) مرکز
 مصدر وزنده رکز یر کردن یعنی نصر و ضرب بابلرندن اسم
 مکان در بر آدمک موضع و قرار کاهنه دینور شارح فقیر (مصراع)
 چیقدی اهیم مرکز تاریخ ایچون (حیرلین وزنده اسمدر مکان
 و ناحیه معناسنه در حوز صکره فعیل وزنی اوزره حویر اولدی

کله ده واو یا جمع اولدی قد سبق ایدیهمما بالسکون قاعده سیله
 واوی یا یه قلب ایلدک و یاء مقلوبه بی یاه ثانیه ایله ادغام ایلک
 ایله حیر اولدی و بونک دخی تخفیفده جائزدر هین ایله هین کی
 ولین ایله این کی جمعی احیاز کلور ﴿ وحی اشارت هم رسالت
 وحی الهام ایلک ﴾ وحی رمی وزنده وحی یحی دن یعنی ضرب
 باینک لفیف مقروندن مصدردر اشارت ایلک معناسنه در و اشارت
 رمز ایله و تعریض کلامله و ترکیب بدن عاری مجرد صوتله و بعض
 جوار حمله حاصل اولور و ایلچی کوندر مک معناسنه ده و الهام
 معناسنه ده کلور یقال اوحی الله فی قلبه کذا ای الهامه ﴿ ممتری شک
 ایدیجیدر مری به شک و ظن کان ﴾ ممتری مشتری وزنده مری بمری دن
 یعنی ضرب باینک ناقص و اویسنگ افتعالندن اسم فاعلدر بر نسنه ده
 شک و تردد ایدیچی معناسنه در (مری به کسر و ضم میم ایله اسمدر
 شک و شبهه معناسنه (ظن فن وزنده ظن یظن دن یعنی نصر باینک
 مضاعفندن مصدردر مشکک اولان نسنه نک غالب و راجع اولان
 طرفنه دینور فارسیده کان دیرلر بونده تفسیردر ترکیده صائمه و سزمه
 ایله معبردر جمعی ظنون و اظانین کلور ﴿ روح جبرائیل و عیسی
 روح بر در لوملک ﴾ روح حوروزنده جبرائیل علیه الصلاوة و السلام
 حضرتلرینه دینور و روح ایله جبرائیل همشمار و حضرت عیسی
 صلوات الله علی نبینا و علیه حضرتلرینه اطلاق اولور و نفخ معناسنه در که
 نفس ایله او فورمک و او فلک در و روح برملک اسمیدر که یوزی انسان
 یوزی و جسدی ملائکه صورتنده در ﴿ روح حقک امر و حکم روح
 قرآن روح جان ﴾ روح وزن مر قوم اوزره حضرت رب العالمینک امر
 و حکمنه اطلاق اولور و روح قرآن عظیم الشانه اطلاق اولور و روح
 مابه حیات الانفس یعنی ماده حیات اولان و دبعه الهیه به دینور که
 جان تعبیر اولور و حکما اکانفس اطلاق ایدرلر و روح لفظی مذکر در
 نفس اعتباریله مؤنث دخی اولور قاموس مترجمی دیر عند المتکلمین بر جسم
 لطیف و شفافدر که بالذات زنده در بدنه سرا بتی کلابک کوله سرائیتی

کبدر دیوب هبوط و عروج و برز خده تردد ایلسیله احتیاج ایدر
 بصائرک بیاننه کوره روحك حقیقی براطیفه ر بانیه و عنا صر عالم
 علو بدن برعنصر شر یقدر که مدد الهی ایله عالم سفلی به متصل
 و درجات حیوانات و تفاوت حالات حسبیه حیوان قسمته متعلق اولور
 و انسان نوعی صورتده و معنا وصفته اکمل جنس حیوان اولفله
 اکا متصل اولان روح افضل ارواح اولور و اول لطیفه نك حقیقته
 و قوف طور عقول بشریه نك ماوراسیدر نهایت عوارض ممیزه سیله
 ادراك حدامکانده در و اوج نوع ایله متو عدر حیوانی و طبیعی
 و نفسانیدر روح حیوانینك می کزی قلبدر و طبیعینك می کزی دم
 و نفسانینك می کزی دما غدر و روح حیوانی جمیع اعضا به سرایت
 عروق ضواری و واسطه سیله واصل اولور و روح طبیعی اطراف بدنه
 آورده واسطه سیله واصل اولور و نفسانی تپه دن قدمه قدر اعصاب
 واسطه سیله منشور اولور و روح و حیوانینك نمره سی حیات و راحتدر
 و طبیعینك قوت و قدرتدر و نفسانینك حس و حرکتدر
 انتهى ❖ ام حسبتم صاند یکز می حسبته پسیدر اکا ❖ ام حسبتم
 ام استفهامیه حسبتم باب ساد سدن فعل ماضی جمع مذکر مخاطبدر
 سز صاند یکز می معناسنه در که کفاره خطابدر ❖ ام حسبتم ان تد خلوا
 الجنة ❖ آیت کریمه سنه تلمیح و اشارتدر (حسبته علمه و زننده باب
 مذکور دن مصدردر هو مفعولیدر فاعلی متر و کدر بحسب التركيب
 اکا کافیدر و ترکیده اکا تشبیردر و الویردر لر بو تعبیر اولور بعض
 کره مصدرک فاعلی و مفعولی متروک اولور زیرا مصدرده مفهوم
 کلی تصور و ملحوظ اولمز یعنی حدث و زمانه و فاعل مابه دلالتی
 ملحوظ دکادر انجق حدثه دلالته ایدر و بعض کره فاعل و مفعول مذکور
 اولور ❖ حیثما هر قنده مهماهر نه اذما هر چن ❖ حیثما فتح حاء مهمله
 ایله کلمه مجازا تدن فعلینی جزم ایدر فعلندن اوله شرط و ایکنجی به
 جزا دیر لر حیثما تفعل یکتب فعاک مثلی و حیثما ظرف مکانه موضو عدر
 و بوماسز جزم ایتمز و ما اضافتدن قطع ایدوب مبهمه اولمق اوزره قیلار

و بواسطه مبنیدر التقاء الساکنین دن ایچون آخری حرکه اندی
و بعضیلرک عندندہ ضم اوزره مبنیدر غایاته تشبیها و بعضیلر دیدیلر
فتح اوزره مبنیدر ضمه یا الیه ثقیل اولدیغی اجلدن کله مجازات اون بشدر
لم ولما و لام الامر و لاء النهی وان و مهمما و ماومن و این و متی و انی و ای
و حیثما و انما و اذما و ادر (مهمما فرما و زننده شیء معناسنه در ماکی
و بعضیلر دیدیلر صرف زمان معناسنه در متی کی و بونک اصلی مادر
ابهام معناسی زیاده اولق ایچون آخرینسه برماء زائده داخل اولغله
ما و اولدی تابع مثیلن کریمه اولدیغی اجلدن ماء اولک الی هایه قلب
اولوب مهمما اولدی و حیثما کی عمل ایدر (انما کسر همزه و سکون
زال الیه بودخی مهمما کی کله مجازات دن وجهه سندندر عصامک بیاننه
کوره زمانه موضوعدر و امام سیو یهک عندندہ کلمتیندن مر کب
دکدر برأ سها کله در و بعضینک عندندہ اذا الیه مادن مر کبدر
و حیثما کی عمل ایدر ❖ سلاک ایلاک سلاک قویق سلخ اخراج ایلاک ❖
سلاک کسر سین مهمله ایله ایلاک دینور که ایکنه به کچوریلور مفردی
سلاک وجعی اسلا کدر (سلاک فتح سین مهمله ایله سلاک یسلاکدن
یعنی نصر باندن مصدر در برنسنه بی برره قویق معناسنه در و لازم
دخی اولور که یول و مکان مقوله سنه کیرمک معناسنه در و بویول
معناسنه موضوعدر سائر معناسوندن منشاءدر (سلخ فتح سین مهمله
و سکون لام الیه سلخ یسلخندن یعنی نصر و فتح بابلندن مصدر در
مذبوحک در یسنی یوزوب چیقارمق معناسنه در و انسانک ارقه سندن
لباسنی صویقه دخی استعمال اولور ❖ عض اصیرمق عصر صقیق
عصر ایکندی هم زمان ❖ (عض مدوزنده عض بعض دن یعنی
نصر بابتک مضا عقندن مصدر در دیش الیه برنسنه بی اصیرمق
معناسنه در (عصر قصر و زننده عصر یعنی ضرب باندن
مصدر در ایچنده کی چیققیق ایچون طوپ طولی نسنه بی صقیق
معناسنه در (عصر وزن مزبور اوزره اسمدر ایکندی و قته دینور
کونش قرار نجه به قدر و دهر و زمان معناسنده اطلاق اولور

✽ ایضا ✽ معلوم ✽ اینده خرما اغاجی قنوان آنک صالحی قنوانی ✽ اینده ریه
وز تنده خرما اغاجنه دینور نخله معناسنه جعی لین و لیان والیان
کلور راهل مدینه عجمه دن غیری خرما نک انواعنه واصنا فنه اینده دیرل
اصلی لونه در واوسا کن ماقبلی مکسورا و لغله یا به قلب ایلدک اینده اولدی
(قنوان صیوان وز تنده خرما صالحی معناسنه اولان قنونا جعیدر
وقیان واقنساء کلور آنک ایله جملانور ✽ جنه پری واحدی جنی وهم
جندر پری ✽ جنه فتنه وز تنده جن صنفنک طائفه و جماعتنه دینور پس
جن لفظندن اخص اولور تاء وحدت جنسیه به دال اولور (جنی جیمک
کسری ونونک تشدیدله جن صنفندن یا خود جماعتندن واحد
دیمکدر که روم و رومی کی اولور) جن کسر جیم و تشدیدتون ایله انسک
خلافیدر و جن حقنده ایکی کونا مقاله وارد برسی بودر که جن مطلقا
حواسک مجموعندن مستر اولان روحانیون اطلاق اولور که انس مقابلی
اولور بو صورتده ملائکه و شیاطین داخل اولور پس ملائکه ایله جن
یلتنه عموم و خصوص مطلق وارد هر ملائکه جندر و هر جن ملائکه
دکدر ثانی روحانیونک بعضیسنه اطلاق اولور زیرار روحانیون اوج
قسمدر اختیاردر که ملائکه در و اشرا در که شیاطیندر و اوسطدر که
اخیار و اشرا ری مشتملدر جن طائفه سیدر ✽ حبه دانه جنه قلقان
حبه جامه ثوب طون ✽ حبه فتح حاء هاء و تشدید با ایله حب کله سنک
واحدیدر بغدادی و اریه و سائر دانه لره اطلاق اولور جعی حیات و حبوب
کلور و حباء کلور حراء وز تنده (جنه ضم جیم و تشدیدتون ایله قلقانه
دینور و مطلقا بدنی ستر و وقایه ایده جک شیئه دینور) (حبه جنه وز تنده لباس
معروفک اسمیدر که اسمانزده حبه ایله معبردر جعی حب کلور جن
وز تنده و حباب کلور قباب وز تنده (ثوب نوم وز تنده انسانک اکنه
کیه جکی لباسه دینور جعی اثواب و اثوب کلور ✽ خفیه کز او خیفه
قور قومر تفق راحت بری ✽ خفیه غرقه وز تنده اسمدر کز او و مستور
نسبه به دینور) (خیفه خیفه وز تنده اسمدر قور قومر معناسنه اصلی
خوفه در جعی خیف کلور (مر تفق مر تفق وز تنده رفق رفق دن

یعنی نصر بابنك افتعالندن اسم مكنادر راحت ایدہ جك مكانہ دینور
 ✽ خل سر کہ دبس بکمز خرمی صہبا قزل ✽ خل حل وزندہ تازہ
 اوزمك وغیر بسنك شیرہ سندن حوضت بولان نسندہ بہ دینور کہ
 لسانزدہ سر کہ دینور و سر کہ تازہ اوزمندن و قوری اوزمندن و خرمادن
 و شکر و عسل و انجیرا مثالندن و پرنج مثلاً و حبو باتدن ترتیب اولنور افضل
 و اعلاسی تازہ اوزمندن و سر کہ ایکی جوهر دن می کبدر کہ بارد
 و حاردر و خاصہ سی چوقدر از جہلہ معدہ بہ ودیش اتہ و یکیکہ
 و حشرات صوقہ سندن و آفیون تناولنك مضرتہ و یاغہ نافعدر
 (دبس ورد وزندہ بکمزہ دینور مطلقدر اگر اوزم یا خرما بالما
 و بونلر مثلاً و شی ایلہ تقید اولنور سہ فرق وارددر فارسیدہ دوشاب
 دیرلر (خر جمع وزندہ آدمی سرخوش ایدن شیرہ بہ دینور کرک
 اوزم و کرک خرما و سائر نسندہ دن اولسون فارسیدہ می دیرلر خرم
 جمیع اسمایہ دلالتی مؤنث سماعیدر کو یا حرمتہ بناء سائر
 مشروبانك عندندہ مؤنث کیدر (صہبا مہما وزندہ صفتدر
 قزل معناسنددر بعدہ قرمزی بادہ دہ علم کی اسم اولشددر وہبی
 سنبل زادہ (بیت) (رنك صہبا ایلہ اولمش کل یناقلر آل آل * بیضہ
 سرخ ایدی ہم کافر کینمش قرمزی) ✽ حامض اکشی حلو طاتلو
 شہد بالدر نحل آری ✽ حامض حامد وزندہ حمض یحمض دن
 یعنی نصر و علم بابلزندن اسم فاعل بناسیلہ صفتدر کہ اکشی نسندہ بہ
 دینور (حلو رخ وزندہ حلو یخلودن یعنی علم و نصر و حسن
 بابلزندن صفتدر کہ طاتلو نسندہ بہ دینور اجی مقابلیدر فارسیدہ شیرین
 دیرلر جمعی حلو کلور (شہد مہد وزندہ بالہ دینور عسل معنا سندنہ
 جمعی شہاد کسر شین ایلہ قاموس شارحنك پیاننہ کورہ کوچ بالنہ
 دینور فارسیدہ ابتکین دیرلر (نحل عقل وزندہ بال آری سندنہ دینور
 مذکر و مؤنثہ اطلاق اولنور مفردی نحلہ در نمرہ و نمر کبی
 ✽ التادی چاغر شفق ربع و منزلدر قوناق ✽ التادی لام حرف
 تہر یف تنادی ندایندیدن یعنی علم بابنك ناقص یا بسنك تفاعلندن

مصدر بری برینی جاغرمق معناسنه در (ربع رفع وزنده فوناغه
 دینور تقول نزلنا فی ربع لطیف ای منزل و حولی بی مشتمل اوه
 دینور (منزل مجلس وزنده نزل منزل دن یعنی ضرب باندن
 اسم مکان در صحرالرده قوناق یرینه دینور واوه دینور که فارسیده
 خانه دینور ❦ ظمن کوچک عدو یلک خیل و عسکر در چری ❦
 ظمن ظمن وزنده ظمن یظمن دن یعنی فتح باندن مصدر در
 برسته کوچوب کتمک معناسنه در (عدو عدل وزنده نصر و ضرب
 باندن مصدر در یلک و عسکر کتمک معناسنه در فارسیده تکیدن دیرل
 (خیل فتح و کسر خاء معجه ایله آتلو عسکر یرینه دینور (عسکر
 لشکر وزنده جمع معناسنه در که مجتمع اولان بنی آدمه دینور جچی
 عسا کر کلور ترکیده چری دیرل ❦ شق یارمق دق دو کک هر تیرتمک
 قتی ❦ شق دق وزنده نصر باندن مصدر در یارمق معناسنه (دق شق
 وزنده نصر باندن مصدر در برنسنه بی دو کوب و افاتق معناسنه در
 قهوه و ببر و بو مثلاً و شیلر (هزدق وزنده نصر باندن مصدر در
 برنسنه بی تیرتمک معناسنه در ❦ رق بنده رق یازی یازیلان
 یوفته دری ❦ (رق شق وزنده قول عبد معناسنه و جاریه معناسنه
 کلور فارسیده بنده دیرل که بونده تفسیر در (رق دق وزنده یازی
 یازه حق یوفته دری به دینور سلفده کاغذ یرینه اکایازی بازارلایدی
 اکثری حیوان در یسنندن ایدرل و حالا بعض روز نامه
 مقوله سنی رسم ایدرل ❦ ربوه یو کسک برسم کوه کوه روزن
 قصر کوشک ❦ ربوه رانک حرکات ثلاثه سی و سکون بالله یو کسک
 یار و تپه مقوله سنه دینور (سما عصا وزنده معلومدر که کو که دینور
 فاسیده آسمان دیرل مؤنث و مذکر اولور نخل و شجر و سما و ارض کی
 اسم جنس و اسم جنس مجراسنه جاری اولان کله لر که واحده وجهه
 اطلاق اولانلرک تذکیر و تأنیثلری جائزدر و سما سمودن ماخوذدر (کوه
 کافک فتح و ضمی و تشدید و اوایله خانه نک دیوارنده اولان باجایه و دلیکه
 دینور فارسیده روزن دیرل (قصر رقص وزنده کوشکه دینور فارسیده

کاخ دیرل شارح فقیرک بایزیده کوشک انشاد ایلدی یکی تاریخ پر قصوریدر

* جناب حضرت سلطان محمود الماثر کیم *

* بوقصر دلکشای بایزیده ایلدی ایجاد *

نجیبا چیقدی بالایه بوتاریخ دلاویزم *

شه عدلی بو کاخ نواد ابی ایلدی بنیاد *

❖ جائین وخامدون موتی اولیلرحی دیری ❖ جائین جشم یچتم دن

یعنی ضرب بایندن اسم فاعل جمع مذکر در اولدیغی یردن اصلا

قلدایق اوزره یرلشوب اوتورمق علی قول کو کس اوزره چکوب

اوتورمق معناسنه درکه انسانده دیز چکوب و کو کسی اوزره

بصیله رف اوتورمق اولور و علی رأی کو کس ویره رک چکوب

اوتورمق معناسنه در قوشک کو کس و یروب اوتورمسی کی بو معناره

موضوع اولوب صکره استعاره یا خود کایه طریقله اولومده استعمال

اولندی اولیلر موتی معناسنه واشبوا ❖ فاصبحوا فی دیارهم جائین *

آبتی خامدین میتین ایله مفسر اولوب حالت اوزره منصوبدر که

اعرابی ناقص حرفینیه له حالت رفعی واو ایله معرب حالت نصبی

حالت جری یا ایله معربدر خامدون آتشک قوری سونمیه رک علوی

ساکن اولق معناسنه خود ماده سندن اسم فاعل جمع مذکر اولوب

قاموس شارحی دیر که اشبو خامدون آیت کریمه سی موتدن کایه در

❖ خلق ایچنده بوندن ارتق عیب اولورمی برکشی ❖ کندی عیبی

وار ایکن ذکر ابده عیب دیگرکی ❖ معنای بیت معلوم والفاظ معلومدر

البحر الرمل المسدس المحذوف

یعنی بوقطعه بحر رمل مسدس محذوفدندر که هر بیتی ایکی کره

فاعلاتن فاعلاتن فاعلان در عروض و ضرب بنک بهضیسی محذوف

وبهضیسی مقصورلر در شرح اولندی ❖ خلد جنت هم دوام

هم بقا ❖ خلد صلح ووزنده جنته اطلاق اولنور وصف بالمصدر در

یا خود دار الخلد تاویلانده در ونصر بایندن مصدر در که دوام

وبقا یعنی دائمی وابدی قالمق معناسنه همان الله تعالی حضرت تبری

فضل و کرم - له انده باقی ایلیه آمین ✽ هون و ذات خوراق بلوی
 بلا ✽ هون روح و زننده نصر و ضرب بابلرندن مصدر در خور
 و ذلیل اولوق معناسنه در (بلوی دعوی و زننده بلا ورنج و زحمت
 معنا سینه در ✽ روح راحت روح رحت بال حال ✽ روح جور
 و زننده راحت معناسنه در فارسیده آسایش دیرلر و رحت معناسنه در
 و منه قوله تعالی ✽ ولاتیتسوا من روح الله ✽ ای من رحتنه (بال سال
 و زننده حال و شان معناسنه و کوکل معناسنه در ✽ نضج پشمک
 هم بمش بولوق کمال ✽ نضج طبخ و زننده نصر بابلندن مصدر در
 ات و میوه مقوله سی کرکی کبی پشمک و نصابنی بولوق معناسنه در
 فارسیده پختن دیرلر ✽ حزن قیغو ضغن و غل و حقد کین ✽ حزن
 حاء مهمله نك فتح و ضمیه غم و قیغو معناسنه در فارسیده اندوه دیرلر
 (ضغن طعن و زننده کین معناسنه در) غل کسر غیر و تشدید لام
 ایله ضغن معناسنه در (حقد حانک کسری و قافک س - کونیه غل
 معناسنه در ✽ جذب قتلوق خصب اوجوزلق حرث اکین ✽
 جذب جذب و زننده قتلوق معناسنه در قحط کبی (خصب جذب
 و زننده ع - لم و ضرب بابلرندن مصدر در اوجزلق و بوللق کثرت
 عشب و رفاهت عیش معناسنه که افاضه سماوی سبیلله اکینلر و باغ
 و باغچه لر ریان و چایرلر و چنلر فراوان اولق - دن عبارتدر جمعی
 اخصاب کلور (حرث قصر و زننده اسمدر اکین زرع معناسنه در
 ✽ عهن یوک منفوش آتلش لون رنگ ✽ (عهن حقد و زننده
 یو که دینور یا خود رنگارنگ بو یا یالسنه دینور) منفوش مهر و ف
 و زننده نفس ینفش دن یعنی نصر بابلندن اسم مفعولدر آتلش یوک
 و پنبه یه دینور و منه قوله تعالی ✽ کالعهن المنفوش ✽ (اون کون و زننده
 مطلقا رنگه دینور صاری و قرمزی و سیاه کبی ✽ و قر آغریوک
 اصغر آغراق عدل دنک ✽ و قر عهن و زننده آغریو که دینور علی
 قول اعدر خفیف اولسون ثقیل اولسون جمعی اوقارددر (اصر
 همزه نك حرکات ثلاثه سی و سکون صاد ایله نصر و ضرب بابلرندن

مهموز الفاندرا غراق معناسنه در جچی آصار کلور (عدل عهن
 وزنده یوکل بردنکنه دینور جچی اعدال کلور ﴿ ایم ارسن
 عورت و عورتسزار ﴿ ایم فتح همزه و تشدید یا ایله زوجی اولیان
 عورته دینور کرک بکر و کرک ثبته اولسون ایمه دخی منقولدر ها ایله
 وایم زوجسه سی اولیاناره دینور کرک مقصد مدن تزوج ایلسون
 و کرک ایلسون ﴿ جمنه دیرلر ایامی ای پسر ﴿ ایامی مصراع
 اولده یکن ایم کله سنک جمیدر اصلی ایا ئمدر قلب مکان ایله ایامی
 اولدی واصلی اوزره ایام کلور ﴿ اعتدال حددن تجاوز ایملک ﴿
 اعتدال کتفا وزنده عدو یعدودن یعنی ضرب باینک ناقص
 و او یسنک افعالنیدن مصدر در ظلم صریح ایدوب حد نصاب
 و اعتدال دن خروج و تجاوز ایملک معناسنه در ﴿ فک آرمق
 دك دوبوز ایملک ﴿ فک شک وزنده نصر باینک مضاعفندن
 مصدر در برنسنه یی یا پیشق و بیشک اولدیغی نسنه دن آرمق
 معناسنه در (دك فک وزنده نصر باینک مضاعفندن مصدر در
 انیش و یوقش و چاقر چقور او لان شیئی مهره تحتسه سی کی
 دوزلتمک معناسنه در ﴿ همز صقیق غز کوز قیقدر ﴿ همز عصر
 وزنده نصر و ضرب بابلندن مصدر در ال ایله یپارمق ایله صقیق
 معناسنه در و صقشدرمق معناسنه اولغله متعدی اولور (غز همز
 وزنده ضرب بایندن مصدر در کوز قیامق و کوز قیامغه دینور و منه
 قوله تعالی ﴿ و اذا امر و ابهم یتغامزون ﴿ سلب صویق نهب هم
 قایمقدر ﴿ سلب ثوب وزنده نصر بایندن مصدر در بر کیمسه دن
 قهر و جبر ایله برنسنه یی چکوب آلق معناسنه موضوعدر الندن
 قاپوب و حرامینک یا خود جنکده مغلوب و مقتولک لباسنی صویوب
 آلق کی (نهت سلب وزنده نصر و فتح و علم بابلندن مصدر در قایمق
 معناسنه جچی نهاب کلور نونک کسر یله ﴿ شبل ارسلان یا ورسی
 خنزیر خوک ﴿ شبل کسر شین معجه و سگون با ایله صید ایملک
 درجه سنه کلش ارسلان یا ورسی سنه دینور جچی اشبال و اشبول

و شبول و شبال کور جبال و زننده (خنزیر کسرتینله حیوان خبیثک
 اسمیدر که طموز و فارسیده خوک دیرل خزر دن مأخوذ در طار کوزلی
 اولد یغیچون اطلاق اولنور ❖ فرد میون کلب سکدر جروانوک ❖
 فرد شبیل و زننده معروف جانورک اسمیدر که ترکیده میمن دیرل
 و فارسیده پوزینه دیرل جمعی افراد و قروود و فرد کور غنب و زننده
 و قرده کور غنبه و زننده (کلب سلب و زننده هر برنجی جانوره
 دینور که انسانی و حیوانی طالایوب و اصیروب برنجی اوله کوپک
 و ارسلان و قبلان و قور د کبی سبع عقور معناسنه بعده کوپک تعبیر
 اولنان جانورده غالب اولمشدر که لدی الاطلاق سائرلینه محتمل
 اولما مفله حقیقت لغویه اولمشدر جمعی اکلب کور و کلاب کور که
 صیغه منتهی الجموعدر فارسیده سک دیرل (جروجیمک حرکات
 ثلاثه سیله ایت انیکنه و سائر سبع انیکارینه دخی دینور ولد اکلب
 و السباع کبی ❖ ارب حاجت بهله لغت صلب سخت ❖ ارب غنب
 و زننده حاجت معناسنه در جمعی آراب و آراب کور همزه ثانیه نک
 مدیه (بهله بانک قح و ضمیمه اسمدر لغت و تفسیر معناسنه در
 فارسیده (صلب سلب و زننده قتی و شدید معناسنه در فارسیده
 سخت دیرل بونده تفسیردر ❖ جد او اولاق جد ملک و جد بخت ❖ جد
 مد و زننده ضرب بایندن مصدر در او اولاق و عظمت معناسنه در و ملک
 معناسنه در و غنا و نصیب و بخت معناسنه و بابانک باباسنه و انانک اناسنه
 دینور ترکیده دده و بیوک بابا تعبیر اولنور جمعی اجداد کور و جدود
 کور و بیضا ویده اشبو * انه تعالی جد ربنا * ای عظمه ربنا و هو
 مأخوذ من جد فلان فی عینی اذا عظم او سلطاناه او غناه مستعار
 من الجد الذی هو البخت عباره سیله مفسردر

البحر المنسرح المطوی المکشوف

یعنی بوقطعه بحر منسرح مطوی و مکشوف مثنی الاجزانددر که هر بیت
 ایکی کره مستفعلان مفعولات مستفعلان مفعولاتدر لکن جمیع اجزائی
 طی و مفعولات جزلینه کشف علی عارض اولمشدر طی لغتده دور مک

وقصا لثقی معنا سنه در اصطلاح عروضیه ده درد نجی حرف
 ساکنی اسقاط ایتکه دیرلر مستعملندن فاومفعو لاتدن واو حذف اولوب
 مستعملن مستعان ومفعولات مفعلات قالوب مستعان مفتعلنه ومفعلاتی
 فعلایه نقل ایدوب مطوی دیو تسمیه ایدرلر کشف لغتده آچق
 وظاهر ایتکه معناسنه در اصطلاح عروضیه ده فاعلاتن تابی اسقاط
 ایدوب فاعلات قالور فاعلای ده فاعلنه نقل ایدوب مکشوف دیو
 تسمیه ایدرلر ❖ قسط وسواطو غریبق مرصد و مرصادیول ❖ قسط
 قردوزنده نصر بایندن مصدر در عدل و داد ایتکه معناسنه در
 وقسط عدل کله سی کی مبالغه وصف بالمصدر اوله رق استعمال
 اولور مفردی وجعی مساوی اولور يقال رجل قسط و رجال قسط
 ومیزان قسط وموازن قسط (سوا هوا وزنده ضرب بایندن
 مصدر در عدالت ایتکه معناسنه در ومنه قوله تعالی * فانیذ الیهم
 علی سواء * ای عدل من الحکم (مرصد مقصد وزنده رصد
 برصد دن یعنی نصر بایندن اسم مکندر (مرصاد مفتاح وزنده
 شول یوله وشول مکانه دینور که انده دیده بان مقوله سی اوتوروب
 دشمنی کوزه دیرلر بصائرک بیانته کوره مرصاد رصده مخصوص
 مکندر مبالغه الیه کویا که آت رصد اعتبار اولمشدر مضمار
 ومیقات دخی بوقبیلنددر و مرصاد مبالغه اولور کما قال الله تعالی
 * ان ربک لبالمرصاد * ای المکان الذی یترقب فیه الرصد مطعان
 ومعاون کی صیغه مبالغه اولمسیده جائز در ❖ صبغ بویه هم
 قاتق دار سرای عبد قول ❖ صبغ قسط وزنده بویه یه دینور که
 انکله نسنه بویانور و اتمک قاتغه دینور که اتمک بویه کی اکا
 باندرد یغیچون (دار بار وزنده عرصه جامع محله دینور یعنی برقاج
 خانه بی و حولی بی داراما دار جامع محله دینور برداره در که
 اسانمزده قوناق وفارسیده سرای تعبیر اولور (عبد عقد وزنده
 مطلقا انسانه اطلاق اولور که کرک حر و کرک بنده اولسون مربوب
 اولدیغنه مبنیدر و عبد برقاج کونا در بری بحکم الشرع عبددر که

بیع و ابتدای صحیح اولان انساندر ثانی عید بالا بحاددر که
حق تعالی به مخصوص در ثالث عید بالعبادت والخدمت در بودخی ایکی
کونادر بری عبدالله علی الاخلاص و بری عبدالدینا و اعراضها در
* دائب و قانت مطیع فاطن فاره زکی * دائب نائب و زننده دائب
بدائب دن یعنی فتح بابندن اسم فاعلدر جهد و غیرت و دوام چکیجی
کیمسه به دینور و منه قوله تعالی * وسخر لکم الشمس والقمر دائین *
(قانت نائب و زننده قنت یقنت دن یعنی نصر بابندن اسم فاعلدر
طاعت و عبادتده مداومت ایدیجی آدمه دینور و منه قوله تعالی
* والقانتین والقانتات * ای المداومین علی الطاعة) فاطن قانت
وزننده فطن یفطن دن یعنی علم بابندن اسم فاعلدر فاعل بناسیله
سرعت درك وانتقالی اولان زیرك وزکی و ذهین آدمه دینور
(فاره قادر و زننده قره یقره دن یعنی حسن بابندن اسم فاعل
بناسیله صفتدر ماهر و حاذق آدمه دینور که معنای لازمی
عقل وزکی اولور * نهیه و لب عقل و الباب نهی در عقول *
(نهیه تحفه و زننده عقل و مدر که به دینور که صاحبی قبا یحدن
خلاص ابلدیکیچون جعی نهی کلور مدیه و مدی کی) لب حب و زننده
عقل معناسنه در که فارسیده هوش دیرلر و هر شیئ محض و خالصنه
دینور جعی الباب کلور بصائرک بیاننه کوره لب شوا بیدن صافی
و خالص اولان عقله اطلاق اولور علی قول عقل زکی به اطلاق اولنقله
پنلرنده عموم و خصوص مطلق اولور زیرا هر لب عقل اولور لیکن
هر عقل لب اولور * شد و وثاق اولدی بند موثق و میثاق عهد * شد
مد و زننده باغ معناسنه در نصر و ضرب بابلرندن مصدر اولور
باغلق معناسنه (وثاق و اول قحی و کسر یله برنسنه بی محکم بغلیه جق
باغ دینور یعنی بر کیمسه بی برنسنه ده ایناند روبر اعتمادینه قوت
و بر مک معناسنه در جملهی موثق و موایق کلور * سلسله زنجیردر
عقدده دوکم جل چل * سلسله کسرتینله زنجیره دینور که تیموردن
وایب مقوله سندن اولور جعی سلاسل کلور (عقدده عمده و زننده

دو که دینور فارسیده کره دیرلر جعی عقد (جل ضم جیم وتشدید
لامـله حیوانلره اورتد کاری نسنه به دینور که اسانزده چل دیرلر
❖ طود و علم طاغـدر صخره بیوک طاشدز ❖ طود صوت وزنده
طاغـه دینور علی قول اولو طاغـه دینور جعی اطواد کلور و منه
قوله تعالی ❖ کاطود العظم ❖ عظم وصفی سائر جبال عظیمه به
نسبتله اولور (علم فحینهـله طاغـه دینور جعی اعلام کلور) صخره
تمره وزنده پک وعظیم اولان طاشه دینور ❖ شید کرج صبره چج
نقره کوش فاس پول ❖ (شیدعید وزنده دیواره صوانه جق کرج
وبالحق مقوله سنه دینور) صبره حره وزنده اوچلسز و طـار تیسز
ار په و بغدادی و بومقوله شی یغینهـله دینور (نقره غرقه وزنده
سکه لندک کوش پاره سی فضه غیر مضرو به معناسنه) فلس فانک
فقی و ضمیمـله و سکون لامـله معلومدر که پوله و منقره دینور جعی
افاس و فلوس کلور ❖ شو که دیکن هم سلاح سرد زره ایشلمک ❖
شو که فحینهـله دیکن و سلاح معناسنه و سلاح حدتـه دینور
و پادشاهه وصف اولور (سرد فرد وزنده جنک لباسی اولان زرخ
اورمک معناسنه زره وجوشن دیرلر ترکیده زرخ ایله تعبیر اولور
وصف بالمصدر در وزرخ ایشلمک داود پیغمبر صلی الله علی نبینا
وعلیه السلام حضرت تلرینک هجـزه باهره سی در تکیم عطـار
حضرت تلرینک بیتی بوکا دلالت ایدز ❖ بیت ❖ (چون عنایت قادر
قیوم کرد ❖ در کف داود آهن موم کرد) ❖ بیوک دوه سی راحله شاکله
اسلوب پول ❖ راحله قافله وزنده پالا که یرایان یعنی اوزرینه بیوک
تحمیلـله یرار اولان دوه به دینور مذکر و مؤنث اولور تامبالغه ایچوندر
(شاکله راحله وزنده طریق و مذهب معناسنه در و منه قوله تعالی
❖ قل کل یعمل علی شاکته ❖ ای سبجیته و خلایقه) اسلوب عنقود وزنده
طریق و فن معناسنه در فارسیده راه دیرلر جعی اسالب کلور ❖ اتل او
قوائب کل هات کتور سربوری ❖ (اتل ضم همزه و سکون تا ایله
تلایلو دن یعنی نصر بابنک ناقص بایسندن فعل مر مخاطبدر او قو

معنا سنه كرك كلام منزل اولسون و كرك سار مصنفين كتابلى كى
اعمدر (ائت كسر و مد همزه ايله اى بائيدن يعنى ضرب بابنك هموز
الفاستندن و ناقص بائيدندن فعل امر مخاطبدر كل معناسنه اصلى ائى
وقف ايچون يا جزم ايچون يا حذف اولدى ائت قالدی همزه ثانیہ بی
همزه اولینك حرکه سی جنسنه قلب ایلدك ائت اولدی (هات فتح
و مدهاء و كسر تا ايله اسم فعل امر در اعطی معناسنه كه بكاور و بكا
كتوردیمكدر (سر كسر سین و سکون را ايله سار یسیردن يعنى ضرب
بابنك اجوف بائيدندن فعل امر مخاطبدر یوری معناسنه اصلى اسیردر
یانك حرکه سنی و یرمك ايله اجتماع سا كنبدن يا حذف اولوب سینہ
حرکه كلك ايله امر همزه دن مستغنی اولدی سر قالدی ﴿نعم نه خوش
رب از بئس باوز تلاك اول﴾ نعم افعال مدح دن مدح ايچوندر و نعم ده
درد لغت وارد در بری نونك فتحی و عینك كسر یله ایکنجی كسر تینله
او چنجی كسر نون و سکون عین ايله دردنجی نونك فتحی و سکون عین ايله
و نعم لیس كی متصرف دكلدر يعنی امثله مطرده سی وار و امثله
مختلفه سی یوقدر دیمكدر و نعمه نك عملنك شرطی فاعلی معرف باللام
اولی نعم الرجل زيد كی معناسی زید ابو و كوزل كیمسه دیمك اولور
یا خود معرف باللامه مضاف اولانه مضاف اولمالی نعم غلام الرجل كی
یا خود نكره ممبر مضر اولی نعم رجلا كی (رب ضم را و تشدید با فتح
بناسیله حرف جر در نكره دن غیری به داخل اولمز و عند البعض اسمدر كه
كو فیون مذ هیدر و علی رأى كلمه تقایل و تكثیر دن غیری به
موضوع دكلدر بلكی تقایل و تكثیر سیاق كلامدن مستفاد اولور مشدد
و مخفف اولور و آخرینه تالاحق اولور رب كی و مالا حق اولور
﴿ربما یود الذین كفروا﴾ آیت کریمه سنده واقع اولدیغی كی (بئس
كسر باو سکون همزه ايله وسینك فتحی اوزره بناسیله كلمه ذمدر فعل
مدح اولان نعمه به مقابلدر و هر وجهه له نعم كیدر بئس الرجل زيد
يعنی رجل کوتو كیمسه دیمكدر (تلاك كسر تا ايله اسم اشارتدن مؤنث
ایچوندر آخرینه كاف خطاب الحاق و لام توسطیله ر كیمسه به خطاب

موقعه ابراد او اور و بعیده دخی اشارت او اور ناظم مر حومك ابراد
 ایلدیک کی ﴿ مفتعلن فاعلن بحر ینہ دی منسرح ﴾ (منسرح
 منفرح وز تنده انفعال دن اسم فاعلدر و بو بحر ك اسمیدر اسانده
 سهولته و جری و انصراح سببیه تسمیه اولندی ﴿ فرصتی فوت ایله
 علمکله عامل اول ﴾ الفاظ معلومدر (معنای مصرع) فرصتی غنیمت
 عدایله همان ایام شبایده علم و معرفه الله سعی و کوشش ایله و تحصیل
 ایلدیکل علمه حق جل و علا حاضر تلرینک جانب شریفلرندن مأمور
 اولدیغك فرائض شریفه بی علی قدر البشریه آداب وارکانی اوزره
 ادایه سعی و فخر کائنات و مفخر موجودات و سرتاج خاص و عام
 علیه افضل الصلوات و اکل النبیات افندیملك اولدقلری سنن محسنه
 اوزره اول دیوناظم مر حوم حاضر تلری نصیحت ضمنتده خطاب
 ایلشدیر لله دره ﴿ ایضا ﴾ معلوم ﴿ غلب قالن باغچه لر دلب اغاجیدر
 چنار ﴾ غلب ضم غین و سکون لامله صحرا وزر تنده اولان غلباءنك
 جمیدر اشجاری فراوان وصفی و قور یاق اولان باغچه لره دینور
 (دلب قلب وز تنده چنار اغاجنه دینور شجر الصاد معناسنه و احدی
 دلبه در ﴿ دوحه درخت عظیم روضه چن مر غزار ﴾ دوحه
 روضه وز تنده اولو اغاجه دینور شجره عظیمه معناسنه در جمعی
 دوح کلور درخت فارسیدر بونده تفسیردر (روضه دوحه وز تنده
 قوملقدن و چایرلق و چندکدن صو یتاغی اولان یعنی جابجا صولو
 اولان یه دینور که مر غزار تعبیر اولنور اشتقاقی کبیر وجهیه
 استر ضه ماء ماده سندن مأخوذ در جمعی ریاض کلور کذا
 فی القاموس ﴿ رفد و عطا و یرکیدر متن و مطا ارقه در ﴿ رفد
 ورد وز تنده اسمدر عطا و بخششه و جائزه وصله یه دینور (عطا
 عصا وز تنده بخشش معناسنه در که و یرکی تعبیر اولنور جمعی اعطیه
 و جمع الجمعی اعطیات کلور (متن فتح میم و سکون تاء فوقیه ایله
 ارقه معناسنه اسمدر فارسیده پشت دیرل (مطا عطا وز تنده ارقه یه
 دینور ظهر معناسنه جمعی امطاء کلور ﴿ ستر و عطا اور تیدر

ریطة و جلباب جار * ستر کسر سین و سکون تا ایله اورتی و پرده به
 دینور یورغان و چارشب کی جمعی ستور و استار کلور (غطا کسر
 و فتح غین ایله اورتی و پرده معناسنه در جمعی اغطیه کلور
) ریطة حیطة و زتنده شول جاره دینور که براینده نسج واحد اوزره
 طوق و نمش اوله که دیکش یری اولیه خاتونلر یورینورلر علی قول
 دلبد کی اینجه و ملایم نسج اولمش اوله جمع جنسی ریط و جمع
 صیغی ریاط کلور (جلباب دحراج و زتنده نسوان طائفه سی
 یورندکلری جاره دیرلر که فراجیه بدایدلر * حافدا و غول اوغلی بدر
 اخوه قرنداشلر *) حافدا والد و زتنده برآدمک اوغلانک اوغلانه
 دینور (اخوه کسر همزه و سکون خا ایله اخونک جمعی در قرنداشلر
 معناسنه * جید بیون هاهه باش عانه قاصق هم زهار * جید
 کسر و مد جمیع ایله بیونه دینور عنق معناسنه جمعی جیود و اجباد
 کلور (هاهه جامه و زتنده هر شینک یعنی هر حیوانک باشنه دینور
 جمعی هاهدر هاههز فارسیده سر دیرلر (عانه خانه و زتنده قاصقه
 دینور عورت غلیظه معناسنه فارسیده زهار دیرلر بونده وزن تمام
 اولق ایچون کلدی * یهیس یوز پور ترر ینقض باش دیره در *
 یهیس عیس دن یعنی ضرب بایندن فعل مضارع مفرد مذکر
 غایبدر یوز پور ترر و یوزا کشیدر معناسنه در ینقض نقض دن یعنی
 نصر و ضرب بایلندن فعل مضارع مفرد مذکر غایبدر باش قلدادر
 و باش دیره در معناسنه در * برهق قابلردیمک یبطش محکم
 طوتار * برهق رهق دن یعنی علم بایندن فعل مضارع مفرد مذکر
 غایبدر بورر و قابلر معناسنه (یبطش بطش دن یعنی نصر و ضرب
 بایلندن فعل مضارع مفرد مذکر غایبدر برنسنه بی محکم و شدتو
 طوتار معناسنه در * جند و کتیبه چری فلاك سفینه کی * جند
 ضم جیم و سکون نون ایله عسکره دینور و برآدمک اعوان و انصارینه
 دینور که حزب و جیس کی اسم جمعی در جمعی جنود کلور (کتیبه
 غریبه و زتنده عسکره و الیه اطلاق اولنور جمعی تلی حسبله علی

قول طوب الایه دینور یاخود دشمن اوزره چابل ایدن بر بلوک عسکره
دینور که یوزدن بیک نفره قدر اوله (فلاك ضم فا ايله ملك وزنده
کمی به دینور مؤنث و مذکر اولور مفرد و جمع اولور باری تعالینک
❖ فی الفلک المشحون ❖ قول شریفنده مذکر در (سفینه دفینه
وزنده کمی به دینور فارسیده کشتی دیرلر ❖ بغل قاطر قط کدی سائمه
صالمه دوه ❖ بغل فتح باوسکون غین ايله دواب قسمندن قاطره دینور
فارسیده استر دیرلر فتح همزه ايله (قط کسر قاف وتشدید ط ايله
کدی به دینور سنور معناسنه جمعی قطط کلور فارسیده کرپه دیرلر
(سائمه سالمه وزنده کندی باشنه اوتلاغه صالحیویرلش طواره دینور

البحر الخفیف

یعنی بوقطعه بحر خفیف مسدس الاجزادندر که هر بیتی ایکی کره
فعلاتن مفاعلمن فعلات در لکن جمیع اجزاسنه خبن و عروض
وضربنه قصر علی عارض اولمشدر خبن لغتده اوزن لباس
مقوله سنی قاصمق معناسنه در واصله طلاح عروضیهده اولی سبب
خفیف اولان جزئک سبب خفیفنک ساکننی حذف ایتکه دیرلر مثلاً
فاعلاتن جزئندن الف حذف اولوب فعلاتن قالور و مستفعلاًندن
سین حذف اولوب متفعلمن قالوب مفاعلمنه نقل ایدوب مخبون دیو
تسمیه اولنور قصر لغتده برنسنه بی قیصه قیلق معناسنه در واصله طلاح
عروضیهده آخری سبب خفیف اولان جزئک سبب خفیفنک ساکننی
حذف و متحرکنی اسکان ایتکه دیرلر مثلاً فعلاتندن نونی حذف وتابی
اسکان ایدوب فعلات قالوب مقصور دیو تسمیه اولنور ❖ رهط قوم
وقبیله عده یراق ❖ رهط عهد وزنده بر آدمک قوم و قبیله سینه
دینور و اوج نوردن اونه قدر یاخود بدیدن اونه قدر علی قول
اوندن مادون اولان اشخاصه دینور که جمله سی رجال اولوب ایچلرنده
عورت اولیه ورهط کلمه سی جمعدر لفظندن مفردی بوقدر (عده قبه
وزنده حاضر و مهابوبات و یراغه دینور که برنسنک اوازم مهمانندن
عبارندر ❖ شعب اولو قبیله شعبه بوداق ❖ شعب فتح شین معجه

ایله کعب وزنده اولوقبیلله یه دینور قبیله عظیمه و قبیله کبیره
معناسنه در (شعبه خطبه وزنده بوداغه دینور و اغاج دالک اوجنه
دینور جمعی شعاب کاور * جار قومشو رقیبدر کوزجی * جاربار
وزنده قومشی یه دینور که مجاور معناسنه فارسیده هم سایه دینور
(رقیب قریب وزنده رقب رقب دن یعنی نصر بایندن صفت
مشبهه در برنسنه نک ظهور و وقوعی کوزه دیجی معناسنه در و اسماء
حسنادندر جل اسماء حافظ و نکهبان معناسنه * هم خلیط و شر یکدر
اورتاق * خلیط شریک وزنده اورتاغه دینور علی قول حقوق
ملکیه ده مشارک اولانه دینور صوحصه سی و یول حصه سی کبی و منه
الحديث * الشفعة الشریک اولی من الخلیط و الخلیط اولی من الجار *
(شریک شریف وزنده هر بر اورتاغه دینور عامدر جمعی اشراکدر
فارسیده انبازدیرل * جسد و جرم و جسم و جثه بدن * جسد قهتینه
انسانک و جن و ملائکه نک جسم و بدنه دینور بصائرک بیاتنه کوره جسد
جسمدن اخصدر ذوی العقوله مخصوصدر لکن جسم ابعاد ثلاثه بی
مشمئل اولغله سائر حیوان و جساداته اطلاق اولنور که جسم عالی
اوله جقدر پس جسدک سائر اطلاق تشبیه وجهیه له اولور
(جرم کسر جیم و سکون را ایله جسدوتن معناسنه در جمعی
اجرام و جروم و جرم کاور ضمتینه له و جرم لفظنک جساداته
استعمالی غالبدر) جسم جرم وزنده انسانک و سائر خلقی عظیم
و متشخص اولان انواع حیوانک بدن و اعضا لری نک جماعته یعنی
مجموعه دینور جمعی اجسام و جسام کاور (جثه غصه وزنده
انسانک شخص و قابله دینور فارسیده تن و بدن دیرل و ترکیده کوده
دینور * اذن و مسمع و صماخ قولاخ * اذن ضمتینه معروفدر که
قوله دینور و بو مؤنثدر جمعی آذان کاور همزه نک مدیه (مسمع
کسر میم و سکون سین ایله سمع یسمع دن یعنی ضرب بایندن اسم
آلتدر قوله دینور) صماخ کتاب وزنده قوله دینور و قواغک
دلیکنه دینور و سین ایله صماخ ده لغتدر * طایفه سینه اوکی و لحیه

صقال ❖ (طایفه ضم طایفه حلیه وزنده کو کس اوکنه و بوینک
 اوکنه دینور جعی طی کلور (حلیه کسر لامه حلیه وزنده
 صقاله دینور جعی طی کلور کسر و ضم لامه ❖ و جنبه یکاق
 طومر و سی خد یکاق ❖ و جنبه و اوک حرکات ثلاثه سی و سه کون
 جیم ایله انسانک بوزنده بومر بجه اولان موضعه دینور فارسیده
 رخسار و ترکیده یکاق طومر و سی ایله ممبردر (خد مد وزنده
 تنیه سی خد اندر یوزده کوزلک قویر قلرندن آوردک نه اینده قدر
 یرله دینور یا خود برونی صماغ و صولدن محیط و مکتف اولان
 یرله یا خود کوزک خانه سندن جکه کیکنه قدر یره دینور ترکیده
 یکاق دیرلر ❖ صره آوازه صره کیسه درر ❖ صره قح صاد
 و تشدید را ایله قتی آوازه دینور (صره ضم صاد و تشدید را ایله
 کیسه یره دینور که ایچنه افچه والتون قورلر ❖ ملعه کچه قصه
 و کاس چنفاق ❖ ملعه مکنسه وزنده لعل یلعق دن یعنی علم
 بایندن اسم آتدر قاشق و کچه مقوله سنه دینور که یلایجق آتدر
 (قصه قمتینه کاسه و چنغ دینور جعی قصعات کلور فتحایله
 و قصاع کلور جبال وزنده و قصع کلور غن وزنده) کاس قح
 کاف و سکون همزه ایله صو و شربت ایچه جک قابه دینور علی
 قول مشرو بادن سنه اولد فجه کاسه اطلاق اولمز نیکیم بو بیتده
 بوکا دلالت ایدر (بیت) (الا یا ایها الساقی ادر کاساونا ولها ❖
 که عشق آسان نمود اول ولی افتاد مشکها) و کاس لفظی
 مؤنث سماعیدندر ❖ استکان خضوع باش امک ❖ استکان
 استقامت وزنده مصدر در اصلی مختلف فیه در بعضیلر سکن
 دندر که مسکنیدن مأخوذ افتعالدر و بعضیلر کون یا خود کین
 دندر ذل و خضوع و تواضع قیلق معناسنه در که معنای لازمی باش
 امک اولور (خضوع ضمتینه ضرب بایندن مصدر در الحلق
 کوستروب تواضع و سرفرو قیلق معناسنه در فارسیده سرفرو بردن
 دیرلر و تواضع و سکون و انقیاد ایلک معناسنه در ❖ ابتعا استمک فشل

قورقاق ❦ ابتغا ابتقا وزنده بغا بغیدن یعنی ضرب بابنك ناقص
 یا یسك افتعالندن مصدر در استك كه طلب معناسنه در (فشل
 فتح فاسكون شین ايله قورقاق وضعیف واسنكن آدمه دینور
 جعی فشل کور فانك ضمیمه ❦ حنطه وبر وفوم بغدادی ❦
 حنطه کسر حاء مهمله وسكون نون ايله بغدادیه دینور (برضم
 باو تشدید را ايله بغدایه دینور و بوغدايك خاصه سندن در كه كلب
 اصر دیغنه چینا یوب قونسه نافعدر (فوم بوم وزنده بغدایه
 ونحوه وانكه ومطلقا کنیدن اتمك یا پلان حبوباته دینور
 و صرم سفه و صوغنه اطلاق اولنور ❦ دخی محصدا کزدر آب
 اولتلاق ❦ محصدا منبر وزنده اسم مکندر اکنی بچلمش اکز لویره
 دینور اکزده بغدای یا خود ار پانی بچوب تارله ده قالان شیئه
 دینور كه اراغ اوله جقدردر (ابهمزه نك فتحی و بانك تشدید یله
 مطلقا اوته دینور کلام معناسنه كه فارسیده گیاه دینور و علی قول
 رعی اولنه جق چارافه و اولتغه دینور یا خود من غیر بذر و زرع
 حاصل اولان هر نباته دینور كه فارسیده خود رو تعبیر اولنور و منه قوله
 تعالی * وفا كهه و ابا * الآیه وهو الکلاء والمرعی ❦ دابه یرده
 یورو یجی حیوان ❦ دابه دال مهمله نك فتح و مدبله شابه وزنده
 مطلقا یر اوزرنده یور یسان حیوانه دینور و لیکن مر کوب اولان
 حیوانده مستعملدر كه فارسیده ستور و ترکیده طوار تعبیر اولنور
 مر کوبده غالب اولمشدر مؤنثدر و مذکر دخی اولور كه ها اسمیده
 محمول اولور مصغری دویبه در یانك تشدید و اشماس کنسریله
 و مصباحك بیانه کوره مصغرنده دوابه دخی مسموعدر كه یاه غیر
 قیاس اوزره الفه مقلوبدر ❦ بهمهمه سخته قوزی وجدی اوغلاق ❦
 بهمهمه فتح باء موحدۀ تختایه ايله تهره وزنده قوزی به كذلك اوغلقه
 كذلك بوزاغی به دینور جعی بهمهمه کور تهره و عمر کی هانك فتحیله ده
 جائزدر حرف حلق اولدیغیچون و بهام کور سهام کی و جمع الجمعی
 بهامات کور (سخته فتح سین مهمله وسكون خاء معجمه ايله بهمهمه

وزتنده قوزی به دینور بیوک و کوچک اولسون ارکک و دبشی
 اولسون فارسیده بره دینور جمعی سخندر هاسز و سخنال کلور سینک
 کسریله و سخلان کلور سینک ضمیمه بهمه ایله سخنه پلتنده برواو
 محذوفدر (جدی فتح جیم و سکون دال ایله ارکک اوغلغه دینور
 جمعی اجدی و جداء و جدیان کلور جیملرک کسریله ✽ تخمه امتلاء
 مدامه سبجی ✽ تخمه ضم تا و فتح خاء معجه ایله بر علت آیدر که
 همزه وزتنده ثقیل و ناموافق طعام اکلندن عارض اولور و اشعارده
 خانک سکونیه کلشدر لسا نمزده تخمه اولمقدن امتلا ایله تعبیر اولور
 جمعی تخم کلور صرد وزتنده و تخمات کلور بونک اصلی و خجه در
 و او تابه قلب اولمشدر (مدام ضم میم و مد دال مهمله ایله سبجی
 و خره دینور مبتلا اولان مداومت ایلدیکیمون ✽ سنه داخی نهاس
 امر غنق ✽ سنه کسر سین مهمله ایله او یوقلق و امر غنق تعبیر
 اولور) نهاس ضم نون و فتح و مد عین مهمله ایله امر غنق
 و او یوقلغه دینور ✽ ای قنخی دیمکدر این قنی ✽ ای همزه نک فتحی
 و یانک تشدیدیه حرف استفهامدر انکه ذوی العقولدن و غیریدن
 سؤال اولور ترکیده اندن نه وقتنی ایله فارسیده چه و کدام ایله
 تعبیر اولور مثلا ای شیء فارسیده چه چیزست و ترکیده نه سنه در
 وای رجل فارسیده کدام مرد و ترکیده قنقی آدم دیمکدر
 صاحب جوهرینک بیانته کوره مریدر قاموسک بیانته کوره
 مبنیدر و بعضا مخفف اولور (این فتح همزه ایله ونونک فتحی
 اوزره بناسی کیف وزتنده مکندن سؤاله دلالت ایدر یعنی ظرف
 مکندر استفهامی متضمندر قنده و زرده ایله تعبیر اولور
 ✽ ان تحقیق انما انجق ✽ ان همزه نک کسری ونونک
 تشدیدیه حروف مشبه بالفعل اقسامنددر تحقیق معنا سنه
 اسمنی نصب و خبرنی رفع ایدر و طقوز یرده همزه مکسور اولور (انما
 ان مکسوره اوزرینه ماء کافه داخل اولوب معنای تقلیلی یعنی حصری
 افاده ایدر کفوله تعالی ✽ انما الصدقات للفقراء والمساکین ✽ زیرا انما

حکمی مذکور ایچون اثبات یعنی انجق صدقه فقرال و مسا کینلر
 ایچون دیمکدر ماعدا دن نفی ایلدی ان مایله بعض کره عمل ایدر
 بعض کره عمل ایلز یعنی عملیده جائز عمل ایلمه سیده جائز دیمکدر
 * ادجی قاره کوزلی یازمشلر * ادجی دعبج دن اسم تفضیلدر بعده
 آخرینه یاء نسبییه داخل اولمغله قاره کوزلومعناسنی افاده ایدر * احدبی
 بو کری اعرجی اقساق * احدبی حدب دن اسم تفضیلدر و بی آخرینه
 یاء نسبییه داخل اولمغله نسبت معناسنی افاده ایدر یعنی ارقه سی چیقوب
 صدر و بطنی ایچری کیرمش اولان قنبورلر معناسنه (اعرجی عرج دن
 بودخی اسم تفضیلدر ذاتی طویال و اغساق اولان آدمه دینور بعده
 آخرینه یاء نسبییه داخل اولمغله نسبت معناسنی افاده ایدر * فعلاتن
 مفاعلتن فعلات * بونه بحر خفیفدر هله باق * مصراع اولی وزنی
 افاده ایدر مصراع ثانی بحرك لقبی افاده ایدر * ایضا * معلوم
 یعنی بوقطعه مزبور کی بحر خفیفدندر لکن بوقطعه نك صدر
 و ابتداری سالمه در * التماس استمك و طر حاجت * التماس افتعال
 وزننده و افتعال یابندن مصدر در استمك و طلب ايلك معناسنه
 مستعملدر معنای لازمیدر (و طر قحینهله مطر وزنند کر کلو حاجته
 دینور علی قول بغایت مهم اولان حاجته و مطلبه دینور جمعی او طار
 کلور قاموس شارحك بیاننه کوره بوندن فعل منصرف اولز
 * اختلاف و افترا اذی زجت * اختلاف همزه نك کسری و خاء
 همجه نك سکونیه افتعال وزننده و افتعال یابندن مصدر در یلان پیدا
 ایلوب اذاو زجت و یرمکه دیرلر (افترا اختلاف کی یلان پیدا ایلوب
 اذاو زجت و یرمکه دیرلر * رکس و ارکاس ترس دوندرمك * رکس
 فتح راء مهمله و سکون کافله باب اولدن مصدر در (ارکاس همزه نك
 کسریله افعال یابندن مصدر در برنسنه بی ترسنه دوندرمك معناسنه
 و منه قوله تعالی * والله ارکسهم بما کسبوا * ای ردهم الی کفرهم
 * بعث ارسال نسنه کوندرمك * بعث فتح باو سکون عین مهمله ایله
 بحث وزننده کوندرمك معناسنه در باب ثالثدن مصدر در قاموس

مؤلفك بصائر نام گانده بیانده کوره اصل بعث برنسنه بی برسنه آثاره
 وتوجیه ایلك معناسنه موضوعه در معنای سائره بوندن منفرد
 تعلق ایلمدیکی نسنه نك اختلافی حسبیه مختلف اولور بوجهته
 ایکی نوع اولور بری بشر بدرد وه بی آثاره کی کذاک بر آدمی بر خصوصه
 ارسال کی وایقودن او یاندر مغنه ده دیرلر واولی بی دیرلر که
 دخی دیرلر (ارسال افعال وزنده واول بایدن مصدر در برنسنه بی
 کوندرمک وصالی ووروب اوزاتمق معناسنه در ✽ بدع و بدعت
 یکی ایشه دیرلر ✽ بدع بقاء موحده تختانیه نك کسریله منع وزنده
 برنسنه بی یکیدن پیدا ایلك معناسنه در باب ثالثدن مصدر در
 (بدعت بانك کسری ودالك سکونیه بعدا کمال الدین دینده
 حادث اولان نسنه یه اطلاق اولنور علی قول نبی اکرم
 صلی الله تعالی علیه وسلم حضرت تدرند نصره دینده حادث اولان
 هوا وعماله دینور جمعی بدع کلاور عنب وزنده ✽ جذوه
 اخگر رماد خاکستر ✽ جذوه جیم مجمه نك حرکات ثلاثه سیله کوزه
 دینور و بیوک آتشدن آتشان آتش پاره سنه دینور قبسه معناسنه
 جمعی جذی کلاور جیمک ضمی و کسریله (رماد راء مهمله نك
 قحیه محاب وزنده آتش کوانه دینور فاسیده خاکستر دیرلر
 بونده تفسیر واقع اولشدر ✽ اقتباس الدن آتش المقدر ✽
 اقتباس افعال وزنده وافتعال یابندن مصدر در آتش الموق
 وعلم کسب ایتک معناسنه در ✽ خوض صویه و سوز طالمقدر ✽
 خوض خاء مجمه نك قحیه نصر بانك اجوف وایسنندن
 مصدر در شروع ایتک و صویه طالمق و سوز طالمق معناسنه در
 وقلابی اورد قد نصره تحریک ایتکه دیرلر ✽ دیمه یغمور دیم
 انک جمعی ✽ دیمه کسر و مد دال مهمله ایه سیمه وزنده
 چوق زمان یاغان یغموره دینور علی قول بش کون رعد و برق
 اولیمه یاخود الی بایدی کون یاخودر کیمه متصل یاغان یغمور دن
 عبارتدر وعند البعض دیمه نك اقل مدتی ثلث نهار در یاخود

اوج کججه مقدار یدر وا کثرینه حد یو قدر (دیم دیمه نک جمعیدر
 قربه و قرب کی و دیوم دخی کلور * شیمه خویدر شیم بونک جچی *
 شیمه کسر و مدشین مجمه ایله دیمه وز ننده طبیعت و عادت و خلق
 حسن معناسنه در مهموزنده لغتدر (شیم شیمه نک جمعیدر ناظم
 مر حومک بیان بیور دقلری کی و بو حسن خلق معناسنه انشالرده
 مستعملدر * نه دیمکدر علمت بن بیلدم * علمت در دنجی بایدن
 فعل ماضی نفس متکلم وحده در فعل وفا علمدر بن بیلدم معناسنه در
 علم عرفاندن احمددر قاموس مؤلفی بصائرند معرفتی ادراک الشیء
 بتفکر و تدبیر لایحه عنوانبله تعریف ایدوب و علمی حق معرفته تعریف
 و علم اعم اولدیغنی تنصیص ایلمشدر و راغبک بیانته کوره معرفتک
 مقابلی انکار و علمک مقابلی جهلدر و معرفت بالتفکر بیلک اولمغله
 یعرفه الله قولک حق تعالی به نسبتی جائز اولار بلیکه یعلمه الله دیمک
 لازمدر زیراعلم بر شیئک حقیقتنی بیلیمکدن عبارتدر کرک حضوری
 اولسون علم الهی کی و کرک حصولی اولسون علم عیان کی و علم
 وجهه دقت اوزره بیلکه ده اطلاق اولور شعور و فطنت کی
 وفا موس مؤلفک اعتقاد جازم و مطابق ایله تعریفلری معنای
 لغویدن مستفاد در * نه لغتدر و جدت بن بولدم * وجدت
 ضرب بضر بایک مثال و او یسندن فعل ماضی نفس متکلم
 وحده در فعل وفا علمدر بن بولدم دیمک اولور فار سیده یافتم
 دیرلر * انبؤنی بکا خبر و یریکز * انبؤنی نبی ینبؤدن یعنی فتح بفتح
 بایک مهموز اللامک افعالندن امر حاضر جمع مذکر در نون نون
 وقایه یایاء متکلمه فاعلی نحتنده اتم انبؤا فعلک مفعولیدر بحسب
 التركیب بکا خبر و یریکز دیمک اولور * نه دیمک اوله منفرد بالکز *
 منفرد فرد دن یعنی ضرب بضر بایک انفعالندن اسم فاعل
 مفرد مذکر در بالکز معناسنه در * مقصد مستقیم طوغریدر *
 مقصد قصد بقصددن یعنی نصرینصر بایک افعالندن اسم فاعلدر
 اعتدال اوزره طوغری بویه کیدیجی ذاته دیرلر صفت اولدیغنه کوره کویاکه

سالك وجهه مقصدينه قصد ايتش اولور (مستقيم قام يقومدن
يعنى نصر بابتك اجوف واويستك استفعالندن اسم فاعلدر طوغرى
معناسنه ومنه قوله تعالى * اهدنا الصراط المستقيم * مسترق لص
وسارق اوغريدرك * (مسترق مقصد وزنده سرق يسرق دن
يعنى ضرب بابتك افتعالندن اسم فاعلدر كبر اوجه كيدوب ناسك
مالى آلان آدمه دينور كه لسانزده اوغرى وخرسز ايله تعبير اولنور
فارسيده دزد ديرلر وداىما كبرلى سوزلره قواق طوقوب ديكر اولان
كيسه يه دينور ديكلجى تعبير اولنور (لص لامك حركات ثلاثى
وتشديد صاد ايله اوغريه دينور اسمدر جمعى لصوص والصاص
كلور مؤنثى لصد جمعنده لصات واصائص دينور (سارق صادق
وزنده باب مذكور دن اسم فاعلدر كه معناسى بيان اولندى
* مقشدر دتريوب قبلى اورپن * (مقشدر مستطر وزنده اقشدر
يقشدر دن يعنى دخرج نك ايكي حرف ايله مزيدى اولان افعلال
يابندن اسم فاعلدر خوفدن يا صوقدن كوده سى دتريوب وتويلرى
اورپن آدمه دينور * مشمتر صيقلان دخی اوركن * مشمتر مقشدر
وزنده اشمتر يشمتر دن يعنى دخرج بابتك ايكي حرف ايله مزيدى
اولان باب مرقومدن اسم فاعلدر برنسنه يى كريبه كوروب نفرت
ايدن و برنسنه دن بكلمه يوب قورقش آدمه دينور

* البحر الوافر *

يعنى بوقطعه بحر وافر سالم الاجزادن در كه هر بيتى سـكـزـكـره
مفاعلتن در * جهاد غزا واهبه يراق سربه چرى حنيه كان *
(جهاد كسر جيم ايله قتال وزنده و مراد فيدر كه دشمن دين ايله
حرب و قتال ايلك معناسنه در كه مراد مقاله ده افراغ وسع ايلكدر
(اهبه ضم همزه وسـكـون ها ايله يات و براغه دينور كه سير وسـفـر
و حرب مقوله سى حالات مهماتيدر ساز وعده معناسنه (سربه سينك
فتحى و رانك كسرى و يانك تشديد ايله دشمن اوزره تسير اولنان شول
عسـكـره دينور كه اقلى بش نفر و اكثرى اوچبوز يا خود در تبوز اوله

و بوفعله بمعنی فاعله در کججه وقتنده راهی اولدقلر یچون اطلاق
اولندی (حینه حاء مهمله نك فتحيله سربه وزنده یای و کان و قوس
تعبیر اولان شینه دینور جیحی حیدر غنی وزنده و حنا یا کلور
* مفاضه زره مجنه سپر زمام یولار لجام اویان * مفاضه ضمیم
ایله بول زرهه اطلاق اولنور که بدندن طاشقین اوله و بیوک قارنلو
خاتونه اطلاق اولنور و مفاض البطن قارنیه کو کسی دو بدوز بس
برابر اولان آدمه اطلاق اولنور و منه الحديث فی صفة النبی علیه
الصلاة والسلام * کان مفاض البطن * ای مستوی البطن مع الصدر
(مجنه کسر میم و فتح جیم و تشدید نون ایله کیرلنه جک مکانه دینور
(زمام کتاب وزنده برنسنه بی باغلیه جق نسنه به دینور یولاره اطلاق
یوجهله در جیحی ازمه کلور (لجام کتاب وزنده دابه اغزینه اوریلان
نیموره دیرلر که اویان و کم تعبیر اولنور فارسیده لکام دیرلر و معر بیدر
* قدس آریلق کدر بولانق قدس طاغنی کبر قوجهلق * قدس ضمیمه
پاک لکه دینور اسمدر و باب خامسدن مصدر اولور پانک اولق معناسنه در
یت مقدسک اسمیدر انده لوٹ ذنوبدن تطهیر اولندیغیچون و جبریل
علیه السلامه اطلاق اولنور نیکیم روح القدس دخی دینور طرف
الهییدن قدس ایله یعنی نفوس عبادی مظهر اولان قرآن و حکمت
و فیض ربانی ایله نازل اولدیغیچون (کدر فتح کاف و کسر دال مهمله
ایله زمن وزنده صفتدر بولانق شینه دینور و شول سیل صوبینه اطلاق
اولنور که اوغرا دیخی یری صیروب کتور را اوله اول وجهله کدورت
پیدا ایدر) قدس کسر قاف و فتح دال مهمله ایله قدسک جمیدر که
مضاعفدر طاغنی و متفرق معناسنه در بیضاویده اشبو * کنا
طرائق قددا آیت کریمه سنده ای متفرقة مختلفة ایله مفسردر
(کبر کسر کاف و فتح با ایله باب رابعدن مصدر در یا شایلق
و قوجالق معناسنه و باب خامسدن دخی مصدر در بیوک اولق
و بیومک معناسنه در که کوچکک مقابلیدر و اولو بزرک اولق معناسنه
معلوم اولدیکه وجود و شان جهتلر یله اولان بیوکک باب خامسدن

و یا شلیق باب رابعدن مصوغدر و بورا ده اوج کونا بیوکلک جمع
اولشدر بری کوچک ایکن بیومک و کوچک اولیوب بیوک اولق
و بری اولو اولق که حسی و معنوی اولور جسامت و جالات کی
و بری سن جهتیله اولان بیوکلکدر کهوات و شیخوخت کی
لطائف ادبیه دندر که حضرت عباس رضی الله عنه جنابندن
رسول انام علیه الصلاة والسلام حضرتلریمی اکبر یوخسه
سزلمی دیوسوال ایتدکارنده کمال تأدیندن ناشی * انا اسن منه وهو
اکبر منی * بیوردیلر ❖ جلال کی وقار اولیق خسار زیان وافک
بلان ❖ جلال جیمک فتحیه ملال ورننده باب ثانی دن مصدر در
برآدم یاشلو و معمر اولق معناسنه در و اولو و بزرک اولق معناسنه در
وعظیم قدر و شانده غایت و تناهی معناسنه در که انکله همان ذات
اجل و اعلا موصوف اولور فقیل ذوالجلال والا کرام و حق جل
وعلائی بونکله توصیف باذات وحدانیتنه استدلال اولنه جق
اشیاء عظیمه خلق ایلدیکچوندیر یاخود احاطه دن عالی و جلیل
اولدیغنه بناء یاخود حواسله ادراک اولتمقدن جلیل اولدیغنه مبنیدر
ناظمک کی دیمسی هم مابعدینه وهم ماقبلنه اولور (وقار ۳ جلال
ورننده باب خامسدن مصدر اولور برآدم تمکینلو و ستمکین اولق
معناسنه در و اولیق و عظمت معناسنه اسمدر و منه قوله عز وجل
* مالکم لاترجون لله وقارا * بیوردیغی حق تعالی حضرتلرینک
اولواغندن و عظمتندن نیچون خوف ایتمزسکن دیمکدر (خسار ۲ سحاب
ورننده زبان و ضرر معناسنه اسمدر و باب رابعدن و ثانی دن مصدر
اولور آلمده صائمده زبان ایلک علی قول الد آتمق معناسنه در (۵ افک
همره نک کسری و فتحی و فانک سکونیه بلان کذب کی فارسیده دروغ
دیرلر و باب رابعدن مصدر اولور بلان سویلک معناسنه در بصائرک
بیساننه کوره افک صرف الشیء عن وجهه معناسنه موضوع
اولوب معنای سائره اندن متشعبدر ❖ لغوب قتی یورلغنه دی
افول و غروب طولغنه دی ❖ لغوب ضمتیلله قعود ورننده و لامک

۳ و اغرمش بلوکلک
دینورر زانه معناسنه که
شیء مقبوله درخفت
مقابلیدر محاذظه
ناموسی موجب
خصلتدر

مفید

۲ و خساریو اندن
ازمق و کراه اولق
معناسنه ده کلور مفید
۵ و باب رابعدن
مصدر او اولور
برآدمی برنسنه دن
کیروچو یرمک یاخود
رأی و اندیشه سنی
دوندر مک معناسنه
و برکیمه بی بلان
سویلر ایلک یعنی
یلانچی قیلق معنا
سنه در و بر آدمی
مقصودندن محروم
و نو مید ایلک
معناسنه ده کلور مفید

فتمین قیام و زنده باب نالیدن و رابعیدن و خامسیدن مصدر در
 زیاده سیله یوریلوب درمانده و بی تاب اولق معناسنه در که
 طاقی طاق اولق تعبیر اولور کندیلر نده مبالغه لق اگله شیلور
 (افول ضمتینه قعودوزنده باب نالیدن و رابعیدن و اوادن مصدر در
 طو لنق و غائب و نابود اولق معناسنه در) غروب ضمتینه باب اولدن
 مصدر در افول معناسنه و بعد اولق معناسنه ده کلور * زوال
 براح آبرغه دی غمامه بولت ضبابه دومان * زوال جلال و زنده
 باب اولدن مصدر در برنسنه برندن آیرلق معناسنه در (براح زوال
 وزنده و مراد فیدر باب رابعیدن مصدر در و کیزلی ایش آشکار
 اولق معناسنه در غمامه سحابه و زنده و مراد فیدر علی قول بیاضنه
 دینور جمعی غمام و غمام کلور (ضبابه ضاد معجمه نك فتمینه غمامه
 وزنده شول رطوبتی پوصه و دومانه دینور که زمینه قدر هوایی
 احاطه و استیعاب ایدر اکثری کوز مو سمنده صباح وقتنده تکون
 ایدر علی قول انك حقیقی دخان کبی انچه سحابدر جمعی ضباب
 کلور * دهاق طلوعیق درین عصب قتی نقیب ریس * دهاق
 ۷ کتاب وزنده طلوعیق درین عصب قتی نقیب ریس * دهاق
 دقیق وزنده و صفدر دینی درین قیود کز مقوله سنه دینور جمعی
 عمیق کلور ضمتینه و عمیق کلور غیب وزنده و عمیق و عمیق کلور صفار
 وزنده و بعد یا خود اوزون اوزادی به اولان یوله اطلاق اولور و منه
 قوله تعالی * یأتین من کل فج عمیق * ای بعد او طویل (عصب حیب
 وزنده مطلقاتی و شدیدنسنه به صفت اولور (نقیب عصب
 وزنده صفدر قومک ریسی و ناظری و عریفی و خلقت ایوسی و کفیلی
 و کنخداسی و منتبسنه دینور و نقیب الاشراف افندیده بوندندر
 * شواظ یالک نحاس دوتن سحاب بولوط بابه زبان * (شواظ شینک
 ضمی و کسریله توتنسز صافی آتش یالکنه دینور علی قول آتشک
 توتنیه حرارته دینور که اسمد و کونشک حرارته اطلاق اولور تقول
 احر قنی شواظ الشمس ای حرها و حیقرقه و فر یاد ایلکه و پک

۷ علی قول پیدرپی
 صونلان برداغه
 دینور یقال کاس
 دهاق ای ممتنه
 اومتابعه سله

صو سزافه دینور (نحاس ضم نون و فتح و مدحاه مهمله ایله یالکسر
توتنه دینور و باقره و آتشه و برشئتک مبدأ و اصلانه دینور و طبیعت
معناسنه ده کلوب علی قول توتنه سزعلوه دینور که تضاد اولمش
اولور (سحابه ۲ غمازه و زتنده باوده دینور هوا یوزنده منجر اولدیغیچون
جعی سحاب کلور و عر بلر سحابه ایله طول مدت و مدت طوبله دن
کنابه ایدرلر جکبلوب کتدیکیچون (تبابه سحابه و زتنده اسعدر
خساروز یانه دینور ❖ حوله دوه که یوک کتورر وایمه دوکن بهیمه طوار ❖
حوله ساء مهمله نک قحی و میاک ضمی و مد یله یوک طوار یانه دینور
کک دوه و حار و کک سائر اولسون و حالصر تنده یوک اولسون
اولسون بعینه یو کله ده اطلاق اولنور (وایمه سفینه و زتنده
سرور و شاداق و قتنده ایتدکاری طعام تزویج د کوننده اولسون
وسنت د کوننده اولسون و غیر شاداقده اولسون بعده مجازمر سل
طریقیه ده کونه اطلاق اولندی و یونک استعمالی تزویج
و قتنده ایتدکاری طعامده اظهر و اشهر در جعی و لایم کلور زیرا
بین العرب طعام عروسه وایمه و سنت دعوتنه اعذار و ولادت
دعوتنه عقیقه و قدوم مسافر ایچون ایتدکاری دعوتنه نقیقه
واحداث بنا ایچون اولان و کیره و مصیبت و قتنده اولان
دعوتنه و ضیمه دیرلر و شول طعام که بغیر سبب اوله مآدیه دیرلر (بهیمه
وایمه و زتنده درت ایاقلی حیوانک جمله سنه دینور چار پامعنا سنه
برو بخرده اولانه شاملدر علی قول مطلقه تغییر و ادراکی اولیان
جانلویه دینور که انساندن ماعدابا جمله حیوان اولور جعی بهایم کلور
❖ مسومه اولغه صالسان مسومه هم نشانلو اولان ❖ مسومه ۷
مکره و زتنده سام یسومدن یعنی نصر بابتک تفعیلندن اسم مفعولدر
اولغه صالیو یرلمش طواره دینور و نشانلو طواره دینور ❖ عجول
ایویجی بلا صنماق ذاول یواش فند بونا مق ❖ عجول صبور و زتنده
صفتدر بالطبع ایوه کن آدمه دینور و اولومه دینور یقال صر مته
العجول ای المنیه و قهوه الی تعبیر اولنان طعامه دینور و مکده برقیو

۲ جعی سحاب کلور
ضمینه و سحاب
کلور عجایب کی قوت
هنده سحابه نهاری
دیرلر بتون کوندز
یانتده اقامت ایلمد
معناسنه سنه

۷ واشبو حجارة من
طین مسومة آیت
کریمه سنی شول
طاشلردر که اوزلرند
مهر مثالی نقشلر وار
ایدی من عند الله او
دیغنه علامات ایدی
یا خوداق و قرمزی
الاجه ایدی یا خود
انلر ده دنیا بحاره
سندن اولدقلرینی
معلم بر کونا علامت
و نشان وار ایدی
دیو بعض مفسرین
حضراتی تفسیر
ایلدیلر سنه

آیدر (بلا علی وزننده نصر بابك ناقص واویسندن مصدر در
صنماق و تجربه و امتحان ايلك معناسنه در (ذلو عجول وزننده
صفتدريواش ورام و منقاد اولان انسان و حیوانه دینور سرکش
مقابلیدر جعی ذال کلور ضمتینله واذله کلور اعزه وزننده (فند
فتحتینله باب رابعدن مصدر در يك پیرا کدن یا خود بر می شدن ناشی
دماغه اختلال کماکه عقل و شعوره و هن و خال طاری اولق
معناسنه در که پیرا کدن اولانه بونامق تعبیر اولنور و سوزند، یا خود
رأی و تدبیرند، خط ايلك و یلان سو يلك معناسنه ده کلور * جنك طماق
اولدی بینی دماغ و هم عذبه و الهجه زبان * جنك فتحتینله اسم در اغزك ایچ
یو زدن سقف اعلا سـنك ایچ بوزیله چکه ککـلـيـنـك اوجلرندن
اشا غیجه اولان عضوه دینور که مر اد اغزك تمام سقف اعلا سیدر فارسیده
کام و زکیده طماق تعبیر اولنور و سقف اعلا به اطلاق اولند بخی کی
سقف اسقلده اطلاق اولنور جعی احناك کلور (دماغ کتاب وزننده
باشد اولان بینی به دینور که فارسیده مغز دیرل اسم در علی قول ام
الهام یا خود ام از اس اسمیدر جعی ادمغه کلور (عذبه فتحات ايله
ديلاك اوجنه و آنچه طرفنه دینور جعی عذب کلور ضمتینله و عذبات
کلور (الهجه بهجه وزننده دیله دینور اسان معناسنه فارسیده زبان دیرل
بونده تفسیر در و کتاب معروفك اسمیدر * نه مال ايله درنه سه الله در
بکم اولیق کال ايله در * مفاعلتن مفاعلتن نه وافر اولو بو بحر روان *
سال حال وزننده سنه و ییل معناسنه در که نبراعظك نقطه اول جلدن
آخر نقطه حوته کلبجه مدت سبیری اولان زماندن عبارتدر و سال
شمسیدر و سال قری قرک یکرمی سکز بر جی قطع ایلمدیکی مدتدن عبارتدر
(کال جمال وزننده اسم در بر شيتك جبع اجزاسنك برلی یرنده کفایت
و تمامنه دینور و باب اولدن و خامسندن و رابعدن مصدر اولور بر شيتك
جبع اجزاسی برلی یرنده تام و کافی اولق معناسنه در و یونك فعلنده اوج
لغت وارد در عينك ضمی و فتحی و کسر یله در (وافر کافر وزننده و فری فردن
یعنی ضرب بابنك مثال واویسندن اسم فاعلدر مالی چوغا دیجی آدمه دینور

امیر وزنده صرخ بصرخ دن یعنی نصر باندن صفندر مدد و فریاده
 بزشن آمده دینور مغیث معناسنه در فارسیده فریادرس دیرل و مدد
 استین آمده دینور مستغیث معناسنه فارسیده داد خواه دیرل
 بوصورته ضد اولور (برید ۹ بانك فتی و رانك كسری و مـدیلـه
 ورید وزنده رسول معناسنه در که بر محله کوندربلان ایلچی و اولاق
 و ساعی مقوله سیدر فارسیده بیک دیرل که بونده تفسیردر و درت
 فرسخ مسافهیه دینور که اون ایکی میل مسافه دن عبارتدر و هر فرسخ
 اوج میل مسافه در و میل اوج بیک یا خود درت بیک ذراع مقداری
 مسافهیه دینور و بریدن فینك حذفی قیاسی اولدیغی کتب
 نحوه ده مسطوردر جمعی برد کلور ضمیمه و رانك سـکـونـیه ده
 جائزدر (حدیث امیر وزنده خبر و پیام معناسنه در بقظه و منامده
 سمع یا خود وحی جهتـله بالغ اولان کلامه دینور جمعی غـیر قیاس
 اوزره احادیث کلور کویا که احدوثة نك جمعی اولوب بعده حدیثدن
 جمع اولمشدر و نیکیم قطیع و اقا طبع دخی بوبله در * شغاف
 یورك غلافی یا خود حجابی انك یا حبه سیدر * شغاف غین معجه الـه
 سحاب وزنده یورک غلافه دینور که یوفقه جق زاردر علی قول
 پرده سنه دینور که یوفقه جق ایچ یاغیدر لباس کی یور بمشدر یا خود
 حبة القب و سویدا دید کلری دانهیه دینور که نقطه کی قانچغاز در
 مردمک دیده دادر علی قول بلغام یتاغنه دینور * و تین یورك طماریدر
 ورید بیونده ایکی طمار * و تین متین وزنده اسمدر یورك طمارینه
 دینور که کسلد کده صاحبی هلاک اولور جمعی و تن کلور و اولك ضمیمه
 و اوته کلور اجوبه وزنده و بودوام معناسنددر (ورید برید وزنده
 بیونده کی طماره دینور تشبیه سی و ریدان کلور که بیونده ایکی طماره
 اطلاق اولنور جمعی آورده کلور اجوبه وزنده بصائرک پیانته کوره
 و ریدان بیونك ایکی طرفنده باشدن وارد ایکی طمردر که انسان
 غضبناك اولدقده مسواک کی منتفخ اولور آیت کریمه ده واقع حبل
 الوردن مراد بونلرک هر بریدر که آنفا بیان اولسان و تین طمرینه

۹ قاموس شارحی
 برید کلمه سنی فارسی
 اولان بریده دم
 کلمه سندن مخفف
 و معر بدر که
 قویروغی کسشم
 دیمکدر سلفده
 منزل طوارلرینك
 علامت ایچون
 قویرقارینی قطع
 ایدرلر ایدی بعده
 اول بریده راکب
 اولان ایلچی به
 واولاغده اطلاق
 اولندی راکبت
 مرکوبیت علاقسیله
 کیده رك ایکی
 یا خود درت فرسخ
 مسافه بی مشتمل
 اولان ایکی منزل
 خانه نك میانته ده
 اطلاق اولندی
 حالت محلیت
 علاقسیله

اینوب متصل اولور و ورید بمعنی فاعل در باشند وارد اولد یغیچون
یاخود بمعنی مفعول در مورد روح اولد یغیچون ❖ رصاص قلائی
نحاس بافرش دید قتی حدید تیمور ❖ رصاص سحاب وزنده
معلوم در که معادن سبعة نک بر بسیدر بوده ایکی نوع اولور بر نوعی
بیاض اولور که ترکیده قلائی دیرل قاب قلائی نور و دیگری سیاه
اولور که فارسیده اسرب و ترکیده قورشون دیرل و قلائی
خاصه سندن در که بر مقداری تنجریه ایچره وضع اولنسه ایچنده اولان
اتک یشمسنه مانع اولور و اندن مصنوع حلقه ایله بر شجره مثر تطویق
اولنسنه میوه یی مکرر اولوب و دو کلمه کن محفوظ ایدر (نحاس نونک
حرکات ثلاثه سی وحاء مهمله نک قحی و مدیله اسمدر معدنیات دن
باقره دینور) شدید حدید وزنده شدیشددن بمعنی باب اولک
مضاعفندن و صفدر قاتی و سرد و قوی و محکم شیئه دینور و بهادر
و دلاور و ارسالانه دینور (حدید شدید وزنده اسمدر تیموره دینور
جعی حدائد و حدیدات کلور صلابتی جهتیه نفسنی رخنه دن منع
ایلدیکچون یاخود غیری بی منع و دفع ایلدیکچون یاخود حدت
شانندن اولد یغیچون اطلاق اولندی ❖ صدید صاری صوایله
ایرک جراد چکر که ضب کلر ❖ صدید حدید وزنده یاره دن اقان
قان ایله قارشمش صاری صویه دینور که ایرک اولمق سزین پیدا اولور
باب اولدن و ثانینک مضاعفندن صفدر ماء رقیق اعتباریه (جراد
سحاب وزنده چکر که به دینور که معروفدر مذکر و مؤنثه اطلاق
اولنور بر یوزینی نباتدن تجریدی باعث تسمیه در و بواسم جنسدر
واحدی جراده در بقر و بقره کی ضب قحضاد معجه و تشدید بالیه
حشراتدن کلر دید کلری جانوره دینور جعی اضب کلور و ضب یره
یا شمع معناسنه در کلره ضب اطلاق بو معناسدن مأخوذدر و باب
ثانیدن مصدر اولور یا بجه اقق سیلان معناسنه ❖ سمین سمین عجیف
آرق بحیره دوه قولاغی یارق ❖ سمین متین وزنده سمین یسمین دن بمعنی
علم یابندن و صفدر سمین شخصه دینور جعی سمان کلور (عجیف

خفیف وزنده عجب عجب فدن یعنی علم و حسن با بلرندن و صفدر که
 سمین مقابلیدر (بحیره سفینه وزنده شول ناقه یه یا خود شول دیشی
 قیونه دینور که قولاغی علامت ایچون شق اولمش اوله زمان جاهلیتده
 برناقه یا خود برقیون اون بطن یعنی اون دفعه طغورسه قولاغی شق
 ایدوب تسبیب و ازاد ورکوب ورنج و انتفاعی جهتلرندن ترك و معاف
 ایدرلرایدی و عند البعض شول ناقه در که کندی باشنه صالمه اوتلیوب
 کز اوله علی قول شول ناقه در که بش دفعه طغوروب بشنجیسی
 ارکک اولورسه اول ناقه بی ذبح ایدوب لمندن نسوان و رجال
 اکل ایدرلرایدی و اگر بشنجیسی دیشی اولورسه قولاغی شق و منافعی
 نفسله نه تحریرله ازاد ایدرلرایدی * جناح قناد جناح یازق
 نجاح کبی فلاح ظفر * جناح نجاح وزنده فوشک قنادینه دینور
 وانسانک اللرینه اطلاق اولور جمعی اجنه واجنه کلور (جناح
 وزن مزبور اوزره حمایه و پناه که ترکیده صاقنوب یاز قلمسه دیرلر
) نجاح جناح وزنده اسمدر ظفر بالشیء مناسبه که حاجت و مطلوب
 اولان ایش بتمک و برآدم کندی حاجته ظفر یاب اولق معنای نه در
 (فلاح سحاب وزنده فوز و ظفر و نجات و خلاص و خیر و نعمیده
 و رفاه و راحتده دائم و باقی اولمسه دینور و بودنیوی و اخروی اولور
 دنیوی حیات دنیویه نك مدار تطییی اولان سعا داته ظفر یاب
 اولمقدن عبارتدر عمر و بقا و غنا و عزت و دولت کبی و اخروی درت
 نسنه در که بقاء بلافنا و غنا بلافقر و عزت بلاذات و علم بلا جهلدر
 بصائرک بیاننه کوره فلاح ماده سی یارمق معناسنه موضوعدر سائر
 معانی برر مناسبته اندن متفرعدر و ظفر دخی عربیدر ترکیده زبان زد
 اولدیغندن تفسیر قلندی * دقیق اونه دی نخاله كك الم تر
 کور مدکی دیمک * دقیق رفیق وزنده اونه دینور که قطعه ثانیه ده
 بیان اولندی (نخاله ثمامه وزنده الکده قلان کیکه دینور والکدن
 کچن اونه دیمکله ضد اولور و کیکک خاصه سندن در که صوایله
 باخود سبز و اتدن طورپ صویله مطبوخی عقرب صوقد یخی بره

باغاسه ل غایت نافعدر (الم تر همزه همزه استغفها میهدر استغفها م
 لغتده برنسته بی اگلسنی استمک معناسنه در لم حروف جوازمدن فعل
 واحدی جزم ایدر ومضارعک معناسنی ماضی به قلب ایله نفی ایدر
 تر رأی یری دن یعنی ضرب باینک مهموز العینندن و ناقص
 یائسنندن فعل مضارع جحد مطلق مفرد مذکر مخاطبدر بحسب
 التركيب کورمدکی دیمک اولور اصلی تری ایدی همزه حرف شدید
 اولدیغی اجلدن حذف اولندی جزم ایچون یا کندی لم تر باقی قالدی
 * تخین قالن فراش دوشک اساس عمل نطاق کر * (تخین امیر
 وزنده تخن یخن دن یعنی حسن باینندن وصفدر قالین ویک
 وصصقی نسنه به دینور وحلیم ومحممل آدمه اطلاق اولنور (فراش
 کتاب وزنده اسمدر متاع بیتدن دوشک ودوشمه وکلیم وکچه
 وقایجه کی مفروش معناسنه (اساس ۷ سحاب وزنده بنانک تملنه
 دینور جمعی اسس کلور ضمتینله (نطاق کتاب وزنده قوشغه
 دینور که بیله قوشانورلر فارسیده کر دیرل بونده تفسیردر وئسوان
 عرب لباسلرندن بر لباسدر که قاهوس شارحک بیاننه کوره ابتدا انی
 والده اسمعیل علیه السلام اتخاذ ایلاشدر * اولئک آنلر انک سن
 هنالک آنده ذلک اول * اولئک ضم همزه اولی وقفح لام والفک
 مدی وکسری اوزره بناسیله بر جمعدر که کندی لفظندن واحدی
 یوقدر لفظ آخردن واحدی ذادر مذکر ایچون ومؤنث ایچون
 زهدر والفک قصری دخی جائزدر وچان النی قصر ایلسک
 یا ایله کابت ایلسن واکر مد ایلسن کسر اوزره بنا ایلسین
 مذکر ومؤنثی برابردر وآخرنده کی کاف خطاب ایچوندر و بو
 بعید ایچوندر بحسب التركيب انلر دیمکدر فاسیده آنهادیرلر
 (هنالک ضم ها وقفح ومدنون وکسر لامله مکان بعیده اشارت
 اولنور فارسیده آن جا و ترکیده آنده واوراده ایله تعبیر اولنور (ذلک
 اسماء اشارتدن بعید ه اشارت اولنور فارسیده آن و ترکیده اوله
 معبردر * لدنک فتکده ایس دکل لدی قتمده انلوا کر * لدنک فتح

۷ وهر شیئک اصل
 ومبناسنه اطلاق
 اولور و کتاب
 معروفک اسمیدر
 مستد

لام وضم لام ونونك سكونی اوزره بناسيله عند كلمه سی کی ظرف
 زمان و ظرف مکان اولور که زمان و مکانك اول وابتداسندن
 عبارتدر و بونده لغت کثیره واردر ابن حاجبک بیانیه کوره یدیدر
 و صاحب قاموس بونك اوزرینه درتدخی زیاده ایلمشدر و آخرنده
 کاف خطاب اولغله معنای ترکیبی قشکه دیگدر (ایس فتح لام و سکون
 یا ابله افعال ناقصه دن فعل ماضی مفرد مذکر در دکل و اولدی
 معناسنه و بوداخل اولدیغی جمله نك معناسنی نفی ایلکه موضوعدر
 و بونك اصلی بانك کسر یله لیس در علی غیر قیاس یا ساکن قلندی
 و متصرف اولدیغی اجلدن بالغه قلب اولدی (لدی لامك و دالك
 فتحه لری و تشدید یا ابله لدن کی عند معناسنه و ظرف زمان و مکان
 ایچوندر آخرینه یاء متکلمه داخل اولغله معنای ترکیبی قشکه
 و یانمده دیگدر (ان کسر همزه و سکون نون ابله حرف شرطدر
 استقباله مخصوصدر کرک فعل مضارع داخل اولسون کرک ماضی به
 داخل اولسون ان تکرمنی اکرمک وان اکرمتی اکرمک کی و بوا یکی
 مثالك مالی بردر (اولامک فتحی و واول سکون یله بر حرفدر که ماضی به
 داخل اولوب ولی ایلدی کی کلمه نك که شرط و مقدم اطلاق اولنور امتناع
 مفهومی وانك تالیسنگ که جزاء و تالی تعبیر اولنور استلزامی اقتضایدر
 سیویه دیدیکه اولکله سی غیرک یعنی اولک وقو عندن ناشی زمان
 استقباله قریباً واقع اوله جق نسنگ که ثانی تعبیر اولنور وقوعنه
 دلالت ایدر ولو کله سی بش وجه اوزره مستعملدر اول اوجائی اکرمته
 مثلاً و ترا کیده استعمال اولناندر و بوا و ج احوالی مفید اولور شرطیه
 یعنی کندید نصکره واقع اولان جمله تین یشده سببیت و مسببیت
 خصوصنگ عقد و انعقادنه دلالت ایدر که جمله اولینگ وقوعنی
 ثانیه نك تحقّقنه سبب و بادی قیاس شرطیه بی زمان ماضی به ربط
 و تقید ایدر یعنی زمان ماضیده شرط ایچون اولور امتناع ایچون
 یعنی مطلقاً مقدمک امتنا عندن ناشی تالیسنگ امتناعنه دلالت ایدر
 تفصیلی کتب نحویه ده مبسوط و مشروحدر و بصیر اولور یکون

کبی یغوص طار یخوض کبی ✱ یصیر ضرب یابنک اجوف یابیسندن
 فعل مضارع مفرد مذ کردن اولور معنا سینه فار سیده شود
 دیرلر (یکون نصر یابنک اجوف واو یسندن فعل مضارع مفرد مذ کردن
 اولور معنا سینه فار سیده بود می اد فیدر مصدر لر ی صیر ورة
 و کینونه در ✱ معلوم اواه که صبرورت ایله کینونه نک یلنده فرق
 وارد در صبرورت رجوع و تحولی متضمن اوله رق اولق یعنی برنسنه
 صکره دن بر درلودخی اولق معنا سینه در وقاموس شارح نک بیاننه کوره
 صار ماده سی ایکی کونا مستعملدر بری بلوغ فی الحال در صار زیدر رجلا کبی
 و بریسی بلوغ فی المضافدر صار زیدالی عمر و کبیکه بونده رجوع و تحولی
 متضمندر یعنی صکره دن اولقدر مصباح نک بیاننه کوره برحالتدن
 برحالتله انتقالی متضمندر مثلاً صار زید غنیا کبیکه ابتدا زید فقیر ایکن
 غنی اولدی دیمکدر و صار الامر الی کذا کبیکه عاقبت ایش واروب
 اولجیه اولدی دیمکدر انتهی و کینونت اولق حدث معنا سینه در که
 برنسنه نک حدوث و وقوعندن عبارتدر (یغوص یخوض و زننده نصر
 یابنک اجوف واو یسندن فعل مضارع مفرد مذ کردن طار معنا سینه
 (یخوض یغوص و زننده نصر یابنک اجوف واو یسندن فعل مضارع
 مفرد مذ کردن یغوص معنا سینه ✱ یؤب دوز یؤ کبی یدس کومر بسب
 سو کر ✱ یؤب یؤ و زننده نصر یابنک مهموز الفاسندن واجوف
 واو یسندن فعل مضارع مفرد مذ کردن برجع معنا سینه در که ترکیده
 کری دوز ایله تعبیر اولور (یؤ یؤب و زننده و باب مذ کورک اجوف
 واو یسندن و مهموز اللامندن فعل مضارع مفرد مذ کردن یؤ و معنا سینه
 (یدس ید و زننده نصر یابنک مضاعفندن فعل مضارع مفرد مذ کردن
 کومر دفن و اخفا ایله معنا سینه (یسب یدس و زننده نصر یابنک
 مضاعفندن فعل مضارع مفرد مذ کردن سو کر معنا سینه ✱ شتاقیش اولور
 خریف خزان ربیع بهار نور چمیک ✱ شتاسوا و زننده فصـول
 اربعه دن قیش فصلنه دینور و بوشتوه لفظ نک جعیدر کلبه و کلاب
 کبی علی قول ایکی سی دخی مفرد در جمعی شتی کلور معنی و زننده

واشته کاور اینه وزنده (خریف امیروزنده فصول اربعه دن کوز
فصله دینور که با ایله قیشک مایندر وجه تسمیه میوه در بی وقتی
اولد یغچون و کوز موسمند یاغان یغور علی قول شتا یا منک اوانلنده
ابتدا یاغان یغوره دینور و دوشورلش تازه خرما به دینور (ربیع خریف
وزنده ایکی قسمدر بری بیع الشهور و بری ربیع الازمنه در ربیع الشهور
شهر صفر دینکره کلان ایکی آیدر که شهر ربیع اول و شهر ربیع الاخر
تعبیر اولنور شهر رمضان کی بولنده همان شهر لفظیله استعمال
اولنور ربیع الازمنه دن فرق ایچون و ربیع الازمنه ده ایکی کونادر بری
ربیع الاولدر که چیچک آچوب و منارک و اوتلرک تدیکی زماندر حال ایزم
به سار دید یگمزموسمدر و بری ربیع ثانیدر که میوه لیشدیک ایامدر که
کوز فصلی دید یگمزموسمدر و بعضیلر ایشو کوز فصله ربیع اول و بهاره
ثانی اطلاق ایتدیلر و بعضیلر دیدیلر که عربلر سنه بی الی زمان اعتبار
ایدلر ایکی آینه ربیع اول و ایکی آینه صیف و ایکی آینه قیظ و ایکی آینه
ربیع ثانی و ایکی آینه خریف و ایکی آینه شتا تعبیر ایدلر قاموس شارحی
دیر که مقدمات فصول اربعه اعتبار واولی صیفدن عدایدوب در دنجی
به ساره کلمه ربیع اطلاق ایتدیلر و اقامت معناسنه اولان ربعدن
ماخوذ اولق دخی محتملدر (نور نونک فحی و واول سکونیه اغاجک
ونباتک چیچکینه دینور زهر معناسنه علی قول بیاضنه نور و صار و سنه
زهر دینور جمعی انوار کاور * سرور کی حبور فرح سرور کی
عبور کزر * (سرور قعود وزنده نصر بانک مضاعفندن مصدر در
سونک و سوندن مک که فرح معناسنه که حزنک مقابیلدر) (حبور
سرور وزنده و مراد فیدر که ضرب باندن مصدر در) (مرور سرور
وزنده نصر بانک مضاعفندن مصدر در کچوب کتمک معناسند
(عبور ۷ مرور وزنده و مراد فیدر فارسیده اسم مصدر اوله رق
کزر دیرلر * جدید یکی رمیم چورک قصه یی قصه تغیر بلوک *
جدید جدید وزنده صفتدر یکی شیئه دینور که کهنه نک نقیضیدر
و نصیلو کیمیه دینور (رمیم جدید وزنده ضرب بانک مضاعفندن

۷ با ایله و علی ایله
صله لند قدسه
او غرامق معناسنه
استعمال اولنور شد

صفتدر چور یمش کیکه دینور ومنه قوله تعالی * من یحیی العظام
وهی رمیم * (قصیر امیر وزنده حسن باندن صفتدر قصه نسنده
دینور جمعی قصراء وقصار کاور کبراء و کبار کی مؤثی قصیره در
(نقیصه قصیر وزنده اسمدر ناسک مجموعنه دینور علی قول او ندن اشاعی
اولان رجاله دینور ❖ دی صومعه حجره ثله کدک بیات کیجه
بیوت او طهر ❖ صومعه جوهره وزنده رهبان نصارایه مخصوص
عبادتگاه اولان وحدت خانه یه دینور تپه لری کمی وانجه رکا اولدیخی
باعث تسمیه در کرچه قبه اولوب انجه و کمی اولور اوائلده مخصوص
اولیجه بنالدرلر ایش بعده مطلقا عبادتگاه لری اولان حجره لینه اطلاق
اولندی (ثله ضم ثاء مثله ایله غرفه وزنده اسمدر کد کد دینور (بیات
ثبات وزنده کیجه یه دینور و کیجه وقتی برایش کورمک و کیجه بی برایش
ایله کچورمک معناسنه در (بیوت قعود وزنده بیتک جمیدر ارطهر
معناسنه ❖ مفاعلتی مفاعلتی ویررلر ایسه جهانی بتون ❖ یوزک
صوینه سن آله صاتون یوز اقلق ایکی جهانی دکر ❖ الفاظ معلومه در

❖ البحر الهزج المسدس المحذوف ❖

یعنی بوقطعه بحر هزج مسدس اجزانددر ولکن عروضک بعضی
مقصوره و اکثری محذوفه در و ضربتک کلیسی مقصوره در
ناظم می حومک محذوف دیمه سی مساحه یه مبنیدر ❖ بطانت هم
ولایت صاحب یار ❖ بطانت کتابت ۹ وزنده برآدمک امور
واحواله محرم و همراز اولان خاص یارانه دینور جمعی بطانین
کلور (ولایت حقیقت وزنده بر کیمسه نک دخیله سی و بطانه و خاصه سی
اولان یعنی امور و مصالحنه دخیل و خاصه و همرازی اولان کشی یه
دینور علی قول بیکانه دن اوله رق امور مصالحنه معتمد علیه اتخاذ
ایلدیکی کشی یه اطلاق اولنور مراد کنخدا اوله جقدر ومنه قوله تعالی
* ولم یخذ من دون الله ولا رسوله ولا المؤمنین ولا یحیة * (صاحب
غالب وزنده اسم فاعل بنا سیله یار و همد مه دینور ❖ ایشیم و مجرم
و مذنب کاهکار ❖ ایشیم جسیم وزنداشم بأنم دن علم یعنی باندن صفتدر

۹ ولایه سک
استارینه دینور سید

کنا هکار معناسنه کنا هکار فارسیده زبان زده اولد یغندن تفسیر
 قلندی (مجرم مکرم وزنده جرم مجرم دن یعنی ضرب بایک افعالنندن
 اسم فاعلدر کنا هکار معناسنه اسم نمرده صوج اید یجی ایله معبردر
 (مذنب مجرم وزنده اذنا بدن اسم فاعلدر صوج اید یجی معناسنه
 ❖ سدم حزن وندامت هول قورقق ❖ سدم قحینه علم بایندن
 مصدر در غمکین اولق علی قول ندامتله غمکین اولق یا خود
 حزن واند وهه مقارن غیظ و غضب پیدا ایلک معناسنه (هول
 قول وزنده نصر بایندن مصدر در قورقق وقورقق
 معناسنه ❖ امد بعد ونهایت قاب مقدار ❖ امد قحینه
 علم بایندن مصدر در اراقلق که بعد معناسنه وغایت ونهایت
 وانجام معناسنده کلور بعد ونهایت هر نقدر عربی ایسه زبانمرده
 اولد یغندن تفسیر قلندی (قاب باب وزنده اسمدر مقدار معناسنه
 مقدارده برنسنه نک مبالغ واندازسنه دینور ومنه قوله تعالی * قاب
 قوسین اوادنی ۷ * الایة ❖ نکیرانکاردر مارد معنددر ❖ نکیر سفیر
 وزنده علم بایندن مصدر در انکار معناسنه در که بیلامک جهل کی
 (مارد قادر وزنده حسن بایندن اسم فاعلدر عناد اید یجی آدمه
 دینور ❖ جدیر وهم حری لایق سزاوار ❖ جدیر جدید وزنده
 صفت مشبهه در لایق معناسنه (حری غنی وزنده صفتدر اولی
 ولایق معناسنه (لایق زائد وزنده ضرب بایک اجوف بایسنندن
 اسم فاعلدر مناسب ویا قشقلی اولان سنه به دینور فارسیده سزاوار
 دیرلر بونده تفسیردر ❖ حسیر اولدی و مستحسیر بورلش ❖ حسیر
 حاء مهمله نک قحیله فعل وزنده بمعنی مفعولدر یوریلوب فرومانده
 اولش انسان و حیوانه دینور جعی حسیری کلور قتل وقتلی کی
 واوزون اوزادی به باقق حسبیه فری کیدوب طونو قلمش بصره
 وصف اولور (مستحسیر مستلزم وزنده حسیر بحسردن یعنی
 نصر و ضرب بایلر نک استفعالندن اسم مفعولدر حسیر معناسنه
 ❖ اسیر وهم سی طوتساق گرفتار ❖ اسیر حسیر وزنده طوتساقه

۷ ویا یک قبضه سیله
 چله محلی اولان ایک
 گوشه نک ارالغنه
 دینور سیله

دینور اخیند معناسنه كرك بغلو اولسون و كرك اولسون فی الاصل
اسار الی بغلو اولان طوتساغه دینوب بعده توسیع اولندی وخاصة
بغلو اولانه دینور مقید معناسنه و محبوس و مسجونہ اطلاق اولنور
جعی اسراء کلور امراء وزنده واساری کلور سکاری وزنده
(سبی ۲ غنی وزنده طوتساق واسیر اولان آدمه دینور مذکرومؤنه
اطلاق اولنور و بوصفتدر جعی سبایا کلور و بریدن آخر یرہ سیل
صوی کو تور دیکی چالی چرپی وخار و خاشاک مقوله سنه دینور
❖ غناء چور چوب حجاره طاشلردر ❖ غنا ضم غین و فتح و مد ثا ایلہ
اسمدر صویوزنده اولان وسیل صوی کتور دیکی چور چوب
وخار و خاشاک و پیراغه دینور (حجاره تجاره وزنده حرك جمع کثرتیدر
طاشلر معناسنه و احجار و اجر دخی کلور ❖ ابن کریم جدار و سور
دیوار ❖ ابن فتح لام و کسر با ایلہ کریمه دینور چاموردن کسوب
یا پویا پارلر واحدی لینه در) جدار کتاب وزنده دیواره دینور حائط
معناسنه جعی جدر کلور ضمتینله (سور حور وزنده دیواره دینور
و بر شهر و بریری احاطه ایدن بارویه دینور جعی اسوار و سیران
کلور کسر سین ایلہ ❖ حلی زینت ثقل یولجی متاعی ❖ حلی غنی
وزنده زیب وزینته دینور كرك النون و كرك كوش کبی معدنیاتدن
دوزاش اولسون و كرك الماس و یاقوت مقوله سی جوهر اولسون
جعی حلی کلور ضم حا و کسر لام و تشدید با ایلہ (ثقل فتحمتینله
یولجینک متاع و حشمته دینور ساز و سامان و بار و بنکاه معناسنه که
آغراق تعبیر اولنور ❖ آغریوکلر ایش ائقال و اوزان ❖ ائقال ۷
فتح همزه ایلہ افعال وزنده ثانی کسر یله اولان ثقل کلمه سنک جمع قلتیدر
آغریوکلره دینور و یرده مدفون اولان کنج و دفینه به اطلاق اولنور
(اوزان ائقال وزنده وزنک جمعیدر آغریوکلر معناسنه ❖ جینان آلتک
ایکی جانتیدر ❖ جینان فتح جیم و کسر با ایلہ تشیه بنیه سیله جبهه تک
اوجلرینه دینور که ایکی طرفتدر جبهه بی تقویس ایدرک طاشلر ایلہ
باشده قبل بتدیکی یرک مابیندن عبارتدر علی قول ناصیه خداستدن

۴ فارسیده گرفتار
دیرلر کدبونده ایکنجی
دفعه ده تفسیر
واقع اولشددر ❖

۷ و موتابه اطلاق
اولنور و منه قوله
تعالی * و اخرجت
الارض ائقالها *
و انساك محمل
اولدیغی ذنوب
و آثامه اطلاق
اولنور ❖

جبهه نك اوزرنده قيل بتمكه بشليمان يردن اعتبار وانك ماورا سنه
 صدغ دينور كه طواوك تعبير اولنور برطو اوندن او برطو اونه وارنجه
 رك هراوجنه جين دينور جـ جي اجـ بن واجينه و جين كلور
 دخی صدغ و غديره زلف دلداز * صدغ ضم صاد و سكون
 دال مهمله ايله طولون اوزرينه صارقان صاچه دينور كه زلف
 و پرچم تعبير اولنور حافظ شيرازی (يت) سبت سلمی بصدغيها فؤادی *
 و روحی كل يوم لی ينادی (جعی اصداغ كلور) غديره سفینه
 وزنده اوز و نجه اولان زلف و كيسويه دينور زابيه کبی جعی غداړ
 كلور و نبات قطعه سنه دينور جعی غدران كلور * محبت هم مودت
 سومك اما * ۷ محبت قحاطله و تشديد با ايله مصدر در (مودت
 محبت وزنده باب رابعدن مصدر در سومك معنا سنه * كراحت
 سومك در جحد انكار * كراحت كرامت وزنده علم بابندن مصدر در
 برنسنه طبعه ناخوش و ناالایم اولغـ له خوشلنيوب اكر نك معنا سنه در
 (جحد جيمك قحی و حاء مهمله نك سكونيله قحح بابندن مصدر در
 برنسنه بی ياور ايكن انكار ايلك معنا سنه در ويهودی طائفه سنه
 حود اطلاق صاحب نبوت و رسالت پناهی بی يله رك انكار ايتد كلرند در
 * عجل ايومك امل اميده دبرل * عجل قحطينله علم بابندن مصدر در
 ايومك معنا سنه و ايوه جكلكه دينور كه برنسنه بی وقتدن مقدم
 طلب و تحری ايلكدن عبارت در انكي چون مذمو مدر (امل قحطينله
 اميد و رجايه دينور جعی امال كلور كه لسان نمزده اومی و او عمه ايله
 تعبير اولنور و مصدر اولور اومق و اميد ايلك معنا سنه * جدل
 غوغا خصوصت سوق بازار * جدل قحح جيم و دال مهمله ايله
 اسمر اقتداردن ناشی شدتله غوغا و نزاع و خصوصت ايدر اولق
 معنا سنه در (سوق سين مهمله نك قحی و مديله اسمر چارشويه
 و بازاره دينور و بومؤشدر مذكر دخی اولور * سحق ايراق شهيق
 آواز ناخوش * سحق فعیل وزنده علم و حسن بابلرندن و صفدر
 ايراق كه بعيد معنا سنه (شهيق سحق وزنده ضرب و قحح و علم

۷ بعضی دقایق شنا
 سان و نکته سنجان
 حب کله سنده شویله
 رمز و اشارت بیور
 مشردر که اقصای
 حلقدن حاحرفیله
 شفوی اولان
 باحرفندن مرکب
 اوالمغله کویا که محبک
 ابتداء و انتهاء حال
 و شانی سراسر
 محبوبه منحصر
 اولوب میانه ده
 اشیاء سائر نك تخالی
 اولد یغنی تلمیح
 و اشعاره مبیندر
 اصل محبک دخی
 شانی بویله اولق
 لازمدر پس بوندن
 نقصان اولور ایسه
 اکا محبت اطلاق
 صحیح و رواد کادر
 انتهى

بابلرندن مصدر در اشك آ كرمق معناسنه و بكالدين كيمسه هنجقرمق
معناسنه در كه اطفال بكاسي اول رسمه اولور و برنسنه يه كوز
دكر مك معناسنه دخی كاور ❖ دريس اسكي مريدرك و هموار ❖
دريس حريص وزنده نصر و ضرب بابلرندن و صفدراسكي لباسه
دينور و دوه نك قو پروغنه دخی دينور (مرد مكرم وزنده مريدردن
يعني نصر بابلنك تفعيلندن اسم فاعلدر مريد طاشي كبي دوز و محكم
وبرك نسنه يه دينور ❖ حبك يوللار اقم يول اورنه سيدر ❖ ۲ حبك ضمتيله
كتاب وزنده اولان حباكك جمعيدر قوملقده اولان زه كبي اوزون
اوزون قبور يم طرزنده طريقه لره دينور كه روز كار سهو لملوچه
اور مغله پيدا اولور كذلك دكزوسار صواوزره اول رسمه پيدا اولور
يول يول (لقم فحمتيله اسمدر بولاك اورنه سنده دينور و كوم
ومعظم يرنه دخی دينور ❖ عراب وفاره اشكون يعني رهوار ❖ عراب
كتاب وزنده يو كرك واشكين ورهوان آته دينور و عرفنده هجنت اوليوب
خالص عربي و كحيل اولان آته دينور كه مقابلنه تركي و تركاني ديرلر
وانسان ايله آنك و دوه نك بينلريني فرق ايچون انسانه عرب و آته
ودويه عرب و اعراب و معربه اطلاق ايلديلر پس مفرد لري عربي
اولور عرب ملاحظه سيله (فاره صاحب وزنده بورغه واشكنلو آته
دينور جعي فواره كلور ❖ اروني كوسترك بكاديمكدر ❖ اروني رأي
يريدن يعني ضرب بابلنك هموز القاوناقص يايدسك افعالنندن فعل
امر مخاطب جمع مذكدر كوسترك معناسنه ني نون نون و قايه ياياء متكلمه
بكاه معناسنه بحسب التركيب كوسترك بكاديمكدر ❖ ادر دوندر اجرنا
بزي قورتا ❖ ادر اجر وزنده دوريد وردن يعني نصر بابلنك اجوف
واويسك افعالنندن فعل امر مخاطبدر دوندر معناسنه همزه سي
تعديه ايچوندر كه ثلاثي لازمدر حافظ شيرازي (بيت) الايا ايها
الساق ادر كا ساونا و ايها ❖ كه عشق آسان نمود اولولي افتاد مشكلها
اجر جورك افعالنندن فعل امر مخاطبدر قورتار معناسنه نانس متكلم
مع الغير ضميردر بزي معناسنه در كه اجر ك مفعوليدر بحسب التركيب

۲ و حبك قاور لمش
كبي بك قيور
دينور اولان صاحبه
جق و حبك فللكه
كوا كبك سير
ايتد كلري طرائق
ومواريدن عبارتدر
ستد

قور تار بزی دیمکدر ارو نینک وادرك واجرك اعلا لاری اربا بنه
 معلو مدر ❦ اذاناگاه اذاجون سوف صکره ❦ اذاهمننک کسری
 والفک قصریله مفاجاه ایچون اولور که سن برایش اوزره ایکن ناکهانی
 وبغته برشینک حصول وظهورنی افاده ایدر بوصورته جله اسمیه
 مخصوص اولور و شرط معناسنی متضمن اولما مغله جواب ایرادینه
 محتاج اولمز و کلامک صدر وابته سنده واقع اولمز زیرا انی اتیاندن
 غرض ماقبلنک وجو دند نصکره مابعدنک علی سبیل المفاجاه
 حصوانه دلالت ایلمکدر و بو اذای مفاجاه زمان حاله دلالت ایدر
 شرطیه کی استقباله دلالت ایلمز نحو خرجت فاذا الاسد بالباب و کفرله
 تعالی * فاذاهی حیه تسعی * و بو عند الاخفش حرفدر و عند المبرد
 ظرف مکاندر و عند الزجاج ظرف زماندر که زمان مستقبله دلالت ایدر
 (اذا همزنک کسری والفک قصریله زمان مستقبله دلالت ایدر براسمدر
 چون معناسنه که اذای شرطیه در و بو استعمال اولمز انجق جله یه
 مضاف اوله رق استعمال اولور) سوف سینک وفانک فتحیه که بونده
 سف و سووسی دخی دینور سینلرک فتحیه کلمه تنفیسدر هنوز وجوده کلیان
 فعلده استعمال اولور و تهدیه و وعید و وعد فعلارنده دخی استعمال اولور
 و راغبک بیانته کوره سوف کلمه سی بر حرفدر که مدخولی اولان فعل
 مضارعی حال معناسدن تجرید ایدوب استقباله تخصیص ایدر ❦ کای
 ای نیجه لابد ناچار ❦ کای کافک والفک فتحی و بانک تشدیدیه اصلی
 ای دیر که شرح و بیان اولندی تکثیر عدده نقل اولنق ایچون کاف
 داخل اولوب ای نیجه ونه چوق معناسنی افاده ایدر و کای دن ماعدا
 اوج لغت دخی واردر تنوینی نون شکنده رسم ایله کاین ۲ و کین
 همزه بی یایه ایداله ۳ کاین کاعب وز تنده بونلر در (لابد لافراق
 و لامحاله معناسنه در زیرا بدفراق معناسنه اولوب لاء نافیله داخل
 اولغله فراق مفی و لزوم لازم اولدیغندن لازمدر و البته دیمک اولور
 قاموس شارحک بیانته کوره بونک استعمالی نفیه مخصوص صدر

اثبتده مواد در مصنفین و مؤلفین عبار تلزنده کثیر الوقوع و متنوعاً
ایراد ایدر لر مثلاً لابد له - امن قوانین ولابد منه ولابد اکل طالب کبی
لابد ثابت یا خود کائن تقدیرنده در و تعبیر مذ کوردن فارسیده چاره
نیست و ناچار ایله ادا اولنور ❖ معیشت عیشده دیرلک زند کانی ❖
معیشت طبیعت و زننده ضرب باینک اجوف باینسندن میلی مصدر در
جمعی معایش کلور (عیشده شیشه و زننده معیشتک مصدر یدر دیرلکه
دینور حیات و زند کانی معنا سنه و ما کولات و مشروباته اطلاق
اولنور که مدار حیات اولد یغیچون زند کانی فارسیدر وزن اتمایچون
یا خود توضیح ایچون ایکنجی دفعه ده تفسیر قلندی ❖ خصاصت
فقره دی آثم نگاهکار ❖ خصاصت خاء معجه و صاد مهمله ایله فصاحت
وزننده علم باینک مصدر در فقر و احتیاج معنا سنه در ۷ (آثم عاصم
وزننده علم باینک هموز الفاسندن اسم فاعل در صوچلی و نگاهکار
معنا سنه در که آنفا شرح و بیان اولندی ❖ مفاعیلان هزج بحری
فعولان * دیلکده ذکر حق ایله تکرار ❖ مصراع اول بحرك وزنی
افاده ایدر و مصراع ثابده * یا ایها الذین آمنوا اذکروا الله ذکر کثیرا
و سجوه بکرة و اصیلا * آیت کریمه سنه تلمیح و اشارت وارد

۷ و مطلقاً رخنه
و خال علی قول
قابو و قابور والک
و نقاب مقوله سنه
اولان کر که ورخنه
یه دینور یا خود
کوچک دایکه دینور
سند

❖ البحر المضارع المكفوف المقصور ❖

یعنی بوقطعه بحر مضارع مکفوف و مقص - و در بحر مضارع
فی الاصل هر بیت ایکی کره مفاعیلان فاعلاتن مفاعیلان فاعلاتن در
صدر و ابنداسنه خرم علتی عارض و عروض و ضربندن ماعداد جمع
اجزاسنه کف علتی عارض اولدی و عروض و ضربنه قصر علتی
کلهشدر خرم اغنده بر آدمک بورننک دیرکفی کسمک معنا سنه در
و عروضیون اصطلاحنده مفاعیلان میمنک یا خود فعولان جز شدن فائک
اسقاطندن عبارتدر کف و قصر علتی شرح و بیان اولندی ❖ ریب
المنون حوادث ایام عام سال ❖ ریب المنون ترکیب مزجی عبدالله کبی
حوادث ایام دهر دن عبارتدر (عام نام و زننده یل و سنه یه دینور
جمعی اعوام کلور قاموس شارحی دیر که عام عومه نک جمعی اولان

عو مدن مأخوذ در شمس تمام سنه به دك اون ايكي برجده عوم
 وسير ايلديكنه مبنيدر انتهى فارسیده سال ديرلر بونده تفسيردر ❖ سلخ
 ومحاق آيك صو كيدر اولی هلال ❖ سلخ قح سین وسكون لامله تسبیح
 بالمصدر در آيك صو كینه دینور وهر آيك آخر كونه دخی دینور (محاق ۲
 میك حرکات ثلاثه سیله آيك آخر بنه علی قول آخرنده اولان اوج کجه به
 دینور یا خود قرك نهان اولسندن عبارتدر که صباح و اخشام کور غز
 اولور قر کونشله برابر جه طلوع ایلکله کونش نور قری محق ومحو
 ایلدی کیچون اطلاق اولندی (هلال کسر هایلله خـلال وزنده
 بر کجه لك علی قول ایکی کجه لك یکی آیه دینور فارسیده ماه نود برلر
 یا خود اوج کجه به قدر یا خود یدنجی کجه به قدر هلال اطلاق اولنور
 وهر آيك آخرنده بکرمی التجی ویکرمی یدنجی کجه لك آیده هلاک
 اطلاق اولنور ماعـدا به یعنی مابینه قردینور ❖ ابکار وغـدوه
 ایرته دجی قراکو کجه ❖ ابکار کسر همزه وسکون بـاء موحدده ایلله
 بکردن اسمدر ایرته غد معناسنه وایرته لك معناسنه ده کلـور
 صباح کی ومنه قوله تعالی * بالعشی والابکار * ای غداه غدوه غین
 معجه نك ضمی ودال مهمله نك سکون یله صباحك اول وقتنه دینور
 بکره معناسنه فارسیده بامداد وتر کیـنده ارکن تعبیر اولنور علی قول
 صلاة فجر ایلله طلوع الشمس بیـنده اولان وقتنه دینور ایچنده اولدیغك
 کونك صباحی مراد اولنور ایسه منون اولمز ز را ظروف غیر متمکنه دندر
 واکر نکره مراد اولنور ایسه منون اولور و بکره کلـه سی دخی
 بوبله در جمعی غدی کلور مدیه ومدی کبی (دجی غنی وزنده
 ضرب باینك ناقص بایـسندن صفتدر قراکو کجه به دینور
 ❖ ظهره وظهیره اوبله وکون اورته سی زوال ❖ ظهر طاء دججه نك
 ضمی وهـانك کسر یله شمسك نصف نهـار دائره سـندن زائل
 اولدیغی ساعته دینور که اوبله وقتی تعبیر اولنور وظهر سـاعت
 اعتبار یله مؤنث ووقت اعتبار یله مذکر در (ظهیره کبیره وزنده
 زوال شمس وقتندن نصف نهـار زمانه دینور که اوبله وقتی اوله جقدر

۲ و باب اول و ثانی
 مصدر دخی اولور
 آی آخر اولق معنا
 سنه و آبی آخره
 بتشدر مک یعنی آیک
 آخرینه واصل
 ولق معناسنه سنه

علی قول زوالدن عصره قدر زمانه اطلاق اولنور جعی ظهار
کلور و برنسته برندن آبرلق معناسنه در که باب اولدن مصدر در
(زوال نوال وزنده کونش وسط فلکدن یعنی نصف نهاره کلوب
غروب سمته دونک معناسنه مستعملدر که تمام کونک اورته سیدر
❦ سجین طموده بر دره سجیل سنک وکل ❦ سجین سکین وزنده
جهنده بر دره اسمیدر اعاذنا لله منها و بر موضع اسمیدر که فجارک
کابی یعنی دفتر اعمالی آده موضوعدر (سجیل سجین وزنده کسک
طرزنده بر کونا طاشه دینور و بوسنک وکل معربدر که مراد
قوم او چامور ایله پخته اولوب صکره منججر اولان طاشدر و منه
قوله تعالی * ترمیهم بحجارة من سجیل * ای حجارة کالدرد و سجیل
یعنی السجین یعنی عند البعض نار جهنده چامور ایله مطبوخ طاشدر که
اوزر لنده نازل و مصیب اوله جق اشخا صک اسملری می سومدر
یا خود بوراده سجیل دیمکدر یعنی فی الاصل سنک وکل معربی اولان
سجیل اولوب بعده اشباع اولمشدر پس حجارة می قومه ایله
تعذیب اولنه جقلری مکتوب اولان کتاب محفوظ احکامنددر دیمکدر
❦ وما دریک ما سجین کتاب می قوم ❦ آیت کریمه سی بومعنا به دایلدرد
نتکیم قاموس مؤلفی و مترجی وجه مذکور اوزره بیان ایلشدرد
زیرا سجیل بوراده سجین معناسنه در که کتاب می قوم ایله مفسردرد
❦ شیخ اولدی بخل و حرص و مرض خسته ببحال ❦ شیخ شین
مجمه نک حرکات ثلاثه سی وحاء مهمله نک تشدید یله علم بایندن
مصدر در و اولدن و نایندن دخی اولور صحاحک بیانه کوره بخل
و حرص معناسنه در و قاموسک بیانه کوره حرصه مقارن بخل
معناسنه در که طبیعی اوله (مرض زمنوزنده صفت مشبهه در
خسته و ببحال آده دینور جعی مرض کلور ❦ خیط ایپلاک ابره
اکنه و سم اکنه بوردوسی ❦ خیط خاء مجمه نک فتحی و یانک
سکونیه ایپلاک تلنه دینور جعی اخیط و خیط کلور (ابره همزه نک
کسری و رانک فتحیه اکنه به دینور فار سیده سوزن دیرلر جعی

ابرکلور همزه نك كسرى و يانك فتحيله و عقر بك اكنه سنه ده دينور
 (سم سينك حرکات ثلاثه سى و ميمك تشديد يله اكنه دايكنه دينور
 و منه قوله تعالى * حتى يلج الجمل في سم الخياط * و جل مكي اينه دينور که مراد
 ابرى هلاطدر که قومانه تعبیر اولنور بعض افنديلر جـلى دوه ديو
 تفسیر ايلر الله تعالى سهو و قصور لر يمزى عفو ايله آمين ❖ هم
 ريش خوش لباس دخی ريش پروبال ❖ ريش ديش وزنده لباس
 فاخره دينور (ريش ريح وزنده قوش قنادينه دينور جناح الطير
 معناسنه جـمى ارياش ورياش کلور فارسیده پروبال ديرلر بونده
 تفسیر لر در ❖ مفعول فاعلات مفاعيل فاعلات * مكفوف اولجه بحر
 مضارع بودر مثال ❖ الفاظ معلومه در ❖ ايضا ❖ شرح اولندی
 ❖ تلقايكا و طيف خيال و قبل عيان ❖ تلقا ۲ تانك كسرى و لامك
 سـكونيله ظرف مكاندر جهت و جانب و مقابله معناسنه نتيكیم امام
 بوصیری قدس سره العالی حضرتلری قصیده برده سـننده ایراد
 ايلشد (بيت) ام هبت الريح من تلقاء كاظمه * واومض البرق
 في الظلماء من اضم) و ظرفيت اوزره منصوب اولور (طيف طاء
 مهمله نك فتحى و يانك سـكونيله حيف وزنده اويقوايچره عارض
 و طائف اولان خياله دينور و نصرو ضرب بابلرينك اجوف و اويسندن
 و يائيسـندن مصدر اولور اويقوايچره خيال عارض اولق معناسنه
 و داورمك معناسـنده در جنون كبي (قبل غيب وزنده صـفتدر
 قارشوده عيان و آشكاره اولان شئيه دينور ❖ اهدا هديه و برمكه
 دى تحفه ارمغان ❖ اهدا اعطا وزنده افعـلدن مصدر در برآمده
 ارمغان كوندرمك معناسنه و هديه نك وجه تسميه سى بودر که اكثرى
 حاجات اوكلرنده تقديم اولنديغيچون ياخود الفت و محبته هـادى
 وارشاد ياخود مـهدى له ياننده صاحبندن مقدم وارد يغيچوندر
 (تحفه تانك ضمى و هاء مهمله نك سـكونيله اسـمدر ارمغان و هديه
 معناسـنده در جمى تحفدر هاسز و بونك اصـلى و حفه در تاواودن
 عوضدر ❖ موسـع غنى و مقتر و معسر فقـير در ❖ موسـع مكرم

۲ و کور شمکه
 و بولشمغه دخی
 دينور که فارسیده
 دیدار ديرلر سنه

وزنده وسع یسعدن یعنی علم باینک مثال واو یسندک افعالنندن
 اسم فاعلدر غنا و ثروت صاحبی آدمه دینور (مقتر محسن وزنده
 قتر بقتردن یعنی نصر و ضرب بابلرینک افعالنندن اسم فاعلدر فقیر
 آدمه دینور و عیال و اولادینک نفقه سنی تضییق و تقصیر اوزره
 رؤیت ایدن آدمه دینوو (معسر مقتر وزنده علم باینک افعالنندن
 اسم فاعلدر فقیر و احتیاجی اولان آدمه دینور ❁ سیار یو لجی قافله در
 غیر کاروان ❁ سیار طیار وزنده کرمک معناسنه اولان سیردن
 مبالغه ایله اسم فاعلدر که یو لجی به دینور (قافله قاتله وزنده کاربانه
 دینور و بوفی الاصل سفر دن عودت ایدن جماعته دینور و رجوعه لرینه
 تفألاً سفره عزیمته آغاز ایدنلرده اطلاق اولنور حالت و محلیت
 علاقه سیله برسمته کیدن کاربانلره قافله اطلاق بوملابسه به مبنیدر
 (غیر عینک کسری و مدیله کاربانه دینور قافله معناسنه و بومؤنشد
 علی قول ذخیره کوتورن دوهله دینور لفظندن مفردی یوقدر
 ❁ اکام غنجه لر دخی جنات باغچه لر ❁ اکام اعمام وزنده کمک
 جمعیدر که غنجه لر معناسنه اکام کلدیکی کی اکه و کام کاور کافک
 کسریله (جنات جمیک فتحی و نونک تشدیدیه جنتک جمعیدر باغچه لر
 معناسنه ❁ بطیخ قاون ایله قارپوزدر بصل صوغان ❁ بطیخ
 بانک فتحی و طانک تشدیدیه قاون و قارپوز تعبیر اولنان میوه به دینور
 مفردی بطیخه در ها ایله لکن قارپوز ایله قاوینک بدنی فرق ایچون
 قارپوزه بطیخ شامی و بطیخ هندی ایله تقیید ایدرلر و اهل حجاز
 قاونه مطلقاً بطیخ دیرلر (بصل قحمتینه صوغانه دینور واحدی
 بصله در ها ایله فارسیده پیاز دیرلر ❁ قاروره شیشه اولدی قواریر
 شیشه لر ❁ قاروره شیشه یه دینور و دارو و سائر مشروبانک ظرفنه
 دینور ۷ (قواریر قاروره نک جمعیدر شیشه لر معناسنه و منه قوله
 قوله تعالی ❁ قواریر من فضة ❁ الآیه ❁ مهراس هاوان اولدی
 و حجر بخوردان ❁ مهراس محراب وزنده نسنه دوچک آلت
 اعتباریه دیبکه و هاونه دینور (مجرمیک کسریله بخوردانه دینور

۷ و کوزک سیاهنه
 دینور حدقه العین
 معناسنه شد

آلت بخور اولی ق اعتباریله وبومذکردر مؤث دخی اولور مجره
ومدخنه یاخود نار اعتباریله وعود اغاجنه دخی اط لاق اولور که
آلت بخوردر ❁ ربعان وعنفوان اوله هر شیک اولی ❁ ربعان
رانک قتی ویا نك سکونیه هر شیک اوله دینور که کورایکی وفضل
واقبال حالتی او اور (عنفوان عینک وفانک ضعیله برنسنه نك اول
ومقد منه علی قول بهجت واطافتی هنگامنك اوله دینور ❁ اخدان
دوستان کبی دخی شاب وفتی جوان ❁ اخدان اکام وزنده عنب
وزنده اولار خدن کله سنک جمیدر دوستلر ویارانلر وبولداش ل
معنا سنه در (شاب داب وزنده اسم فاعل بنیه سیله کجج وتوانا
وجوان آدمه دینور جمعی شاب کلور (فتی عصا وزنده دلی قانلی
جوانه دینور ۷ وجوانمرد وسمی آدمه دخی دینور ❁ نقر و صغیر
صقاغ ناقور جنک وصور ❁ نقر نونک قتی وقافک سکونیه اسمدر
اصلق معناسنه ونصر بابندن مصدر در اصلق چالق معناسنه
(صغیر صریر وزنده اسمدر صیقلغه دینور که دوداق ایله چلازلر
دودک سسی کبی وضرب بابندن مصدر اولور صقاق چالق معناسنه
فارسیده هشیلاک دیرلر ۳) ناقور ناقوس وزنده انواع لعب آلتلرندن
ساز معروفک اسمدر وصور اسرافیل علیه السلامه دینور ومطقا
بورویه دینور که اغز ایله چالور ❁ سطح اوتوانی اولدی و مر قاة
زردبان ❁ سطح سینک قتی وطانک سکونیه خانه نك طامنه دینور که
فارسیده بام دیرلر وهر شیک اوستنه دینور که فارسیده فراز دیرلر
ناظم مرحوم حضرتلری سطحک یرنده سقف دیه لی ایدیکه اوتوانی
معناسنه اولسون زیرا طام ایله توانک بیسنده فرق کلی واردر ووزن
ایچون خلل یوقدر واصل سطح یایوب دوشه مک معناسنه مصدر در
طام مقوله سی مبسوط اولدیغندن سطح ایله تسمیه اولندی که تسمیه
بالمصدر در (مر قاة میم کسری وفتحیه زردبان دینور موضع رفی
اعتباریله میمی مفتوح وآلت اعتباریله مکسور اولور که علم بابنک
ناقص یاییسنندندر ❁ یالیت ای نوایدی ان البتده نحن بز ❁ یالیت

۷ تنیه سنده فتیان
و فتوان دینور
جمعی فتیان وفتون
کلور فالرک کسریله
سند

۳ و بوری چالاق
معنا سنه ده کلور
سند

یا حرف ندادن منادای بعیده ندا اولور کرک حقیقی کرک حکمی
اولسون وگاه اولور که منادای قریبه ندا اولور تا کید ایچون یا الله
ویاربی کی وعند البعض بعیده وقریبه ومتوسطه ندا اولور ولیت
لامک فتحی وبانک سکونیه وآخرینک فتح اوزره بناسیله کله تمنیدر
رنسنه بی اومق معناسنه حرفدر فارسیده ککاشکی
وترکیده نوایدی وشویله اولیدی دیمک مفهومانده مستعملدر
وحروف مشبهه بالفعل جمله سندندر اسمنی نصب وخبرنی رفع ایدر
اکثری ممتنع ومحال اولان موادک تمنیسنه تعلق ایدر شاعرك بیتده
اولدیغی کی (لیت الشباب يعود یوما * فاخبره بما فعل المشیب)
ومنه قوله تعالى * یالیتنی کنت ترابا * وبعض کره ممکن اولان محله
استعمال اولور لیت زیداقائم کی وبعض کره وجدت کله سی
مترانه تنزیل اولور یعنی ابکی مفعوله تعدیه ایلدیکی کی بودخی اسم
وخبرنی نصب ایدر لیت زیداشخصا کی وانی وایلی کی بالذات
یاءمتکلمه داخل اولوب لیتی دینور ونون وقایه ایله لیتی دینورانی کی
مذکور آیت ککریمه ده اولدیغی مثالی (ان لامک فتحی ونونک
سکونیه حروف نواصبنددر تا کیدایله داخل اولدیغی فعل مضارعک
معناسنی استقبالدهنی ایدر لن تفعل دید کده البتده زمان استقبالده
ایشلیه مزسک دیمک اولور امام سیدویه عننده برأسه حرفدر
وامام خلیل وامام فراعندلرنده مرکبدر (نحن نونک فتحی وحاک
سکونی ونون آخرک ضمی اوزره بناسیله ضمیر متکلم مع الغیردر بزیمکدر
انکله نفسلرندن مخبر اولان تشبیه وجع اراده اولور وعند البعض ضمیر
متکلم وحده اولان اناکله سنک من غیر لفظها جمیدر اجتماع ساکنین
محدوری ایچون آخری تحر یک اولندی وحرکات سائره بیسنده ضمه
اختیار اولند یغنک وجهی بودر که چون ضمه جمعه دلالت ایلدوب
جمع مضمرة ایسه واوومیم دلالت ایدر فعلاواوانم کی واوایسه ضمه نک
جنسنددر پس محبانست ایچون ضمه ایله تحر یک ایلدیلر
❖ کی تامتی فن انان انما همان ❖ کی می وزننده حروف نواصب

جمله سندن در بحسب الخارج ما قبل ما بعدینه سببیت ایچون اولور
و بحسب الذهن ما بعدی ما قبله سببیت ایچون اولور یا خود
ما قبل ما بعدینه و ما بعدی ما قبله احدهما آخرک مقامنه اولور
فارسیده تاسیاد فیدر که بونده تفسیردر و حروف جاره دن
دخی اولور لام تعلیل معناسنه (متی ممک فحی و قلیلا ضعی و افک
قصر یله ظروف غیر ممکنه دندر انکله برامک زمانندن سؤال اولور
چن ونه زمان دیمکدر کفوله تعالی * متی نصر الله * ای فی ای زمان
و مجازات ایچون اولور که کتب نحو به ده مسطور و مشر و حدر
(انا همز نك فتحی ايله ضمیر نفس منکلم و حده ایچوندر فارسیده
من و ترکیده بن ايله معبردر) انما شرح اولندی * ایضا * معلوم
* غیر از زمین و بادیه صحرا فناوری * غیرا حرا و زننده اغبرک مؤنثیدر
یر که زمین و ارض معناسنه در و اشجاری بول و فراوان بره و صف
اولور ۷ (بادیه وادیه و زننده صحرا به دینور ترکیده قاره دینور
(فنا فانک کسر یله کسا و زننده اوک اطراف جوانب الدار معناسنه
* ینبوع چشمه بتر فیدر حی قوری * ینبوع بانک فتحی و نونک
سکونی و بانک ضمیمه صوچیق دیغی بر که چشمه و پیکار و غیره به شاملدر
عین الماء معناسنه (بتر بانک کسری و همز نك سکونیله معلومدر که
قبویه دینور فارسیده چاه مراد فیدر و بتر لفظی مؤنثدر جمعی
ابتر کلور افعل و زننده (حی کسرها همزه ايله الی و زننده ضرب
بایندن صفتدر بر نسنه دن حایت اولانان شبهه دینور قوری
کبی * یثرب مدینه کاظمه بریرک آدیدر * یثرب بانک فتحی و ثانک
سکونی و رانک کسر یله و اثرب بایی همزه به ابدال ايله مدینه النبی
علاه الصلاة والسلام اسمیدر نسبتده یثربی و اثربی دینور رالک
فتحی و کسر یله جامی (بیت) کی بودیارب که دودر یثرب بطحا کنم *
که به مکه میروم که در مدینه جا کنم) و قاموس شارح نک بیاننه کوره
سام بن نوح اولادندن ابتدا ارض مزبوره ده ساکن اولان یثرب
اسمیه مسما در رسول اکرم صلی الله تعالی علیه وسلم حاضر تلری

۷ دوزو و یوم شاق
برلده نابت اولان
نبا تلره اطلاق
اولنور که علاقه
سی معلومدر

لفظ مر قومك معنای تباہ و فسادى متضمن اولافله استهجان بیورملربله
 رفع و طیه و طابه ايله تسمیه بیور دیلر (کاظمه فاطمه وزنده مدینه
 منوره ده بر موضعت اسمیدر نیکم امام بوصیرینک بیتی بونی ایما ایدر
 (بیت) ام هبت الريح من تلقاء کاظمه * واومض البرق فی الظلماء
 من اضم) ❖ هم بکه مکه آدی یاخود کعبه نکر یی ❖ (بکه مکه وزنده
 مکه مکر مه نکر اسمیدر علی قول ایکی طرفنده واقع ایکی طاعک ما یبنی
 اولان بقعه نکر یاخود مطافک اسمیدر که کعبه مکر مه در و بودق العنق
 معناسندن مأخوذدر اعناق جباره بی دق و شکست ایلدیکیچون
 اطلاق اولندی ابرهه و قریش کی قصه لک تفصیلاری کتب
 تفاسیرده مبسوطدر یاخود مزاجه معناسندن مأخوذدر بهر سنده آنده
 ناسک ازد حامی باعث تسمیه در وعند البعض یا میدن بدادر لازب
 و لازم کی ومنه قوله تعالی (بکه مبارک) لایه ❖ منضود صیق اغاج
 دخی صنوان ایکی چتال ❖ منضود نضد بنضد دن یعنی ضرب
 بایندن اسم مفعولدر بربری اوزره نظام ابله استغ اولمش اغاجه دینور
 علی قول عامدر وجه مذکور اوزره استغ اولمش هر شیئه شاملدر
 (صنوان قنوان وزنده صنوک تنبه سیدر برکو کدن چیقان ایکی یاوج
 یاز یاده فدائیلرک هر چتالنه دینور صادق ضمیله ده لغتدر و صنیان دخی
 دینور صادق حرکات ثلاثه سیله جهنده دخی صنوان دینور فرقی اعراب
 بالحرکه ايله متحقق اولور ❖ مخصوص اغاج که اوله کسشم دیکنلری ❖
 مخصوص منصور اوزنده خضض یخضض دن یعنی ضرب بایندن اسم
 مفعولدر دیکنلری کسشم اغاجه دینور و دللری قیرلمش اولان اغاجه
 دخی دینور ❖ تهدید قور قوو یرمک توحید برمک ❖ تهدیه تکریم
 وزنده نصر باینک تفعیلندن مصدردر قور قتمی و قور قوو یرمک
 معنا سنده در (توحید تهدید وزنده ضرب و حسن بابلرینک مثال
 و اویسنک تفعیلندن مصدردر حق جل و علا نکر واحد حقیقی او اوب شریک
 و نظیردن منزله اولدیغنی ایمان ایلمکدن عبا رتدر لسانز ده برمک ايله
 تعبیر اولور ❖ تفریط اکسک ایلک افراط آشوری ❖ تفریط تقصیر

وزننده نصر با يك تفعلاندن مصدر در اك ايلك تقصير
معنا سنه در كه افراط مقابله در بناسی سلب ایچوندر
و بر خصوصی عجز دن ناشی ضایع و تباه ايلك معنا سنده کلور
۷ (افراط اکرام وزننده باب مذ كورك افعلاندن مصدر در كه
تفریطك مقابله در حد دن زیاده و آشوری ايلك معنا سنه
و بر کیسه به یا خود بر حیوانه تحمل و طاقتدن خارج نسنه تحمیل ايلك
معنا سنده کلور ❖ ساحل دکن کاری و حوض و غدیر کول ❖ ساحل
حامل وزننده دکن کاری و دکن بالیسنه دینور شاطیء البحر معنا سنده
و بمقلوبدر زیر اصولی قیاس معنا سنه اولان سحیلدن مأخوذ اولغله
حقیقتنده قیاس اولان مسکول اولی ایدی یا خود مضاف مقدر در كه
ذو ساحل دیکدر زیر اصول و جزر ايله قینك قشرنی صیروب
کوثر (حوض حاء مهمله نك فتحی و واو ك سكو نیله معر وفدر كه
اسانمزده دخی حوض دیرلر كه ایچنه صو جمع اولسون دیو بیارلر
جمعی حیاض کلور كه اصلی حواض ایدی حانك مكسور یهقی
واوی بابه ابدال ایلدی و احواض دخی کلور ۶ (غدیر غین معجه نك
فتحی و دال مهمله نك کسری و مدیله شول چقور یره دینور كه
ایچنده صو ایر کیلور اسانمزده کول ايله معبردر ۷ ❖ رفر ف دوشك
بساط نفیس اولدی عبقری ❖ رفر فتحینه انلو دوشكه دینور
بساط عریض معنا سنده جمعی رفارف کلور واحدی رفرفه درها ايله
(عبقری جعفری وزننده برکونا فاخر بساط و دوشمه اسمیدر كه
بساط نفیس معنا سنده و مطلقا نقص و قصوری اولیان کامل
شبه دینور و بر قومك سید و شریف و ذیشاننه دینور و حسن
و لطافت و سائر مزیت جهتیله نهایت درجه به بالغ اولان شبه
دینور كه فوقنده برشی اولیه کویا كه اول صنایع بشریه دن اولیوب
بلکه جن و پری صنعتدر دیو تعجب اولنه

❖ البحر الرمل المخبون ❖

یعنی بوقطعه بحر رمل مثنی الاجز اندر كه هر بیتي سکز كره فاعلاتنی در

۷ و بر کیسه بی
الچی یوللا مق
و کیویه ترك ايلك
و مبا افه ايله مدح
و ثنا ايلك معنا
لرینه ده کلور سنده

۶ مصدر دخی
او اور صوی
بر کدر مك معنا سنده
و حوض بایق
معنا سنده ده کلور سنده
۷ و غدیر قلیجه
دخی دینور جمعی
غدر و غدران
کلور سنده

لکن جمیع اجزاسنه خبن وعروض و ضربنه قصر علی عارض اولمشدر
 قصر آنفا شرح اولندی خبن لغتده اوزون لباس مقوله سنی قاصمق
 معناسنه در واصطلاح عروضیونده ایکنجی حرف ساکنی اسقاط
 ایتکه دیرلر بوده فاعلاتن و مستفعالن و مفعولات و فاعلن جزلرینه
 مخصوصدر ❦ شئان بغض وعداوت متبری بیزار ❦ شئان قحاطله
 قح و علم یا بلرندن مصدر در بغض وعداوت ایلک معناسنه در
 وبرکیمسه نك حقنی اقرار ایلک علی قول حقنی تماما و یروب ابراء
 ذمت ایلک معناسنه ده کلور و بو مهموز الفانددر (متبری متکلم
 وزنده علم یا بنک مهموز الفاسنک تفعیلدن اسم فاعلدر مرض
 و علتدن در ست و سالم و برنسنه دن بری و خالی الذمه اولان
 آدمه دینوز فارسیده بیزاردیرلر بونده تفسیردر ❦ هذیان یاوه هرز
 مسخره لق صاحب یار ❦ هذیان قحاطله ضرب یا بنک ناقص
 یا بنسندن مصدر در هرزه و یاوه و نامعقول سوز سوز ایلک معناسنه در
 (هرز و ضمیمه قح و علم یا بلرینک مهموز الا منندن مصدر در
 مسخره لق و شمارلق و هل ایلک معناسنه در (صاحب قارب وزند
 یار و همدم معناسنه ❦ اقطاعان سیف و قلم در ثقلان انسله جن ❦
 اقطاعان همزه نك قحی وقافک سکونی و طانک و عینک قحله ریله
 قلیج و بازو یازد یغمر قلمه دینور بری فاعل و بری مقول اعتبار یله اطلاق
 اولندی (ثقلان ملوان وزنده انس و جنه دینور زیرا بونلرک هر بری
 قطعات ارض اولغله کویا که ارضی ثقیل ایدرلر یا خود ذنوب سببیله
 مثقالدر ❦ نیران آی و کونشدر ملوان لیل و نههار ❦ نیران
 نونک قحی و یانک تشدید یله نیرک تنبیه سیدر لکن اصطلاح
 اهل هیشده و عرف علماده آی ایله کونشک علم
 وضعیسی یا خود علم غلبیدر (ملوان ثقلان وزنده کیچه و کوندره
 علم اولمشدر علی قول لیل و نههارک ایکی طرفنه اطلاق اولنور که
 اول و آخردن عبارتدر ❦ متحیر او یوشجی متحرف دونو جی ❦
 (متحیر متکلم وزنده حیرندن یعنی علم یا بنک اجوف یا بنسنگ تفعیلدن

اسم فاعلدر خبرنده قالمش آدمه دینور (متخرف حاء مهمله ايله متخیر
وزنده حرفك تفعلندن اسم فاعلدر برطرفه طوغری اکیلوب میل
وعدول ایدن آدمه دینور که لسانمزده دونوجی ايله معبردر * دخی
محصى صایجیدر مائه یوز الف هزار * محصى احصادن یعنی افعال
یابندن اسم فاعلدر صایجی معناسنه (مائه میک کسری و همزه نك
قحیله اسماء عدد دن یوزك اسمیدر جمعی مآت کلور فارسیده صد
دیرلر) الف همزه نك قحی ولامك سکونيله اسماء عدد دن يك
عددك اسمیدر فارسیده هزار دیرلر و بومذکر در دراهم استبایله
مؤنثا استعمالی جائزدر جمعی الوف و آلف کلور همزه نك مدبیه
و مصدر اولور برآدمه يك عدد نسنه و یرمك معناسنه * مطمئن
یرلشوب آرام ایدیجی قلب بورك * مطمئن مقشعر وزنده طئندن
یعنی رباعی مجرد مزیدی اولان اقشعرار یابندن اسم فاعلدر سکون
و آرام اوزره یرلشیجی آدمه دینور قاموس مترجی حاضرم افندی
حضر تلری دیر که نفس مطمئنه بومعنادندر که عین الیقین مرتبه سیدر
بعده راضیه و مرتضیه در ابتدا اماره بعده ملهمه در که علم الیقین مرتبه سیدر
علماء ظاهر ك غایت سلوکاری بومرتبه در و بورؤ یا مرتبه سیدر
بوندنصکره جمیع اطوارده حل مشکلاته قادر مرشد کمالک ارشادیه
مطمئنه رتبه سنه ترقی اولور که راضیه و مرتضیه آنک صفاتندندر
و بوراده ظلمات شك و وهم و خیال مضحجل اولور و بونك نهایتنده
رجوع قهقری متصور دکادر ان لاریب للراسخ و لارجوع للواصل
انتهی (قلب قافك قحی ولامك سکونيله یور که دینور فؤاد معناسنه
فارسیده دل دیرلر علی قول استعمالده فؤاد دن اخصدر که لسانمزده
کوکل دیرلر ناظم بومصراعنده ملاحظه اولنسه صنعت بدیعیدن
اتمام صنعتی وارددر * متکی سوبیکنجی حاشیه و حافه کنار *
متکی اتکادنکه اصلی و کی در لغیف مفروقك افتعالندن اسم فاعلدر
سوبیکنان و طاینان و اعتماد ایدیجی آدمه دینور (حاشیه حاء مهمله نك
قحی وشین معجه نك کسریله برنسنه نك کنارینه و پروازینه دینور
و برآدمك اهل و متعلقا تنه اطلاق اولنور) حافه حاء مهمله نك

فتحی ومدی وفانك تشديديله جانب معناسنه اولان حفاف مصدرندن
اسم فاعلدر ومنه قوله تعالى * وترى الملائكة حافين من حول العرش *
ای محدقین باحفته ای جوانبه ❖ کذب وزور یلاندر دخی احدوئه
مثل ❖ کذب کافك فتحی وذاك کسریله کشف وزنده کذب
یلان سوزده دینور وضرب بایندن مصدر اولور یلان سوز سو یلك
معناسنه (زور ه زانك ضمیله یلان سوزده دینور وشرك بالله
معناسنه استعمال اوانور که اعظم اکاذیبر ویهودی
ونصاری طائفه لرینك یصفالیله لرینه اطلاق اوانور وقوت
معناسنه دخی کلور که فارسی ایله متفقد وعقل ورأی ورشد
معناسنه ده کلور (احدوئه همزه نك ضمی وحانك سكونی ودالك
ضمیله بین الناس حوادث اولان خبر عجیبه وکلام ومثال
وداستان غریبه دینور جمعی احادیث کلور ❖ هم اساطیر یلانلرهم
احادیث اخبار ❖ اساطیر احادیث وزنده اسطارك جمیدر اسطارد
سطرك جمیدر یلانلر معناسنه ومنه قوله تعالى * ان هذا الا اساطیر
الاولین * ای اکتبوه کذابا (احادیث اساطیر وزنده مصراع اولده
پکن احدوئه نك جمیدر ومنه قوله تعالى * فجعلناهم احادیث *
ای اخبارا یتمدثون بها اخبار دخی عربیدر زبان زده اولد یغی
اجلدن تفسیر قلندی ❖ بشره دی درینك طیش یوزینه جلددری ❖
بشره ۹ قحائله انسانك ظاهر جلدینه یعنی درینك طشره یوزینه
دینور بفضیلر تعمیم ایلدیله یعنی سائر حیوانکده ظاهر جلدینه اطلاق
اوانور دبیلر جمعی بشر وجع الجمعی ابشاردر (جلد جمیک کسری
ولامك سكونیه حیوانك درینسه دینوز جمعی اجلاد وجلود کلور
❖ ادمه دی درینك ایچ یوزینه عرف طمار ❖ ادمه قحائله بدنده درینك
ایچ یوزینه دینور که ات جانبیه کلور علی قول طشره یوزینه دینور که قبل
بتان یوزیدر وباشك درینك طشره یوزینه دینور ویرك ایچ یوزینه
دینور باطن الارض معناسنه (عرق عین مهمله نك کسریله جلد
وزنده طمره دینور که بدنده اولور فارسیده رك دیرلر جمعی عروق

وجه استقامتدن
مائل اولدیغیچون
اطلاق اولمشدر
منه

۹ اصل بشره
مطلق ظاهر جلد
معناسنه موضوع
اولوب بعده ظهور
جلد اعتباریله انسانه
دخی اطلاق اولندی
منه

وعراق کلور عینک کسریله و عرق هر نسنه نك اصل و بنیادینه
 اطلاق اولور ۷ ❖ کبرا اولو کشیلر حنفا طوغریلر ❖ کبرا فقرا
 وزنده کبرک جمعیدر کیره ده علم یابندن صفتدر اولو اولان آدمه
 دینور جمعی اولو کشیلر معناسنه اولور (حنفا کبرا وزنده حنیفک
 جمعیدر حنیفده ضرب یابندن صفت مشبهه در فعلیل وزنده
 شول مؤمن و مسلمان دینور که دین اسلامه میلی راست اولوب ملت
 بیضای اسلامیه ده ثابت و برقرار اوله و بومیل معناسندن متصورد
 ❖ عشر احملی اون آیلق دوه در جمعی عشر ❖ ۲ عشرعین
 مهمله نك ضمی و شین معجه نك فتحیله نجبا وزنده اوزرندن اون آی
 کچن کبه دوهیه دینور علی قول سکرآی کچنه دینور که نسا ده نفسا
 منزلده در جمعی عشر کلور عینک کسریله و عشر اوات دخی
 کلور عینک ضمی و شینک سکونیه ❖ زینت و حلیه بزکدر ذهب
 و نضر التون ❖ زینت زانک کسری و مدیه بزک و ارایش معناسنه
 (حلیه حاء مهمله نك کسری و لامک سکونیه زیب و زینته دینور
 جمعی حلی کلور حانک فتحیله (ذهب فتحیله جنس معدنیدن التونه
 دینور مشهوری هنوز معدن چیقوب سکه و صیانت کور مامش
 التونه دینور و بومذکر و مؤنث اولور واحدی ذهبه و جمعی اذهاب
 و ذهاب و ذهابان کلور ضمیریه و باب رابعدن مصدر اولور
 بر کیمسه ناکهانی معدنه یا نضر بخانه یه کپروب خرمن خرمن التون
 کومهلرینی کورد کده کوزلری قاشوب آشفته ورنده و حیران قالمق
 معناسنه و بوماده نك فعلنده بنی تمیم لغتی اوزره ذالک و هانک کسریله
 ذهب دخی جائزدر (نضر نونک فتحی و ضاد معجه نك سکونیه التونه
 دینور ذهب معناسنه فارسیده زر دینور علی قول کومشه دینور فضه
 معناسنه جمعی نضار کلور جبال وزنده و انضر کلور ❖ ورق اچمه
 و کوشدر حسب و عد شمار ❖ ورق فتحیله اچمه یه دینور و کوشه
 دینور فضه معناسنه و مطلقا جانور حیوانه دینور و سائر مال و مواشی به
 دینور و کاغذ و پیراغه دینور و پیراق کی بوفقه دری به دینور

۷ و بدنه دینور
 حسد معناسنه
 و بیوک و کوچک
 طاغیه دینور
 و چوراق یه دینور
 سله
 ۲ عشر و نفسا
 کله لرمی جمع
 صورتده وارد
 مفردلدر سله

مفردی ورقه و جعی اوراق کلور (حسب فتحینه نصر باندن
 مصدر در صایق معناسنه) عد عینک قحی ودالك تشدیدیه نصر
 باندن مصدر در صایق معناسنه در که اعدادی بری برینه ضم
 ایلمکن عبارتدر ❖ اعتراض آرقبری کلمك متجانف مائل ❖
 اعتراض اعتقاد وزنده افتعالدن مصدر در آرقبری کلمك ومنع
 ایلمك و یوز دوندرمك معناسنه در و بر کیمسه بر کیمسه به طوغری
 اوق طوغرلدوب آتوب اولدرمك معناسنه و بر آدمه مرض یاخود
 جن طوقمه کی حادثه عارض اولغله سست اندام اولوب زوجه سنه
 قرباندن عاجز اولق معناسنه ده کلور (متجانف متفاصل وزنده
 جنفدن یعنی علم باینک تفاعلدن اسم فاعلدر میل ایدیجی یعنی
 طوغریدن صایجی وعدول ایدیجی آدمه دینور ❖ قهقری اردینه
 دونك حرج وضیق طار ❖ قهقری عبقری وزنده مصدر در
 اکسه به دونك رجوع الی خلف معناسنه در که بر ستمه کیدر کن
 علی الفور اردینه دونك اولور که ایز اوزرینه دونك اولور علی قول
 یوز بنی چورمدن اردین اردینه کتمک معناسنه در (حرج فتحینه
 وصفدر اناجیلری صیق و فراوان اولان به دینور که اوق ایشان
 اورمان کی صیقلغندن چوبالروارمق ممکن اولیه و کناهه اطلاق
 اولنور طارلخی مستلزم اولق ملاحظه سیله (ضیق ضاد مجحه نك
 فتحی و یانك سکونیه صفتدر طار نسنه به دینور و بوضیق لفظنك
 مخفی اولور میت و میت کی وضادك کسر یله ده لغتدر و درونده
 اولان شك و کانه اطلاق اولنور و قلبه طارلق و یرن نسنه به اطلاق
 اولنور غم و فکر و تلاش و فقر و فاقه کی ❖ حطمه اسم جهنم
 لهب آتش یالکی ❖ حطمه حاء مهمله نك ضمی و طانك فتحیه
 همزه وزنده جهنم اسماسنددر علی قول بر قیوسنك اسمیدر در ونه
 القا اولنانلری کسر ایلدیکچون اطلاق اولندی و پك شدتلو
 آتسه دینور و شول مرحمتسز و شفقتسز سنکدل چوبانه دینور که
 مواشی بی شدتله زجر و ضرب ایدرک بری برینه قاتوب قیروب

کچر اوله و چوق دوه و قیون و یکی سور یسه اطلاق اولور
 اوغرا دقلری نسنه بی حطم ایله کار یچون (اهب فتحیدله آنشک
 علوینه دینور لسان النار معناسنه جمعی الهاب کلور فارسیده زبانه دینور
 * ساهره یر یوزی اولدی قتره کردوغبار * ساهره قافله وزنده ارضه
 علی قول یر یوزینه دینور وجه الارض معناسنه و بیابانه اطلاق اولور
 و اصلا انسان و حیوان اباعی باصوب جهنم نامش ارضه اطلاق
 اولور علی قول شول ارضه اطلاق اولور که حق جل و علا یوم
 قیامتده حشر مخلوقات ایچون تجدد ایلیه جکدر ارض بیضا
 دخی دینور و منه قوله تعالی * فاذا هم بالساهرة * (قتره قنماتله
 جوهر ینک بیاننه کوزه قترک واحدیدر یرپاره توزه دینور و منه قوله
 تعالی * ترهقها قتره * و صاحب قاموس بیاننه کوزه برنسنه
 اوزرینه چوکش توزه دینور فارسیده کرد دیرل بونده تفسیر در
 (غبار غراب وزنده توزه دینور ترابدن بقیه اولدیغیچون
 تسمیه اولندی قول ایچون فی ده ف پس مانه علی اوزره امی * ل
 حروف جرجله سندن یکرمی ایکی معنایه کلور اولکی استحقاق
 ایچوندر الحمد لله ایکنجی اختصاص ایچوندر المنبر الخطیب اوچنجی
 تعلیل ایچوندر معانی سائر سی مفصلا تده مسطوردر فارسیده
 را ایله ادا ایدرل (فی فائک کسری و مدیله حرف جاره جمله سندن
 ظرفیت معناسنه مستعمل اولور کرک زمانی اولسون نحو قوتعالی
 * فی ایام معدودات * و کرک مکانی اولسون نحو قوله تعالی * و انتم
 عاکفون فی المساجد * بونده معانی کثیره وارد لغات و نحو کتاب لرند
 مبسوط و مشرو حدر ترکیده ده و فارسیده در ایله معبردر (ف حروف
 هجادن و شرط مخذوفه جواب ایچون اولور که فارسیده پس
 و ترکید اویله اولدی ایسه ایله معبردر و تفصیلیه و عاطفه اولور که
 کتب نحو ده مسطور و مبسوطدر (ما استفهام ایچوندر ترکیده نه
 و فارسیده چه ایله معبردر و نافییه و موصول و موصوف ایچون
 اولور که مفصلا تده مسطور و مشرو حدر (علی عینک قنم

(بیت)

(غبار پائیکه آلام
 جهانی یار رسول الله
 د کشم مویکه
 هفت آسمانی
 یار رسول الله)

والفك قصر بله حرف در یعنی حروف بجاره دندر سیبویهدن اسمی
 مرویدر طقوز معنایه دلالت ایدر اولکی حسی و معنوی استعلایه
 وتفرق ایچون اولور که غالباً مجرورینه استعلایه دلالت ایدر نحو
 قوله تعالى *وعليها وعلى الفک تحامون* فارسیده بر وترکیده
 اوزره ابله معبردر (ا حروف هجاءن وکله استغها مدندر که دائماً
 صدر کلامده واقع اولور ازید قائم *والیس الله بکف عبده* مثالرنده
 اولدیغی کبی زید قائم می دیمکدر *ب ابله کم نیجهائی ننه کلازنهار*
 ب حروف جرجله سندن الصاق ایچون اولور که مفعول به اولان
 کلمه ایصالدن عبارتدر والصاق حقیقی اولور نحو امسکت بزید
 بوراده امساک فلی حقیقه وجود زیده واصل اولمدر و مجازی اولور
 نحو مررت بزید بونده مرور بالحقیقه زیده واصل اولایوب بلکه زیدک
 مکانه اقرب مکانه واصل اولور قاموس شارحک بیاننه کوره معنای
 الصاق بء جاره نک معنای اصلیسیدر معانی سائره کویا که اندن
 متفرعدر زیر اسائر معنای هر بنده شمه الصاق موجوددر و بونده
 دخی معانی کثیره وارد در تفصیاتی مراد ایدن مطاولات و مفصلاته
 رجوع اینسون (کم کافک فتحی و دیمک سکونی اوزره مناسبه اسم
 ناقص مبهمدر ایکی وجه اوزره مستعملدر بری خبریه اولور کثیر
 معناسنه که ترکیده نیجه ابله معبردر و بری عددک مقدارندن
 سؤال ایچون اولور که استغها میده در نقدر وقاج نسنده در معناسنه که
 فارسیده چند مراد فیدر بونده مابعدنی تمیزیت اوزره منصوب
 ایدر کم رجلا عندک کبیکه سنک یانکده قاج آدم وارد در دیمکدر و خبریه
 اولدقده زب کله سنک عملی کبی یعنی مابعدنی مجرور ایدر کم در هم
 انفتت کبیکه سن چوق اقیچه و بردک دیمکدر و گاه اولور که مابعدی
 مرفوع اولور کم رجل کریم قداتی کبی (انی نونله حتی وزتنده
 من این معناسنه در کزده دن وقتندن دیمکدر فارسیده از کجا
 مراد فیدر و منه قوله تعالى *انی لک هذا* ای من این لک و منی مراد فی
 اولور که قچن ونه زمان دیمکدر و کیف معناسنه کلور که

نه کونا و نیجه دیکدر واشبوانی کله سی کندیسینه مجاز اولان
ظروف اقسامندن اولور یعنی شرطیه و جزائیة تعبیر اولان جله
فعلیه لره داخل اولوب شرطیه بی سبب و جزائیة بی مسبب ایدر (کلا
حتی وزننده حرف رد ددر که برکیشنه بی برسنه دن منع و زجر
ایدوب اوله دکل دیکدر و آئی ایشله معناسنه فارسیده ۴ زنهاردیرل
و کله تحقیق اولور حقا معناسنه در که ملا جامی اواخر کافیه ده
تصریح ایلدیر ❦ فعلاتنی فعلاتنی فعلات * بورمل بحر یدر
اجزالی مخبون ای یار ❦ معلوم

❦ البحر الرجز المرفل ❦

یعنی بوقطعه بحر رجز مرفل الاجزا ددر که قطعه اولی عنوانی
شرحنده کچی ❦ زانی یقینلق قری قرابت ❦ زانی حبلی وزننده
قربت و درجه و منزلت معنارینه در الفی تأنیث ایچوند علی قول
بواسم مصدر در و منه قوله تعالی * وما اموالکم ولا اولادکم بالی
تقربکم عندنا زانی * آیت کریمه ده اولنده یخی کبی (قری زانی
وزننده رحم جهتیه اولان یقینلقه دینور قاموس شارحک بیاننه
کوره فی الاصل مصدر در بعده اسم اوله رق استعمال اولندی
و قرابت دخی قری کبی عربیدر شهرته بناء تفسیر قلندی
❦ بشری نه مرده طوبی سعادت ❦ بشری قری وزننده اسمدر
مرده یه دینور و مرده جبه ویریلان عطیه یه دینور که مرده بها تعبیر
اولنور (طوبی بشری وزننده مصدر در اصلی طیبی ایدی یا واه
قلب اولندی طانک فتحی و بانک تشدیدیه اولان طیه لفظندن
نادر اوله رق جمع اولور و اطیب کله سندن مؤنث اولور و ایولک
و کوزلک و بخت و عیش خوش و خیر و راحت و دوات و کزیده لک
معنارینه در و جسته بر شجرک اسمیدر لیکن ناظمک مختاری مصدر
اولمقدر که سعادتله تفسیر ایلدی و قاضی بیضاوینک دخی اختیاری
بودر ❦ بهجت کوزلک نصرت مثالی ❦ بهجت باء موحده نک
فتحی و هانک سکونیه کوزلکه دینور حسن و بها معناسنه اسمدر

۴ و منه قوله تعالی
فی تحقیق کلاثن
لم یکنه لانه غایب الی
صیه مثله

از نصرت بهجت وزنده اسمدر تازه لکه و تر لکه و حسن و اطافت
 و رونق و عیش و زندگانی و غنا و بسار معنای رینه در * فسحت
 ککشلک بسطت فضیلت * فسحت فانك ضعی وسعت وزنده
 و مراد فیدر که بوالغه و ککشلکه دینور اسمدر (بسطت نصرت
 وزنده اسمدر فضیلت و مزیت معناسنه مستعملدر و علم و دانش
 خصوصنده وسعت و احاطه کاله به و بدن خصوصنده طول و کماله
 اطلاق اولنور و بونلرده ضمه ایله ده جائزدر * ایقاپ او یارمق
 سقیبا صوارمق * ایقاپ ایمان وزنده یقظه دن یعنی حسن و علم
 بابلرینک مثال یائینک افعالنندن مصدردر او یاندرمق معناسنه بعض
 نسخنه ده ظایرینه ضاد واقع اولمشدر التفات اولمیه صواب اولان
 ظاهر (سقیبا بشری وزنده اسمدر صوارمق معناسنه * قدح
 اولدی چقمق مفداح آلت * قدح قافک قهی و دال مهمله نک
 سکوئیه مدح وزنده چقمق چاقق یعنی تیموری طاشه اوروب
 آتش یاقق معناسنه و بر کیمسه نک عرضنه یا نسبه دخل و طعن
 ایلك معناسنه در که ضرب یابند ن مصدردر و قدح کوز
 میچده بانوب چقورایمق معناسنه در که دایره سی قدح کی او اور
 (مفداح مفناح وزنده قدحه دن اسم آتدر چقمق تیمورینه
 دینور و قداح شدداد وزنده و قداحه ها ایله چقمق طاشنه
 دینور * سادات اولورل ابرار اولور * سادات اولو و مهتر
 و سر کرده معناسنه اولان سیدک جمیدر اولور معناسنه و سادات
 و سیادتخی کلور (ابرار افعال وزنده صادق و راستگوی و احسانی
 فراوان اولان برک جمیدر که صفتدر و جمله عباد و برو عطف
 و احسانی عیم اولان ذت جلیل و کریم اسماء معناسنددر
 * شانی مدودر بغضا عداوت * شانی عالی وزنده شنادن یعنی
 فتح و علم بابلرینک مهموز الاملندن اسم فاعلدر عداوت ایدیچی
 آده دینور که عدودر (بغضا صحرا وزنده شدت بغض و عداوت
 معناسنه در و بوالف مدوده ایله در صحرا کی اکتفاء همزه سی

حذف اولی شد * سراقولایلق ضرافتایلق * سراسیر مهمله نك
 قتحیله ضرا وزنده و مقابله بدر (ضراضاد مهمله نك قتحیله سراق
 وزنده اسم مصدر در قتیلق و شدت و محنت معناسنه مستعملدر
 فارسیده سختی دیرلر و امواله عارض اولان نقص و زیانه دینور
 و بویتهده بدیعیدن تضاد صنعتی وارد * تتری پیانی ذکر
 نصیحت * تتری سلمی وزنده و تنوینه جائزدر بر برینك اردنجه
 بر برر دیكدر اصلی و تری ایدی و او تابه منقلب اولدی و جاه نجاه
 کبی و منه قوله تعالی * ثم ارسلنا رسلا تتری * ای متواترین واحد
 بعد واحد الفی عند البعض وقاضی بیضاوینك عندند تأیید
 ایچوندر زیرا رسل جمعدر جماعت اعتبار یله و عند البعض جمعدر
 وزنده الحاق ایچون زیاده اولمشدر انکیچون تنوینه ده استعمال
 اولنور بویسانه کوره مصدر در المتواترة دیكدر ابن عمر و قرائتی
 اوزره (ذکری ذالک کسری و رانك قتحیله اذکار و تذکیردن اسمدر
 وعظ و نصیحت معناسنه ناظم هر حوم حضرتلری * اوبد کر فتنه
 الذکری * حق جل و علا حضرتلرینك آیت کریمه سنه تلخیص و اشارت
 ایلمشدر * تعذیب و تنکیل اشکنجه ایتمك * تعذیب تنکیل وزنده
 تفعیلدن مصدر در اشکنجه و عذاب ایلمك معناسنه در و منع ایلمك
 معناسنده کلور (تنکیل نکل ینکل دن یعنی ضرب و نصیر و علم
 بابلرینك تفعیلدن مصدر در برآدمه سائرله مدار خوف و عبرت
 اوله حق برایش ایتمك معناسنه در که ترکیده اشکنجه و فارسیده پاهنك
 دیرلر ۷ * املا و املاء یازمق کتابت * املا افعالدن مصدر در
 املاء طریقله یعنی بریسی سو یلیوب کند یسی یازمق معناسنه در ۶
 (املاء اعطاء وزنده افعالدن مصدر در املا معناسنه یا خود نسخده
 نظرا یتجوب عن ظهر القلب یازمقدن عبارتدر و کتابت تفسیردر * باغ
 ایرشدر حدث خبر ویر * باغ حدث وزنده باغ یبلغ دن یعنی نصیر
 یابنك تفعیلدن فعل امر مخاطبدر سن ایرشدر معناسنه (حدث
 باغ وزنده بودخی تفعیلدن فعل امر مخاطبدر سن خبر ویر معناسنه

۷ علی قول برآدمی
 قبول کرده سی
 اولان نسند
 بر طرف ایلمك معناسنه
 سنه

۶ و برآدمی یوروب
 اوصاندر مق
 معناسنه و سفر
 و غربتی مدید اولوق
 سنه

❖ ماذا ندر اول ایا اشارت ❖ ماذا ما استفهامیه ذوی العقلاک غیر بده
استعمال اول نور وذا اسم اشارت در مشاری مفرد مذکر در معنای ترکیبی
ندر اول (ایما املاوزنده افعالدن مصدر در ثلاثیسی و مادر که مثال
واوی و مهموز اللامدر بر ماه بی تفهیم ایچون قولو یا فعلا اشارت
ایک معناسنه در سنبل زاده وهی (یت) او شو هک فصل وصلنده
اولان ذوق و مذا یابی ❖ جهات جامعه بحثنده ایما ایندی سکاکی ❖ شقوت
شقیلق قسوت قتیلق ❖ شقوت شینک قتی و کسر یله علم بابنک ناقص
واویسندن مصدر در که سعادتک ضدیدر و بد بخت اولق معناسنه
دخی اولور (قسوت قافت قتی و سینک سکو نیله مصدر در
برنسنه طاش کبی یک وقاتی اولق معناسنه در و بو اکثر یا قلبده
مستعملدر و ایچقه قلب وز یوف اولق معناسنه ده استعمال اولور
❖ ظلمت قرا کولق ساعت قیامت ❖ ظلمت ظانک ضمی و لامک
سکونیله حرمت وزنده قرا کولغه دینور قاموس شارحی دیر که نور ایله
ظلمت بیلر زنده تقابل العدم والملاکه واردر زیر اظلمت عدم النور
عمان شانه ان یستیر ایله معرفدر و بعضیلر نور منافعی عرض ایله
تعریف ایلمکله اکاکوره تقابل تضاد اولور موت و حیات دخی
بورسمه در انتهی (ساعت طاعت وزنده قیامت اطلاق اولور
سرعت حسابی مشتمل اولدیغیچون علی قول ساعت کندیده قیامت
قائم اوله جق و قته اطلاق اولور و لیل و نهار اجزا سندن برجیه
دینور که دوره فلك اعظم مقتضاسی یکرمی درت جزء اعتبار
اولمغله هر جزینه ساعت اطلاق اولمش در اوده التمش دقیقه دن
عبارتدر و وقت حاضره اطلاق اولور جمعی ساعات و ساع در
❖ تقدیر حقه بحث ایتمه ز را ❖ سن بیلدیکل وارانده حکمت ❖ الفاظ
معاومه ندر ❖ مستفهلان بحرر جزدر ❖ ایله سخاوت اول یوجه
هست ❖ کذلک ❖ ایضا ❖ معلوم ❖ النجم بیلدز ثاقب درخشان ❖
النجم نونک قتی و جمیک سکو نیله بیلدزه دینور جمعی النجم و انجمام
ونجم و مینجم کلور ضمیمه و معرف بالام اوله رق او اکر بیلدزینک

عالمیدر که فار سینه پروین دینور و اولکر اون بر یلد زی مشتمل در
 التیسی می نیدر و یدنجیسـ یله حدت بصر امتحان او انور فخر انام
 علیه الصلاه والسلام حضرت تلی مجموعی رؤیت و تعداد ایدر لری ایدی
 نکیم شفاء شریفـ مشرو حدر (ثاقب ظاهر و زننده اسم فاعل در
 یلدرا یجی و شعله و یریجی معناسنه در فار سیده درخشان دیرل که
 بونده تفسیر در و آیت کریمه و اقع النجم الثاقب جمیع کواکبدن
 عز تفع کوکب دیمکدر یاخود کوکب زحل مراد در که سماء
 سابعده در کو یا که افلا که یاخود ظلمته نافذ اولدیغیچون اطلاق
 اولندی * لواع ساطع براق تابان * لواع لم یلمع دن یعنی فتح یابندن
 مبالغه الیه اسم فاعل در یلدرا یجی معناسنه در (ساطع سطع بسطع دن
 یعنی باب مز خوردن اسم فاعل در ظاهر و یلدرا یجی معناسنه در (براق
 لواع و زننده و مراد فیدر * الزرع اکمک الثبت بتک * الزرع ۶
 لام تعریفله الفرع و زننده فتح یابندن مصدر در تار لایه تخم صاچق
 معناسنه در که اکین اکمک تعبیر اولنور (الثبت الزرع و زننده نصر
 یابندن مصدر در اوت بتک معناسنه در و اسم جنس اولور که یرده بتان
 هر نسنه یه دینور بعده ساقی اولمیانده بلکه حیوانات مأکولی اولانده
 عرف اولمشدر که اوت تعبیر اولنور فار سیده کیه دیرل * الکیل
 اوچک المن بطنان * الکیل لام تعریفله المیل و زننده اسم در اوچکه
 دینور و مصدر اولور بغدادی و سارهی اوچکمک معناسنه و اقچه بی
 وزن ایلک معناسنه و برنسنه بی برنسنه به قیاس ایلکم
 معناسنه ده کلور (المن میـک قحی و نونک تشدید یله
 ایکی رطل مقدار ینه دینور که لسانمزده بطنان دیرل جمعی
 امنان کلور و هر رطل یوز اوتوز در همدر مجموعی ایکیوز انمش درهم
 اولور لکن بطنان بعض دیار ده التي اوقیه دینور * التمر خرما
 اللوز بادام * التمر النجم و زننده معروفدر که خرما یه دینور اسم جنس در
 واحدی تمره در هایلله جمعی تمراتدر قحـ اته و نمور و تمراندر تازک
 ضمیمه قاموس شارحی دیر که بو ایکی صیغه ایلله انواع مراد اولور

۶ و نبات بتورمک
 معنا سینه کلور
 و چو جغه زرع
 دیرل واد معناسنه
 شد

زیرا جنس حقیقی جمع اولنمز کثیر و قلبه شمولی اولدیغیچون انتهى
 (الوز التمر وزنده بادم تعبیر اولنان میوهیه دینور مفردی اوزه در
 هایل و بوا یکی نوع او اور بری طاتلو و بری آجیدر ❖ اسبوع هفته
 اضحیه قربان ❖ اسبوع ضمیمه اسلوب وزنده هفته یه دینور که
 ایام سبعة معروفه در هفته فارسیدر زبان زد والسنة ناسده متد اول
 اولدیغیچون تفسیر قلندی زیرا هفت اعداد فارسیده یدی عددك
 اسمدر علمیت ایچون هاکلکه یدی کونك علمی ایش اولور (اضحیه
 همزه نك ضمی و کسری ویا نك تشدیدیه قوشلق وقتی کسبلان
 قبونه دینور جمعی اضاحی کلور قربان برای کوننه یوم اضحی
 اطلاق یومعنایه میندر زیرا اکثری قوشلق وقتده ذبح قرابین ایدرلر
 بعده توسیعه یوم مذکورك وقت معهودده ذبح اولنانیه تسمیه اولندی
 و قربانه قربان تسمیه سی آنکله حق جل و علا حاضر تدرینه تقرب
 اولدیغیچون ❖ سائغ بوغازدن آسان کچندر ❖ سائغ قائل وزنده
 ساغ بسوغ دن یعنی نصر باینك اجوف و اویندن اسم فاعلدر
 بوغازدن الماسیه کی سهولتلیجه و آسانجه کچن طعام و شراب
 مقوله سنه دینور ❖ صائغ قیومجی سائغ فراوان ❖ صائغ سائغ وزنده
 صاغ بصوغ دن یعنی نصر باینك اجوف و اویندن اسم فاعلدر
 قیومجی یه دینور که قالبدن التون و کمرش مقوله سنی مقصود اولان
 صورت اوزره پیار (سائغ صائغ وزنده نصر بایندن اسم فاعلدر
 معاش و نعمتی بول و فراوان اولان آده دینور ❖ ریان قانش شعبان
 طوقدر ❖ ریان شداد وزنده صفت مشبهه در صویه قانش آده
 دینور مؤنثی ربادر جمعی روا کلور که روی ماده سندر (شعبان
 سکران وزنده صفتدر قارنی طوق آده دینور مؤنثی شعبی و شعباته
 کلور ❖ ظمان صوسز در هم دخی عطشان ❖ ظمان عطشان
 وزنده صفت مشبهه در صوسز تشنه کشی یه دینور مؤنثی ظمانه در
 سکرانه وزنده جمعی ظماندر ظ نك کسریه که هموز اللامندر
 و ضمیمه جازدر (عطشان شعبه ان وزنده صفت مشبهه در صوسز

آدمه دینور جمعی عطاش کلور عینک کسریله وعطشی کلور سگری
وزننده وعطاش کلور عینک قحی ولفق قصریله مؤننده عطشه
دینور فرجه وزننده وعطشه دینور طانک ضمیله وعطشی دینور
کذلک سگری وزننده وعطشانه دینور سکرانه وزننده جمع مؤننده
کذلک عطاش دینور وعطشانات وعطشانات دینور * مؤننده
قیامش بمنون کسلیش * مؤننده مؤن من وزننده تفیلدن اسم
فاعلدر قیامش اولان قیویه دینور وجومموزالفاد و مثال و اویدن
دخی لغتدر (بمنون مفتون وزننده من یمن دن یعنی نصر
بابنک مضاعفندن اسم مفعولدر کسلیش مقطوع معناسنه
ومنه قسوله تعالی * فلهم اجر غیر بمنون * ای غیر محسوب
ولامقطوع * مهزوم صغش مبهوت حیران * مهزوم مجزوم
وزننده هزم یهزم دن یعنی ضرب بابندن اسم مفعولدر قریش
شیئه دینور یقال هزم العدو اذا کسرهم وقلبهم (مبهوت مهزوم
وزننده بهت یبهت دن یعنی نصر بابندن اسم مفعولدر متحیر
ومنقطع ومد هوش اولان کشی به دینور عینی افندی (بیت)
برنظرده عینیا هاروتی مبهوت ایتکه * سحره ابحات اوکره دوب
چشم سخنکو قویمش آد) * واحد احد یک فرد ووترنک *
واحد ماجد وزننده اول عدد حسابدر که ترکیده بر وفارسیده یک
ایله تعبیر اولنور و بعضا ثنیه قلوب واحدین دینور جمعی واحدون
کلور وحق جل و علا حضرتلر بنک اسماء حسنا سندن اولور که
تجزی و تکثر دن منزّه دیمکدر (احد قحینه واحد معناسنه در که
اول عدد حسابدر فارسیده یک و ترکیده بر تعبیر اولنور و یوم
الاحد که هفته کونلرندن برنجی کوندر خلق سموات وارضینه بدأ
الهی واقع اولدیغی کوندر که برنجی کون دیمکدر بعد اینه علم
اولشدر جمعی آحاد واحدون کلور همنه نک ضمیله علی قول بونک
جمعی یوقدر پس آحاد واحدون واحدک جمعیدر وعند البعض
احد ایله النجی ذات اجل واعلا وصفلنور زیرا بو اسم شریف

حق تعالی به خاص و خالص در کما قال الله تعالی * قل هو الله احد *
 و واحد ایله حق جل و علا و سائر نسه دخی و صفتانور و من اراد
 تفصیلها فلیرجع الی کتب معتبره (فرد فان فحی و رانک سکونیه
 بالکرمفرد معناسنه) و تر و اوک کسری و فتحیه بالکرم فرد معناسنه در
 علی قول عدد دن چفت اولیانه دینور که تک تعبیر اولانور شارح
 قاموس دیر که اشبو * و الشفع والوزر * آیت کریمه سنده قرات سبعة
 و تر کلمه سنی و اوک کسرله حجاز و تمیم لغتی اوزره و فتحله لغت سائر
 اوزره قرات ایلدیلر * حتی الی دک شتی پریشان * حتی حانک
 فتحی و تانک تشدیدیه حروف جر جمله سندن غایت ایچوندر نحو
 اکت السمكة حتی رأسها یعنی بن بالغی باشنه و انجیه دک یدم دیمکر
 فارسیده تا دیرلر (الی همزه ک کسری و لامک فتحی و الفک قصریه
 حروف جاره دندر و بونده معنای کثیره وارد اوله کیسی انتها
 غایت ایچوندر کرک کانه اولسون سرت الی الکوفة کرک زمانده
 اولسون * اتموا الصيام الی الیل * آیت کریمه سنده اولدیغی کبی
 (شتی شین معجه نک فتحی و تانک تشدیدیه طاعنق و متفرق معناسنه
 اولان شتینک جمیدر مریض و مرض کبی فارسیده پریشان
 مراد فیدر که بونده تفسیر در جمی پریشانان و پریشانهادر * خسون
 الی ستون الشمس * خسون خاء معجمه نک فتحی و میک سکونی
 و سینک ضمیمه اسماء عدد دن الی عددک اسمیدر که شبه جمعدر فارسیده
 پنجاه دیرلر (ستون سینک کسری و تانک تشدیدیه اسماء عدد دن
 الشمس عدد دک اسمیدر که شبه جمعدر فارسیده شصت دیرلر
 * سبعون یتش تسعون طقسان * سبعون خسون و زنده
 اسماء عدد دن یتش عدد دک اسمیدر که شبه جمعدر فارسیده
 هفتاد دیرلر (تسعون تانک کسری و سینک سکونی و عینک
 ضمیمه اسماء عدد دن طقسان عدد دک اسمیدر که شبه جمعدر
 فارسیده نود دیرلر یعنی بونلر اعرابی جمع مذکر سالملر
 اعرابی کبیدر یعنی حالت رفعی و اوایله و حالت نصبی و حالات جری

یا ایلله در و جمع مذکر و او ایلله و نون ایلله جمعند یکی کی بونلر دخی و او
ونون ایلله جمعند یلر آباء ائار ابناء و غلار آباء همزه نك مدیله بابا معنا سنه
اولان آتەك جمعیدر بابالار و اتالی معنا سنه فارسیده پدران دیرلر که
پدرك جمعیدر و اب لفظنك اصلی ابوایدی حرکاتیلله و او حذف
اولشددر جمع آباء کلدیکی کی ابون دخی کلور (ابناء همزه نك فتحی
و بانك سکونی و نونك فتحی و مدیله اوغل معنا سنه اولان ابن کله سنك
جمعیدر اوغلار معنا سنه و ابن کله سنك اصلی بنی یا خود بنودر
یا و او حذف اولندی همزه سی همزه و صا در احباب دوستلر اصحاب
یاران احباب اصحاب و زننده حانك کسری و بانك تشدیدیه اولان
حب کله سنك جمعیدر حبان دخی کلور حانك کسری و بانك
تشدیدیه و حبوب کلور حانك ضمیمه فارسیده دوستان دیرلر
(اصحاب ابواب و زننده صحبك جمعیدر صحب ده صاحبك جمعیدر
راکب و رکب کی صاحبده هم صحبت و همدم و یاران دینور
یاران فارسیدر که یارك جمعیدر بونده تفسیردر ابصار کوزلر افواه
آغزلر ابصار انصار و زننده بصرك جمعیدر کوزلر معنا سنه
(افواه ابصار و زننده آغز معنا سنه اولان فاه که حال و زننده وفوه
فانك ضمیمه و فیه فانك کسریله و فوهه فاه مضمومه ایلله و فم دم و زننده
بونلر جمعیدر فارسیده دهانها دیرلر و اشبو فم لفظنك اصلی فوه
ایدی فوز و زننده تفصیلی قاموسده مشروح و مبسو طدر مراجعتی
فانده بی متضمندر اذقان اککلر اشفار مژگان اذقان اشفار
و زننده ذقنك جمعیدر و ذقن آغزك اشاغی طرفندن ایکی چکمه
مککلرینك قاوشدیخی بره دینور که اکک دینور و ذقن قحیمیلله و ذالک
کسریله ده جائز در و بومذکر در و منه المثل مثقل استعانه بذقنه
اصلی بودر که یوکی آغز اولان دوه اککنی بره قیوب اکا طیانم فجه
قالقمغه قادر اولماغله کویا که اککندن استعانه ایدر بو مثل بر کیمسه
کنیدن کوچك اولان کیمسه دن بر خصوص ضمننده استعانه
ایلد کده اراد اولنور و هبی افندی (بیت) دوشنبه چاه امیده ذقن

دقن ديهرك * كند زلفه صارلدم رسن رسن ديهرك (اشفار اذقان
وزننده شفر كله سنك جمع قلتي در شفرده كوز قپاغتك كناري يعنى
كيريك بتديكى برعهده حاليه ومحليت اعتباريله كيريك معناسنه
استعمال اولندي فارسيمده مژگان ديرلر بونده تفسيردر ❖ افراغ
دوكمك اطهار اترتمق ❖ افراغ اطهار وزننده فرغ بفرغ دن يعنى
علم يابنك افعا اندن مصدر در صوبي دوكمك وقان آفتق معناسنه ده
مستعملدر (اطهار افراغ وزننده طهر يطهر دن يعنى نصر
وحسن باهريتك افعالندين مصدر در اترتمق وتمرز لك معناسنه در
❖ بولق يتورمك وجدان وفقدان ❖ وجدان واوك كسرى وجيمك
سكونيله مصدر در بولق معناسنه در كه فارسيمده يافتن مراد فيدر واوى
همزه يه ابدالله اجدان ديمكده جائزدر (فقدان وجدان وزننده مصدر در
موجود نسنه بي غائب ايلك معناسنه در كه كم ايتك وياوه قيتاق
ويتورمك نهير اولور تفسيرلى لف و نشر مر تب طريقيله در ❖ فارض
يشامش حوقل بونامش ❖ فارض عارض وزننده ضرب بابندن اسم
فاعلدر ياشلومسن معناسنه در (حوقل فوعل وزننده رباعى مجرده
ملحقى اولان فوعل بابندن فعل ماضى مفرد مذكر غائبدر زياده پير
وساخورده اولغله عقلنه و بدننه ضعف عارض اولوب بونامش
معناسنه در ❖ منبوش آچامش مدهوش حيران ❖ منبوش محبوس
وزننده نبش نبش دن يعنى نصر بابندن اسم مفعولدر آچامش نسنديه
دينور (حيران سيران وزننده مصدر در برآدم سر كشته اولوب
دونك اولق معناسنه مستعملدر كه نره يه كيده جكنى ونه پياجغنى بيلز
اولور فارسيمده مدهوش ديرلر بونده تفسيردر

البحر المتقارب السالم المثنى

يعنى بوقطعه بحر متقارب السالم مثنى الاجزاندريه يعنى هريقتى
سكز كره فعوان در و بوبحره متقارب ايله تسميه اولمسي وتدلرى
سبيلرينه ايكي كره قارب اولديغيجوندر ❖ مضاهى مشابه ازج
اينجه قاشلور ❖ مضاهى رباعى وزننده ضهى بضهى دن يعنى

ضرب باینک ناقص یا یئسنگ مضاعفندن اسم فاعلدر مشابه معناسنه
 فارسیده ماننده دیرلر (ازج همزه نك فتحی وزانك سکونی وجیمك
 تشدید یله زجج بزجندن یعنی علم باینك مضاعفندن صفتدر اینجه اوله رق
 اوزن قاشلو کشی به دینور که فلم قاشلو تهبیر اولنور محسناندنر وئشی زجاء
 دینور جعی زج کلور * مغاضب مخالف عوان اورتیه یاشلو * مغاضب
 مقارب وزننده علم باینك مفا علمندن اسم فاعلدر بری برینه کورلک
 وزاع و مخالف و خشم و غضم ایدیجی معناسنه در (عوان فتحینله
 هر شینك اورتیه یاشلو سنه دینور که صفتدر جعی عون کلور عینك ضعی
 وواو ك سکونیه و یاردجی ناصر معناسنه کلور * افاضل اولولر اکارم
 ابولر * (افاضل اکارم وزننده علم باینك اسم تفضیلنت جمع مذ کریدر
 اولولر و عززلر معناسنه * هم ارذل فرومایه باسر ترشرو * ارذل
 اجهل وزننده صفتدر خسیس و فرومایه کیمسه به دینور علی قول
 هر شینك کتوسنه و کترینه دینور جعی ارذل کلور (باسر ناصر
 وزننده اسم فاعلدر اکشی یوزاو آدمه دینور عبوس الوجه معناسنه
 فارسیده ترشرو دیرلر بونده تفسیردر * مئارب دیلکار اساطین
 در کلر * مئارب مناصرو وزننده مأربه نك جمیدر حاجتدر معناسنه در
 (اساطین اکاذیب وزننده بنادیره کی وایاغی معناسنه اولان
 اسطوانه نك جمیدر واسطوانه استون معریدر * زرابی دوشکارندر
 نوم او یقو * زرابی شرابی وزننده زربی کله سندن جمیدر
 بیضاویده اشبو * و نمارق مصفوفة و زرابی مبنوثة * آیت کریمه سنده
 فاخر و نفیس بساط ایله مفسردر و مطلقا دوشنرب و طیانجق
 نسنه به دینور (نوم لوم وزننده او یقویه دینور و او یقو او بومق
 معناسنه در معنای اوله کوره اسم و ثانیه کوره مصدردر * تفجیر
 صواقق سقایب صوارمق * تفجیر تفکر وزننده نصر باینك تفعیلندن
 مصدردر صواقق و صویردن قینایوب آقق معناسنه در و برآدمک
 عطا و احسانی مبذول و بیدریغ اولق معناسنه در (سقایب درایت
 وزننده مصدردر صوارمق معناسنه جعی سقایات کلور * قراح

آب صافی غدق اولدی چوق صو * فراح قافك فحله * بحاب وزنده
 صافی صویه دینور که بر نسته قارشماش اوله وهر خالص و بیغش نسته به
 دینور فارسیده آب ناب دیرلر (غدق فتحینه له چوق صویه دینور
 ماء کثیر معناسنه و مصدر اولور پیکارک صوی چوق و فرا وان اولق
 معناسنه * و عاهم انا قاب اثاث او متاعی * و عا واولک کسری و ضعیله
 قابه دینور ظرف معناسنه حفظ و جمع معناسندن مأخوذ در جمعی
 اوعیه کلور (انا همزه نک کسری و عا وزنده و مراد فیدر جمعی
 آینه کلور زانیه وزنده و جمع الجمعی اوانی کلور) اثاث اساس وزنده
 خانه متاعنه دینور که مطلقا خانه نک لوازم و مهماتی اولان اسبابدن
 عبارتدر مفردی ائانه در * مبؤ مقام اولدی میزان ترازو * مبؤ
 میک ضمی و بانک فتحی واولک تشدیدیه بؤدن یعنی نصر بانک
 اجوف و او یسندن و مهموز الایمنندن اسم مکاندر مقام و مکان
 معناسنه و بیضاویده * ولقد بوأنا بنی اسرائیل مبؤ صدق * الایة
 ای منزلا صادقاً مر ضیا و هو الشام و مصر عبارة سیله مفسر در
 (میزان مفتاح وزنده ترازویه دینور که آلت و زندر و عدل و داد
 معناسنه کلور * تبیل کسلیک تسال سیوشمک * تبیل تسال وزنده
 نصر و ضرب بابلرینک تفعیلندن مصدر در کسلیک معناسنه در و تبیل
 الی الله ما سوادن کسلیوب وجه اخلاصه حقه توجه و عبودیت ایلک
 علی قول نکاح و تزوجی ترک ابدوب زهادت ایلک معناسنه در و منه
 قوله تعالی * و تبیل الیه تبدیلا * یعنی بالکلیه در گاه حضرت حقه
 منقطع و متوجه اولوب دائماً نفسنی ما سوا دن قطع و تجرید اولغی
 متضمندر (تسال تبیل وزنده نصر بانک مضاعفک تفعیلندن
 مصدر در ناسک ایچندن نهانجه صیریلوب کتمک معناسنه در
 * تشاجر چکشک ندر ناب آزو * تشاجر تفاجر وزنده تفاعیلندن
 مصدر در اغاج کبی بری برینه کیریشوب نزاع ایدشمک معناسنه در
 (ناب باب وزنده اسمدر اغزده رباعیه نک اکسه لرنده اولان درت
 دیشه دینور که آزی دیشی و کو پک دیشی تعبیر اولور * مقیض

مقدر من حرج مبعده ❖ مقبض مبعده وزنده قبض یقبض دن یعنی
ضرب باینک اجوف و او یسنتک تفعیلندن اسم مفعولدر مقدر معناسنه
ومنه قوله تعالی ❖ وقبضنا لهم ❖ ای قدرنا لهم (من حرج من ازل
وزنده دحرج باینه ملحق اولان وسوس بایندن اسم مفعولدر که
مضاعفدر ابراق اولمش نسنه یه دینور مبعده معناسنه ❖ تمطی
کرنک ندر سور بارو ❖ تمطی علم باینک ناقصنک تفعیلندن مصدردر
کرنک وسونوب اوزانمق معناسنه در (سور سین مهمله نک ضمیمه
حور وزنده شهرک چوره سنه دارا مادار چکیلان بارویه وحصاره
دینور جمعی اسواروسیران کاور سینک کسریله فارسیده بارو دیرل
بونده تفسیردر ❖ تظطر تشق تصدع یارلمق ❖ تظطر تفکر وزنده
ظطر یظطر دن یعنی نصر و ضرب باینک تفعیلندن مصدردر یارلمق
معناسنه (تشق تددوزنده شق یشق دن یعنی نصر باینک مضاعفک
تفعیلندن مصدردر پاره پاره چنلایوب یارلمق معناسنه در) تصدع تظطر
وزنده و مرادفیدر ❖ دخل آدامق اولدی ذرن بنی قو ❖ دخل
فتحینه آدامق و مکر ایتک وغدر و خدیعه معناسنه مستعملدر ومنه
قوله تعالی ❖ ولا تأخذوا ایمانکم دخلاً ❖ ای خدیعه و خیانت
(ذرن ذالک فتحی و رانک سکوئی اوزره بناسیله ذأریذأردن یعنی
علم باینک مهموز العینندن فعل امر مخاطبدر ونون نون وقایه و بایاء
متکلمه الیه معنای ترکیبی سن بنی قو معناسنه در ❖ فاعولن بو بحر
ایچره کو با ❖ آلامک صدق اولدی معناسی اوأو ❖ الفاظ معلومدر
❖ ایضا ❖ یعنی بوقطعه بحر متقارب مثی الاجزانددر لکن عروض
و ضربنک بعضیسنه قصر و بعضیسنه حذف علی کلشدر ❖ متین
برک و محکم رشید اوصلیدر ❖ متین زمین وزنده صفتدر برک و محکم
اولان شیئه دینور (رشید متین وزنده علم بایندن صفتدر اوصلو
وعاقل و بالغ و سبیل خیراته دلالت اید یجی آمده دینور و اسماء
الهییه دندر مرشد معناسنه در که طوغری یوله هادی و امور
مقدوره سنده حسن التقدير دیکدر ❖ تحول آبرلمق تحول مثیدر ❖

تحويل تقول وزننده نصر يانك تفعلندن مصدر در بریدن آخريره
 انتقال ايلك معناسنه در (حول حانك كسرى وواوك فتحيله تحويل
 معناسنه در ومنه قوله تعالى * لا يغيون عنها حولا * اى تحويلا
 * حروراسى مارج توتنسز يالك * حرور صبور وزننده كچه وقتى
 اسن اسى بله دينور وبعضا كوندز دخی اسر و بوسام يلينك غيريدر
 وكونشك اسينسنة دينور (مارج خارج وزننده توتنسز آ تشه اطلاق
 اولنور فارسسده زبانه ديرل * هدف اوق نشانى تعالوا كلث *
 هدف فتحينه اوق شانه دينور ومطلقا بوكسك و بلند شينه دينور
 (تعالوا على يعلودن يعنى نصر يانك ناقص واويسنك تفعلندن
 فعل امر مخاطب جمع مذ كردر يوقاروكلث معناسنه اعلالى اربانه
 معلومدر كه حذفه در * زمل بورنگك تدر كى * زمل تدر وزننده
 مصدر در اثابه صاريلوب بورنگك معناسنه در زانك وميمك
 تشديدله ازملا ده دينور ومعلوم اوله كه تا افتعالدن اول اشبو اون
 درت حرفى متضمن (تشذرسشص ضط طوى) كلامنده واقع
 حرفلردن برى واقع اولسه تاء اول حرفه قلب وادغام اولنور كذلك
 تفعل وتفاعل تالزندنصكره حروف مذ كوره دن برى اولسه تالزى اكا
 قلب وادغام اولندنقدنصكره اوللرينه همزه مكسوره جلب اولنور ادثر
 واطهر وازمل كى (تدر زملا وزننده ومراد فيدر * تفرس توسم
 تفكر كى * تفرس تفكر وزننده فراستك تفعلندن مصدر تفكر
 وتأمل معناسنه در و برنسنه يى فراست ايله بيشك معناسنه كلور (توسم
 تفرس وزننده وسم بسم دن يعنى ضرب يانك تفعلندن مصدر در
 برنسنه يى علامتلردن ظن صحيح ايله ادراك ايلك معناسنه در فطانت
 وفراست كى * اقاويل سوزلر تقول يلان * (اقاويل افاضيل وزننده
 قال يقول دن يعنى نصر يانك اجوف واويسندن اسم تفضيلك
 مذ كريدر سوزلر معناسنه (تقول تفكر وزننده باب مذ كورك تفعلندن
 مصدر در بر آدم قريحه سندن يلان سوز پيدا ايلك معناسنه در * افاق
 كوك كنسارى وناظر باقان * افاق ضمينه كوكك جوانب

و اطرافدن ظاهر اولان و قیسنه و کنارینه دینور جمعی آفاق کلور
 (ناظر ظاهر وزنده نصر باندن اسم فاعلدر کور بجی و باقی بجی به
 دینور ❖ رواح او یله وقتندن اخشامه دك ❖ رواح براح وزنده
 اسمدر او یله وقتندن اخشامه وارنجیه دك اولان وقتنه دینور
 و صبا حدن او یله به وارنجیه قدر غد و دیرلر ❖ تعرض توجه-له
 قصد ایلک ❖ تعرض توجه وزنده مصدردر توجه و قصد ایلک
 معناسنه در توجه و قصد ایلک سی دخی عریدر زبان زده اولد قلرندن
 بو مقامده تفسیر قلندی ❖ حمامه کو کر جین دجاجه طاوق ❖
 حمامه سخابه وزنده حمام لفظنک مفردیدر که کو کر جنه دینور
 (دجاجه دالک حرکات ثلاثه سیله دجاج لفظنک مفردیدر که طاوقه
 دینور و خرو سه دخی اطلاق اولور جمعی دجاج و دجج کلور
 عناق و عنق و گک و کتب کی ❖ انام انس و جندر مثانه قاوق ❖ انام
 سخاب وزنده جمله مخلوقه دینور علی قول جن و انس یا خود یر یوزنده
 اولان مخلوقک مجموعه دینور که سماوی به اطلاق اولمز (مثانه
 سخابه وزنده بطنده بول طور دینی یره دینور که فارسیده ابدان
 و ترکیده قاوق تعبیر اولور و عند البعض مثانه شندن اسم مکاندر
 قاسق ايله کوبک میانه دینور و مثانه موضع مذکور در اصلی مثنه
 ایدی تخفیفانون الفه قلب اولندی و نسوانک داخل فرجنده
 ولد کلجک یوله دینور ❖ حظیره آغل محظر صاحبی ❖ حظیره
 سفینه وزنده برنسنه بی دأر امدادار محیط اولان شیئه دینور که
 کرک اغا جلقدن و کرک سازلقدن اولسون ایچنه کیرمکدن منع
 ایلد یکچون تسمیه اولندی بوجهته چالیدن و سازلقدن چورروب
 کچه لرده ایچنده مواشی یا نور دقلری یره دینور که ترکیده آغل
 تعبیر اولور اسم حال ايله محله تسمیه اولمشدر (محظر محتسب
 وزنده حظر محظر دن یعنی نصر باندن اسم فاعلدر
 آغل صاحبنه دینو ❖ وسق قابلا مقدر حوایت کی ❖ وسق
 قحینه ضرب باندن مثال و او یسندن مصدر در قابلاق و احاطه

ایلك معناسنه در و منه قوله تعالى ✽ والليل وما وسق ✽ زیرا کچمه
طاغری و طاشری و اغا جلی و بحرلی و جله یر بوزن احاطه ایدر
و جمع ایدوب یو کاتک معناسنه دخی کلور (حوابه سخابه و زننده جمع
و حفظ و وقایه ایلك معناسنه در ✽ اثر از منبر بوزن شد در ✽ اثر قحینه
ایزه دینور یعنی بر نسنه نك وجودینه دلالت ایدن نسنه به موضوعدر
واحدی هایلله در جعی آثار و اثور کلور (متبر مدبر و زننده تبر
یتبردن یعنی ضرب بابك تفعیلندن اسم مفعولدر بوزن اش و قراش
نسنه به دینور و هـ لاک اولش معناسنه دخی کلور ✽ بصر کوز
یر یکم سزه کو ستر ✽ بصر قحینه له اسمدر کوزه دینور عین
معناسنه و حواس خمس ظاهره دن با صره نك حس و ادرا کنندن
عبارتدر که کوزك کور می تعبیر اولور حاسه با صره ایلله شی
منظوری ادراکی اوله جقدر حس العین معناسنه اسمدر جعی
ابصار کلور و بصارك بیاننده کوره جارحه ناظره به یعنی کوزه
وانده اولان قوت حسیه به اطلاق اولور (یر یکم یری ضرب بابك
هموز العینندن و ناقص یا ئیسنندن فعل مضارع مفرد مذکر غائبدر
کم جمع مذکر مخاطب ضمیر یدر سکون اوزره مبنی محلا منصوب
مفعول به صریحیدر یری فعلانك معنای ترکیبی سزه کو ستر دیمکدر
✽ فعوان فعوان فعول ✽ سعادتر ایتك نصیحت قبول ✽
الفاظ معلومه در

✽ البحر الهزج ✽

یعنی بوقطعه بحر هزج مثنی الاجزادندر که هر بیتی سکز کره مفاعیلن در
لکن صدر و ابتداسنه و جز ثالت سنه خرب علی کلشدر خرب لغته
و بران ایتکه دیرلر اصطلاح عروضیه ده مفاعیلنك اواندن میم
و آخرندن نون ساقط اولوب فاعیل قالوب مفعول نه نقل ایدرلر
بو خصوصده مجموع اجزای مفعول مفاعیلن مفعول مفاعیلن در ایکی
کره ✽ صدیق زهی کر چك هم ناس اناس انسان ✽ صدیق
صادك کسری و دالك تشدیدله صادقدن مبالغه صیغه سیدر زیاده

کرچک سوز سوبلیجی آدمه دینور یقال رجل صدیق ای کثیر
 الصدق بوراده کثرت دوامدن کنایه در و صدیق شیخ الخلفاء
 الراشدین ابو بکر رضی الله عنه حضرت تیرینک لقبی در امر معراجی
 ایشندیکی آنده تصدیق ایلدیکیم چون تلقیب اولندی (ناس نار
 وزنده) اناس همزه نك ضمیله انساك جمیدر بشر معناسنه که
 آدم اوغلاننه دینور جن و ملک مقابلیدر * داهی و فطن زیرک
 هم طفل وصبی اوغلان * داهی ماهی وزنده علم بابنک ناقص
 یأیسندن اسم فاعلدر غایه الغایه زیرک و جن فکری آفت ذهن آدمه
 دینور (فطن مرض وزنده علم بابندن صفت مشهده در سرعت
 درک وانتقالی اولان زیرک و ذهین آدمه دینور) طفل طاه مهمله نك
 کسری وفانک سکونیه مطلقا کوچک نسنه یه دینور علی قول
 کرچک چوجغه دینور جمعی اطفال کلور (صبی غنی وزنده هنوز
 سود دن کسلماش اوغلاننه دینور جمعی صنوان و صبیان کلور
 صادلرک کسریله * مسطور یازلمشدر مدحور سورلمشدر *
 مسطور مسرور وزنده نصر بابندن اسم مفعولدر یازلمش مکتوب
 معناسنه (مدحور مسطور وزنده دحرید حردن یعنی فتح بابندن
 اسم مفعولدر سورلمش و طرد و ابعاد اولش معناسنه در * مذبوح
 بوغزلمش مسفوح دوکلمش قان * مذبوح مقطوع وزنده ذبح
 یذبحدن یعنی فتح بابندن اسم مفعولدر بوغزلمش معناسنه (مسفوح
 مذبوح وزنده سفح یسفحدن یعنی باب مذکور دن اسم مفعولدر
 دوکلمش قان و صویه دینور * طاغی و عنید ازغون مختال و اثر
 خود بین * طاغی باغی وزنده ضرب بابنک ناقص یأیسندن اسم
 فاعلدر حد و مقداری تجاوز ایدجی ازغون آدمه دینور (عنید امیر
 وزند نصر بابندن صفتدر طوغری بولدن صاپجی و حق بیلور کن
 خلافتی ایشلر اولان آدمه دینور ترکیده اونکو تعبیر اولنور عناد
 کفری بوندندر جمعی عند کلور ضمیله (مختال مختار وزنده خال
 مختال دن یعنی علم بابنک اجوف و او یس نك افتعالندن اسم فاعلدر

کبرلی و نادان و آحق آدمه دینور فارسیده خود بین دیرلر بونده
 تفسیر در (اشر مرض وزنده علم بایندن صفت مشبهه در زیاده
 مسرور و متکبر کیمسه به دینور * هم میخ و تد قصقین هم خب
 و خبی پنهان * و تد قحینه و اوک قحی و تانک کسری و قحیه تیمور
 میخه دینور که بنالرده استعمال ایدرلر و قازغه دینور که اغاجدن یاپوب
 ره و دیواره ققارلر و و تد عرو ضیون اصطلاحنده اوج حرفی مشتمل اولان
 جزئه دینور و بوابیکی قسمدر بری و تد مجموعدر که ایکی متحرک بعدها
 ساکندر علی کبی و بری و تد مفروقدر که ایکی متحرک بینهما ساکندر
 مفعولات جزنده لات کبی جمعی اوتاده کلور (خب خاء معجمه نک
 قحی و بانک سکونیه مهموز اللامدر کیرلی و صاقلی اولان شینه
 دینور که اسمدر یا خود تسمیه بالمصدر در مخبوء معناسنه (خبی خاء
 معجمه ایله خفی وزنده و مراد فیدر که کیرلی نسنه به دینور فارسیده پنهان
 دیرلر * ایقاده اودیاقق انجاد سو یوندر مک * ایقاد ایمان وزنده
 و قد یقعدن یعنی ضرب بایک مثال و او یسنک افعالندن مصدر در
 آتش باقق معناسنه در (انجاد احراق وزنده نصر و علم بایلیرنک
 افعالندن مصدر در آتش علونی بصدر مق معناسنه در * الخاف
 یجد طوتمق دم قان و شوی پر یان * الخاف الحام وزنده افعالندن
 مصدر در ابرام و الحاح ایتک معناسنه در (دم فم وزنده معلومدر که قانه
 دینور فارسیده خون دیرلر و بومذ کرومؤنث اولور اصلی عند سیو به
 می در و عند البعض دمودر تنبیه سی دمان و اصلی اوزره دمان و دموان
 کلور جمعی دماء کلور ظبی و طباء کبی و بعضا آخرینی میمه قلب و ادغام
 ایله دم دیرلر (شوی شینک قحی و و اوک کسریله کبابه و پریانه دینور
 * تد میر هلاک ایتک تبیک قولاق کسمک * تد میر دمیرد مردن
 یعنی نصر بایک تفعیلندن مصدر در هلاک ایتک معناسنه (تبیک
 ضرب بایک تفعیلندن مصدر در قولاق کسمک معناسنه * تبیر صمق
 و بوزمق تخمین قیاس اوزان * تبیر بتر بتردن یعنی ضرب بایک
 تفعیلندن مصدر در قیرمق و بوزمق معناسنه در (تخمین تحریم

وزننده خن یخمن دن یعنی نصر باینک تفعیلندن مصدر در برنسنه
 حقننده ظن و حدس ایله یاخود وهم ایله سوز سوبیلک معناسنه در که
 اورانلق تعبیر اوانور مثلاً برنسنه نك طولی اندازه ایله معلوم دکل
 ایکن ظن و قیاس ایله اوتوز اندازه در دیک یاخود برنسنه بی وزن
 ایله ووزنی معلوم اولدن بش وقیه یاخود اون وقیه در دیک کی
 * نادی وندی درنک اسراع و بدار ایومک * نادی هادی وزننده
 (وندی نونک فتحی و دالک کسری و یانک تشدید بدله فعل وزن
 اوزره ناسک کوندز بر کدکاری مجلس و انجمنه دینور علی قول مجتمع
 اولدقلمری حالده اطلاق اوانور که حاجی تهنیه سی و خندان کونی بی
) اسراع انحال وزننده حسن باینک افعالنندن مصدر در سرعت
 ایملک معناسنه در که ترکیده ایومک دیرلر و بواسطه متعدی ایدی
 گویا که نفسی عجله و سرعتله سوق ایتدی یاخود یورمکی سرعت
 ایتدردی معناسنه در (بدار قتال وزننده برنسنه طرفته غیری بی
 سبق ایچون سرعت و شتابان ایملک معناسنه در ترکیده ایومک دیرلر
 * جدوی وندی بخشش داء درد دواء درمان * جدوی خوی
 وزننده عطیه و بخشیشه دینور تشبه سنده جدوان و جدیان دینور (ندی
 فتحینه جود و عطا معناسنه در) داء دالک فتحی و اللمک مدیه اسم در درد
 و مرض معناسنه در جمعی ادواء کلور قاموس شارحی دیر که بوند
 غیری مفردی و جمعی ممداء کلش یوقدر و مصدر اوانور خسته
 و دردناک اوللق معناسنه در اجوف واریدن و مهموز اللامندر
 (دواء دالک حرکات ثلاثه سی و الفک مدیه علاج و درمان ایچون
 اولان نسنه یه دینور و بومصر اعده تناسب اضداد وارد که
 محسنات شهریه دندر * سائق سور یجی اولدی سابق ایلرو
 کچمش * سائق سابق وزننده نصر باینک اجوف و او یسنندن
 اسم فاعلدر معلومدر که سور یجی یه دینور (سابق سارق وزننده
 ضرب باندن اسم فاعلدر بر کیمسه صواشوب ایلرو کچمش معناسنه در
 * ساعی یلجی اولدی راعی کود یجی چوبان * ساعی راعی

وزنده ضرب بابك ناقص يائيدندن اسم فاعل در يلجی وقوشیجی
 معناسنه در (راعی ساعی وزنده باب مذکورك ناقص يائيدندن
 اسم فاعل در طوار اوتاریجی به دینور که چوبان تعبیر اولنور
 و بر قوم و بر شهر و ولایت اوزره والی اولان آدمه اطلاق اولنور که
 تحت ایلانده اولمرك حفظ و رعایتی ذمت و همته منوط اولور جمعی
 رعایا کاور قضاة کی و رعایان کلور رانك ضمیمه * عامه متخیر در
 هائم دخی آشفته * (عامه تابه وزنده عمه یعمه دن یعنی علم یابندن
 اسم فاعل در متخیر و متردد اولان آدمه دینور (هائم رقام وزنده
 ضرب بابك اجوف يائيدندن اسم فاعل در عشق دن یا خود غیری
 شیدن متخیر و سر کردن و آشفته اولان آدمه دینور و آشفته فارسی در
 بونده تفسیر در * واله قتی شیدار تائه قتی سر کردن * واله
 والد وزنده ضرب و حسب بابلر ينك مثالندن اسم فاعل در حزن
 و وجد علی قول افراط حزن و محبت سببيله عقلی کیدوب آشفته
 و سرسم و متخیر اولان آدمه دینور فارسیده شیدا دیرلر (تائه تاه
 بنده دن یعنی ضرب بابك اجوف يائيدندن اسم فاعل در متخیر
 و سر کردن آدمه دینور فارسیده سر کردن دیرلر بونده نفسیر در
 * املاق فقیر اولق هم وجد غنی اولق * املاق الحاق وزنده
 نصر بابك افتمالندن مصدر در فقیر اولق معناسنه در ملاست
 معناسندن یا خود محو معناسندن مأخوذ در (وجد واولك حرکات
 ثلاثه سی و جمیک سکونيله ضرب بابك مثال و اويسندن مصدر در
 غنی و زنکین اولق معناسنه در * اکرام آغریق هم ضیف قنوق
 مهمان * (اکرام حسن بابك افعالندن مصدر در برکیمسه به عزت
 و حرمت و تعظیم ايلك معناسنه لسانمزده آغریق ايله معبردر (ضيف
 سيف وزنده قنوقه دینور فارسیده مهمان دیرلر و ضیف لفظی فی الاصل
 مصدر اولمغله مفرد وجهه اطلاق اولنور و کاه اولور که اضیاف
 و ضیوف و ضیفان اوزره جمعلنور و مذکر و مؤنثه اطلاق اولنور و تاء
 تأنیث دخی الحاق اولنور يقال رجل و رجال ضیف و امرأه ضیف

وضیفه بود بدیدن اضداد و اتمام صنعتی اولدیغی خفی دکلدر
و بو محسنات شعریه دندر ❖ انقال غنیمتله ابطال بهادرلر ❖ انقال
ابطال وزنده قحتمینه نفلک جمع قلمیدر نفلده مال غنیمته دینور که
طیوملق تعبیر اولور عطاء الهی اولدیغیچون اطلاق اولندی ومنه
قوله تعالی ❖ یسئلونک عن الانفال ❖ ای الغنائم (ابطال انقال وزنده
قحتمینه اولان بطلک جمع قلمیدر بطلده بهادر و شجیع آدمه دینور
❖ انقال آغراقلرایب حبل ورسن اورغان ❖ انقال انقال وزنده
اولان ثقلک جمعیدر آغراقلر دینور و یرده مدفون اولان کنج
ودفینه یه اطلاق اولور و مدفون اولان موتایه دینور ومنه قوله
تعالی ❖ و اخرجت الارض انقالها ❖ ای کنوزها او موتاها (حبل
حانک قحی و بانک سکونیه ایله دینور که نسنه بغلرلر جمعی احبل و احبال
و حبول کلور (رسن قحتمینه اوزون اورغانه دینور حبل طویل
معناسنه جمعی ارسال کلور ایله اورغانک بیلنده فرق بودر که اورغان
اوزون و قالن و ایپ انجه اولور ❖ مسنون قوقر بالحق صلصال
قوری بالحق ❖ مسنون مسکون وزنده نصر بانک مضاعفدن اسم
مفعولدر قوقش و متغیر اولمش بالحقه دینور (صلصال خلخال
وزنده قوم ایله قورو و خالص و پاکیزه چاوره دینور ناظم مرحوم
❖ لقد خلقنا الانسان من صلصال من حاء مسنون ❖ آیت کریمه سنه
تلمیح ایشدر ❖ فخار و خرف صقسی مدرار و مطر باران ❖ فخار
نصاروزنده اسمدر طور اقدن یا پلش ساقسی ودستی و جناغه دینور
(خرف قحتمینه اسمدر مطلقا چاموردن ایشلنوب آتشد طبع اولان
ساقسی و چناق و طباق و کوب ودستی کی شیلره دینور ۷) مدرار محراب
وزنده بنیه مبالغه در مطر کثیر دوکن سحابه و صفدر فارسیده
باران دیرلر بونده تفسیر در (مطر قحتمینه یغموره دینور ماء السحاب
معناسنه ❖ مفعول مفاعیلن ای طبع و قدی موزون ❖ بحر هزج
احزب وزنده بودر میران ❖ طبع نبع وزنده شول سحیه و خوبدر که
انسان انک اوزرینه یرادیلور (قد قافک قحتمینه فارسیدر بوی وقامت

۷ علی قول طبع
اولانوب ساقسی
یا پلزدن مقدم
اطلاق اولور
طبع اولندقد نصکره
فخار دینور

معنا سینه در (موزون مسنون وزنده وزن دن اسم مفعول در طوغری
واوزون معنا سینه در شیخ سعدی (بیت) روضه ماء نهرها سلسال
* دوحه سجع طیرها موزون)

❖ البحر الهزج الاخر بالمقبوض المحذوف ❖

یعنی بوقطعه بحر هزج مسدس الاجزا دندر که هر بیتى ایکی کره
مفاعیلین مفاعیلین مفاعیلین در لیکن صدر وابتدا سینه خرب کلمه کلمه
اخر دبو تسمیه اولندی وخریب آنفا شرح و بیان اولندی
وحشویه یعنی جزء ثانیه قبض کلمه مقبوض دبو تسمیه اولندی
وقبض مراراً شرح اولندی وعروض و ضربنه قبض وحذف
کلمه در که محذوف دبو تسمیه اولندی حاصلی اجراسی مفعول
مفاعیلین فعل در ❖ ارساله دی ضیغم و غضنفر ❖ ضیغم حیدر
وزنده ارساله دینور ضیغمی دخی دینور و دائماً اصمق شاندن
اولان انسان و حیوانه دینور (غضنفر قحطه ارساله دینور
و غلیظ الجئه و وجاهتو و ضحاکم و انسان و حیوانه دینور ❖ ضرغام
اسد اسامه حیدر ❖ ضرغام ضادک کسر یله ارساله دینور (اسد
قحطیه معرف و قدر که ارساله دینور جعی آساد کلور همزه نک
مدیه (اسامه همزه مضمومه ایله معرفه اوله رق ارساله علم جنسیدر
و حرف تعریفه الاسامه دخی لغتدر (حیدر ضیغم وزنده ارساله
دینور جله نک تفسیر لری مصراع اولده ارسالدر ❖ صه طمه
ولوتری کوریدک ❖ صه صادک قحی وهانک سکونیه و هامونیا
کسر یله متکلمه کلمه زجر در یعنی تکلم ایدن آدمه زجر و آزار یله
صوص و خوش اول معنا سینه در که معنای فعلدن امر در اسکت
معنا سینه (اوتری اوشر طیه تری مضارع مفرد مذکر مخا طیدر که
مراراً شرح اولندی معنای ترکیبی سن کور بدک دیمکدر ❖ شعبان
نه بیوک بیلاندر اژدر ❖ شعبان عثمان وزنده بغایت ایری واوزون
اولان بیلان دینور که فارسیده اژدر ها دیرر سه زباند علی قول خاصه
بیلانک ارککنه دینور و علی رأی عموم اوزره درجری و سیلان معنا سندن

ما خود در * هل واری هم کل دیمکدر * هل هانک فتحی ولامک سکونیه
 کله استفهامدر ام وبل وقد کله لری منزله زنده استعمالی واری
 معناسنه در هل زید عندک یعنی زید عند کده واری وجزه وحب ونبی
 اولور واهر معناسنه کاور (هلم هانک فتحی ولامک ضمی ومیم
 مشدده نک فتحی بناسی اوزره اسم فعل امر معناسنه در بری کل
 دیمکدر تعال معناسنه اصلی هالم ایدی * ایار چان متی به بکزر *
 ایان همزه نک فتحی ویانک تشدید یله متی کی زماندن سوآله دلالت
 ایدر که ظرف زماندر نه وقتیده وچچان دیمکدر قال الله تعالی
 * ایان مر ساها * و سلیم قبیلہ سنک لغته کوره همز نک کسری یله در
 * سکینه بچاق دی قرح یاره * (سکینه سینک وکاف مشدده نک
 کسری ونونک فتحیه معاومدر که بچاغه دینور فاسیده
 کارددر لر مذبحی حرکتدن اسکان ایلد یکچون طلاق اواندی
 (قرح قانک فتحی وضمی و سکون را ایله سلاح مقوله سنک طقونه سبله
 بدنه عارض اولان یاره به دینو مفردی قرحه در علی قول فتحیه
 آنارینه یعنی یاره به وضیله ایدر حاصل اولان درد ومله دینور وقرح
 بدنده چیقان یاره لره دینور * هر ریح و سو کو قنات کوند * ریح
 رانک ضمی و میم سکونیه معروفدر که مز راغه دینور فارسیده یزه
 واصل ترکیده سنکودر لر جمعی ارماع ورماع کاور رانک کسری یله
 (فت فتحیه قرغی مز راغه دینور که ترکیده کوند دینور
 جمعی قنات کاور حر کاتله وقتا کاور هاسز * انکال بوقا غولر
 و اصفاد * انکال افعال وزنده نونک کسری و کاف سکونیه اولان
 نکک جمع قلیدر شد تلو بوقا غویه دینور علی قول آتشدن اولان
 بوقا غویه دینور و منه قوله تعالی * ان لیدنا انکالا ویمیم * و کند یسبله
 اشکجه و عقوبت اولنه جق شیئه دینور (اصفاد انکال وزنده
 فتحیه اولان صفت کله سنک جمع قلیدر بوقا غویه دینور * غلال
 بویون باغی تیمورلر * اغلال انکال وزنده غینک ضمیله اولان غلامک
 جمع قلیدر محبوس و مخنونک بونونه وانه کچور دکلی تیمور طوقه

ولایه دینور ❀ ترتیل کلامی روشن ایتک ❀ ترتیل ترتیب وزنه
 علم بانک تفهیلندن مصدر در کلامی برلی برنده انجو دیزیسی کی
 کوزل و او یفون نظام اطیف اوزره تأایف و ترتیب ایلک مناسنه در
 و ترتیل قرآن بوندن مأخوذ در که قرآنی دانه داروروشن و تانی
 و تأمل ایدرک آهسته آهسته اوقو مقدر عبارت در ❀ فایذ و نبات
 قند و شکر ❀ فایذ پانید وزنده و معربدر که قاش حلوا سنه و پیز
 شکرینه دینور (نبات نبات وزنده معلومدر که شکر دینور) قند قافک
 قنچی و نونک سکونیه شکر قاشمشک سقند یسندن منجمد اولان
 عسله یعنی شیریه دینور مراد کمالیه اصلاح اولماش شکر اوله جقدر
 و قند لفظی فارسی اولان کند معربدر اصل شکر انواعی بوندن معمول
 اولور (نائلی پاشانک) ایدر سه قند لبک خاطر مزاقه خطور *
 دیار مصره دکل قند هاره دک کیدرز) بیتی بو محله تحریر اولسی
 روا کورلدی ❀ معشار و عشیره اونده بر در ❀ معشار میمک
 کسری و عینک سکونیه عشره نک اجزاسندن بر جزئه دینور که
 اونده بر تعبیر اولور (عشیر امیروز ننده معشار مناسنه در جمعی اعشراء
 کلور نصیب و انصباء کی) ❀ مثنی ایکیشرباع در در ❀ مثنی معنی وزنده
 اثین اثین مناسنه در یعنی اثین اثین معدولیسدر ایکیشرباع
 دیمکدر عدل و وصفیه اصلیه علتیه یله غیر منصرفدر (رباع رائک ضمیمه
 اربعه اربعه لفظندن معدولدر دور در دور در احاد و ثناء و ثلاث
 کی عدل و وصفیه اصلیه علتیه یله غیر منصرفدر و منه قوله تعالی
 * مثنی و ثلاث و رباع * ای اربعا اربعا ❀ اعصار قصر غه ربیع
 یلدر ❀ اعصار همزه نک کسر یله شول یله دینور که شدتندن
 سحاب توزیدوب کوتورر اوله علی قول آتشی یعنی صاعقه سی
 اوله باخود بردن دبرک کی هوایه قافه که قاصر غه تعبیر اولور
 یاخود غبار شدیدی اولان یله دینور (ربیع رائک کسر یله یله دینور که
 هوای متحرکدن عبارتدر فارسیده باد دیرل جمعی ارواح کلور
 ❀ حاراسی صراط یول عرق تر ❀ حار حاث وزنده نصر بانک

مضاعفتدن اسم فاعلدر اسبجاعه دینور که بارد مقابلیدر (صراط
صادك كسر يله مطلقا يوله دینور علی قول آحق يوله دینور که
شاهراه تعبیر اولور (عرق فتحینه ذی روح قسمك كوده سی
دریسندن صیروب چیقان رطوبته دینور که تر تعبیر اولور سار
نسنه لك زننده بالاستعاره استعمال اولور * قاصف قتی یل رخاء
یواش یل * قاصف ضارب وزنده شدله اسن یله دینور وشدته
سسلنور اولان شیئه دینور (رخا رانك ضمی والفك مدیله ملایم
اسن یله دینور * عاصف قتی یل مثال صر صر * عاصف
قاصف وزنده تند وشدیداسن یله دینور (صر صر فتحینه عرعر
وزنده بك كورواتولی علی قول بك صوغوق اولان یله دینور
* مفعول مفاعله فعلان * مقبوض هزج بو بحره دیرل *

* البحر الرجز النخبون *

یعنی بوقطعه بحر رجز مثنی المطوی الاجزانددر که هر یلی ایکی کره
مستفعلن مستفعلن مستفعلن در لکن ایکی جزئیه خبن
وایکی جزئیه طی کله باقی اجزا مفتعلن مفاعله مفتعلن مفاعله
قالدی خبن وطی شرح اولدی * مائده خوان پرطعام میسر
ووسعت غنا * مائده فائده وزنده بالفعل طعام حاضر اولان
سفره یه وتمدی یه دینور طعام وضع اولمیان ساده سفره یه وتمدی یه
مائده اطلاق اولمز فاعله یعنی مفعوله در فارسیده خوان پرطعام
دیرل بونده تفسیردر (میسره میك فتحی وسینك حرکات ثلاثه سیه
اسمدر سهواته وزنکیلکه دینور غنا معناسنه (وسعت واوك ضمیمه
غنا و ثروت و قدرت معناسنه در * اولدی کریم نیک نام منحه ونحله
در عطا * کریم امیر وزنده حسن بآبندن صفتدر کریم صفتیه
متصف اولان آدمه دینور که کرعندن ایو نامی هر برده سو یلنور
جعی کرماء وکرام کلور (منحه میك کسر یله اسمدر و برکی یه
دینور عطیه معناسنه (نحله نونك کسری وحاء مهمله نك سکونیه
عطا و بخشش معناسنه در * درس وتلاوت او قومق دمدمه

و خشم قاقق * درس دالك فتحی وراك سكونيله نصر باندن
مصدر در كتاب اوقويوب علم او كرتك معناسنه در (تلاوت تانك
كسريله بودخی مصدر در اوقومق معناسنه (دمدمه زمزمه وزنده
رباعی مجرده ملحق اولان وسو سه باندن مصدر در برآدمه خشم
و غضب ايله كور دنهرك سوز سويلك والابنده و یرمك معناسنه در
وناسی استیصال طریقيله خاكسار ایدوب ریزه ریزه قویوب
كچرمك معناسنه در * منسه وعصی چومق بغیه ديلك بغاء زنا *
(منسه میك كسری ونونك سكونی ايله مكنسسه وزنده چومغه
ود كك دینور انكه طوار نسا وسوق اولاندیغیچون اطلاق اولندی
وبومهموز اللامدن اسعدر (عصی عينك فتحی والفك قصريله
دكنكه دینور وبومؤنث سماسیدندر جعی اعصی كلور همزهك
فتحی وصادك كسریله (بغیه بانك فتحی وضعی وغینك سكونيله
حاجت ومطلوبه دینور (بغاء بانك كسری والفك مدیله عورت زنا
ایلک معناسنه در * صاخه قتی اوازه در وقرقولاقي آغراخی *
صاخه ماده وزنده شول شدید صیحه واوازه دینور كه شدتندن
قولاقلری صاغر ایدر اواه و صاخه قیامته وداهیديه اطلاق اولور
قیامته اطلاق نفخة صور حسبيله در (وقرروا وك فتحی وقافت
سكونيله ضرب باندن مصدر در قولاق آغراشلق علی قول قوه
سامعه بالكلیه كتمك معناسنه در كه تركیده صغراق تعبیر اولور
* متربه در فقیرلق مقربه دی خصملا * متربه مقربه وزنده علم باندن
مصدر مییدر فقیروی نوا اولاق معناسنه در ومنه قوله تعالی
* یتیمان مقربة اومسکینا ذامتربة * ای ذافقرکانه قدیلصق بالتراب
من الفقر ليس له مأوى الا التراب (مقربه متربه وزنده علم وحسن
بابلرندن میلی مصدر در رحم جهته اولان بقیناغه وخصملاغه
دینور ناظم هر حوم حضرتلری آیت مذکوریهی ترجمه ایلشدر
* جیش چری رحیل کوج مهمل ارمش باقرتوج * جیش لیث
وزنده عسکره دینور علی قول حرب و قتاله باخود سائریره کیدن

عسکره مخصوصدر (رحیل فعیل وزنده اسمدر کوچ معناسنه در
 و بوریمک باینده قوی وتوانا اولان ارکک دویه صفت اولور (مهل
 میمک ضمی وهانک سکونیه اریش باقر وتوجه و تیموره دینور و جمیع
 معدنیات وجواهره شامل اسم جنسدر کوش والتون و باقر و تیمور کی
 * ضرب سفر قصی ایراق خطوه آدیم راجل ییا * ضرب
 ضادک قحی و رانک سکونیه باب ثانیدن مصدر در تجارت یا خود
 جنک وغزایمک ایچون دیارندن چیقوب سیر و سفرایمک علی قول
 سرعت ایمک و علی رأی کتمک معناسنه در و اورمق معناسنه اولور
 (قصی عصا وزنده علم باینک ناقصندن مصدر در ایراق اولمق
 بعد معناسنه در (خطوه قحینه آدیم معناسنه که ایکی ایاغک
 اراسیدر حالت مشیده (راجل خالد وزنده پیاده و ییا آدمه دینور
 جمعی رجال کلور قائم و قیام کی * حامیه قزمش اودولی
 برد صغوق برد طلوی * حامیه خالیه وزنده ضرب باینک ناقصندن
 اسم فاعل مفرد مؤنثدر قزمش اوده دینور و منه فوله تعالی * نار
 حامیه * ای ذاجی (برد باینک قحی و رانک سکونیه صغوقلفه
 دینور که اسمدر حار مقابلیدر شاعر (بیت) فاغتم برد الربیع سیما
 وقت السحر * فاجتنب برد الخریف سیما وقت المطر) ونصر
 بایندن مصدر اولور صغومق و صغومتق معناسنه (برد قحینه
 طلویه دینور که کوکک یا غارب الغمام دخی دیرل و بویته محسنات
 شعریه دن اضداد و تجنیس خط اولدینی اربانه حنی دکلدر
 فله دره * دف و سخونت اسیلک و هده چقور عرا اووا * دف
 دالک کسری وفانک سکونیه ضرب باینک مهموز الالاندن
 مصدر در اسیلک معناسنه (سخونت سهوات وزنده نصر
 بایندن مصدر در اسیلک دف معناسنه (و هده و اوک قحی وهانک
 سکونیه اسمدر چقور و الحق یره دینور (عرا عینک قحی و الفک
 مدیه اسمدر میدان کی قطعا ستره سی اولیان آچق عرصه که
 ترکیده اووا و فارسیده هامون دیرل جمعی اعراء کلور * ضان

قیون بقر صغیر معز کچی و ذئب قورد ❖ ضآن ضادک فتحی
 و همزه نك سکونیه ضائیک جمعیدر راکب و رکب و سافر و سفر کی
 و سیو بهه کوره اسم جنسدر و ناظم هر حومک مرادی بو اولماید که
 قیون ایله تفسیر ایلدی (بقر فتحینله اسم جنسدر مفردی بقره در
 تمره و تمر و نخله و نخل کی صغره دینور فارسیده کاو مراد فیدر
 و جمع صیغی بقرات کلور حرکات و زتنده معلوم اوله که ذوی العقولک
 غیری جمعند کده الف و تا ایله جمعنور صافنات و حرکات و بقرات
 کی زیرا عقولده نقصان اولده مؤنث منزله در (معز میمک
 فتحی و غینک سکونیه غنم صنفندن قیونک مخالفنه دینور که ترکیده
 کچی و فارسیده بزدرلر بودخی اسم جنسدر) ذئب ذالک کسری
 و سکون همزه ایله بیان کو یکیکه ترکیده قورد تعبیر اولمان جانورک
 اسیدر جمعی انؤب کلور اکلب و زننده و ذأب کلور کلاب و زننده
 ❖ نمله قرنجه قله بت ضفدع و غوک قور بغا ❖ نمله نونک فتحی
 و میمک سکونیه نملک واحدیدر قرنجه یه دینور تمره و تمر کی فارسیده
 دینور (قوله نمله و زننده بت دینور جمعی قلیدر نمله و نمل تمره
 و تمر کی فارسیده سپس دیرلر و یونک خاصه سی بقله بی دلوب باش
 بتی اول دلیکه وضع ایدوب بلع ایلده لر جای ربعی دفع ایچن
 بحر بدر) ضفدع درهم و زننده قور بغایه دینور نهری و بری اولور
 نهریسنک زیتون یاغی و طوز ایله مطبوخ اولان لجنی ضماد
 حشراتک اسغ ایلدیکی اعضادان سمی جاذیدر و بونده درت اغت
 وارددر مفردی ضفدع در و جمع صیغی ضفادع و ضفادی کلور
 عینی یایه ابدالله نکیم تعالاب واران بکله لنده تعالی واران دخی
 دینور فارسیده غوک دینور بونده سه زبان طریقیله ذکر اولمشدر
 ❖ مفعلمان مفاعل شاعر ایسک بو علمی بیل ❖ بحر رجزده خبن طی
 اولدی بووزله ادا ❖ الفاظ معلومه در ❖ ایضا ❖ معلوم
 ❖ حنث ورهق کاهدر حفره چقور شفا کنار ❖ حنث حانک
 کسری و نونک سکونیه له اسمدر کناهه دینور اثم معناسنه و معنای

موضوعی بودر (رهق فتنه له اسعد صوج و کناه اثم و جرم کی
 و دائماً شر و شور و ظلم و جفا ارتکابنده دینور و محرمات و منهیات
 دوش-وب انکله اوغرا شمعنه دینور (حفره غفره و زننده اسعد
 چقوره دینور (شفاعصا و زننده ناقص یایدن اسعد هر شیک
 کنارینه و اوچنه دینور و هلالک عند الغروب خیال کی بقیه سنه
 دینور ❖ حوب کبر او او کناد کهف قیوم غار غار ❖ حوب حاک
 قحی و و اوک سکونیه کناده دینور اثم معناسنه و اصل موضوع الهی
 بودر (کبر امیر و زننده و صف-در یوک و او او اولان شیئه دینور
 نفسیر لری لف و نشر مشوش طریقله در (کهف کافک قحی و هاک
 سکونیه طاغ-لرده او یو لمش او کی یه دینور غار و غار
 تعبیر او انور علی قول غار طرزنده او-ور لیکن بواندن و اسع
 اولور کوچک او اور سه غار در و ناظم می حو مک نفسیر ندن
 اکاشیلانده بودر اغار یار و زننده مغاره معناسنه در که طاغده قیادن
 او یه اوطه شکلنده یه دینور یا خود طاغده پک چقور و اچق
 یه دینور یا خود یوکسک یرل ارالغنده اولان دوز و او توراق-لی
 مطمئن یه دینور مغاره دخی عر بیدر شهرته بناء تفسیر قلندی
 ❖ اتقن محکم ایلدی حاق احاط قیلدی ❖ اتقن اکرم و زننده افعالدر
 فعل ماضی مفرد مذکر در محکم ایلدی و منه قوله تعالی * صنع الله الذي
 اتقن كل شيء * ای احکم خلقه و سواه علی ماینخی (حاق قال و زننده
 نصر بابک اجوف و او یسندن فعل ماضی مفرد مذکر غائبدر قیلدی
 معناسنه (احاطه نصر بابک اجوف و او یسنتک افعالندن فعل ماضی
 مفرد مذکر غائبدر بر نسته نک اطرافنی چو یروب قیلدی معناسنه در
 ❖ غادر ترک ایدوب قودی آرایندی اختیار ❖ غادر قاتل و زننده
 نصر و ضرب بابلرینک مفاعله سندن فعل ماضی مفرد مذکر غائبدر
 حالی اوزره ترک ایدوب قودی معناسنه در (آر غادر و زننده اثر دن
 یعنی نصر و ضرب بابلرینک مهموز الفاسک مفاعله سندن فعل ماضی
 مفرد مذکر غائبدر رشینی امور ساثره اوزر بنه ترجیح و اختیار ایلدی

معنا سنده در * ینقذ قورتار دیک یدر و دفع ایدر دیک * ینقذ
 ینصروز ننده فعل مضارع مفرد مذکر غائبدر قورتارر معنا سنده که
 متعدیدر (یدر و ینقذ وز ننده در آدن یعنی فتح بابنک مهروز الامندن
 فعل مضارع مفرد مذکر غائبدر دفع ایدر و صاور معنا سنده در
 * ینغرب کیر انور دیک یعلم ایلم آشکار * ینغرب غروب بدن یعنی
 نصرو ضرب بابلندن فعل مضارع مفرد مذکر غائبدر غائب
 اولور و کیر انور معنا سنده (یعلم اعلی یعلم دن یعنی علک افعالنندن
 مضارع مفرد مذکر غائب معلومدر آشکار و ایضا ح ایدر معنا سنده
 فار سیده آشکار کند دینور * سدره اغاج عنب اوزم ینع یمش
 کیو نمسی * سدره قطعه وز ننده شجر نبق اسمیدر که عربستان
 کراسی تعبیر اولور طربزون خرما سی اول نوعنددر جمعی سدر
 و جمعی صیغی سدرات کلور و شجر مزبور ایکی کونا اولور بری
 و بستایددر که یمشی خوش اولوب اور اقن قور یدوب دو کرل
 انکله حامده یونورلر و بریدر که یمشی ککره اولور و ایکسینکده
 کولیکه سی بغایت قویو و لطیف و خفیف اولور (عنب عینک کسری
 ونونک قحیلله یاش اوزمه دینور فار سیده انکور دیرلر) ینع منع وز ننده
 یمش کمالله اولوب دیر مکملک معنا سنده در که اسمدر * عشب
 و کلا یکا هدر مزرعه یعنی کشتزار * عشب عینک ضمی و شینک
 سکونیلله و بعضا عینک قحیلله تازه اوته و چاره دینور که اسمدر
 کلا رطب معنا سنده قروسنه حبش دینور جمعی اعشاب کلور
 کلا عصا وز ننده اسمدر چاره و اوته دینور کرک چار تازه و کرک
 قور و اولسون فار سیده گیاه دیرلر بونده تفسیر در و مصدر اولور
 یراوتلوا و لقی معنا سنده (مزرعه یمک فتحی و رانک حرکات ثلاثه سبله
 زرعدن یعنی فتح بابندن اسم مکاندر تر لایه دینور موضع زرع معنا سنده
 فار سیده کشتزار دیرلر بونده تفسیر در * علم او قومغله صید اولور
 یازمق او صیده قید اولور * خانه دلدہ حفظ ایدوب صاقله که
 اتمیه فرار * الفاظ معلومدر

❖ البحر السریع المطوی الموقوف ❖

یعنی بوقطعه بحر سریع متن الاجزادندر که هر بیتی ایکی کره مستفعلن
مستفعلن مفعولات در لیکن جمیع اجزاسنه طی وعروض وضربنه
طی الیه وقف علتیری عارض اولمشدروقف اغنده الیقوب طوردرمق
معناسنه در اصطلاح عروضیونده مفعولات دن تایی اسکان ایتکه دیرلر
وطی در دنجی حرف ساکنی اسقاط ایتکه دیرلر مستفعلندن
فاومفعولاتدن واو ساقط اواد بخی کبی مجموع اجزا مفتعلن مفتعلن
مفعلات قالدی ❖ سده قاپودر عتبه آستان ❖ سده سینک ضمی و دال
مشددنک قحبه له قوناغک قپوسنه دینور باب الدار معناسنه سدا وانور
علاقه سیله جمعی سددکلور صردوزنده فارسیده در دیرلر (عتبه قحباله
قپونک الت اشیکنه دینور علی قول است اشیکنه دینور فارسیده
آستان دیرلر بونده تفسیر در ❖ قصه قصص اوادی سمر دستان ❖
قصه قافک کسری وصادک سکونیه قلمه آلمان حکایه به دینور
شهنامه و همایون نامه کبی و بو واحد در (قصص عنب وزنده
قصه نک جمیدر) سمر قحینه اخشامد نصره سویلمان واو لان
قصه و حکایه وحیدیه دینور ❖ کعب طپوقدر قدم ورجل ایاق ❖
کعب کافک قحی وعینک سکونیه ایاق طبانک ارقه سنده اولان
یومر یجه مککه دینور طپوق وانجک اوله جقدر واعضا مککرینک
هر مفصلنه یعنی آک واویناق برینه دینور که یومری اولور جمعی
کعب کلور کافک کسریله (قدم قحینه ایاغه دینور و مو نشدر
عضوناو بلبله تذکیری جائزدر جمعی اقدام کلور) رجل رانک کسری
وجیمک سکونیه طپوقدن آشاغه دینور علی قول او یاغک دیندنکه
قالجیه باشیدر اشاغی طبانه وارنجه اطلاق اولور جمعی ارجل
کلور افلس وزنده ❖ مخ ایلک عظم سکک استخوان ❖ مخ میمک ضمی
وخاء جمعه نک نشدیدیه مککه اولان ایلکه دینور و بدنی به اطلاق
اولور (عظم عینک قحی وظانک سکونیه مکک و سکو که دینور
فارسیده استخوان دیرلر که سه زبان طریقله ناظم می حوم

ذکر ایلشدر یا خود اتمام وزن و قافیه ایچون ایراد ایلشدر جی اعظم
 و عظام کلور * مضغه در ات پاره سی شحم ایچ باغی * مضغه غرقه
 وزنده برلقمه ات پاره سنه دینور و غیری نسته یه دخی دینور و قلب
 انسان مضغه من جسده دیر جی مضغ کلور (شحم فیم وزنده ایچ
 باغنه دینور که اسمدر * لحم اته دی نفس و تن جان قان * لحم
 شحم وزنده اته دینور فارسیده کوشت دیرلر جی اللحم و لحوم و لحام
 کلور و هر نسته نك اوزرینه و ایچنه اطلاق اولنور (نفس نونك قحی
 و فاك سكونیله جسده و تنه دینور فارسیده بدن دیرلر و جانه دینور روح
 معناسنه و قانه اطلاق اولنور قان حامل روح و قوام حیات اولد یغیچون
 * خاصره و کشخ بو کر قد بوی * خاصره ناصره وزنده اسمدر
 بوش بو کره دینور جی خواصر کلور (کشخ كافك قحی و شینك سكونیله
 بوش بو کره دینور فارسیده نه بکاه دیرلر (قد قافك قحی و دالك تشدید یله
 برآمدك بوی و قامتد دینور که شخصنك اعتدال خلق اوزره تقطیعی یعنی
 کسمندن عبارتدر جی اقد کلور همزه نك قحی و قافك ضمیلله و قد افظی
 فارسیله مشترکدر لکن فارسیده تخفیف و تشدید جائزدر سنبل
 زاده و هی افندیك اشو (قدینه دیردی الف زافنه لام و فیه میم *
 مصحف حسنك اسرار بنی بیاسه رازی) بیتی بو محله ترقیم اولمسی
 روا کورلدی * حوصله قور صق معده شیردان * حوصله
 جوهره وزنده و لامك تشدید یله لغتدر قوشك قور صغنه
 دینور که انسانك معده سی یرنده در فارسیده سنکدان دینور غداسی
 اورده اولد یغیچون اطلاق اولمشدر و عند البعض حوصله
 هر حیوانك قارنده کی یرینه دینور صغنه و ارنجه یه قدر (معه میك
 قحی و کسری و عینك سکونیله خوف بدنده اکل اولان طعم
 باغرسقاره اینزدن مقدم وارد یغی یره دینور که قور صق تعبیر اولان
 ظرفدر جمع جنسی معد کلور فارسیده شیردان دیرلر بونده تفسیردر
 * قارعه و حاقه قیامت کونی * قارعه خاصره وزنده قیامت
 اطلاق اولنور و منه قوله تعالی * القارعة ما القارعة و ما ادريك

ما القارعة * ای القیمة تقرع بالاهوال جمعی قوارع کلور (حاقه خاصه
 وزنده قیامته دینور ومنه قوله تعالی * الحاقه ما الحاقه وما ذک
 ما الحاقه * راجفه ورافه در نفختان * (راجفه رادفه وزنده
 اشو * یوم ترجف الراجفه تبعها الرادفه * آیت کریمه سنده واقعه در
 مراد نفخه اولی در که انکه جملة مخلوقات اجل شربتی نوش ایدر
 (رادفه راجفه وزنده بودخی آیت مر قومه ده واقعه در بوندن
 مراد نفخه ثانیه در که انکه جمیع اموات جائز بلفه حیات او اولر
 ناظم مرحوم آیت کریمه مزبوریه تلمیح و اشارت و مراعات ترتیب
 ایلدی نفختان نفخه نک تشبیه سی عربیدر اوفور مک معناسنه بونده
 تفسیردر * بهر اچاق و چقار مقدر * بعثه د حرجه وزنده
 داخله اولان نسنه بی کشف و استخراج ایلک معناسنه در که ترکیده
 اچاق و چقار مق تعبیر اولور و بر نسنه به دقت و اهتمام ایله نظر
 ایدوب تفتیش ایلک معناسنه در و بر نسنه بی طاغیدوب بری برنک
 اوزرینه چو یرمک معناسنه در * کرب قتی تاسه و بٹ همچنان * کرب
 کافک قحی و رانک سکونیه غم و قساوت و تاسه به دینور که
 عارض اولد یغی نفس انسانی بی شدتی سببیه دمسته ایدر جمعی
 کروب کلور (بٹ بانک قحی و ثانک تشدیدیه شدت اوزره اولان حزن
 و اندوهه اطلاق اولور که صاحبی صبر و تحمل ایده میوب تشکی به
 ناچار اواه همچنان تفسیردن دکلدر * آجن و آسن متغیر
 صودر * آجن صاحب وزنده نصر و ضرب و علم بابلرنک مهموز
 الفاسندن اسم فاعلدر اون و طعمی متغیر و بوزلش صویه دینور
 (آسن آجن وزنده و مراد فیدر * نفخه قوقو غصه بوغاز ده
 طوران * نفخه لمحه وزنده تاء و حدتله کوزل قوقن رایحه طیه به
 دینور و بر اسم یله دینور نفس انکه تروح ایدر جمعی نفحات کلور
 (غصه غینک ضمی و صدادک تشدیدیه بوغازده طیقانوب طوران
 طعام و شرابه دینور و قلبه عارض اولان صفندی به و تاسه و اندوهه دینور
 جمعی غصص کلور * صوفه کوچک کاسه جمعی صواق * صوفه

نقشه وزنده اوچك چناغه و كاسه به دينور جعي صحاف كلور
صادك كسريله كه ناظم مر حوم بيان ايلادي * جفته بويك
كاسه وجعي جفان * جفته نمره وزنده بيوك كاسه به و چناغه
وقواطه به دينور و كريم و جومرد آدمه دينور جعي جفان كلور
صحاف وزنده كه ناظم مر حومك ذكر ايلديكي كي و جفتات دخی
كلور معلوم اوله كه كاسه لك و چناقلرك بيوكنه جفته و اندن كوچكنه
قصه و اندن كوچكنه صفحه و اندن كوچكنه منكله و اندن كوچكنه
صحيقه دينور * ساحه سراي اورته سي ثاوي مقیم * ساحه باحه
وزنده و مراد فيدر كه او و سراي اور تاسنه دينور جمع جنسي ساح
كلور و جمع صبغي سوح و ساحات كلور (ثاوي حاوي وزنده
ضرب بابنك لفيف مقروندن اسم فاعلدر مقیم معناسنه كه مسافر
مقابليدر * مشب و ميراب اولوق ناودان * مشب ميك كسري
و قحی و ثلك سكونيله اولوغه دينور جعي مشاب كلوب (ميراب ميران
وزنده ضرب بابنك مثال واويستندن اسم آتدر اولوغه دينور
فارسيده ناودان ديرلر كه سه زبان طريقيله مذكوردر بعضيلر عندنه
ميراب فارسي ميراب معر بيدر يعنى ميدنصكره همزه ايله تعريب
اولمشدر بوجهندن جمنده مأزيب ديرلر همزه ايله ميأزيب دخی
وارددر * داهيه و فاقره اولو بلاء * داهيه ناصيه وزنده ها مبالغه
ايچوندر اولو بلايه دينور و جن فكري آفت ذهن آدمه دينور
وامر عظيمه اطلاق اولنور حادثه و نازل عظيمه كي كه آفت تعبير
اولنور (فاقره داهيه وزنده آفت و داهيه به اطلاق اولنور * هاويه
آتش واهيه در چاك اولان * هاويه واهيه وزنده جهندن
بر طبقه نك اسميدر اعاذنا الله تعالى منها و بوسقوط معناسندن
ماخوذدر و منه قوله تعالى * فامه هاويه * اي جهنم و معرفه در
بلا الف و لام (واهيه هاويه وزنده و هيندن اسمدر يرتق اولان
نسنده دينور فارسيده چاك ديرلر بونده تفسيردر * سحت حرام
اولدي و مغرم اودك * سحت سينك ضمی و حانك سكونيله و ضمينله ده

اغندر حرام معناسنه در که کسبی واکلی محظور اولان نسنه دن
 عبارتدر علی قول شول کسب خبیثه دینور که صاحبنه عار
 ونقیصه بی مسئلزم اولور جمعی اسحات کلور (مغرم میث فتحیه
 اسمدر اودک که اداسی لازم اولان نسنه یه دینور دین و دیت کی
 * کسر صمق خسرو خسارت زیان * کسر قطع وزننده
 ضرب باندن مصدر در صمق وقبرمق معناسنه در فازسیده شکستن
 مرادفیدر (خسر کسر وزننده) خسارت خانک فتحیه علم وضرب
 بابلرندن مصدر در آمده وصاتمه زیان ایلمک معناسنه در وبر کیمسه
 یواندن ازرق وکراه وضال اولق معناسنه در * هره وسنور کدی
 اوس قورد * هره هانک کسری ورائک تشدیدله کدی یه دینور
 وبومؤنده جمعی هره کلور وفک ادغامله هرر کلور مذکری هر
 کلور هاسز (سنور سبک کسری ونون مشددنه ک فتحیه
 معروفدر که کدی یه دینور فارسیده کر به دینور (اوس همزه نک فتحی
 وواوک سکونیه قورده دینور ذئب کی * فاره صیحان حیمه وافعی
 یلان * فاره غاره وزننده صیحانه دینور وبومهموز العین دندر
 ومذکر ومؤنه اطلاق اولور جمعی فئران کلور فانک کسریله (حیه
 حانک فتحی ویاک تشدیدله معروف جانوره دینور که ترکیده
 ییلان وفارسیده مارتعبیر اولور عندالبعض جور کلنک معناسندن
 مأخوذ در وعند البعض حیات ماده سندندر که طول حیساتندن
 ناشی اطلاق اولندی (افعی اعلی وزننده برجنس خبیث حیه اسمیدر که
 ترکیده انکرک ییلانی دیرلر وبووصف واسم اولور وصفیه آوره
 غیره منصرفدر واسم اعتبار اولند قده منصرف اولور روی وارطی کی
 جمعی افاعی کلور * قنفذه کر پی یه دینور فهد پارس * قنفذه
 قافک ضمی وفانک ضمی وفتحیه شیهم اسمیدر که کر پی تعبیر اولنسان
 جانورک مؤنثیدر ار کیکنه قنفذ دینور (فهد مهدوزنده پارس
 دیدکاری رنجی جانوره دینور جمعی فهود کلور ضمتبینه
 * قسوره ولایت وهز برارسلان * قسوره قافک وواوک قفهلر یله

ارسلانه دینور و قسور دخی دینور هاسز (لیث لامک فتحی و یانک
 سکونیه ارسلانه دینور و غایت فصیح و منکلم و بلیغ آدمه دینور ضرب
 لسانه مالک اوایوب محاوره لرده بی همتا اوله (هزاره هانک کسری
 و یانک فتحیه ستمبروزنده و هزاره علابط و زنده ارسلانه دینور بجی
 هزاره کلور هانک کسریله ❁ لازق و لازب یا پشمان نسنه در ❁
 لازق لازب وزنده علم باندن اسم فاعلدر یا پشیجی و یا پشمان
 معناسنه در و ثابت و پایدار معناسنده کاور ❁ منفجر و منهجر
 آب روان ❁ منفجر منهجر وزنده فجر یفجر دن یعنی نصر با نك افتعالندن
 اسم فاعلدر (منهجر منهجر وزنده و مراد فیدر که نصر و ضرب
 بابلرنك افتعالندن اسم فاعلدر آقچی صویه دینور فارسیده آب روان
 دیرلر بونده تفسیر در ❁ مسغبه و مخمسه اچلقدیر ❁ مسغبه مخمسه
 وزنده (مخمسه مسغبه وزنده آجقمق و آچلغه دینور بونلر
 مصدر و اسم اولورلر فارسیده کرسنکی دیرلر ❁ فجأة و هم بغته
 دی ناکهان ❁ فجأة فانك ضعی و جیمک سکونی و همزه نك فتحیه
 علم باندن مصدر در اکسزین چیه کلمک معناسنه در و اسم اولور
 اکسزین علی الغفله چیه کلن شیئه دینور (بغت قسوت وزنده فتح
 باندن مصدر در اکسزین فجأة علی الغفله ایرشمک معناسنه در
 و اسم اولور مصدر اولد قارینه کوره تفسیرلری ناکهانی اولمیدر
 اسم اولد قارینه کوره تفسیرلری ناکهان اولمیدر و ناکهان فارسیدر
 ❁ عم ندن مم ندن ماد کل ❁ عم عینک فتحی و میمک تشدیدیه عن ایله
 دادن مر کبر عن حروف جرجله سندن بعد و مجاوزه ایچوندر
 و ما استفهامیه در قرب مخرجلری اولدیغندن تون مایه قلب و ادغام
 اولندی معنای ترکیبی ندن و نه شیدن دیمکدر (مم میمک کسری
 و میم ثانیه نك تشدیدیه بودخی عم کیدر ندن و نه شی معناسنه در
 و مانک جرینه علامت مانک النی حذف و الفه دلالت میی فتح
 اوزره اولسی واجیدر (ما جله اسمیه یه داخل اولان یعنی مبتدا
 و خبر اوزرینه داخل اولان ماء نافییه در حجاز یون و تهسا میون

و نجد یون عند زنده لیس کله سنک علی کبی عمل ایدر ما ایله
مدخولی بیننه ان کله سی توسط ایلامک استنه خبر تقدم ایلامک
کبی شروطله مشروطدر نحو قوله تعالی * ما هذا بشرا * ثم بیننه
کیف نته اذ قچان ❀ ثم ثانیك ضعی و میك تشدیدیه حروف عاطفه
جمله سندن ترتیب مع مهلت ایچوندر نحو یجب العلم ثم العمل به
(کیف این وزنده اسم مبهم غیر ممکن و معقولات عشره
جمله سندندر نیجه ونه کونا معناسنه در التقاء ساکنین ایچون آخری
تحریک اولندی و یا مجاورتنه مبنی فتح اوزره مبنی اولدی و فای
حذف ایله کی دخی دیرلر سوف کله سنده سودیدکاری کبی و کیف
کله سی غالباً استفهام ایچون استعمال اولنور تفصیلی کتب معتبرلر ددر
فلیر جمع (اذ همزه نك کسر یله شرح اولندی ❀ یعصم هم یکلؤ
صقلر دیک ❀ یعصم ضرب بایندن فعل مضارع مفرد مذکر غائبدر
صقلر و حفظ ایدر معناسنه (یکلؤ فتح باینک مهموز اللامندن مضارع
مفرد مذکر غائبدر یعصم معناسنه ❀ یکذب هم بحرص سویلر
یلان ❀ یکذب یعصم وزنده ضرب بایندن مضارع مفرد مذکر
غائبدر یلان سویلر معناسنه در (بحرص یکذب وزنده و مراد فیدر
❀ مفتعلان مفتعلان فاعلان ❀ بحر سر یعک ساکا وزنی عیان ❀
معاوم ❀ ایضا ❀ كذلك ❀ ناصیه آیین صاچی منکب اوموز ❀
ناصیه راضیه وزنده باشک اولک طرفنده قیل بتدیکی یرک نهایت
بولدیغی محله دینور که آیین تعبیر اولنور و اوراده اولان پرچه و کاکله
ناصیه اطلاق مجازدر حالت و محلیت علاقه سنه مبنیدر جمعی
نواصی کلور و نه قوله تعالی * فیؤخذ بالنواصی والاقدام * (منکب
مسجد وزنده بنده کورک دیدکاری کککک اوجیه له قول باشینک
قارشیدیغی عضوه دینور که اوموز تعبیر اولنور فارسیده دوش دیرلر
واشبو منکب لفظی مذکر در ❀ جبهه آیین صدر کوکس ذات
اوز ❀ جبهه تیره وزنده انسانک یوزندن سجده حالتده یره آلان
موضعه علی قول ایکی قاشک ارالغی برارندن یوقاری ناصیه یه قدر

اولان بره دینور ترکیده آیین وفارسیده پیشانی تعبیر اولنور (صدر
 بدر وزنده انسانک کو کسند دینور فارسیده بر دیرل و هر شینک مقدمتک
 اعلا سنده واولنه دینور و بومذکر در) ذات عاد وزنده هر شینک
 حقیقتنه واصلنه دینور که اوزی اوله جقدر واشبو * واصلخوا ذات
 ینکم * آیت کریمه سی حقیقه واصلکم الیه مفسر در * قبضه
 آوج راحه در ال آیه سی * قبضه جبهه وزنده بر آوج و بر پنجه
 نسنه یه دینور (راحه ساحه وزنده ال آیه سنده دینور کف
 مناسنه * خنجره حلقوم بوغاز وجه یوز * خنجره دحرجه وزنده
 بوغازه دینور) حلقوم ضمتینه بوغازه دینور فارسیده کلومر ادفیدر
 (وجه واولک فتحی وچیک سکونیه یوزه دینور و معنای موضوعی
 بودر ظاهر بدنده ابتدا ناظرک قارشوسنه کادیکی علاقه سیله و اعضاء
 ساره دن اشرف اولق مناسبتیه فارسیده روی دیرل * شعره دی
 قبل خلق تراش ایلک * شعره شینک فتحی و عینک سکونیه انسانک
 وجودنده ثابت اولان شینه دینور که ترکیده قبل وفارسیده موی
 دیرل جمع جنسی شعر جمع صیغی اشعار و شعور و شمار کلور (خلق
 خاق وزنده ضرب بایندن مصدر در تراش ایلک مناسنه در
 * کوع بیلک مقله بیک عین کوز * کوع کافک ضمی واولک
 سکونیه بیلکارک ایکی اوجلرینه دینور که اصل بیلکه متصل یریدر
 و بیلک اوجنک باش پارمقدن طرفنه دینور یاخود باش پارمق
 جاننه اولان اوجنه دینور خذ ماشت (مقله میک ضمی ولامت
 سکونیه کوزک قره سنه دینور یاخود بیاضیه قره سنه دینور ناظم
 مر حومک انسان العین معناسنه ذکر البلی عجاز اولمالی بدر یاخود
 مستعملک استعمالنه مبدی در جمعی مقل کلور (عین عینک فتحی
 وکسر یله کوزه دینور فارسیده چشم دیرل و وئندر جمعی اعیان
 واعین و عیون کلور و جمع الجمعی اعیان کلور * زهر چچک
 نکبت اغز قوقوسی * زهر زانک فتحی و هانک سکونیه نبات
 قسمنک چچکنه دینور علی قول صاری اولانته مخصوص صدر

مفردی زهره در هایلله جمع صیغی ازهار در (نکھت نونک فتحی
 وضمیله آغزرایحه سی ریح الفم معنا سنه و مطلقا قوقو به دینور که
 شعده وقوعی کثیردر از جمله اشبو (آتش رخسارک اوزره عنبری
 ساراکی * نکھت آرای مشام عاشقاند پرچک) بستنده شریکمز
 سالم افندی ایرارایتمشدر ❖ قرص چورک ملح نمک یعنی طوز❖
 قرص قافک ضمی ورائک سکونبله چورک و بردانه انمک کوپله سنه
 وکونشک جرمنه دینور جمعی اقراض کلور (ملح میمک کسری
 ولامک سکونبله طوزه دینور فارسیده نمک دیرلر بونده تفسیر مقامنده در
 ❖ ذوب اریمک ذرو صاورمقدر ❖ ذوب ذالک فتحی وواوک سکونبله
 نصر بانک اجو فندن مصدر در اریمک معنا سنه که طوکق مقابلیدر
 (ذرو ذالک فتحی ورائک سکونبله نصر بانک ناقصندن مصدر در
 صاورمق و توزتمق معنا سنه در و متعدی اولوریل برنسنه بی توزیدوب
 ایلمتک معنا سنه در و سرعتله کتمک معنا سنه ده کلور ❖ تبنه
 صمان پاره سیدر نفع توز❖ تبنه تانک کسری و بانک سکونبله تبن
 کله سنک واحدیدر صمانه دینور (نفع نونک فتحی و قافک سکونبله
 توزه دینور غبار معنا سنه فارسیده کرد دیرلر جمعی نقاع کلور
 جبال وزنده ❖ فضه کوش قطر اریمش توجدر ❖ فضه تبنه
 وزنده مهر و قدر که گوشه دینور فارسیده سیم دیرلر (قطر قافک
 فتحی و طانک سکونبله اریمش باقره دینور و مطلقا باقره دینور
 ناظم مرحومک اریمش توج تفسیر ایلمسی عقلی تشویش ایدر هر تقدیر
 توج دخی باقرک نوعدن ایسه ده ❖ زبره تیمور پاره سیدر جره
 کوز ❖ زبره زانک ضمی و بانک سکونبله تیمور پاره سنه دینور جمعی
 زبرکلور صرد وزنده و منه قوله تعالی * آتونی زبر الحدید *
 ای القطع (جره همزه وزنده بردانه آتش قورینه دینور کوز دخی
 تعبیر اولور جمع جنسی جره جمع صیغی جرات و چهار کلور جبال
 وزنده ❖ ظبی کیک شاة قیون مهر طای ❖ ظبی طانک فتحی
 و بانک سکونبله کیک تعبیر اولنان حیوانه دینور جمعی اظبی و ظبیات

کلور قحاطله و ظباء کلور (شاة جاه وزنده قیونه دینور مفرد در
 مذکر و مؤنثه اطلاق اولنور علی قول قیونه و کچی به و آهویه
 و صغره و دوه قوشنه و جار و حشی به شامادر و شاة لفظنک
 اصلی شاهه و انک اصلی شوهدر مصغری شو یهه در جمعی
 شاه و شیاه و شواه و اشاوه **کلور** (مهر میک ضمی و هانک
 سکونیه آت قسمنک ولدینه دینور کچو کنه طای تعبیر اولنور
 علی قول آتک و سائر دوابک اک اولکی دوانه دینور جمعی امهات
 و مہات کلور **عجله** بوزاغو دیدیلر ثور او کوز **عجله** عینک
 کسری و جیمک سکونیه دیشی بوزاغویه دینور جمعی **عجل**
 کلور عینک کسری و جیمک قحبله (ثور جور وزنده ارکک
 او **کوزه** دینور ارضی اثاره ابتد یکچون کو با مصدر ایله مسما در
 ثابرمعنا سنه جمعی اثار و ثوره کلور عنبه وزنده **ضیر** ضرر ضیم
 ستم جم چوق **ضیر** غیر وزنده نصر باینک اجوفندن مصدر در
 ضرر و زیان ایلک معنا سنه در (ضیم ضیروزنده اسمدر ظلم و ستم
 و بیدار معنا سنه جمعی ضیوم کلور و بوفی الاصل مصدر او اب
 بعده اسم اوله رق استعمالله جهلندی (جم جیمک فتحی و میک تشدید یله
 چوق نسندیه دینور یقال مال جم ای کثیر و قس علی هذا **غیظ**
 غضب قاقق و نطق سسوز **غیظ** غیر وزنده خشم و غضب
 علی قول اشدینه دینور (نطق لطف وزنده ضرب بایندن مصدر در
 معانی فهم اولنور حروف و اصواتله سسوز سویلمک معنا سنه در
سبع یدی تسع طقوز خمس بش **سبع** خمس وزنده اعداددن
 یدی عددک اسمیدر مذکری **سبعه** در زیر اسماء عددک مذکری
 تالی و مؤنثی تاسر در یقال سبعة رجال و سبع نسوة فارسیده هفت دیرلر
 (تسع تانک کسری و سینک سکونیه اعداددن طقوز عددک اسمیدر
 مذکری تسعه در فارسیده نه دیرلر (خمس سبع وزنده بش عددک
 اسمیدر مذکری **خمس** در فارسیده پنج مراد فیدر **ثالث** او چنجی
 و ثلثون اوتوز **ثالث** ثلث دن اسم فاعلدر او چنجی معنا سنه (ثلثون

ثانك ولامك فتحى وثناء ثانیهك ضمیمه عقود اعداددن او تون عددك
اسمیدر که شبه جمعدر

❁ البحر الكامل ❁

یعنی بو قطعه بحر کامل سالم مثنی الا جزا دندر که هر بیٹی
سکر **ک**ره متفاعلندر ❁ جل و ابل دوهیه دیکل دی حل قوزی و غنم
قیون ❁ جل قحینهله ارکک دوهیه دینور (ابل کسر تینله دوهیه
دینور و بو مفرد در جمع دخی اطلاق اولنور فی ذاته جمع واسم جمع دکلدر
جمعی آبال **ک**لور همزه نك مدیه مصغری ایله در ها ایله قاموس
مترجمی عاصم افندی دیر که اصول سائر نك و شیخ رضی و سائر
بیانلرینه کوره غنم کی ابل کله سی دخی اسم جمعدر لفظندن مفردی
یوقدر و مؤنثدر زیرا لفظندن مفردی اولیان اسماء جوعک آدمیونك
غیریده تأنیثی واجبدر اکبناء مصغری ایله در ها ایله و جمعنده آبال
دینور که چوق دوه سور یلری دیمکدر ثنیه سنده ابلان دینور که
ایکی دوه سور یلری دیمکدر مفردی ایله در غنمك مفردی شاةدر
(حل جل وزنده قزویه دینور فاسیده بره دیرلر جمعی حلان کلور
حانك ضمیمه واحال دخی کلور (غنم حل وزنده قیون جنسینه
موضوع اسمدر و مؤنثدر لفظندن مفردی یوقدر شاة مفردیدر ذکور
واناثدن هر برینه مختلط اولد قلنده مجموعنه اطلاق اولنور جمعی
اغنام و غنوم و اغنام **ک**لور ❁ بدنه دوه و صغرد بیحه سی مکّهیه
کله هدی ایچون ❁ بدنه قحینهله شول دوه و صغره دینور که
قربان ایلک ایچون مکّهیه هدی اولنور و بو غنم جنسندن اضحیه
کبیدر یعنی قربانلق قیونه اضحیه اطلاق اولندیغی کی مکّهیه
هدی اولنان قربانلق دوهیه و صغره بدنه اطلاق اولنور مذکر
و مؤنثی مساویدر جمعی بدن **ک**لور کتب وزنده وجه
تسمیه سی سملکدندر ❁ درجات مرتبهلدر همزات و سوسهلدر ❁
درجات قحینهله درجه نك جمعدر پایه و مرتبهلدر دن طبقاته اطلاق
اولنور که زردبان قدیمه لری کی بعضیسی بعضیسندن بلند اولور

مترله رفیغه ومرتبه عالیسه ده مستعملدر (همزات درجات وزننده
 وسوسه معناسنه اولان همزه نك جمعیدر ومنه همزات الشیاطین که
 شول وسوسه لر در که شیطان انی انسانك قلبنه القایدر ✽ غمرات
 اولوم قبلقلری ومجید اولو ومدید اوزون ✽ غمرات درجات وزننده
 غمره نك جمعیدر اولوم شدتی وزحقی ومنه قوله تعالی ✽ غمرات الموت ✽
 ای شد انده وناسك وصوتك ازدحامنه دینور (مجید جمید وزننده
 حسن یابندن صفتدر اولوو کریم وسخنی آدمه دینور) مدید مجید
 وزننده نصر یابندن صفتدر اوزون شیئه دینور جمعی مدید کلور
 ✽ ثبه طائفه وثبات جمع کفات جمع اوله جق مکان ✽ ثبه ناك
 ضمی وبانك فحیله گروه وجاغت معناسنه در علی قول بر بلوک
 سوار یلره دینور وبونك اصلی مختلف فیهدر بعضیسنك عندنده
 مثالدر وبعضیسنك عندنده ناقصدر وبعضیسنك عندنده اجوفدر
 آخرنده کی ها محذوفدن عوضدر (نبات ثبات وزننده ثبه کلمه سنك
 جمعیدر وثبوتدخی کلور) کفات کتاب وزننده موضعه دینور که
 انده نسنه جمع وبری برینه ضم اوله ومنه يقال الارض کفات انا
 وقال الله تعالی ✽ الم نجعل الارض کفاتا احياء وامواتا ✽ ای ذات
 کفت ای ضم وجمع يضمهم احياء علی ظهورها وامواتا فی بطونها
 قال البیضاوی کفاتا ای کفاته اسم لما یکفت ای يضم و یجمع او مصدر
 نعتبه او جمع کافت کصائم وصیام ✽ شیه در نشان فزع فغان
 عبث وعبثدخی لهواویون ✽ شیه عده وزننده نشان وعلامته دینور
 (فزع فحینهله فتح وعلم بابلرندن مصدردر فریاد وفغان ایلک
 معناسنه در) عبث فحینهله نصر یابندن مصدر در او یون که لعب
 معناسنه در و بی فائده عملدن عبارتدر وعبث خلط معناسنه موضوعدر
 بعده امور واعماله لعب ولهو قارشدر مق معناسنه استعمال اولندی
 (لعب فحینهله علم یابندن مصدر در اوینامق معناسنه در که مراد
 صحیحه دال اولیان ایش ایشلمکدن عبارتدر جدك مقابلیدر) لهو
 سهو وزننده نصر وضرب بابلرندن مصدردر او یون اوینامق

معناسنه فارسیده بازیدن دیرلر ❦ ندر ابتلا صنماقدرر مثله شکنجه
 سخط غضب ❦ ابتلا اقتدا وزنده نصر بابتك ناقصك افتعالندن
 مصدر در برنسنه نك حالى بيمك ایچون صنایوب و تجربه و امتحان
 ايمك معناسنه در (مثله ميمك فتحی و ثانیك ضمیمه اسمدر عبرت اله جق
 عقوبت و اذیته دینور جمعی مثلات و مثولات دخی کاور و نصر بابتندن
 مصدر اولور عذاب و اذیت ايمك معناسنه (سخط فحینه له راضی
 و خوشنود اولماق جهتیه له کوچنوب طارلق و عضلنمق
 معناسنه در ❦ هم ارم احدثقه معتد خشن و غلیظ و عنل
 یوغون ❦ ارم فتحینه له ناسدن بر کیمسه انسان واحد معناسنه در
 و اثر و نشان معنارینه مستعملدر (ثقه عده وزنده ضرب بابتندن
 مصدر در بر آدمه امنیتله اعتماد قیللق معناسنه در ناظم هر حوم مفعول
 معناسنه ذکر ایلشدر و بونك وقوعی کثیر در (خشن کتف وزنده
 صفتدر قالین و بك نسنه به دینور (غلیظ مجید وزنده صفتدر قالین
 نسنه به دینور فارسیده ستر هر اد فیدر (عتل ضمیمه له و تشدید
 لامله صفتدر اکول و ممنوع الخیر و بی منفعت اوله رق نازاش و نادان
 و سنکدل و غلیظ آدمه دینور و یوغون مزراغه دینور ❦ حدقه
 کوزك بیکیدر و تیره برون دیره کیدر ❦ حدقه فتحانه کوزك بیکنه
 دینور علی قول کوزك قره سنه دینور سوادالعین معناسنه جمع جنسی
 حدق و جمع صیغی احداق و حداق کلور جبال وزنده (و تیره
 فتحانه و تیره کی بودخی برون دیره کنه دینور و قولاغك یوقاریسنده
 اولان انجه مکر تله که دینور و بوندن غیری معانی کثیره سی واردر
 ❦ دی زبد صویك کپو کیدر عصبه سکر بحبه سرون ❦ زبد
 فتحینه له صویك کپو کنه دینور و سائر نسنه نك کپو کنه ده اطلاق
 اولانور جمعی ازباد کلور (عصب فتحینه له کوده ده اولان
 سکیلره دینور مفردی عصبه در (بحبه فتحانه اوتراق یرك اوچنه
 دینور که انسانده اوچنه و حیوانده صغری دینور ❦ نخره چورك
 علقه سلوك عتبه ایشك عقبه یوقش ❦ نخره کنفه وزنده چور یوب

اوفانش که دینور (علق قحمتینه سلوک تعبیر اولمان سیاه و اوزنجه
 قورده دینور که اعضا به پاشدر یلور) عتبه قحمتله قاپونک الت
 اشیکنه دینور اسکفة الباب معناسنه علی قول اوست اشیکنه دینور
 (عقبه عتبه وزنده طماعده و بارده اولان صرب بوقشه دینور
 عقوبتدن مأخوذ در جمعی عقاب کلور عینک کسریله ❖ لک سکا
 قبلک سندن اولک دیمه لاتقل لبقل دیسون ❖ لک لام حرف جر جمله
 سندن تعلیل و تخصیص ایچوندر کاف خطابه معنای ترکیبی سنک
 ایچون و سکا دیگدر (قبلک بعدک وزنده و نقیضیدر فارسیده پیش
 و ترکیده ایلری و اوکدن تعبیر اولور که ظرف زمان و ظرف مکان اولور
 کاف خطابه مضاف اولغله معناسی سندن اولک و اول زمانده
 یاخود سندن اولک مکانده دیگدر) لاتقل لا جواز مدن نهی ایچوندر
 تقل قال بقول دن نهی حاضر در سویمه و دیمه معناسنه در فارسیده
 مکو مراد فیدر (لیقل لا جواز مدن امر ایچوندر یقل قال دن
 امر غائبدر سویمسون و دیسون معناسنه فارسیده کوید مراد فیدر
 اعلالری معلومدر ❖ متفا علن متفا علن اوقو بحر کاملی فاضل
 اول ❖ علماسکا دیه آفرین جهلا سکا قلا رزبون ❖ الفظی و معناسی
 معلومدر

❖ البحر الهزج المكفوف الاخر المخذوف ❖

یعنی بوقطعه بحر هزج مثنی الاجزادندر لیکن صدر وابتداسنه خرب
 وحش وینه کف و عروضنه و ضربنه حذف علتلری عارض
 اولمشدر که هر برر لری شرح و بیان اولندی ❖ منقضه دوشن
 نسنه در وتل دوشر دی ❖ منقضه منقضه وزنده نصر بابنک
 مضاعفتک انفا لندن اسم فاعلدر دوشن نسنه دینور (تل مد
 وزنده نصر بابنک مضاعفتدن ماضی مفرد مذکر غائبدر دوشردی
 و یقیدی معناسنه در ❖ منقضه پراکنده درر آنس کوردی ❖
 منقضه منقضه وزنده و مراد فیدر که پراکنده و طاعلمش نسنه
 دینور (آنس آمن وزنده ضرب و علم و حسن بابلرینک مفا علندن

ماضی مفرد مذکر در کور دی و بیلدی معناسنه در یقال آنس الشی *
 اذا ابصره وعلمه ❀ غریب قتی قاره وفاق قتی صارو ❀ غریب کسر
 تینله پک سیاه نسنه یه وصف اولور و برنوع اوزم اسمیدر که سیاه
 اولور انواعنک اعلاسی والطفیدر وصفانی سیاهله خضاب ایدن
 پیرآدمه دینور (فاقع صاحب وزنده پک صاری یاخود قرمزی به
 مبالغه وصف اولور علی قول خالص وصفانی اولان رنگه وصف
 اولور کرک صاری و بیاض و کرک سائری اولسون ❀ احوی
 قره ادهم کی اسود قرار دی ❀ احوی احری وزنده یشله مائل
 سیاهه صفت اولور یاخود قراعتی قرمزی اولق معناسنه در
 و سیاه نسنه یه دینور (ادهم احر وزنده صفتدر قاره نسنه یه دینور
 یاغز آته ادهم اطلاق بوندندر) اسودا حر وزنده افعال باندن
 ماضی مفرد مذکر غائبدر قرار دی معناسنه ❀ مسکوب اقدلمش
 صوو و صر کوم بغلمش ❀ مسکوب صر کوب وزنده نصر باندن
 اسم مفعولدر اقدلمش و د کلمش صویه دینور و منه قوله تعالی
 * و ماء مسکوب * (صر کوم مسکوب وزنده ضرب باندن اسم مفعولدر
 بر یکوب بری بری اوزره بغلمش نسنه یه دینور ❀ محظور قورنمش
 کیدر حده سنور دی ❀ محظور بمنوع وزنده و مراد فیدر که
 ترکیده قورنمش تعبیر اولنور (حد خط وزنده ایکی نسنه یدنده حاجز
 و حائل اولان شیئه دینور که احدهما آخره مختلط و متعدی اولغه
 مانع اولور ترکیده سنور تعبیر اولنور مثلاً و سیه کفره سی و دولت
 علیه عثمانیه نک یدنلر نده وثقه تعیین و بیان اولنسان الکه رده
 اولان حدودلر کی ❀ فحشاء کم ایش فاحشه بد فعل اوز نادر ❀
 (فحشاء صحراء وزنده هر یر امر و مستقبح ایشه دینور اقولاً و فعلاً
 (فاحشه صاحب وزنده بغایت قبیح و متکبر اولان کناهه دینور
 وزنایه دینور و مطلقاً حق جل و علا حاضر تله بنک نهی ایلدی کی
 شیئه دینور ❀ الان هنوز حصص بر اش دی بلور دی ❀ الان
 لام تعریفله الحال وزنده ایچنده حاضر اولدیغک وقتک اسمیدر

ظرف غیر متمکن در معرفه واقع اولش در و بو کالف و لام تعریف
 ایچون داخل اولدی زیراموضعی اولان وقت حاضر ده مشارکی
 یوقدر که تعیینی موجب اوله پس النجم والذی کی اولور و عند البعض
 لام تعریف عهد حضوری ایچوندر الان دیمک شمدیکی وقتده دیمکدر
 (حصص زلز و زتنده دخرج بانه ملحق اولان وسوس باندن
 ماضی مفرد مذکر غائبدر یرلشدی و ظاهر و عیان اولدی معنا سنه
 ❖ مفعول مفاعیل مفاعیل فعلان ❖ محذوف هزج اخرب
 و مکفوف بودردی ❖ الفاضلی و معنای معلومدر ❖ ایضا ❖
 معلوم ❖ طاحونه دکر من دخی تنوره فروزدی ❖ طاحونه قاروره
 وزتنده صود کر منه دینور فارسیده آسیاب مراد فیدرجعی طواحن
 کلور (تنور تانک قحی ونون مشدده نک ضمیمه اتمک بشوره جک
 اوجاغه و فرونه دینور کانون الخبز معناسنه در و تنور لفظی سزایی
 قدس سره حضرتلری ایساتنده ایراد ایلمکله بومحله تبرکاتحریر اولسی
 روا و لایق کورلدی (تنور دله اودیا قوب آه شررمدن ❖ براوز که کباب
 ما حاضر ایتم جکر مدن) وقا موس شارحی دیر که مصباح
 بیانه کوره اسبوتنور کله سی العجمی اولوب عرب دخی موافقت ایلمشدر
 و ابو حاتم عربی صحیح دکلکدر دیدی جعی تنانیر
 کلور و قرطبی دیدیکه تنور اسم العجمی در عرب تعریب ایلدیلر
 زیرا اصل بناسی تنور در کلام عربده ایسه قبل الراء نونی مشتمل
 کله یوقدر و مزهرده فارسیدن مأخوذ اولقی اوزره مر سومدر انتهی
 اخترنک بیانه کوره تنورک اصلی نووردر نقل و قلب ایله تنور
 اولشدر ❖ طحن اونه قامیله کناسه سپورندی ❖ طحن طانک
 کسری و حانک سکو نیله اونه دینور دقیق معناسنه (قیام قافک
 ضمیمه سپورندی معناسنه اولان قیامه نک جمیدر) کناسه قیامه
 وزتنده و مراد فیدر ❖ فاکه متعم آکل وفا کهه میوه ❖ فاکه فاره
 وزتنده علم باندن اسم فاعلدر دائما نعمت یجی آدمه دینور (فا کهه
 صاحبه وزتنده یمشه دینور ثمر معناسنه فارسیده بار دیرلر ❖ سامد

متکبر کشی خرطومہ بون دی ❁ سامد ماجد وزندہ نصر باندن
صفتدر متکبر اولان آدمہ دینور (خرطوم ضمتیلہ بروہ دینور علی
قول برونک اوکنہ دینور کہ اوج طرفیدر قاموس شارحی دیر کہ
خرطوم فبلاک انفہ موضوعدر بعدہ علی الاطلاق استعمال اولاندی
❁ ہم شبروقارش باعہ قولاج مرفقہ درسک ❁ شبرشینک کسری
وبانک سکونیلہ باش پارمغک اوچندن سرچہ پارمغک اوچنہ وارنجہ
مقدارہ دینور آچوب کرد کہہ حاصل اولور ترکیبہ قارش وفارسیدہ
بدست دیرلر وبومذ کردر جمعی اشبار کلور (باع قولاج تعبیر
اولانان مقدارہ دینور جمعی ابواع کلور فارسیدہ باز دیرلر (مرفق
منبر ومجلس وزندہ دیرسکہ دینور اسمدر جمعی مرافق کلور
فارسیدہ آرین دیرلر ❁ هم رسغہ بیلاک سرہ کوبک بطنہ قرین دی ❁
رسغ رانک ضمی وسینک سکونیلہ وضمتیلہ دہ لغندر بیلاکہ دینور
جمعی ارساغ کلور (سرہ سینک ضمی ورانک تشدیدیلہ بوندہ
کوبک تعبیر اولانان موضعه دینور فارسیدہ ناف دیرلر جمعی سرات
کلور (بطن بانک فتحی وطانک سکونیلہ قارنہ دینور فارسیدہ شکم
دیرلر وبومذ کردر جمعی ابطن و بطون و بطنان کلور بانک ضیلہ
❁ امنیہ دی مقصودہ وامنیہ قراءت ❁ امنیہ ہمزہ نک ضمی
ومیمک سکونی ونونک کسری وبانک تشدیدیلہ اومولان وغمی اولانان
ارزو ومقصودہ دینور (امنیہ وزن مزبور اوزرہ قراءت معناسندہ در
❁ ہم بارحہ دون کیچہ یہ وامس یہ دون دی ❁ بارحہ فارحہ
وزندہ اسمدر دون کیچہ یہ دینور فارسیدہ دوش دیرلر اوتہ کی
کیچہ یہ بارحہ اولی دینور فارسیدہ پرندوش دیرلر (امس ہمزہ نک
فتحی ومیمک سکونی وسینک حرکات ثلاثہ سیلہ مبنی اولہ رق ظروف
زمانہ دندر دونکی کون دیمکدر فارسیدہ دیروز دیرلر واشبوامس
کلمہ سی معرفہ اولہ رق مبنی ومعرب اولور حرف تعریف داخل
اولسہ معرب اولور وبعض عربدن شاذ اولہ رق تنویلہ امس
عنوانندہ دخی مسوع اولدی اصواتہ مشابہ اولدیغیچون غاق کی

جعی آمس کلور همزه نك مديله واموس و آماس کلور ❀ غساق
 جهنده اقان قان وایر کدر ❀ غساق شداد وزننده مفردانده
 راغب مایقطر من جلو د اهل النار عبارتيله بیان ایلشدر که جهنده
 اهل نارك جلد ودر یسندن ثقطر ایدن قان وایرک اوله جقددر
 و بیضاویده مایفسق ای یسبل من صدیده هم وقیل الزمهر بر عبارتيله
 تفسیر ایلشدر که اهل نارك صدیدندن سیلان ایدن دم وایر کدر
 علی قول شدت برد معنا سنه دیمک اولور پس غسق لفظنی
 جریان معنا سنه محل ایلشدر و بوالقی غساق لفظنی لغت
 ترکیده صغوق و قوقش صویه اطلاق اولمغله معرب عد ایلشدر
 و صاحب قاموس بارد المنتن عنوانيله تفسیر ایلشدر که بارد ومنتن
 و بدر ایچه ایچه جکه دینور بوراده باردندن مراد غایه الغایه بارد
 اولاندر که ایچلمز می تبه سنده اوله قال شارحه ومنه قوله تعالی
 * لا یندوقون فیها باردا ولا شرابا الا حمیما و غساقا * ای باردمنتنا
 انتهى و قاموس سده الماء فیدی مسقوطدر زیرا اساسده و سائرده
 الماء البارد المنتن عبارتيله می سومدر و اساسده اهل نارك جلو دندن
 جریان ایدن ماء اسود ایله مفسردر پس وجه تسمیه سواد اولور
 هر حالده حیم مقابله سیه صاحب قاموسک تفسیری ار جدر و ناظمک
 تفسیری راغبک بیانیه مینیدر و قری بالتخفیف والتثقیل ❀ غسلین
 اکا بکزر دخی غسلینه دی یوندی ❀ غسلین کسر تینله اهل
 جهنمک محترق اولور کن در یلرندن سیلان ایدن چرکابه دینور که
 یقاندی منزلنده در قال الله تعالی * و طعام الامن غسلین *
 وهو ما یسبل من جلو د اهل النار و غسلین لفظنده اولان یاونون
 زائددر مبالغه بی متضمندر (غسلین وزن مذکور اوزره یقاس نمش
 اثوابه دینور ثوب مغسول معنا سنه

❀ البحر الطویل ❀

یعنی بوقطعه بحر طویل سالم مثنی الاجزادندر که هر بیتى ایکی کره
 فعولان مفاعیلان فعولان مفاعیلان در ❀ سیاحت صوده یوزمک

دخی غوص طالمقدر ❦ سیاحت درایت وز زنده قحچ بایندن مصدر در
صوده یوزمک معناسنه در (غوص غینک قحچی وواوک سکو نیله نصره
بایندن مصدر در صوبه طالمق و برنسنه نک غور و حقیقته مطلع اولوب
بیلک معناسنه در ❦ تبؤ یراید نک دخی سرخ صالمقدر ❦
تبؤ تبول وزنده نصر بایک اجوفندن و مهموز اللامک تفعلدن
مصدر در یورده وقوناغه قنوب یراشمک معناسنه در (سرخ برق
وزنده قحچ بایندن مصدر در مواشی بی اوتلا تمق ایچون مرعایه
صالیورمک معناسنه در ❦ اسامت اوتارمق هم اسامت بمان ایتک ❦
اسامت اقامت وزنده دوه لری کندی باشنه اوتارمق معناسنه در
۷) اسامت اقامت وزنده افعالدنکه ثلاثی سوعدر یعنی اجوف
واویدن مهموز اللامدن مصدر در برنسنه بی کوتو وفاسد ایلک
معناسنه در و بر کیمسه یه کلام و کوتولک ایلک معناسنه در کاور
❦ اثارت قوپارمق غصب ظلم ایله المقدر ❦ اثارت اقامت وزنده
نصر بایک اجوف واویسنک افعالدن مصدر در توزتمق وتوز
قوپارمق معناسنه در معلوم اوله که اجوفدن افعالك واستفعالك
مصدر لری افعال واستفعال وزنی اوزره کلیوب عین الفعلی اعلال ایله
حذف اولوب افاله واستفاله وزنی اوزره کاور یعنی محذوفدن
عوض آخرینه برتاکاور اثاره واسائه واجابة واسامة کی (غصب
غینک قحچی وصاد مهمله نک سکو نیله ضرب بایندن مصدر در
برنسنه بی بر کیمسه دن من غیر حق زور و ظلم ایله آلمق معناسنه در و بر کیمسه
اوزره برنسنه ضمننده قهر و غایبه ایلک معناسنه در که اول کیمسه یه
مقهورا و مجبورا اول نسنه بی ایشلمکدن عبارتدر ❦ محاور جواب
ایدن مسافح زنا ایدن ❦ محاور مجاور وزنده نصر بایک اجوفنک
مفاعلدن اسم فاعلدر سائل ایله جوابلشیجی آدمه دینور (مسافح
معاند وزنده باب مذکور دن اسم فاعلدر زانیه ایله زنا ایدیشجی
بدخواهش و بد فعل آدمه دینور اللهم احفظنا عن ذلك الفعل
❦ قساوت قتی اولق دخی ضر بوکالمقدر ❦ قساوت عداوت

۷ سام یسو مدر
یعنی نصر بایک
اجوف واویسنک
افعالندن
مصدر در

وزننده بر نسنه طاش کبی پک وقتی اولوق معناسنه در (ضر ضارک
 ضمی ورائک تشدید یله سوء حال و فقر و فاقه به دینور که ترکیده
 فقر اقدن بو کالدم تعبیر ایدرلر ❦ رفت لغو و فحشیات جفا ضایع
 و باطل ❦ رفت فحشینه نصر و علم و حسن بابلرندن مصدر در
 جماع ایلمک معناسنه در و فحش کلام سویلمک معناسنه ده کلور
 و خاتونلره جماعه متعلق سوز سویلمک عالی قول یوز لرینه قارشو
 فحشیاته متعلق سوز سویلمک معناسنه در و منه قوله تعالی * فلا رفت
 و لا فسوق و لا جدال فی الحجج * (لغو لامک فحی و غینک سهکونیه
 کلام باطل و معتد به اولیان هرزه و بیهو ده نسنه به دینور افعال
 واقوالدن اعمدر و منه قوله تعالی * لایؤاخذکم الله باللغو فی ایمانکم *
 الا یة (جفا وفا وزننده بر کیمسه یار نسنه برنده طور میوب بر طرفه
 آیرلق معناسنه در ضایع اولدی تعبیر اولنور ❦ فنا بوق اولوب
 کتمک بقاوار قالمق در ❦ فنا فانک فحی و الفک مدیده علم و فتح
 بابلرندن مصدر در بوق اولوب و زائل اولوب کتمک معناسنه در
 (بقا فنا وزننده و مقابلیدر که بر نسنه نک زمان وجودی حالت اولی
 اوزره متمد و مستمر اولوق معناسنه در که علم و ضرب بابلرندن مصدر در
 اکتفاء بالمد همزه نری حذف اولمشدر ❦ فعولن مفاعیل بو بحر
 طویل اولدی * ایچنده جوهر وار هنرانده طالمق در ❦ ایضا ❦
 معلوم ❦ شماتت عدو کولک شماتت اوصاف مقدر ❦ شماتت عداوت
 وزننده علم بابلندن مصدر در دشمنک کدر و مصیبتیه خرم و مسرور
 اولوق معناسنه در (شماتت کرامت وزننده باب مذکور دن مصدر در
 بر نسنه دن بیقوب اوصاف معناسنه در که بزمک و بزار اولوق
 تعبیر اولنور ❦ تبلیج ضیالمنق تبرج طونا مقدر ❦ تبلیج ضرب باینک
 تفعیلندن مصدر در صباح یری اغاروب ضیالو و روشن اولوق معناسنه در
 (تبرج علم باینک تفعیلندن مصدر در خاتون ککند یسنی تزین
 ایلد کد نصرکه طشره چبقوب اندام و ارایشنی رجاله اظهار ایلمک
 معناسنه در ❦ تحری طلب ایتمک مرح کندوزینی کورمک ❦

تحریر تفعّل بایندن مصدر در لایق و صواب اولان نسنه بی طلب
ایلمک معناسنه در و بر نسنه به صمیمی قصد و عزم ایلمک معناسنه ده
کلور و بر مکنده تمکن ایلمک معناسنه در (مرح فرح وزننده علم
بایندن مصدر در کندوزین کوروب عجب ایلمک معناسنه در و کبر
و ادا ایلمک معناسنه ده کلور * تهجد او یانقلق تنبه او یانقدر *
تهجد نصر بایلمک تفعّل ن مصدر در او یانفاق معناسنه در
و او یومق معناسنه اولمغله ضد اولور (تنبه علم بایلمک تفعّل ن
صدر در او یانلق معناسنه در * مبذر ندر مسرف مقسرف
کاسب * مبذر مفرح وزننده تفعّل ن اسم فاعل در مالی هرزه
و بیهوده یره اسراف ایدیحی آمده دینور مسرف دخی عربی در
شهرتنه بناء تفسیر قلندی (مقترف مقندر وزننده افتعالدن اسم فاعل در
امک چکوب کسب کار ایدیحی آمده دینور کاسب دخی عربی در
شهرتنه بناء تفسیر قلندی * مطفف صتان اکسک تطاول
اوزانقدر * مطفف تطفیفدن اسم فاعل در اکسک کیله یا خود
اکسک وزنله نسنه صاتیجی آمده دینور بناسی سلب ایچوندر (تطاول
تفاعل بایندن مصدر در ابراق نسنه به اوزانوب باقق معناسنه در
* سریر واریکه تخت اراک سرر تختلر * سریرا میر وزننده
تخت تعبیر اوانان نشیمنه دینور که معروفدر فارسیده اورنک دیرلر
تخت ملوکده غایب اولمشدر جالس اولان اهل جاه و رفعت مسرور
اولدیخی ملاحظه سیله اطلاق اولمشدر و ملک و سلطنت و رفاه
و وسعت معنارینه کلور لزوم علاقه سیله (اریکه سفینه وزننده
سریر و تخت معناسنه در) اراک سرار وزننده اریکه نک جمعیدر
اریک دخی کلور و بو اقامت معناسندن مأخوذ در (سرر ضمتینله
سربرک جمعیدر اسره دخی کلور * سرادق سرار پرده توکو
طیانقدر * سرادق سینک ضمی و رانک قنیهله قیویه اصدقاری
پرده و سایبان که صحن بیتک یوقاری طرفنده آرقوری چکیاور
جمع سرادقات کلور فارسیده سرار پرده دیرلر و سرادقه سرار پرده

معر بیدر که اوتاغ شاهی به وچادر توزاغنه ووراسنده حرم اقامت
ایلمک ایچون خیمه ایچروچکیلان پرده به وچادر اطرافنه چکیلان
سوقاغه اطلاق اولنور (تو کو تفعیل بابندن مصدر در برنسنه به
سویک نوب طیانق معناسنده در ❖ نجی وخی سرداش دیمکدر سمی
آداس ❖ نجی نونک قحی وچیمک کسری ویانک تشدید بله فعیل
وزنی اوزره صفت مشبهه در افسلادی به دینور وبر آدوله فسلادی
ایدنه دینور که سرداش وهر از اوله جقدر جمعی انجیه کلور
(خی نجی وزنده خفاً دن صفت مشبهه در کیرلی ونهان شیئه
دینور) سمی نجی وزنده هنام معناسنده در که آداس تعبیر اولنور
ومانند ونظیره اطلاق اولنور ❖ قدیم وعتیق اسکی تفتت اوفانمقدر ❖
(قدیم سلیم وزنده وصف در زمان جهتله اسکی وچوقد نیکی
نسنه به دینور فارسیده دیرین دیرل حادث مقابلیدر جمعی قدما کلور
(عتیق قدیم وزنده بمعناه ویت عتیق کعبه معظمه به اطلاق اولنور
شرفها الله تعالی روی زمینده ال اول وضع و طرح اولنان بیت
اولد یغنه مبنیدر و عندالبعض طوفانده آسمانه رفع اولنغله قیدغر قدن
عتیق و آزاد اولد یغی وجه تسمیه در و آزاد لوو آزاد اولمش قوله
دینور که فعل بمعنی مفعول اولور جمعی عتقاء کلور قدما وزنده
تفتت تفعیل بابندن مصدر در پاره لنق و اوفانق معناسنده در ❖ حیت
نه عارایتک تصدی یوزین دونک ❖ حیت سحیت وزنده علم بابندن
مصدر در غیبت ونامو سدن ناشی برنسنه دن عار واستنکاف ایلمک
معناسنده در (تصدی تحری وزنده تفعیل بابندن مصدر در تعرض
معناسنده در که ترکیده یوز چویر مک ایله معبردر ❖ تبسم براز کولمک
خجالت اوتانمقدر ❖ تبسم تفعیل بابندن مصدر در آهسته ونازکانه
بلاصوت دیشلرین کوستره کوستره میله کولمک زیرا کولمک اوج
مرتبه در اول مرتبه سنه تبسم دیرل ایکنجی ضحکدر کولد یکنک
صوتنی کنیدی اشیدر یاتنده کی ایشتر اوچنجی قهقهه در کنیدیه یاتنده
کیدیه اشیدر (خجالت قرابت وزنده علم بابندن مصدر در اوتانق

معناسنه در ❖ هبوط و نزول اینک صعود و عروج اغمق ❖
 (هبوط قعود و زننده ضرب و نصر بابلرندن مصدر در اشاغی به
 اینک معناسنه در (نزول هبوط و زننده ضرب بابلندن مصدر در
 اینک معناسنه در و موضوع له بود و قوغمق معناسنه در که لزوم
 علاقه سهیله مجاز در (صعود قعود و زننده علم بابلندن مصدر در
 زرباندن طام مقوله سی بو کسکه چیمق معناسنه در (عروج صعود
 و زننده نصر بابلندن مصدر در یوقاری چیمق معناسنه در ❖ و قود
 و حسب طورتق توقد یا تقدر ❖ و قود صبور و زننده آتش یقا جق
 اودونه و سائر چور چو به دینور که طورتق تعبیر اوانور فارسیده آتش
 افروز دیرل (حسب قحینهله اودونه دینور حسب معناسنه و آتش
 طوتشوب یا تمق ایچون آتسه القا اوانان نسنه به دینور طورتق تعبیر
 اوانور اودون اولسون و سائر نسنه اولسون (توقد تفهـل بابلندن
 مصدر در آتش طوتشوب یا تمق معناسنه در

❖ البحر المضارع ❖

یعنی بوقطعه بحر مضارع مثنی الاجزادندر که هر یکنی ایکی کره
 مفاعیلن فاعلاتن مفاعیلن فاعلاتن در لیکن صدر و ابتداسنه و جزء
 ثالثه خرب علای عارض اولمله مجموع اجزا مفعول فاعلاتن مفعول
 فاعلاتن باقی قالیدی ایکی کره خرب آنفا شرح و بیان اولندی
 ❖ مختار اورند لشم مضمار و عرصه میدان ❖ مختار ممتاز و زننده
 ضرب باینک اجوفنک افتعاندن اسم مفعول در اورند لشم مصطفی
 معناسنه (مضمار محراب و زننده قوشو میدانه و آت او ینا یجق میدانه
 دینور جمعی مضامیر کلور (عرصه تیره و زننده اولر اراسنده اغاجدن
 و بنادن خالی واسع آجوق میدانه دینور جمعی عراض کلور جبال
 و زننده و عرصات کلور ❖ محبوس حبس اولشم سجن حصیر زندان ❖
 محبوس ضرب بابلندن اسم مفعول در منع اولشمکه ترکیده آلیقونلش
 تعبیر اوانور (سجن سینک کسری و جیمک سهکونیهله زندانه دینور
 (حصیر امیر و زننده کذلک زندانه دینور و بونده معنای کثیره واردر

❖ ربح اصی عسجد التون یحوم قاه توتن ❖ ربح رانک کسری
و بانک سکونیه اسمر فائده به دینور ترکیده اصی فارسیده سود دیرلر
و مصدر اولور تجارتده فائده ایتکه دیرلر (عسجد جعفر وزنده
التونه دینور ذهب کبی و بالجملة جوهر قسمه اطلاق اولور
اسم جنس در انجو و یاقوت و سارلری کبی (یحوم یعقوب وزنده
تتونه دینور دخان معناسنه و سیاه نسنه به دینور ❖ طرس بیاض
کاغده ترس و کنیف قلقان ❖ طرس طانک کسری و رانک سکونیه
بیاض کاغده دینور و یازویزاجی صحیفه به دینور علی قول یازوسی
سیلنوب صکره یازیلان صحیفه به دینور جمعی اطراس و طروس کلور
حل احوال و حول کبی (ترس تانک ضمی و رانک سکونیه معلومدر که
قلقانه دینور جمعی اتراس کلور (کنیف امیر وزنده قلقانه اطلاق
اولور ❖ مصباح دی چراغه مشکاة انک یریدر ❖ مصباح مفتاح
وزنده چراغه دینور که آلت تنویر و ضیادر جمعی مصابیح کلور
(مشکاة مصباح وزنده ایچنه چراغ وضع ایلک ایچون دیوارده
اولان دیسز باجده به و حجره به دینور ❖ ثجاج آب جاری و هاج
شمع سوزان ❖ ثجاج و هاج وزنده ضرب بایک مضاعفندن
مبالغه ایله اسم فاعلدر مبالغه ایله آجفی صویه دینور عربیده
ماء جاری و فارسیده آب روان دیرلر (وهاج ثجاج وزنده باب مذکورک
مثالندن مبالغه ایله اسم فاعلدر مبالغه ایله ضیا و یریحی و پارلیجی مومه
دینور شمع سوزان معنا سنه ناظم مر حوم * و جعلنا سراجا و هاجا
و انزلنا من المعصرات ماء ثجاجا * آیت کریمه سنه تلمیح و اشارت
ایلدی ❖ الواح تخته لردر صفوان یوزی دوز طاش ❖ الواح افعال
وزنده لوحک جمع قلتیدر یصی صحیفه به دینور کرک تخته و کرکک
اولسون و جمع الجمع الاویح کلور و مطلقا اوزرینه یازویزیلان بعضی
نسنه به دینور (صفوانه سکرانه وزنده یوزی دوزابری یالم طاشه
دینور جمعی صفوان کلور هاسن ❖ آجام میشه لردر غیضه غابه
اورمان ❖ آجام همزه نک مدله آرام وزنده اجه نک جمید میشه لردر

معناسنه (غبض غينك فتحى ويانك سكونيله صوتاغى برده
اولان بوك تعبير ايتدكلى ميشه به وقرولغه دينور واحدى غبضه در
هاليله (غابه طابه وزنده بوك تعبير اولسان صقى اور مانه دينور
جعى غاب كلور ❁ ختارالسا بجى نمام قوغيجى ❁ ختار غدار وزنده
ضرب بابندن مبالغه ايله اسم فاعلدر مبالغه ايله الدايجى آدمه دينور
(نمام ختار وزنده ضرب ونصر بابلرينك مضاعفندن مبالغه ايله
اسم فاعلدر قوغيجى به دينور ❁ ابن السبيل يولجى تيه اسميدر بيابان ❁
ابن السبيل ابن طريق ديكدر كه يولجيه دينور (تيه فيه وزنده بيابانه
دينور جعى اتياه وجمع الجمعى اتاويه كلور و يول از مغه
دينور ❁ واصب هميشه واجب سرمد طويل دائم ❁ واصب
واجب وزنده ضرب بابنك مثالندن اسم فاعلدر واجب ودائم
معناسنه در قال الله تعالى * ولهم عذاب واصب * ومنه قوله تعالى
* وله الدين واصبا * واجب واصب وزنده ضرب بابنك مثالندن
اسم فاعلدر ثابت ودائم جهتيله لازم اولان شيئه دينور (سرمد
جعفر وزنده دائم وجاويد معناسنه در واوزن كيجه به اطلاق اولور
(طويل فعيل وزنده اوزن معناسنه در مطلقدر كرك عرك اوزونده
وكرك سائر نسنه ده اولسون اول جهتيله ناظم مر حوم دائم معناسنه
ذكر ايلدى كان اوزونلغى دائم مزنده در (دائم قائم وزنده ثابت
معناسنه فارسيد هميشه ديرلر بونده جهلنك تفسيريدر ❁ مدعن
مطيع ومنقاد مشوى وحنيد پريان ❁ مدعن مكرم وزنده اذعاندر
اسم فاعلدر مطيع ومنقاد اولان نسنه به دينور (مشوى معنى وزنده
واصلده واعلالده معنى كيدر پريانه دينور وفيه نظر دينور (حنيد
خير وزنده پريانه دينور ❁ مسجور طولدور لمشدر دردور وورطه
كرداب ❁ مسجور منصور وزنده نصر بابندن اسم مفعولدر
طولدر لمش معناسنه در وشول درياه دينور كه صويي كنيدن
اكثراوله يعنى طا شقين اوله و بومعناى مذكور دن مأخوذ در يقال
بحر مسجور اذا كان ماؤه اكثر منه (دردور ضمتيله در يانك اورطه سنده

صوبی جوش و غلیان اوزره اولان یره دینور که فار سیده و ترکیده
کرداب و کوچکنه قینال تعبیر اولنور چورندیزی اولمغله اورایه دوشن کی
خلاص اولمز (ورطه شرطه و زننده مطلقا خلاص و نجاته بولسی صعب
و دشوار و کوچ اولان شیئه اطلاق اولنور اولوجه له ناظم مر حوم
کرداب ایله تفسیر ایلدی مهلمکه اولدیغیچون یاخود مجاز لغویه وارد
❁ مهجور یاوه باطل جهور در بزرگان ❁ مهجور متروک و زننده
نصر یابندن اسم مفعولدر هذیان و یاوه و باطل اولان کلام قال الله
تعالی * ان قوم اتخذوا هذا القرآن مهجورا * ای قالوا فیه غیر الحق
کذافی الصحاح (جهور عصفور و زننده انساندن کروه عظیمه
دینور جل الناس کی جمعی جاهل کلور و هر شیئک معظمه
دینور فارسیده بزرگان دیرل ❁ انظار مهمل و یرمک تسریح
صالیو یرمک ❁ انظار امهال و زننده و مراد فیدر که بر شیئه تأخیر
و مهلت و یرمک معناسنده در که افعال دن مصدر در (تسریح تفریح
و زننده فتح بابنک تفعیلندن مصدر در طواری او تلق ایچون
مرعایه صالیو یرمک و زوجه یه طلاق و یرمک و تسهیل ایلک
معنارینه در ❁ ایثاق بنده چنمک میثاق و عهد پیمان ❁ ایثاق ضرب
بابنک مثالنک افعالندن مصدر در وثاق ایله یاخود وثاق ایچره محکم
بغلغ معناسنده در (میثاق مفتاح و زننده عهد و پیمان دینور اصلی
موثاق ایدی جمعی موثیق و میثیق و میثاق کلور و میثاق فی الاصل
مصدر در بعده مبالغه لو عهد و پیمانده مستعمل اولدی ❁ سبت و سبات
راحت ارث و ثراث میراث ❁ سبت سینک قحی و بانک سکونیه له
(سبات سینک ضمی و بانک قحیه له سکون و راحت و آرام معناسنده در
و منه قوله تعالی * وجعلنا نومکم سباتا * و قطع معناسنده کلور (ارث
همزه نک کسری و رانک سکونیه له اسمدر میراثه دینور و قاموسک
بیانته کوره حسب یابندن و صحاحک بیانته کوره ضرب یابندن
مصدر در که وفات ایدن کیمسه نک مال متروکنه وارث اولوب آلیق
معناسنده در اصلی ورث در همزه واودن مقابدر (راث تانک ضمیله

اسمدر میراث و مال دینور و مصدر اولور ارث کی اصلی وراثدر
 و اوتایه قلب اولندی و جاه و نجاه کی ❖ علم و شعور بیلک هم عرف
 وجود احسان ❖ علم عینک کسری و لامک سکونیه در دنجی بادن
 مصدر در بیلک معناسنه در که اوائلده تفصیل اولندی (شعور
 ضمتیه نصر و علم و حسن بابلندن مصدر در برنسنه پی خوشبجه
 فهم ایدوب زکا و ذهن و فطانتله مزایا و دقیقه سنه و اروب ایوجه
 ادراک ایلک معناسنه در که علمدن اخص اولور بوندن طیانق ایله
 تعبیر اولور (عرف عینک ضمی و رانک سکونیه احسان وجود و سخا
 معناسنه در و بذل و اعطا اولان شینک اسمدر که ویرکی و عطیه
 تعبیر اولور (جود خود و زنده احسان و سخا و عرف کی جوهر دلک
 معناسنه در فارسیده جواهر دی دیرلر ❖ لایبخی نشاید لایبخی نجوید ❖
 (لایبخی ناقص یائینک افعالندن فعل مضارع مفرد مذکر غائبدر لایق
 اولر معناسنه در فارسیده نشاید دیرلر بونده تفسیردر وینبخی کله سنک
 ماضیسنک استعمالی مهجوردر (لایبخی ضرب یاینک ناقص یائینک
 افتعالندن مضارع مفرد مذکر غائبدر طلب ایلر معناسنه در فارسیده
 نجوید دیرلر بونده تفسیردر ❖ یعدو ایدر تجاوز یدو اولور نمایان ❖
 یعدو یغزو و زنده نصر یاینک ناقصندن مضارع مفرد مذکر غائبدر
 حددن تجاوز ایدر و باشند چیقار معناسنه در (یدو یغزو و زنده
 نصر یاینک ناقص و او یسندن مضارع مفرد مذکر غائبدر ظاهر و نمایان
 اولور معناسنه در ❖ هم و هولاء انلریستون قصد ایدرلر ❖ هولاء
 هائنییه اولان همزه نك ضمی والفک مدیه برجه در که لفظندن
 مفردی یوقدر علی قول مفردی ذاده در انلر معناسنه فارسیده آنان
 مرادفیدر هائنییه داخل اولغله اشته انلر معناسنه اولور (یستون
 یغزون و زنده نصر یاینک ناقص و او یسندن مضارع جمع مذکر
 غائبدر قهر و هلاک ایلکه قصد ایدرلر معناسنه در فاعلی هولاءنک
 مشار الیهنه راجعدر اصلی یستون در اعلائی اربانه معلومدر
 ❖ حکمت نبوت اولدی هم عدل و علم قرآن ❖ حکمت نعمت و زنده

عدل و علم و حکم و نبوت و قرآن و انجیل و اطلاق او انور قاموس
مؤلفک بصائر ده بیانیه کوره منع عن الفساد و منع لقصد الاسلاح
معناسندن مأخوذ در علما تعریف متعدده ايله تعریف ایلدیلر
واکثری صفات الهیه دن اولان حکمتی معرفه الاشیاء و ایجادها
علی غایه الاحکام والاتقان عنوانیه و حکمت انسانیه بی معرفه
الموجودات و فعل الخیرات عبارتیه تعریف ایلدیلر و تنزیل مبینده
مذکور اولان حکمت وجه مذکوره اوزره عدل و علم و حکم و نبوت
و قرآن و انجیل معنالی نه وارد در طاعت باری و فقهه دین و عمل
بالدین و خشیت و فهم و ورع و تقوا و عقل و قول و فعله اصابت
و تفکر فی امر الله تعالی و اتیان امر الله معنالی نه ده مستعملدر انتهى
✽ اسرا کیجه ايله کتمک ادبار ارقه و یرمک ✽ اسرا اجرا و زننده
ضرب باینک ناقص یا ئیسک افعالندن مصدر در کیجه یوریمک و یوله
کتمک وقتی یوریمک معناسنه در که بومعنایه کوره متعدی اولور قوله
تعالی ✽ سبحان الذی اسری بعبده لیلًا ✽ ادبار اقرار و زننده افعال
بایندن مصدر در ارقه سن چو یروب دونمک معناسنه در وارد نه
کتمک و کیجه معناسنه در که دولت و اقبال مقابلیدر ✽ کف آیه کایه بو کرک
دیش سن و ضرس دندان ✽ کف کافک قحی و فاک تشدیدیه
ال آیه سنه دینور قاموسک بیانیه کوره بش پارمخی مشتمل اولان
آوجه دینور که پنجه تعبیر او انور صرتی دخی داخلدر صرتنه ظهر
و کف ایچنه باطن کف دینور انساندن اذابی منع و دفع ایلدیکیچون
اطلاق اولندی (کایه کافک ضمی و لامک سکونی و یانک قحیه
بو کر که دینور که اعضای باطنه دندر (سن سینک کسری و نونک
تشدیدیه دیشه دینور جمعی اسنان واسنه کلور (ضرس ضاضک
کسری و رانک سکونیه دیشه دینور سن معناسنه و بومذکر در
بعضاسن تأویلیه مؤنث اولور نیکیم بعضاسن ضرس تأویلیه
مذکر اولور جمعی ضروس و اضراس کلور فارسیده دندان دیرلر
بونده سه زبان طریقیه مذکور در ✽ مذموم ذم اولمش مارد

و مرید سرکش ❖ مذموم مدوح و زننده نصر بانك مضاعفتدن
اسم مفعولدر ذم اولنمش شیئه دینور که مدح اولنمشك مقابلیدر
(مارد نصر و حسن بابلرندن اسم فاعلدر) (مرید فعل و زننده یعنی
فاعلدر عناد و بدخوی اولان آدمه دینور فارسیده سرکش دیرلر
بونده تفهیمدر ❖ مجذوذ پاره لنمش غامر خراب ویران ❖ مجذوذ
ممود و زننده نصر بانك مضاعفتدن اسم مفعولدر پاره لنمش و کساش
و قرلش نسنه دینور (غامر عامر و زننده و مقابلیدر که خراب و ویران
اولان شیئه دینور ❖ عرش اولدی جسم اعظم اولدی محیط اجسام ❖
(عرش عینک قحی و رانک سکونیه حکما عندند فلیکیا تدن فلاك اعظم که
جسم اعظم تعبیر اولنور جمیع افلاك و اجسامی محیط و محتویدر و فلاك
ناسع دخی دیرلر و عرشی تحدید و تقدیر عقول بشریه دن خارجدر حقیقی
و مقداری علم الهیه منوطدر یا خود حقیقی بریا قوت احر در که نور
حضرت جباردن متلائی و تاباندر فارسیده کر زمان دیرلر ❖ عرش
سقف خانه هم عرش تحت سلطان ❖ عرش وزن مذکور اوزره خانه نك
وارك طواننه دینور سقف البيت معناسنه و عرشك فلاك اعظمه
دلالت ایلمسی بومعنادن مأخوذدر که جمله فلكك خصوصاً جنتك
سقفی منزله سنده در و سائر معانی اندن متفرعدر و عرش پادشاهك
تختنه اطلاق اولنور علو و رفعت مناسبتیه ❖ عرشك ایچنده کرسی
کرسی ایچنده کوکار ❖ کرسی عند الحکماء فلاك نامندر و او بیه
روایت اولنور که کرسی عرشك ایچنده بر حلقه کبیر و کرسی ایچنده
کوکار دخی حلقه کبیر ۷ ❖ کوکار ایچنده برلر چب چوره بحر
عمان * برلر طورر معلق مر کزده نقطه واری * طورر دوز
فلكك مانند چرخ کردان * مفعول فاعلاتن بحر مضارعی ییل *
* علم کال حکمت کسب ایله اوله نادان ❖ معلوم

❖ البحر الهزج المسدس المحذوف ❖

یعنی بوقطعه بحر هزج مسدس الاجزانددر که هر ییتی ایکی کره
مفاعیلان فاعولان در لیکن عروض و ضربی محذوفلر در حذف علی

۷ حقنده اثر دخی
وارد اولمشدر
ما السموات السبع
والارضون السبع
مع الكرسي
الا كحلقة في فلاة
وفضل العرش
على الكرسي
كفضل تلك الفلاة
على تلك الحلقة
الحديث منه

می را شرح اولندی ❖ علیم وعالم وعلام دانا ❖ علیم حلیم
 وزنده صفت مشبهه در (عالم کامل وزنده باب رابع دن اسم فاعل در
 علم ایله متصف اولان کیمسه به دیرلر فارسیده دانا دیرلر بونده تفسیر در
 جمعری علماء کلور شعراء کبی وعلام کلور جهال وزنده وعلیم
 اسماء حسنان دن وعالم صفات ثبوتیه دن اولور (علام جبار وزنده
 علم بایندن مبالغه ایله اسم فاعل در مبالغه ایله هر بر شئیء عالم اولان
 حق جل و علا حضرتلر ینک صفات الهیه سندن در تکیم علام
 الغیوب دینور و مخلوقه علامه دینور خالق له مخلوقک یننی فرق
 ایچون کان الناس اناس منزله در ❖ قدیر و مقتدر قادر توانا ❖
 قدیر بصیر وزنده نصر و ضرب و علم بابلر دن صفت در (مقتدر
 افتعال دن اسم فاعل در) قادر راسم وزنده اسم فاعل در کوجلو
 وقوتلو معناسنه در که فارسیده توانا دیرلر وقادر صفات ثبوتیه دن
 واسماء حسنان دخی اولور ❖ قنوط و خائب و مأیوس نومید در ❖
 (قنوط فعول وزنده نصر و ضرب بابلر دن صفت مشبهه در
 مأیوس و نومید اولان آدمه دینور) خائب کاسب وزنده ضرب باینک
 اچو فندن اسم فاعل در نومید و محروم و خسارت وزیانه اوغریه یان آدمه
 دینور (مأیوس علم بایندن اسم مفعول در امیدن کسمش و محروم آدمه
 لیکن مقامه انسب اولان فاعل معناسنه اولمقد در فارسیده نا امید
 دیرلر که نومید اندن معرب در ❖ نظیر و ند ضد و کفو همتا ❖
 (نظیر امیر وزنده مثل و مانند معناسنه در جمعی نظراء کلور کرماء
 وزنده) ند ضد وزنده نظیر معناسنه در جمعی انداد کلور (ضدند
 وزنده مثل و نظیر معناسنه در جمعی اضداد کلور و مخالف معناسنه
 اولمغله اضداد دن اولور) (کفو کافک قحی و کسری وفانک
 سیکونیه مهموز در مثل و مانند معناسنه در که بر نسنه به قدر
 و منزله مساوی اولان نسنه دن عبارت در فارسیده همتا دیرلر و ترکیده
 یکدش تعبیر اولور جمعی اکفاء کلور ❖ شویر کیم انده در اول طور
 طاغی ❖ بومصرای تفسیر در مفسری مصرع نایدر ❖ او یرک

آدیدر سینین وسینا ❖ سینین کسرتیلله (سیناسینک کسری و قحیله
والفک مدی وقصر یله طور طاغی اولان مو ضعه و صحرا یه دینور
تکیم بیضا و یده اشبو طور وسینین یعنی الجبل الذی نادی علیه
موسی ربه وسینین وسینا اسمان للموضع الذی فیه الجبل ❖ طوی
بروایدی قریبده شامک ❖ طوی طانک ضمی و کسری والفک مدیله
شام اولکا سنده بروادی و دره نک اسمیدر قوله تعالی * انک بالواد
المقدس طوی * آیت کریمه سی انکله مفسردر و بومنصرف
و غیر منصرف اولور انصرافی وادی اعتبار یله وعدم انصرافی
بقعه اعتبار یله در یاخود طوی لفظندن معدولدر ❖ کیم انده کوردی
نار و نوری موسی ❖ بو مصراع مصراع اولک تفسیرنددر که
قصه سی کتب تفاسیرده مسطوردر ❖ ارم شام اسمی یا اسکندریه *
یاخود فارسده بریدر مسما ❖ ارم عنب وزنده ارم ذات العباد که
قرآن کریمده وارد اولمشدر مراد دمشق شام یاخود اسکندریه
شهر یدر وارم فارس اولکا سنده بر موضعدر ❖ جناب اوچوره سی
صحن اورته سیدر ❖ جناب سحاب وزنده او اطرافی وچوره سی
فناء دار معناسنه جمعی اجنبه کلور (صحن صادق فحی و حانک
سکونیه خانه نک اورته سنه دینور ❖ زل قوناق ایچون حاضر مهیا ❖
زل ضمتیلله مهمان و مسافر ایچون احضار و مهیا اولنان طعامه دینور
وقوناق یرینه دینور جمعی ازال کلور ❖ صیاصی قلعه لر منهاج
آحق بول ❖ صیاصی معاصی وزنده حصار و قلعه و بلانقه معناسنه
اولان صیصه نک جمیدر (منهاج محراب وزنده آحق و بلایوبوله دینور
طریق واضح معناسنه ❖ مراغم کیده جک یر قیعه صحرا ❖ مراغم
میک ضمیمه مفاعله بایندن اسم مکاندر کیده جک و قه حق یره دینور
و حصن و حصاره اطلاق اولور (قیعه قافک کسریله چوره سنده
طاغلر و تپه لر کور نمایان دوز و انکین صحرا یه دینور که فارسیده دشت
و ترکیداوه تعبیر و عند البعض قاعه نک جمیدر و بو واویدر ❖ لبدقات
قادر ایر کلش لبدچوق ❖ لبدلامک کسری و بانک قحیله فات قات

ایرکیش اولان قوم از دحام واجتماع معناسنه (لبدلاک ضعی و کسری
 و بانک فتحیه چوق کثیر معناسنه ❖ مشیدمر تفع بوجه معلا ❖
 مشید مؤید وزنده اجوف و او ینک تفعیلندن اسم مفعولدر مطول
 هوایه طوغری رفع و اعلا اولمش بنایه دینور واشبو * فی بروج
 مشیده * آیت کریمه نک تفسیرنده ای فی قصور و حصون مر تفعه
 و قرئ مشیده باسم الفاعل و صفت بها بوصف فاعلها کقولهم
 قصیده شاعره (مر تفع قح بانک افتعالندن اسم فاعلدر یوقاری
 قالدیر یلان بوجه شیئه دینور (معلا مزکی وزنده ناقص و او ینک
 تفعیلندن اسم مفعولدر بوجه و یوکسک و بلند اولمش نسنه یه دینور
 ❖ اوز اوردک حباری و کری طوی ❖ اوز همزه نک کسری و و اوک
 فحی و زانک تشدیدله اورد که دینور و بوجع جنسدر واحدی اوزه
 هایلله فارسیده مرغاب دیرل و بعضیلر قازایله تفسیر ایلشدر جعی
 اوزون (حباری حانک ضعی و الفک قصریه طوی دیدکری قوشه دینور
 مذکر و مؤنثه و مفرد و جمعه اطلاق اولنور و آخرنده اولان الف
 تأنیث ایچوندر جوهری تأنیث ایچون دکلدر دیدی تأنیث ایچون
 اولمز ایسه البتده متصرف اولور بوا یسه غیر منصرفدر لکن شهاب
 جوهر ینک مر ادنی بو کونا بیان ایلشدر که الفی تأنیث دکلدر دیمک تأنیثی
 حسی دکلدر زیر امدکره ده اطلاق اولنور شاه و حجامه نک تأنیثلری
 کبی اولور و چون مقرره دندر که هر الف که تأنیثیه اوله اکاها لاحق اولمز
 لکن حباری کلمه سنده حباراه مسوع اولغله الفی تأنیثیه اولمز انتهی
 جعی حباریات کلور (کری غزی وزنده طوی قوشینک ارککنه
 دینور چقان صید اولنسه (اطرق کرا اطررق کرا ان النعمه فی القری *
 بغاثکم فی ارضنا ما استنثری ما استنثری) و بو بر آدمه زم و خوش آدمه
 سوزل ایله منافع اراثت ایدرک اغفال ایله مقصود اولان غائله یه
 دوشورمک موقعنده ضرب مثل ایدرلر و تکبری ترک ایله محالنده دخی
 استعمال ایدرلر جعی کراوین و کراوان کلور ❖ سوز قوشلر درر
 سلوی سمانا ❖ سلوی بلوی وزنده سلوا کلمه سنک جمع جنسیدر

ترکیده یلوه دیدکری قوشدر که بلدرجنه شیه و پک یاغلی اولور
ایمش بلدرجین کی (سمانا جباری وزنده سمانا کله سنک جمع
جنسیدر علی قول مفرد وجهه اطلاق اولور سلوی کی ترکیده
یلوه قوشی دیدکری قوشدر که غایت یاغلی اولور اول سبیدن ناظم
مرحوم سمن قوشلر ایله تفسیر ایلشدر جمع صیغی سمانیات کلور
❁ جلا اواره اولمقدر وطندن ❁ جلا جیمک فتحی والفک مدبله
مصدردر برکیمسه وطنندن و خانمانندن اواره اولمق معناسنه در
❁ اسیرک جمعیدر اسیری اساری ❁ اسیری همزه نک فتحیه مرضی
وزنده (اساری سکاری وزنده اسیرک جمعیدر واساری کلور
همزه نک فتحیه واسراء امرء وزنده واسیری کلور قتلی وزنده

❁ البحر الرمل المشکول ❁

یعنی بوقطعه بحر رمل مثنی الاجزانددر که هر ییتی ایکی کره فاعلاتن
فاعلاتن فاعلاتن فاعلاتن در لیکن صدر وابتدا و جزء نالته شکل علی
کمشدر شکله خبن ایله کفک اجتماعندن حاصل اولان شیردر باقی
قلان فعلاتن فاعلاتن فاعلاتن در ❁ نسیم و بشردر انسان
نعم اشتر و قیوندر ❁ نسیم فتحیه انسانه دینور (بشر نسیم وزنده
افسانه دینور که حیوان ناطقدر مذکر و مؤنثی مفرد و جمعی مساویدر
و بعضا تثنیه قلنوب بشر بن دینور فرد اراده سیله و جعلنوب ابشار
دینور مفردی بشره در) (نعم فتحیه و بعضا عینک اسکانیه دویه
دینور فارسیده اشتر دیرلر بونده تفسیردر و قیون قسمته دینور جمعی
انعام کلور و جمع الجمعی اناعیم کلور راغبک بیانته کوره نعم دویه
مخصوصدر زبراعند العرب اعظم نعمتدر لیکن جمعی اولان انعام
دوه و قیون و صفر قسمته اطلاق اولور لیکن ایچلرنده دوه اولمقدجه
اطلاق اولماز ❁ سرطانک آدی ینکچ بالق آدی حوت ونوندر ❁
سرطان فتحیه ینکچ تمیز اولان حیوانه دینور و بوا یکی نوعدر که
شرح و بیان اولندی و فلکده بر برجک اسمیدر که برج رابعدر
(حوت نوح وزنده بالغه دینور سمک معناسنه جمعی احوات کلور

و بروج فلکیه دن بر برج آیدر انده کو کبدن حوت صورتی
اولدیغی باعث تسمیه در (نون حوت وزنده بالغه دینور سمک
معناسنه در جمعی انون و نینان کلور نونک کسریله ❖ بشره بکزم
آغز اسله دیلک اوجیدر ❖ بشره قحاطله بکزم معناسنه ناظم مر حوم
ذکر ایلدی لکن یا نمرده موجود اولان لغتدره بکزم معناسنه بولمدق
(م دم وزنده آغزه دینور فارسیده دهان دیرلر جمعی افوام کلور
) اسله قحاطله دیلک اوجنه و سبوری یرینه دینور و فارسیده نونک
زبان دیرلر ❖ شفه و لب طوداق لسان دل رقبه و عنق بیوندلر ❖
شفه شینک قحی و کسریله انسانک طوداغنه دینور اصلی شفه در که
هائی اللامدر تنیه سنده شفتان وجهنده شفاه دینور شینک کسریله
و شفوات کلور قحاطله و بوجع شفه کله سنی معتل زعم ایدنلر قوانه
میندر فارسیده اب دیرلر بونده مذکوردر (رقبه بشره وزنده بیونه
دینور عنق معناسنه علی قول بیونک اکسه طرفندن کوکنه دینور
جمعی ارقب و رقبات ورقاب کلور رانک کسریله (عنق ضمیمه بیونه
دینور جید معناسنه مذکور و مؤنث اولور جمعی اعناق کلور
❖ ملکوت و ملک و عزت و جبروت کی اولیلق ❖ ملکوت جبروت
وزنده عز و سلطنت و عظمته اطلاق اولور و منه لله الملك و الملكوت
ای العزو السلطان قاموس شارحی دیر که اهل تحقیق ملکی عالم
ظاهرده و ملکوتی عالم باطنده استعمال ایدرلر و اشبو ملکوت
و جبروت و رغبت و رهبت و تربوت منوله سنده و اووتا زانده
و مبالغه ایچوندلر پس ملکوت ملک عظیم در (ملک فلک وزنده
عز و عظمت و شوکت و سلطنت معناسنه مستعملدر (جبروت ملکوت
وزنده کبریا و عظمت و جلال و اولیلق معناسنه در فارسیده کی دیرلر
بونده مذکور اولدیغی کی ❖ بیه ابله نه انده نام معنایی نیچوندلر ❖ بیه
با حرف جر جمله سندن الصاق ملاسه ایچوندلر معنای کثیره سی واردر
(و ماماء استفهامیه در چنان حرف جرله مجرور اولسه جر نه علامت
ایچون آخردن الف حذف اولوب الفه دلالت ایچون میمی قحه

اوزره ابقا اولمق واجبه دندر * عم يتساءلون * آيت كريمه سنده
اولديغي كي (ثم ثاك فحقى وميمك تشديديله براسمدر كه انكله مكان
بعيده اشارت اولنور هنالك معناسنه كه اوراده وائده ديمكدر وئنه
ظرفدر اعرابه تصرف اولمز (لم بم وزنده لام حرف جرجله سندن
تعليل و تخصيص اچوندر وما استهـ ساميه در بم وعم كيدر ❁ شيع
و فرق بلوكلر هرب و فرار قاچق ❁ شيع شينك كسرى ويانك
فتحيله شيعه نك جمع جنسيدر بلوكلر معناسنه در وبر كيمسـ نك مدار
قوتى اوله جق متفق اتباع وانصارينه دينور (فرق فانك كسرى
ورانك فتحيله فرقه نك جمع جنسيدر بلوكلر معناسنه (هرب فتحينه
نصر باندن مصدر در ار كوب يا خود قور قوب قاچق معناسنه در
(فرار كتاب وزنده ضرب بانك مضاعفدن مصدر در قاچق
معناسنه در ❁ عمد وعمود ديركار دخی ساريه ستوندر ❁ عمد فتحينه
(عمد ضمينه عينك فحقى وميمك ضمينه اولان عمود كله سنك جمعيدر
ديركار معناسنه (ساريه جاريه وزنده دبراسـ كه دينور اسطوانه
معناسنه در كه جامهـ لوده و ديوانخانه لوده اولان اياقـ لردن
و چا درلده وساـ رده ديكلـ ديركلردن عباـ رندر و بورفت
معنا سندن ماـ خود در فار سـيده ستون ديرلر بونده نفسـ يردر
❁ ندر عزل ملائمه دخی شق و غمره زجت ❁ عزل فتحينه اسمدر
ملائمه و قنـامغه دينور (شق شينك فحقى و قافك تشديديله نصر بانك
مضا عفندن مصدر در بر نسنه بر آدمـه پك كوج و دشـوار اولق
معناسنه مستعملـ در كويـا كه اول آدمك وجودنى شق و كرى ايدر
(غمره غينـ معجه ايله ثمره وزنده شـدن و زجت معناسنه در جـعى
غمرات و غمره كلور فتحينه ❁ تعب و نصب مشقت سـر و لمـ جنوندر ❁
تعب فتحينه علم باندن مصدر در رنج و زجت و مشقت چكوب
يورلق معناسنه در (نصب تعب وزنده و مراد فيدر (سر ضمينه
دايليكـه دينور و عذاب و محنت و مشقت معناسنه ده كلور (لمـ الم
وزنده دايليكـه دينور و ذنب صغير معناسنه ده كلور قاموس شارحى

دیر که مؤلف کر چه لمی جنون ایله تفسیر ایلدی لکن ماده قرب
معناسندن اولغله جنون قریب یا خود جن طوقمنسند قریب برحالت
ایلّه تفسیر اولنق اصوب ایدی بو کاکوره لسانمزده تعبیر اولان
حالت اولنور ❖ یقه جیب وز یغ اکلک دخی ثقب وثقب دملک ❖
جیب عیب وز تنده یقه یه دینور فار سیده کر بیان دیرلر جمعی
جیوب کلوب (زیغ بیع وز تنده ضرب بایک اجوفندن مصدر دردی
زوغ ومیل کی اکلک معنا سنه در (ثقب ثانی قحی وقافک سکونیه
نصر بایندن مصدر در (نقب ثقب وز تنده نصر بایندن مصدر در
دلک دملک معنا سنه در فار سیده سفتن دیرلر ❖ خشب و خشب
اغاجلر حطب و حصب اودندر ❖ خشب قحینه بر جعدر که مفردی
صیغه سی اوزره (خشب ضمتینه خشبک جمیدر قالین و قرو اغاجلر
معنا سنه در که کر استه اوله جقدر و خشبان دخی کلور بلدان
وزنی اوزره ❖ حطب قحینه اودونه دینور جمعی احطاب کلور
ونیمه معنا سنه ده کلور (حصب حطب وز تنده و می اد فیدر که
اودونه دینور ❖ فعلا تن فاعلا تن رملک بو وزنی مشکول * کچنه
ایرللمز اما کلجک همان بو کوندلر ❖ الفاظ معلومه در

❖ البحر المجت المجنون ❖

یعنی بوقطعه بحر مجتث مثنی الا جزا دندر که ایکی کره مستفعان
فاعلا تن مستفعان فاعلا تن در لکن جمیع اجزاسنه خبن علی
عارض اولغله مفاعلا تن مفاعلا تن فاعلا تن باقی قالدی
❖ حنیف طوغری عوج اکر یلاک نظیف آری ❖ حنیف نظیف
وز تنده صفتدر شول مسله دینور که دین اسلامه میلی راست و درست
اولوب ملت بیضاء اسلامیه ده ثابت و برقرار اوله و بومیل معناسندن
متصور در (عوج عینک کسری و واولک قحیه اسمدر اکر یلکه
دینور و بومنتصب اولیان شیده مستعملدر عرض و دین و مذهب کی
بصارک بیسانه کوره فکر و بصیرتله ادراک اولمانه مخصوص صدر دین
ومعاش و رأی و تدبیر کی (نظیف حنیف وز تنده صفتدر مطلقا پاک

و آری نسته یه دینور و پاك دامن و عقیف الفرج آدمه نظیف السراویل
 اطلاق اوانور ❖ خفیف بینی نحیف آرغ و جفیف قوری ❖ خفیف
 جفیف وزنده صفتدر بینی شیئه دینور که ثقیلک ضدیدر فارسیده
 سبک دیرل و ابجر عر و ضیه دن بر بحرك اسمدر (نحیف خفیف
 وزنده صفتدر ضعیف اولان نسته یه دینور که اسانمزده آرق
 دینور (جفیف نحیف وزنده قوری اوتلغه و سائر نسته یه اطلاق
 اوانور بو مصر اعدّه تجنیس ناقص و مرعات نظیر صنعتلری
 اولد یغی اربانه خفی دکلدر ❖ لم کاه صغیردر ائم مقابله در ❖
 لم قلم وزنده کوچك کناهه دینور ذنب صغیر معناسنه (ائم لم
 وزنده مقابله معناسنه در که اسانمزده قارش دینور تقول داری
 ائم داره ای فی مقابلتها ❖ حشم عیال و شمم بوجه لك الم اغری ❖
 حشم قحینه له کشینك عیال و اهلی و عبید و همجوار ی مقوله سی
 خاصه و متعلقاته دینور که اول آدمك غیر تنی چکوب جهیتلرندن
 ناشی اعداسنه و بدخواهلی نه غضب ایدر اوله جمعی احشام کلور
 و حشم جهده اطلاق اوانور مصدر اصلی اولد یغی چون (شمم
 قحینه له طاغده اولان یو کسکله که دینور و برونك دوز و اسلوب
 و اندامی خوش و لطیف اوله رق قصبه سنك یو کسك و یو مشغلك
 دیکجه اولسنه دینور و تکبر لك ایلک معناسنه ده کلور (الم قحینه له
 اغری به دینور جمعی آلام کلور همزه نك مدیده و علم با بندن مصدر
 اوانور دردناك معناسنه ❖ سلاله و نطفه منیدر علق او یوشمش قان ❖
 سلاله سینك ضمیله اسمدر ارکك آدمك منیسنه دینور و بر نسته دن
 صیریلوب چیقان نسته یه دینور که معنای اول بوندن مأخوذ در
 (نطفه نونك ضعی و طانك سکونیه سلاله نك معنای اولنه مرادفدر
 (علق قحینه له مطلق قانه دینور دم معناسنه علی قول قزل قانه یا خود
 قیو قانه یا خود او یوشق قانه دینور و احدی علقه در ❖ کلاله شول
 اولی کیم یو قدر اوغلی و پدری ❖ کلاله کافك قحیه له شول اولی به
 دینور که اوغلی و بابایی اولیه ❖ خلاقه و حظ نصیب شفاق یکشفاق ❖

خلاقه سبحانه و زننده خير جهت شدن اولان نصيب و افره دينور که
 حسب الخلیفه اکتساب ایلد یکی فضیلتدن عبارتدر (حظ حانک
 فقی و ظای هجده نك تشديد يله نصيب معناسنه در علی قول فضل
 و خير جهتيله اولان نصيبه مخصوص صدر فار سیده بهر دیرلر جعی
 فاتی احظ و جمع کثرتی احاطی کلور که غیر قیاس اوزره اصلی
 احاط ابدی ظانک تشديد يله ظانک بری یا به ابدال اولندی و حفاظ
 کلور حانک کسر يله (شفاق شینک کسری نفاق و زننده عداوت
 و مخالفت معناسنه مستعملدر که دو ستلخی شق ایتز اولور ❖ فواق
 افاقت و راحت صدق زن مهری ❖ فواق سحاب و غراب و زننده
 افاقت و راحت معناسنه در که نصر یابندن مصدر در (صدق کتاب
 و سحاب و زننده زوجنه نك مهرينه دينور کابین معناسنه یعنی وقت
 عقدنکا حده تعیین اولنان مبلغدر که عوام ناس نکاح تعبیر ایدرلر
 ترکیده کابین دیرلر ❖ خرف نه سویله بیتلن هر م قتی قوجه مش ❖
 (خرف کتف و زننده صفندر شول آدمه دينور که پیرا کدن عقلی
 فاسد اولوب سو یلد یکنی بیتلن آدمه دينور که لسانمز ده بونا مش
 دينور فاسیده رفرتون دیرلر) هر م مرض و زننده پیر آدمه دينور فار سیده
 سا خورده دينور جعی هر مین و هر می کلور قتلی و زننده مؤنثی هر مه
 کلور جعی هر مات کذلک هر می کلور ❖ ندر عقیم طغور من ندر عجز
 قری ❖ عقیم عظیم و زننده قسر یعنی طغور من اولان خاتونه وصف
 اولور که فعیل بمعنی مفعولدر يقال امرأه عقیم ای معقومه جعی
 عقیم و عقیم کلور حر و زننده (عجز صبور و زننده قوجه قری به
 دينور وجه تسمیه عمرنی آخر ایلد یکچون یا خود اکثر آوردن عاجز
 اولد یغیچون و بو وصف خاصدر ❖ مهیل یره دو گلش کثیب قوم
 یغنی ❖ مهیل فعیل و زننده بمعنی مفعولدر مطلقا دو گلش نسنه یه
 دينور هر نه اولور سه اولسون (کثیب کثیر و زننده قوم یغندن
 اولان تپه یه دينور جمع معناسندن مأخوذدر جمع قاتی اکثبه و کثرتی
 کثیب کلور ضمتيله و کشان کلور کافک ضمتيله ❖ کلیل چونکی

یورش علیدر صیری ❀ کلیل فعیل وزنده بمعنی مفعولدر یورش
 آده دینور و بصری ضعیف آده دینور که ترکیده چونکی دیرل
 ناظم مرحو مک مرادی دخی بو اولمیدر (علیل فعیل وزنده
 معلومدر که مر یض آده دینور که صفتدر و اعمایه ده اطلاق اولنور
 ❀ ر حیق باده صافی هضم تازه وتر ❀ ر حیق حریق وزنده خره
 دینور علی قول پک خوش اولانه یاخود افضانه دینور که اسکی
 اولق جهتله نشئه سی پک زیاده اولاندن عبارتدر یاخود خالصنه
 یاخود عین الدیک کی صافی اولانه دینور که فارسیده باده ناب
 و باده صافی دیرل (هضم ر حیق وزنده شول تازه وتر آچمق خرما
 چمکنه دینور که هنوز قا بجخی ایجری اولوب غنجه کی بری بری
 ایچنه کیرشمش اوله ومنه قوله تعالی ❀ ونخل طلعها هضم ❀ ای منهضم
 منضم فی جوف الجف ❀ حدیقه باغچه و بوستان که اوله دیواری ❀
 حدیقه سفینه وزنده صواو و اغاجلو باغچه به دینور جعی حدائقدر
 علی قول خرما و سائر اغاجلق اولان بستانه دینور یاخود اطراف
 دیوار ایله محاط اولان بستانه دینور و بو حدقه عیندن مأخوذ در
 فارسیده بستان دیرل ❀ ملک فرشته فلاك كوك نك عبادت حج ❀
 ملك قمتینه فرشته به دینور اسانمزده دخی ملك دینور و بونك
 اصلی مختلف فیه در زیر بعضیسی لأك ماده سندن و بعضیسی
 لوك ماده سندن مأخوذدر دیدیلر لیکن لأك ماده سندن دیهك
 قولی اصح اولمیدر زبراجعی ملائكه كلور قاموس مترجمی عاصم
 افندی حضرتلری کتب سالفه دن بیانه کوره سریانیده (مقلیا)
 ثاملك دیمکدر میك وقافك فتحی و آخرنده ثاء مثلثه ایله بعده عربلر
 تعریب ایدوب ملکانا دیدیلر صکره تخقیف و تصرف ایدوب ملك
 و ملائكه دیدیلر نیکم لفظه جلالهك و امین و رحن لفظلرینك اهل
 تحقیق سریانی الاصل اولدیفنی تنصیص ایلدیلر (فلاك ملك
 وزنده مدار النجوم اسمیدر که کواکبك دائر اولدیخی كوك اولمش
 اولور جعی افلاك وفلاك كلور ضمتینه استداره معناسندن مأخوذدر

یعنی فلک کندوده نجوم دوران ایدن کو که اطلاق اولنور که فلک
البروج و افلاک تدویرات اولور فلک اعظمه و سائر افلاک و ضعیف
اطلاق اولنمیوب بلکه تغلیبا یا خود مر سلا اطلاق اولنمش اولور
(نسک نونک حرکات ثلاثه سی و ضعیفله حضرت رب العباده اولان
قوللغه و عبادته و طاعته دینور و مطلقا حق الله اطلاق اولنور
زکوة و صدقه و ذبح لله کی و بومعناده مصدر اولور ناظم مر حومک
عبادت حج الیه تخصیص ایلمسی غیر مخصوصدر بلکه تغلیبا انده
استعمال اولنمشدر * مرء ربه کاندر ورا اوتہ اکاری * مرء میمک
فتحی و الفک مدیله اسمدر شک کان معناسنده در (ربه رانک کسر یله
اسمدر شک و کان معناسنده در) ورا واولک حرکات ثلاثه سیله و الف
مقصوره الیه ظروفنددر ارنک جانبہ دینور امام معناسنده واکسه
جهتہ دینور خلف معناسنده بوندن ترکیده اوتہ اکاری دیرل
* یؤد آغر اولور یستطیع قادر اولور * یؤد نصر بابنک مهموز
الفاستندن و اجوف و او یسندن مضارع مفرد مذکر غائبدر آغر
وزجت و مشقلا و اولور معناسنده در و فی الیضاوی قوله تعالی
* و لا یؤده حفظهما * ای و لا یثقله (یستطیع استفعال بابنک
اجوفندن مضارع مفرد مذکر غائبدر قادر اولور معناسنده * جمع
وقاطبه کافه جمله کسکتوری * جمع فعیل و زننده اشخاص بجمعه
معناسنده در و بوتأکید اوله رق استعمال اولنور یقال جاؤا جمیعهم ای
کاهم (قاطبه نصب الیه که مثلا جاء القوم قاطبه قولنده واقعدر
جمعا معناسنده در و بوهمان حال اوله رق استعمال اولنور جمع معناسنده
اولان قطب کله سندن مأخوذدر خفی اولیه که حریری درده
بووجه اوزره بیان ایلمشدر که قاطبه کله سی همیشه منکر و حالت
اوزره منصوب و ذوالحال دائما عقلا دین اولور و قاطبه کله سی قطب
لفظندن اسم فاعلدر جامع معناسنده آخرنده ها مبالغه ایچونددر راویه
و علامه کی علی قول تأنیثه در افراد اعتبار یله جماعه کی و عند
البعض قاطبه مصدر در عافیه و عاقبه کی (کافه نصبه جمعا

تثنیه سیدرا یکی نمیه دینور جی اندی کاور * بعوضه سوری
 سکندر فراشد پروانه * بعوضه بانک قحبه فعله وزنده سیوری
 سنکه دینور جشه سی خرده اولد یغیچون تسمیه اولندی جمع جنسی
 بعوض کلور (فراشد سحابه وزنده کابک تعبیر اولنان پرنده
 دینور که کجه کندینی شعله شعله ایقاع ایدر بعد الایقاع قتادلری
 یایوب مفترش اولد یغیچون اطلاق اولندی فار سیده پروانه دینور
 جمع جنسی فراشدر * ذباب قره سسک عنکبوت اور مجکدر *
 (ذباب غراب وزنده قره سسکه دینور فار سیده مکس دیرلر و بو
 بر برده قرار ایلیوب بری اوتة تردد و حرکتی سبب تسمیه در بعضیلر
 یونی ذب آب کله سندن هر کبدر دیدیلر که سورا کجه ینه عودت
 ایدر دیمکدر بال آریسنه ده اطلاق اولنور واحدی ذبابه در هایلله
 جی اذه در همزنک قحی و ذالک کسر یله و ذبار کاور ذالک کسر یله
 و ذب کاور ذالک ضمیمه (عنکبوت عنزوت وزنده اور مجکه دینور که
 معروفدر غالباً مؤنث استعمال اولنور و غریبه در که اور مجکک سکر
 ایاغی والقی کوزی اولور افلاطون منقولدر که سسک قسمی حر بعض
 اولور و اور مجک نوعی قانع اولور بحکمتیه تعالی یک حر بعض
 اولان مخلوق یک قاعده بلا کفیه رزق مسوق اولمشدر * عماد یوجه
 مهاده و فرش دوشک * عماد کتاب وزنده یو کسک بنایه دینور
 ابنیه رفیعیه معنا سنه مفردی عماده در هایلله بو معناده عماد مذکر
 و مؤنث اولور (مهاده عمادوزنده دوشکه دینور و منه قوله تعالی
 * الم نجعل الارض مهادا * ای فراشدا) فرش فانک قحی و رانک
 سکونیه فراش و مهاده معنا سنه در که دوشکه دینور و دوشک
 معناسنه ده کلور باب اولدن مصدر لر در * لحاف و ملحفه یورغان
 قیص کوملکدر * لحاف کتاب وزنده اسمدر یورینه جک نسنه
 دینور یورغان و چار شب و سائر نسنه کبی لیکن یورغانده استعمالی
 غالب اولمشدر (ملحفه و ملحف میبارک کسر یله حسب بایندن اسم
 آلتدر در لحاف معناسنه فار سیده دواج دیرلر (قیص فعل وزنده اسمدر

کوملکه دینور فاسیده پابرهن دیرلو و بومذ کر و مؤنث دخی اولور
 وعند البعض پاموق ایپلاکندن منسوج اولانه مخصوصه در یوک
 و سائرندن اولور سه اطلاق اولمز جی قس کلور ضمتینله واقعه
 وقصه ان دخی کلور ﴿ فری عجب رامن اش ملی زمان طویل ﴾
 فری فاک قحی و رانک کسری و ناک تشدید یله ضرب بایندن
 صفت مشبهه در عجب و غریب رامن ایشه دینور امر عجب معناسنه
 ومنه قوله تعالی ﴿ جئت شفاء فایا ﴾ ای مصونوما بخلاف (ملی فری وزنده
 صفتدر زماندن مدت مدیده یه دینور و نههار دن ساعت طویل یه
 دینور قال الله تعالی ﴿ و اعجزنی علیا ﴾ ای طویل ﴿ مرجع فارم
 قارش هم بهج کو کچ کدر ﴾ مرجع بهج وزنده علم بایندن
 صفت مشبهه در قارش مورش نسته یه دینور یقال امر می بهج ای مختلط
 (بهج می بهج وزنده حسن بایندن صفت مشبهه در پک کوزل و دابر
 اولان محبوبه دینور و همیشه مسرور و شادان اولان کشی یه دینور
 ﴿ غریم و دان و مدیون غرام دائم ﴾ غریم امیر وزنده علم
 بایندن صفتدر الاحق صاحب دینور یقال هو غریمه ای دائمه
 و بور جلویه دینور یقال هو غریمه ای مدیون بصورتده اضداددن
 اولور معنای اوله کوره فاعل و ثانیه کوره مفعول در دان و مدیون
 عربدر شهرته بناء تفسیر قلندی (غرام سحاب وزنده شر دائم
 معناسنه در وعذاب و هلاک معنای بنده کلور قوله تعالی ﴿ ان عذابها
 کان غراما ﴾ ای دائما او هلاکا ﴿ صریم قطع اولسان انصرام
 اوزملکدر ﴾ صریم غریم وزنده ضرب بایندن صفتدر کسیلان
 نسته یه دینور (انصرام انقطاع وزنده اوزلک و کسلک معناسنه
 ﴿ ثبور و بل هلاک و فتور سست اولق ﴾ ثبور فتور وزنده هلاک
 و وبل و عذاب معناسنه در (فتور ثبور وزنده ضرب و نصر بایلندن
 مصدر در بر نسته حدتد نص کره سکونت و شدتد نص کره ملائمت بو اوب
 سست و بی تاب اولق معناسنه در کوشوب فرسز لمت تعبیر اولنور
 ﴿ ابر و اوسط و امثل خبرلو یکر کدر ﴾ ابر افعیل تفضیل بنیه سیله
 شریف و افضل و اصلح معناسنه در (اوسط امثل وزنده می ادفیدر

(امثل اوسط وزنده افعـل تفضیلدر ابو وخبر او کشی به دینور

❖ البحر الرجز ❖

یعنی بوقطعه بحر رجز مثنی الا جزا دندر که هر بیتی ایکی کره مستفعلان
مستفعلان مستفعلان مستفعلان در ❖ تسنیم جنت چشمه سی ماء معین
آب روان ❖ تسنیم تفعیل وزنده جتـده بر چشمه آیدر که اهل
جنت اوزره یوقاریدن اشاغی به جاری اولور بر صویك اسمیدر
(ماء معین ماء همزه ایله حال وزنده و ماه جاه وزنده که واحدیدر
صویه دینور آب معناسنه و ماء کله سنك همزه سی هادن منقلبدر
زیرا اصلی موه ایدی و او الفه قلب اولندی ایکی حرف خفیف
بجتماع اولفـله ها همزه به ابدال اولندی جمع قلاتی امواه و کثرتی
میاہ کلور مصغرندہ مویہ و مو بهـتہ دینور (معین فعیل وزنده
صفتدر اقان صویہ دینور معنای ترکیبی اقا ر صـو و آفـجـی صـو
دیگدر فارسیده آب روان دیرلر بونده تفسیردر ❖ زقوم جهنم
میوه سی خالد مخلد جاودان ❖ زقوم زانك قحی وقافـك ضمی
وتشدیدله جهنمده بر شجر ك اسمیدر و اهل جهنك طعامنه دینور
ناظم مر حوم ذکر حال و اراده محل طریقـله یا خود مجازا اکاده
اطلاق اولنور دیر (خالد دائم وزنده نصر بایندن اسم فاعلدر
(مخلد مفرح وزنده خالدك تفعیلندن اسم فاعلدر باقی و دائم وثابت
و همیشه معناسنه در فارسیده جاودان دیرلر بونده تفسیردر ❖ ذو مره
جبریل امین ذوالایدی قوت اسیدر ❖ ذو مره جبریل امین
حضرتلرینه اطلاق اولنور ذو بمعنی صاحب که اسماء ستہ
معتله دن مره به مضاف اولمشدر مره میك کسری و فتح
وتشدید را ایله خلـقـك قوتـه و شدتـه دینور که شرح و بیان
اولندی (ذوالایدی شدت و صلابت صاحبـنه دینور ذو معلوم
ایدی به مضاف اولمشدر ال معلوم اید زید وزنده قوت و شدت
و صلابت معناسنه در ❖ داخر ذایل و خور در واهی ضعیف
مہجہ جان ❖ داخر فتح و علم بابلرند ن اسم فاعلدر ذایل و حقیر

معناسنه در (ذلیل قلیل وزتنده علم بایندن صفتدر حقیر و خور
معناسنه در فارسیده خوردینور بونده تفسیردر (واهی عالی وزتنده
ضرب باینک لغیف مفروقندن اسم فاعلدر دوش کون وضعیف
آدمه دینور (مهیجه میک ضمی وهاک س کونیه جانه وقانه دخی
دینور علی قول یورک قانه دینور دم القلب معناسنه ❖ ام القری
بیل مکه در ام الکتاب اصل الکتاب ❖ ام القری مکه مکرمه در
کره ارضک علی مازعموا وسطی اولدیغه میندر یاخود اهل اسلامک
قبله ومقصودری اولوب یاخود قرای سارهدن قدر وشانی عظیم
اولغله اطلاق اولندی (ام الکتاب اصل کتابکه لوح محفوظ مراددر
یاخود سوره فاتحه در یاخود مجموع قرآن کریم مراددر ❖ امی
انادن طوغمه هم امی اوقیوب یازمیان ❖ امی همزه نک ضمی ومیک
کسری وتشدید میله انادن طوغمه دینور یعنی اناسی طغور دیخی
کیدر نسنه بیلز یاخود اناسنک خلقتی اوزره در که نسوان درس
وگنبدن بی بهره اولور (امی وزن مزبور اوزره شول آدمه
دینور که اوقیوب یازمقدن و اوقومغی بیلکدن بی بهره اوله ❖ خلاف
چوق چوق آند ایچن هماز تعیب ایلان ❖ (خلاف خلاف وزتنده
ضرب بایندن مبالغه ایله اسم فاعلدر چوق یمین و آند ایدیچی آدمه
دینور (هماز غماز وزتنده نصر و ضرب بابلرندن مبالغه ایله اسم فاعلدر
خلقی تعیب ایدن آدمه دینور ❖ داری ومغنی دفع ایدن معروف
ابومنکر یمان ❖ داری فتح باینک مهموز الالامندن اسم فاعلدر دفع
ایدیچی و صاویجی آدمه دینور (مغنی علم باینک ناقص یا ایدسنک
افعالندن اسم فاعلدر دفع ایدیچی آدمه دینور یقال ما یغنی عنک هذا
ای ما یدفع عنک هذا (معروف معلوم وزتنده ضرب بایندن
اسم مفعولدر منکر مقابلیدر قاموس شارحی دیر که معروف شول
فعل وعمله اطلاق اولور که عقل ایله ادراک اولوب و شرع انی
تحسین ایلله (منکر میک ضمی ونونک سکونیه افعالندن اسم فاعلدر
شرع شریفنک تقبیح وتحريم ایلدیکی شیئه دینور که معروف

مقابلیدر ❖ انداز قور قمتقدیر اشعار یلسر مکرر ❖ انداز علم بایک
 افعالنیدن مصدر در بر آدمه بر ماده بی اعلام و ابلاغ ایله تحذیر
 و تخویف ایلمک یعنی اول نسنه قور قنج اولدیغنی اخبار و اعلامله
 اکا قور قو و یروب آگاه ایلمک معناسنده در که شرح و بیان اولندی
 (اشعار نصر و حسن بابلرینک افعالنیدن مصدر در بر نسنه بی بر آدمه
 یلدر مک و آگاه ایلمک معناسنده در ❖ اعلان قلیق آشکار ایمان
 اینانق بیکهان ❖ اعلان نصر و ضرب و حسن بابلرینک افعالنیدن
 مصدر در برایشی آشکاره قلیق معناسنده در که کیزلمک مقابلیدر و برایشی
 آچیقیدن ایلمک معناسنده در (ایمان علم بایک هموز الفاسنک افعالنیدن
 مصدر در بر آدمک سو یلدیکی سوزی تصدیق ایلمک معناسنده در که
 شکسز و شبهه سز اینانق تعبیر اولنور کویا که خلافتندن مخاطبی
 امین ایدر و تصدیق شرعیده کندی نفسی عقابدن امین ایدر ❖ روز
 جزا در یوم دین هم سلم طاعت صبغه دین ❖ یوم دین معنای
 ترکیبی روز جزا کونی دیمکدر یوم یانک فتحی و واک
 سکونیه معروفدر که طلوع فجر دن غروب شمس قدر و نهار طلوع
 شمسندن معتبردر جمعی ایامدر اصلی ایوامدر اعلال وادغای
 اربانه معلومدر (دین دالک کسری و یانک سکونیه جزاء و عوض
 معناسنده در و دینک بوندن ماعدا یکر میدن منجماوز معناسی واردر
 (سلم سینک کسری و فتحی و لامک سکونیه طاعت و انقیاد ایلمک
 معناسنده در (صبغه صادق کسری و یانک سکونیه دین و ملت اطلاق
 اولنور و بویه معناسنده کلور که ذکر اولندی بویه مصبوغک زبنتی
 اولدیغنی کبی دین و ملت دخی اهلنک زینتیدر کذلک بویه مصبوغده
 اثرینک ظهوری کبی اهل دینده ملتک اثری ظهوری تصویرینه
 مینیدر ❖ راسخ قوی ثابت اولان رایت علم آیت نشان ❖ راسخ
 رسوخندن علم بایندن اسم فاعلدر قوی و ثابت اولان نسنه بی دینور
 (رایت آیت وزنده علم و سنجاغده دینور و فارسیده دخی مستعملدر
 (آیت رایت وزنده علامت و نشانه دینور جمعی آیات و آی کلور

❖ من ذلذی کیمدر او کیم یائی کلور یدری بیاور ❖ من ذلذی
معنای ترکیبی کیمدر او دیمکدر فارسیده کیست دیرلر آن من و ذوالذی
هر برلری شرح و بیان اولندی (یائی ضرب باینک مهموز الفاسندن
ناقص یائیدن مضارع مفرد مذکر غائبدر کلور (یدری ضرب باینک
ناقص یائیدن مضارع مفرد مذکر غائبدر بیاور معناسنه
❖ جادل چکش شاور طانش جاهد طورش آمن اینان ❖ جادل
شاور وزننده مفاعله بایندن فعل امر مخاطبدر چکش معناسنه
(شاور جادل وزننده بودخی باب مذکور دن فعل امر مخاطبدر
طانش معناسنه (جاهد شاور وزننده بودخی مفاعله بایندن فعل امر
مخاطبدر چالش معناسنه (آمن جاهد وزننده علم باینک مهموز الفاسندن
فعل امر مخاطبدر اینان معناسنه ❖ آلاء نعم مثنوی مقام غمرت
قتیاق ازدحام ❖ آلاء اولده و آخرده همزه نك مدیده نعم معناسنه در که
نعمتک جمیدر مفردی الی در همزه نك کسری و لامک سکونیه والی در
همزه نك فتحی و لامک سکونیه والی در همزه نك کسریله و یونندن
ماعداء مفردی واردر و آلاء کله سی ناقص یائیدر و نعم نونک کسریله
نعمتک جمیدر زبان زده اولد یغندن تفسیر قلندی (مثنوی مأوی
وزننده ضرب باینک افیف مقرونندن اسم مکاندر منزل و مقام
معناسنه (غمره تمره وزننده شدت و قتیاق و خلقک و دریانک ازدحامنه
و معظمه دینور ❖ اجار و سمک و سقف طام معراج و سلم زرد باز ❖
(اجار همزه نك کسری و جیمک تشدیدیه طامه دینور سطح معناسنه
جمعی اجاجیر و اجاجره کلور نیکم نویه الیه انجار دخی لغتدر جمعی
اناجیر کلور (سمک سینک فتحی و میمک سکونیه خانه نك و اولک طاووننه
دینور فارسیده آسمانه خانه دیرلر سقف هر نقدر عربی ایسه ده
یوننده تفسیر اواسی انسیدر تفسیرلری لفانشر مشوش طریقله در
(معراج مفتاح وزننده نصر بایندن اسم آتدر زردبانه دینور بوقاری
حقیقه جق آتدر (سلم سینک ضمی و لامک فتحی و تشدیدیه زردبانه
دینور و وئدر و بعضا مذکر دخی اولور درجه و مرقات کبی جمعی

سلايم و سلام کاور جای سلامت اولان محل فوقانی به تسلیم
ایلد یکچون اطلاق اولندی

✽ البحر الرمل المسدس المقصور ✽

یعنی بوقطعه بحر رمل مسدس الاجزادندر که هر بیتی ایکی کره
فاعلاتن فاعلاتن فاعلات در که عروض و ضریب مقصور در وقصر
علتی هر ارا بیان اولندی ✽ رب صاحب رب هم پروردگار ✽
رب رانک قحی و بانک تشدیدله مضاف اولد یغی شیئک مالک
و مستحقه یا خود خداوند و صاحبنه اطلاق اولور یقال رب الشیء
ای مالیکه و مستحقه او صاحبه جمعی ارباب کاور (رب وزن مزبور
اوزره معرف باللام اوله رف جله مخلوقات بیسیوب تربیه ایدن
حضرت پروردگارک اسماء حسنا سندندر عز وجل اسمه بصارده
بورسمه بیان اولمشدر که رب کلمه سی فی الاصل مصدر در بسمک
و پرورده ایتک معناسنه بعده ایدن مبالغه به مبنی اسم فاعل استعاره
اولمشدر که بسیجی پروردگار معناسنه اولور و معرف باللام اوله رف
همان پروردگار عالم و متکلف مصالح عامه ام اولان ذات اجل
واعظمه اطلاق اولور و اضافتله ده اطلاق اولور رب العالمین کی
✽ غیب کیرلیدر شهادت آشکار ✽ غیب عیب وزننده بلور سز
غائب و نابید اولان شیئه دینور (شهادت سعادت وزننده اسمدر
آشکار و روشن معناسنه و علم و حسن با بلرندن برنسنه نک حقیقته
مطلع اولوب قطعی بیتک معناسنه در ✽ وجهه قبله هم توجه اسمیدر ✽
وجهه و اوک کسری و ضعی و جیمک سکونیه جانب و سمت معناسنه در
توجه اولور جمعی جهات کاور (توجه تفعل باندن مصدر در
برنسنه به طوغری یوننک معناسنه در یقال توجه الیه اذا اقبل
✽ شطر جانب اولدی حاجب پرده دار ✽ شطر شین معجه نک
قحی و طانک سکونیه سمت و جانب معناسنه و ناحیه معناسنه در
جمعی اشطر کاور (حاجب صاحب وزننده نصر باندن اسم فاعل در
قابو جیه و کبار خصوصاً شیخ الاسلام پرده جیسنه اطلاق اولوب

بعده علی العموم اطلاق اولندی فارسیده پرده دار دیرلر تفسیردر
 * عصف اکن چو پی وریحان پیرا غی * عصف عینک فتحی
 وصادک سکونیه اکین چو پنه دینور قوله تعالی * کهصف ما کول *
 ای کز رع اکل حبه و بقی تبذره یعنی اصحاب فیلی دانه سی ینوب صمانی
 قالمش اکین شکنده قیلدی (ریحان فعالان وزنده اکین پیراغنه دینور
 وفسلکن تعبیر اولنان خوشبوی نباته علی قول مطلقا خوشبوی
 اولان نباته یاخود او جلرینه دینور که محل رایحه در * قرعه
 و یقطین قبق قشا خیار * قرعه نظره وزنده قباغه دینور جمعی
 قرع کاور (یقطین یانک فتحی وقافک سکونی وطانک کسریله
 قباغه دینور قرعه معناسنه فارسیده کدودیرلر (قشاقافک کسری
 وضعی و تشدید ثابله خیاره دینور واحدی قشاده در * قانص و صیاد
 آوجی قید باغ * قانص قاف ایله ضرب بایندن اسم فاعلدر آوجیه
 دینور (صیاد شداد وزنده ضرب و علم بایلرندن مبالغه ایله اسم فاعلدر
 آوجیه دینور (قید صید وزنده طوتساغشت قوللری ار قه سندن
 چکوب بغادر قلمی ایپ وقایش و بوقا غومقوله سنه دینور فارسیده
 باغ دیرلر بونده تفسیردر جمعی اقیاد و قیدود کاور * اصطیاد
 و صید اولامق شکار * اصطیاد افتعال وزنده مصدر در
 (صید قید وزنده ضرب و علم بایلرندن مصدر در آو اولامق
 معناسنه شکار فارسیدر آو معناسنه * نکف واستنکاف عار
 ایتکدر * نکف نونک فتحی و کافک سکونیه نصر بایندن مصدر در
 عار ایتک و اوطانق معناسنه در (استنکاف نکفک استفعالندن
 مصدر در عار لنتی و اوطانق معناسنه در * دین بوج و بین فرقت
 شین عار * دین دالک فتحی و یانک سکونیه مدله و وعده ایله
 اولان بوجه دینور و وعده سز اولاننه قرض دینور جمعی ادین
 کاور و مصدر دخی اولور بوج و یرمک و بوج المق معنارینه (بین
 دین وزنده جدالق و فرقت معناسنه و وصلت معناسنه اولغله
 اضداددن اولور و ظرف متمکن اولور یعنی ظرف مبهم اولوب

ایکی به وزیاده به یاخود بونارک نابنده اضافتله معناسی متبیین اولور
 (شین دین وزنده عیب و قباحت و پراغز نسنه و نقصان معنارینه در
 جمعی شاین کاور ❖ ساق اینجک سوق جمعی رکه دیز ❖ ساق
 باب وزنده طپوق ایله دیزک ارالخی اولان عضوه دینور ترکیده
 اینجک وات و شخمی یوزینه بالدر تعبیر اولور ساده مکه قوری
 اینجک و ایچنه دودک و قلم تعبیر اولور و یچاق قاسقندن طبانه
 وارنجیه قدردر جمعی سوق کاور سینک ضمیمه و سیقان کاور سینک
 کسریله واسوق دخی کاور بونده ضمیمه یی متحمل اولمق ایچون
 و اوهمزه به منقلب اولدی (رکب رانک ضمیمه و کافک سکونیه بدنده
 او یلغک اشاغیسیله بالدرک یوقاریسی قاوشدیغی یره دینور که دیز
 تعبیر اولور جمعی رکب کاور ❖ برق شمشک و دق یغمور تلج قار ❖
 برق بانک قحقی و رانک سکونیه شمشکه دینور حقیقت شمرعیده سی
 سحاب اوزرینه مؤکل اولان فرشته نک امطاری مأمور اولان محله
 سوقی ایچون سحابی شدتله ضرب و تحریر یکنندن تکهون ایدر
 آتشلردر که لمان ایدر (ودق برق وزنده یغموره دینور فارسیده
 باران دیرلر (تلج جسد وزنده قاره دینور فارسیده برف دیرلر
 ❖ مبلسون نومید اولانلره کره کوچ ❖ مبلسون مفلسون وزنده
 ضرب و نصر بابلرینک افعالنندن اسم فاعل جمع مذکر در نومید
 و محزون و مأیوس و متحیر اولان آدمیره دینور (کره کافک قحقی
 و ضمیمه و رانک سکونیه ابا و مشقت معناسنددر که نفسه ابا و امتناع
 ایلدیکی یعنی ایستیه رک و خوشلیمیه رق خارجدن عارض اولان رنج
 و مشقتدن عبارتدر که زوراکی تعبیر اولور ❖ محتمی و متقی پرهیز کار ❖
 محتمی مجتمیع وزنده افعالنندن اسم فاعل مفرد مذکر در (متقی محتمی
 وزنده بودخی باب مذکوردن اسم فاعل مفرد مذکر در صاقنوب
 مخالف شیدن پرهیز ایدن آدمه دینور ❖ شعب ایکی طاغ آره سی
 هم طاغ بولی ❖ شعب شینک کسری و عینک سکونیه ایکی طاغ
 ارالغنده اولان آچی یره دینور که ایکی طاغ اراسی اوله جقدر و طاع

یولنه دینور یقال اخذ شعب الجبل ای طریقہ ﴿ شاطب اگری شط
شاطی درکار ﴾ شاطب نصر یابندن اسم فاعل در اگری و مائل
اولان اشیئہ دینور (شط شینک قحی و طانک تشدید یله نہرک
قیسنہ و کارینہ دینور) شاطی صاحب وزندنہ مہموزدن قی و کار
و طرف و جانب معناسنہ در جہی شاطی کلور ﴿ صر صغوق
صر صر صغوق یلدر قی ﴾ صر صادق قحی و رانک تشدید یله
اسم در صغوغہ علی قول صغوغک شد تہ دینور (صر صر عر و زنندہ
یک کور تلی علی قول یک صغوق یله دینور) حاصب اول یلدر کہ
اولہ سنگبار ﴿ حاصب صاحب وزندنہ شول شدید یله دینور کہ اسد بکہ
طہ پراقلری و خرده طاشلری قالدیروب ہوا یہ صاورہ ﴿ ٹیب
ار کور مش زن وزن کور مش ار ﴿ ٹیب سید وزندنہ زوجنسدن
مفارقت ایلش طول خاتونہ دینور کرک موت و کرک طلاق سبب یله
اولسون علی قول مدخول بہا اولان خاتونہ دینور کہ ار کور مش
عورت اولہ جقدر بکر مقابلدر و متزوج اولش ار کہہ دخی اطلاق
اولنور عزب مقابلدر پس مذکر و مؤنثہ اطلاق مساوی اولور
اصلی ٹو یلدر فعیل وزنی اوزرہ اسم فاعلدر کہ اعلالی اربانہ
معلومدر جمع مذکری ٹیون و جمع مؤنثی ٹیبات کلور ﴿ بعل
ار در کھل قرجل رد یار ﴿ بعل بانک قحی و عینک سکونیلہ ارہ
وار کہہ دینور کھل اھل وزندنہ شول کیمسہ یہ دینور کہ صقالنہ
قیر سپوب وجود و اوضاعنسدہ کال و تمکین شیخوخت امارہ سی
ظہور ایلش اولہ علی قول اوتوز یا خود اوتوز درت یاشندن الی
بر یاشنہ ورنجہ کھل اطلاق اولنور جہی کھلول و کھول کلور
کافک ضمیمہ و کھال کلور کافک کسریلہ و کھلان کلور کافک
ضمیمہ مؤنثی کھلہ در جہی کھلات کلور (رد رانک کسری
و دالک سکونیلہ معین و یاور معناسنہ ﴿ وزر آخر یوک ہم کناہ
و ہم سلاح ﴿ وزر واولک کسری و زانک سکونیلہ آخر یوک معناسنہ
و کناہ ائم معناسنہ و سلاحہ دینور جہی اوزار کلور ﴿ باس و ہجما

و حرب جنگ کارزار ﴿ باس بانك فتحی و همزه نك سكونيله حرب
 وجدال معناسنه در و شدت و عذاب و حربده کی اولان شده
 دخی اطلاق اولنور و شدتله جنگ ایدیجی دلاور اولق معناسنه ده
 کلور کارزار فارسیدر قافیه ایچون ذکر اولمشدر (هیجا هـ نك
 کسری و یانك سكونيله قتال و جنگ معناسنه در) حرب ضرب
 و زننده معروفدر که جنگ و قتاله دینور و مؤنثدر مقاتله اعتباریه
 و بعضا مذکر دخی اولور قتال اعتباریه جمعی حروب کلور
 ﴿ رهب و خوف و رعب و خشیه قور قودر ﴾ رهب رعب و زننده
 اسمدر قور قویه دینور و علم بایندن مصدر در قورقق معناسنه
 (خوف خاء معجه نك فتحی و واک سكونيله قور قویه دینور قورقق
 معناسنه در که مصدر در) رعب رهب و زننده اسمدر قور قویه
 دینور که درونه عارض اولان شیدر (خشیه خاء معجه نك فتحی
 و شینك سكونيله قور قویه دینور و علم بایندن مصدر اولور قورقق
 معناسنه ﴿ کنه قصوی خاتمه بیان کار ﴾ کنه کافک ضمی
 و نونك سكونيله برنسنه نك قعر و غایت و انجامنه دینور و برنسنه نك
 جوهر و حقیقتنه دینور و برشینك قدر و مقدارینه اطلاق اولنور
 (قصوی بشری و زننده نهایت و انجام و آخر معناسنه در) خاتمه
 حافظه و زننده هر ایشك عاقبتی و غایت و آخری و تمامی معناسنه در
 فارسیده پایان کار دیرلر بونده تفسیردر قوله تعالی ﴿ و ختامه مسك ﴾
 ای آخره و بومصرع ختامنه و آیت مذکوره تلمیح و اشارت
 اولدیخی خفی دکلدر فـلله دره ﴿ بر اثر قوتا که قاله
 یادکار ﴾ بر عمل قیل سا که اوله یارغار ﴿ الفاظ
 معلومه در

کلبن کلاستان فطانت * و برك بهارستان درايت * عتقاي
حضرت صدر تنها هيدن نجيب افند بنك * باغباني طبع
وقاد ايله طرح آراي حديد يقه تلافيق و تنظيم * ونهاد
سر شيشه نقيق و تميم قيلد يغي اش-بو-كلا-سنة اثر
معتبرك طبع و تمثيلنه داعيان دوات عليه دن مصحح
تقويم وقايع سنیه * جمال افند بنك بولد يغي تاريخ-در
﴿ هو المعين ﴾

طالب علم و معارف مظهر فيض جليل
اول اريب پر-ه-نر يعني نجيب بي-ثيل

سجده نك شرحي تكميل ايلدي بالطف حق
حفظني صبيان نه تسهيل ايليه رب جميل

چيقدي باعون خدا تاريخ طبعي اي جمال ۱۲۵۶

سجده شرحي بك عياندر طبع اولندي بيعدیل

﴿ مطبعة عامر ده طبع اولمشدر ﴾

فی ۲۱ محرم الحرام سنه ۱۲۹۱



OHIO STATE
UNIVERSITY
LIBRARIES

stx
BP161
M446
1874